



საშუალონიშნობა 2017

მასწავლებელი

მასწავლებელთა პროფესიული განვითარების ეროვნული ცენტრის გამოცემა

ჟურნალი „მასწავლებელი“ საქართველოს ყველა სკოლაში უფასოდ რეგდება და ხელმისაწვდომია თითოეული მასწავლებლისათვის.

პროფესიული ჟურნალი „მასწავლებელი“ გამოდის ორ თვეში ერთხელ.

მთავარი რედაქტორი:
ნატო ინგოროყვა

რედაქტორები:
მანანა ბოჭორიშვილი,
ნანა მაჭავარიანი

რედაქციის წევრები:
გიორგი მანაბელი,
მანანა რატიანი,
მარიკა სიხარულიძე,
ნათია ნაცვლიშვილი

სტილისტი:
ირმა ტაველიძე

დიზაინი:
ბესიკ დანელია

კორექტორი:
ქეთევან ნიკოლეიშვილი

ნომერზე მუშაობდნენ:
ეკა ქევანიშვილი, ზურა აბაშიძე,
ლევან ლორია,
თორნიკე ჭელიძე,
დიანა ანფიმიადი,
ინა არჩუაშვილი, ლუკა ბაქანიძე,
მიშა ბახსოლიანი,
ნათია როსტიაშვილი,
ცოტნე ცხვედიანი,
ბესო ხვედელიძე

საკონტაქტო ინფორმაცია:
მასწავლებელთა პროფესიული განვითარების ეროვნული ცენტრი.
მისამართი:
თბილისი, გმირ კურსანთთა ქ. 1,
ელ. ფოსტა: info@tpdc.ge

ჟურნალში გამოყენებულია შრიფტი: FuturaBook Geo. ავტორი: ვიკი კრტიანიძე. ყველა უფლება ეკუთვნის ავტორს.
ჟურნალში გამოქვეყნებულ პუბლიკაციებში გამოთქმული ზოგიერთი მოსაზრება, შესაძლოა, არ ემთხვეოდეს მასწავლებელთა პროფესიული განვითარების ეროვნული ცენტრისა და „მასწავლებლის“ რედაქციის მიერ დადგენილ პოლიტიკებს. ცალკეულ სტატიაში დასახელებული ფაქტების უცვლარობაზე პასუხისმგებელია სტატიის ავტორი.

ISSN 1987-6149 UDC 371.1
8-374

WWW.TPDC.GE



ნატო ინგოროყვა

მასწავლებელთა პროფესიული განვითარების ეროვნული ცენტრის საინფორმაციო საგანმანათლებლო რესურსების, ჟურნალ „მასწავლებლის“ და ინტერნეტგვერდზე „mastsavlebeli.ge“ ფარგლებში, ქართველი მწერლებისთვის ლიტერატურული კონკურსი: „საუკეთესო მოთხრობა მასწავლებელზე“ გამოაცხადა.

კონკურსის მიზანია, მასწავლებლის პროფესიის პროფესიონალიზაცია და მხარდაჭერა.

კონკურსის ფარგლებში, სპეციალური ჟიურის მიერ, რომლის შემადგენლობაში შედიოდნენ: ლევან ბერძენიშვილი – ლიტერატურათმცოდნე, ლიტერატურის კრიტიკოსი; ზვიად კვარაცხელია – მწერალი,

გამომცემლობა „ინტელექტის“ მთავარი რედაქტორი; დავით გაბუნია – მწერალი, მწერლის სახლის წარმომადგენელი; მარიამ კორინთელი – ლიტერატურათმცოდნე, გამომცემლობა „წიგნები ბათუმში“, დამაარსებელი; ნესტან კვინიკაძე – მწერალი, ტელეკომპანია „რუსთვი 2“-ის ლიტერატურული გადაცემის წამყვანი და პროდიუსერი.

ჟიურიმ განიხილა შემოსული 62 საკონკურსო მოთხრობა და თითოეულმა წევრმა შეაფასა შეფასების კრიტერიუმების მიხედვით. კონკურსის მხარდაჭერის მიზნით, ლიტერატურის კრიტიკოსისა და მწერლის სახლის მიერ დაჯილდოვდა შემოსული მოთხრობები (I, II, III ადგილი) და დაჯილდოვდა შემოსული მოთხრობები.

გამარჯვებულები დაჯილდოვდნენ მასწავლებლის საერთაშორისო დღისადმი მიძღვნილი კვირეულის მიმდინარეობისას, საზეიმო მიღებაზე და ფულად პრემიასთან ერთად საჩუქრად გადაეცათ მასწავლებელთა პროფესიული განვითარების ეროვნული ცენტრის საჩუქარი პერსონალური პორტატიული კომპიუტერები.

კონკურსის მხარდაჭერის მიზნით დაჯილდოვდა მთელი ლიტერატურული ცენტრი. კონკურსის პარტნიორებს: გამომცემლობა „ინტელექტის“, გამომცემლობა „წიგნები ბათუმში“, „პროფესიონალ ქიმიკოსთა ასოციაციას“ და ჟიურის წევრებს.

ევან ქვეპანიშვილი

3 | მე არ ვარ, მასწ!

ფურაბ აბაშიძე

8 | საშტატო ერთეულები

ღივან ღორია

12 | კურუმ, კურუმ...

თორნიკე ჭვინძე

22 | ჭავჭავაძის დღიური

ღიანა ანჭოიძე

29 | კავშირი

ონა არქუაშვილი

34 | დედუკა ბეჭედი

ღვკაბაძენიძე

42 | ისროდნენ, მასწ!

მიშა ბახსორიანი

45 | ჭანთულის მასწავლებელი

ნათია როსტიაშვილი

48 | ჩემი საქმე წასულია, მარჯს

ცოტეა ცხვერიანი

56 | სხენების გაშვება

ბასო სვეტიცხოველი

61 | დიდუბის ტყე

მე არ ვარ, მასწ!

მოდით და ხელს დილის წვიმისგან ვერ კიდევ სველ ზამბახებს აყოლებდა. ზამბახები მორიგეობით იზნიქებოდნენ წელში და ისევ სწორდებოდნენ, შერჩენილ წვეთებს იბერტყავდნენ. ხუთი წლის წინ დარგო ისინი გეგეს ქეთომ. ქეთო ეუბნებოდა, როცა სკოლაში ამ გზით წახვალ, მათი მელნისფერი სინათლე გაგაცილებსო. გეგეს ეცინებოდა, მელნისფერი სინათლე რაღააო. ქეთოსთვის ბებია არასდროს დაუძახია. გეგეს ქეთო იმ წელს მოკვდა, როცა ზამბახები პირველად აყვავდნენ - ხალიჩა ჩაიტანა მდინარეზე გასარეცხად, ფეხი დაუცდა და თავი ქვას დაარტყა - იქვე მოცურავე გეგეს ჩააკვდა ხელში. იმ დღის მერე გეგემაც დაივიწყა მდინარის გზა. გეგეს ქეთოს გეგესი უსიტყვოდ ესმოდა. როცა გეგემ პირველად დედამისის შარფი მოიხვია ყელზე და დედამისის მაღალ ქუსლებზე შედგა, ქეთო კარის ღრეჭოდან უყურებდა. მერე სამალავიდან გამოვიდა და მის გვერდით დადგა, სარკის წინ. გეგეს რომ სახე აელეწა და გაქცევა დააპირა, ხელები შემოხვია და გულში ჩაიკრა. ჩუ, უთხრა. ჩუ. ადამიანები ვართ. ჩუ. გეგე სად არისო და, გეგეს ქეთოს ეცოდინებოდა. გეგე თუ მოგვემარებო და, ეგ გეგეს ქეთოს ჰკითხებოდა. არ მოკვდო, ბოლოს რომ უყვირა. მაშინაც ასე უპასუხა, ჩუ. ჩუ. ადამიანები ვართო.

მოდით და გეგე სკოლაში ზამბახების მელნისფერი სინათლის გავლით და სძულდა მთელი კლასი. სძულდა ლუბა დამრიგებელიც. თავისი თამბაქოსფერი ბერეტიო.

ღუბა

35 წელია ქალი ვასწავლი და, ასეთი არავისთვის არაფერი შემიმჩნევია. არა, ქალაჩუნები როგორ არა ყოფილან სკოლაში, მაგას რა

დამავიწყებს, დედააა. სულ რომ დედამათების კალთას გამოკერებულები დადიოდნენ და მეგობრობითაც ბიჭებისკენ არ იხედებოდნენ, სულ მაგათი ზღუქუნი ისმოდა სკოლაში და მაგათი წვინტლების მოწმენდაში ვიყავი. თან როგორ მეზიზღებოდა! 25 წლისა მივედი პირველად სკოლაში და უცებ ამდენი ბავშვი, რა გასაკვირია. მაგრამ წლები რომ გავიდა და ეს ვითომ ქალაჩუნები მოვიდნენ დაბერილი ღიპებით და ცოლ-შვილებით, ლუბა მასწავლებლო, ხელში ატაცებებით და პატივისცემებით... ერთმა ისეთი შარფი მაჩუქა, ქაშშირის! მაშინ კი მიხაროდა. და ეს. ეს რაღაც სხვა შემთხვევაა. მოვა, დაჯდება ისე, თითქოს სიპ ქვანე იჯდეს და ზის. თმასაც ისე გადაიწვეს ხოლმე, ჰაეროვნად, ქალივით. თან ამ ბოლო დროს რაღაც საეჭვოდ ჩამოეზარდა შუბლზე. არ იჭრის. დირექტორმა დაიბარა, უთხრა და არ იჭრის მაინც. გულში ათასნაირი აზრი გამკრავს ხოლმე. იმნაირი ხომ არ არისო, იმ დღეს ანეტამაც ეგ მითხრა. ისე, კი სწავლობს რაც უყვარს. შეძრება ხოლმე ქიმიის ამოცანებში და თავს ვერ ააწვეინებ. რეაქციები აინტერესებს. რა რას ერევა და შერევისგან რა მიიღება. გეგეე, გეგეე, ვეძახი, ის კიდევ გამალებული წერს. რას ეტყვი. მამამისი დიდი კაცია. გვიყიდის და გაგვიყიდის. ვერც ეტყვი რამეს, ვერც ჰკითხავ. ვაი, და, სახლში მიიტანოს ენა. არადა, ამკარაა, რაღაცა ვერა აქვს წესრიგში. ანეტას პირზე რა დააკავდება და იმ დღეს ამბავი მოიტანა, სოფლის ბოლოში რომ ძველი სახერხია, იქ შენიშნეს უცხო მანქანასთან იდგაო და მერე მამამისი მივარდნილა საიდანღაც. რას აკეთებდა ნეტა იმ მანქანაში თუ მანქანასთან. არ მინდა რამე ვიფიქრო, მაგრამ ფიქრს რომ ვიწყებ, გული მერევა და სულ მინდა მწარედ შემოვარტყა. მაგრამ ამ შემორტყმასაც მიზეზი ხომ უნდა ჰქონდეს. კლასში არაფერს აშავებს. მარტო ზის და იყურება სადღაც. ან შენ გაკვირდება. ჰკითხავ რამეს.

თითქოს ხანგრძლივი ძილ-ბურანიდან გამოერკვაო, მაგრამ მაინც გასასუბობს. ისე კი, 13 წლის ბიჭის პირობაზე, ჭკვიანზე მეტიცაა. აი, ალექოზე ჭკვიანიცაა, დემნაზეც, ირინაზეც. მაგათ ყველა ოლიმპი-ადა მოიგეს, ეს კიდევ, არსადაც არ გადის. დედამისი რასა ფიქრობს ნეტა, დედამისი. ყოველდღე ახალი კაბით რომ გამოდის სახლიდან. დღეს გამოვკითხავ ერთი გაკვეთილს. თბრობის დროსაც უცნა-ურად წელავს სიტყვებს. არა, მგონი, არც არაფერი მეჩვენება.

გეგე

მამაჩემმა მითხრა, შეშა დაჩენე, კუნთები გაგიმარდება, ბიჭო. უჩა-საც კი შეუძლია დაჩენოს, სულ ეგ აკეთებს სახლის საქმეებს, მაგრამ მამაჩემმა მაინც ეგრე მითხრა. მე ვუთხარი, ტყუილად რატო და-ჩენო, სანამ მე ერთ კუნძს გავაპობ, უჩა ერთი კვირისას დაჩენავს. გაბრაზდა. როცა გაბრაზდება ხოლმე, გვერდზე გადაფურთხება იცის. ვიცი, მაგას რა უნდა. მაგას უნდა მე ვიყო ვაჟკაცი. მაგას უნდა, მე მაგარი გამოსაჩენი შვილი ვყავდე და რვა შვილიშვილი გაეფურ-ნო. ეგრე უნდა. თვითონ მე და ჩემი და ჰყავს მარტო. და ჩემგან უნდა გვარის გადარჩენა და გავრძელება. უჩას გააგრძელებინოს. ყველამ იცის, რომ უჩა მაგისია. ოღონდ დედაჩემისგან არა. ისე, კი ვიცი, რომ ხანდახან კაცური საქმეები უნდა ვაკეთო. მაგრამ დედაჩემთან მიჯდომი მიყვარს ხოლმე უფრო, თუ სახლშია და ხანდახან მურაბას ადულებს ან რამე. დედაჩემმა მითხრა, რა კაცის საქმეა მურაბის მოდულება. მიდი, მამაშენს მოეხმარე, მოაჯირები შელეზე. შენი დაც მყოფნის. გაყო უცებ – კაცის და ქალის საქმე და მე კიდევ, ისე მინდოდა მისი ფერადი ძაფებით სასვე კალათასთან მივმჯდარიყა-ვი და რამე მომექსოვა. დედაჩემი როცა ქსოვს, მე მთბილა. მაგრამ ყოველთვის, როცა მის ნივთებს ხელს ვკიდებ, დედაჩემი ამბობს, საქმეს მიხედვ, გეგე. და საქმის ძებნას ვიწყებ, მაგრამ ის საქმე საჩემო არ არის. გეგეს რომ დამიძახებს ხოლმე, ეგეც არ მომწონს. ქალებს უფრო ლამაზი სახელები ჰქვიათ. მე მარია მომწონს.

ეგ არ იზამს. ტყუპებმა თქვეს. ფუფლოა რა. ტრაწიანი. ირინამაც თქვა, დემნამაც გაიძეო. არ წამოვა მაგაზე. შეეშვით. რო ჩავვიშვას? ვინა, მაგან? საიდან მაგდენი გამბედაობა. ჩვენით ვქნათ. წებოს მოტანა ისა-კაძეს დაავალეს. დიდ დასვენებაზე სკამი კარგად გაუღინთეს და ლუბას შემოსვლას დაელოდნენ. ლუბას ის ლურჯი კაბა ეცვა, სამშაბათობით რომ იცვამდა, როცა კერძო გაკვეთილები ჰქონდა მეორე სოფელში. ალექო ამბობდა, იქ ნაღდად ვიდაც ყავსო, იქო. და ხორხოცებდნენ. ლუბას ილიაში უფრნალი ჰქონდა ამოჩრილი. თითებში ცარცს ატრი-ალებდა. მშვიდად დაჯდა. თავისი თამბაქოსფერი ბერეტი, ზამთარ-ზაფხულ რომ ეხურა, მაგიდაზე დადო და უფრნალი გადაშალა.

აბესაძე!

ვარ, ლუბა მასწ.

ბათიაშვილი!

აქ ვარ. დაძაბულები მისჩერებოდნენ სკამს და ლუბას უკანალს. ლუბა არ ინძრეოდა. სიის კითხვას განაგრძობდა.

ქორიძე გეგევე. გააგრძელა ბოლოში.

გეგემ თავი აწია და თვალბში შეხედა.

ვარ, მასწ. უთხრა.

ლუბა ცოტა ხანს მიაშტერდა, მერე დაფისკენ შეტრიალდა და, ირინა, გამიწმინდე. თქვა. და ადგომა დააპირა. მაგრამ ვერ ადგა. სკამიდან წაბარბაცდა და ლურჯი კაბა ჩამოეწეწა. ლუბა გაწით-ლდა. რატომღაც ისევე გეგესკენ იყურებოდა. გეგემ კი, რა ლამაზია თქვენი კაბა, მასწ. უცებ წამოაყრანტალა. და აი, მაშინ იყვირა. ყველანი წამოცვიდნენ და გარეთ გავარდნენ. მარტო გეგე იჯდა თავის ადგილას და ლუბას უსმენდა. ლუბა კი კიოდა.

ბაჩია

მომწონს ჩემი ახალი სახელი. ჯერ არავინ მეძახის, მაგრამ მერე რა. პარასკევიც მიყვარს, როცა ესენი ლამის ბაზარში მიდიან. ვიცი, სად უდევს დედაჩემს აცეტონი და ფრთხილების ლაქი. ორსაათიანი ბედ-ნიერება. წავისმევე ხოლმე და თვალბთან ვიტრიალებ ხელებს. მერე მეც ვტრიალებ სარკესთან. ჩემი დის შაბიამისფერი კაბაც მომწონს. ცოტა გრძელია, მე მოკლეები მიჩვენია, და თეთრი გეტრები. ფეხები ლამაზი მაქვს. ცოტა დიდი ცხვირი მაქვს, მაგრამ მაგას ეშველება. შარვი ვითომ გრძელი თმაა. ვარდისფერი მექნებოდა. ეგრევე ვარდისფერი მექნება, როცა მექნება. თუ მექნება. ლიფის ალების მეშინია. ვაითუ, ვერ გავიხსნა და შევიკრა დროულად. თან ჩემ დას დიდი ძუძუები აქვს და მე რა, ბრტყელი ვარ. მარია. მარია. ვბრუნავ, ვტრიალებ. ვიმეორებ ჩუმად. ვბრუნავ. ვტრიალებ. გონებაში დიდ, კრემიან ტორტებს ვერთავ და ვაფორმებ. კონდიტერი შემიძლია გამო-ვიდე და თუ რამე, ამით ვირჩინო თავი. ხანდახან ჩემი დის ბიკინებსაც ვიკმევ. მაგრამ ჩემს ტრუსიკზე, ზემოდან. ისე - მრცხენია. თან სულ იმ დღეზე ვფიქრობ, „ის“ რომ სახერხთან დავინახე. თითქოს ყველა-ფერს მიხვდა. მაგრამ მე არ ჩაფხეკი, მაშინ შემეშინდა. თუ კიდევ მოვა, შეიძლება წავყვე. აქ მაინც რალაცნაირად მიყურებენ. ალბათ, ხვდე-ბიან. „იმან“ მითხრა. რა ლამაზი ხარ, გოგო. არადა, გეგეს შარვალი მეცვა. გეგეს ბოტასები. გეგე ვიყავი. „იმან“ კი, გოგოო. მიცნო.

ლუბა

ამის გაკეთებული არ იქნებოდა, ზედ ეწერა, მაგრამ ჯავრი მაინც გეგეზე ვიყარე. არავინ დაასახელა. ერთი გვარი არ წამოსცდა, ვინ ქნა. შე გარყვნილო, ვუყვიროდი, შე ქათამო. შე უკუღმართო. რაც პირზე მადგებოდა. მარტოები ვიყავით, მერე ფიზიკის მასწავლებელი შემოვიდა. გეგე წამოხტა და გაიქცა. ემოციაც ვერ გამოხატა კაცუ-რად, ეგრევე წირავლა დაიწყო. აბა, ალექოს და დემნას ცრემლს ვერ

გადმოადგებინებ და ეს კიდევ. კაბა მოისპო. იმ დღეს გაკვეთილიც ჩამივარდა. მაგას კი აღვადგენ, არა უშავს და ფულსაც გადამიხდინა. კაბას რა ეშველება თორე. სულ სამი წესიერი კაბა მაქვს. უნდა დავსაჯო ესენი. 35 წელია ვასწავლი და ასეთი რამე არავის გაუბედავს. მაგრამ ამას რა ეშველება. რა. დედამისს რომ დავვლაპარაკო? გუშინაც, დავხედე, ხატავს რაღაცას. ტორტებს ხატავს. ბიჭი და ტორტებს ხატავდეს და ზედ ასვამს ვარდებს და ბუღბუღებს. ნიკომაც თქვა, უცხო მანქანებს უჩერდება სოფლის გზაზე. მოშორებით. დედამისს ხომ არ დავვლაპარაკო. ეკლესიაში წაიყვანს, ექიმთან წაიყვანს. რამეს უმკურნალებს. აბა, ტორტები როდემდე უნდა ხატოს. მე მოვალე ვარ ვუთხრა. მაგას თუ უშველიან, ახლა უშველიან. თუ იმნაირად ჩამოყალიბდა, რაღა ეშველება. ნეტა, დედამისის თავეში ჩამახედა. მამამისის მაინც მეშინია. სამსახური არ დამაკარგინოს. დედამისის ბრალი იქნება ისედაც. მაგას გამოეპარებოდა ეს ამბავი.

გეგე

ტელევიზორში ფილმი არჩვენს. მამაჩემმა შუაში გამორთო. მოვასწარი დამენახა, სარკის წინ როგორ ირთვებოდა მთავარი გმირი და გამაჟრჟოლა. ღამის პეპელა ერქვა ზედმეტსახელად. ჯერ პომადა წაისვა, მერე პარკი დაიხურა. ტყავის ქვედაბოლოს რომ ირგებდა, გამორთო. გარყვნილები. თქვენი დედაც... და გამორთო. ჩემმა დამ სულელივით სიცილი დაიწყო. კაცი ქალის კაბას რატო იცვამდა? თან ცხრაჯერ იკითხა. დედაჩემმა ჯერ წაუყრუა. მერე – ავადაა, დედიკო, ეგ ბიჭი, უპასუხა. უჩა რას იტყოდა, არ ვიცი, საღამოობით არც მოდის ხოლმე. თავის ფარდულში რჩება, გარეთ. აქ მირჩევიან-აო. მე მგონი, დედაჩემი არ უშვებს ბოლომდე. იყავი, მაგრამ შენი ადგილი იცოდე. ერთხელ უთხრა.

ჩართე რა. თითქოს მე კი არა, ვიღაც სხვამ მოითხოვა. მამაჩემმა თავი სწრაფად მოატრიალა ჩემკენ.


რაში გაინტერესებს?

დაძაბული მომენტი იყო. ვუთხარი. მეტი ვერაფერი მოვიფიქრე.

დაძაბული მომენტი კი არა, გარყვნილებას არჩვენებენ ასე საქვეყნოდ. ხმას აუწია. ჩემმა შვილმა რომ ეს ქნას, თავს მოვაჭრი.

ჩემი მოჭრილი თავი წარმოვიდგინე და გავჩერდი. მამაჩემი გავლენიანი კაცია. ასე ამბობენ. ჩემზეც აქვს გავლენა - გავჩერდი. ჯერ მე თვითონაც ვერ გამიგია რა ხდება ჩემ თავს. იქნებ მართალია. უჩას რომ ვკითხო, მაგრამ დამცინებს ალბათ. მაგრამ რატომ მინდა ხოლმე ხელეზზე დედაჩემის სურნელოვანი ხელის კრემი შევიზილო. რატომ ვფიქრობ ამდენს „იმავე“?

ლუბას ეჩქარებოდა. მოკლე გზით წასვლა გადაწყვიტა. თუ დამატებით ვაკვეთილებს არ ჩაატარებდა, თავისი ხელფასი არაფერზე



ეყოფოდა. ვერც ფულს შეუგზავნიდა დათოს ციხეში. ეგ ერთი ჰყავდა. შვიდი წელია, რაც იჯდა. ამიტომ, კერძოდ დადიოდა. მოედანი გადაჭრა, საქარე ზოლს მიუახლოვდა და ის იყო, გზაზე უნდა დამღვარიყო რომ ავტობუსს დალოდებოდა, ასაწევად გამზადებული ხელი გაუმეშდა - გეგე დაინახა. არა. ჯერ მანქანა დაინახა და მერე გეგე მანქანაში. მერე სხვაც დაინახა. ხელებით ლაპარაკობდნენ. მერე იმ სხვამ გეგეს სახე მიუახლოვა და. ლუბა ხეს ამოეფარა. ათი წუთი უყურა, თან აინტერესებდა. ბოლომდე უყურა. შუბლი დაუსველდა. მერე მიმართულა შეცვალა და გეგეს სახლისკენ აიღო გეგი. უკვე მეორედ აცდენდა კერძო გაკვეთილს თავისი მიზნით. გულში დააკონკრეტა - გეგეს მიზნით.

მანია

ეზოში, გრძელ სკამზე ისხდნენ, როცა დავბრუნდი. ჯიბეში ნაჩუქარი სამაჯური მედო. „იმას“ უკვე ოთხჯერ შევხვდი. იცის, როგორ გამაგებინოს, რომ აქაა. ჩვენი ენა გვაქვს - უსიტყვო. ბაზრის დღეებში ბევრი მანქანა ირევა, ამიტომ შეხვედრა უფრო ადვილია. მთავარია, მე ვხედავდე, როგორ ჩერდება კონკრეტულ ადგილას ხუთი წუთით და მერე „იქ“ მიდის. მერე მეც მივდივარ. აქაური არ არის. დამპირდა, რომ ორ წელში თან წამიყვანს.

რამე მოხდა? სხვისი ხმა ამომივიდა ყელიდან. უკვე ვიცოდი, რომ იცოდნენ.

რა მოხდა კი არა. უცებ წამოხტა მამაჩემი, მხრებში მწვდა და მიწაზე დამავლო. შე მართლა ნაბიჭვარო. ჭარხალივით წითელი იყო. მახრჩობდა და ჭარხალზე ვფიქრობდი.

მოკლავ ვერე. მოკლავ. ეყოფა. ჩაკეტილი ცოტა ხანი. მე დავეღალაპარაკები. დედაჩემიც უხეშად მოიშორა. აქამდე არასდროს გაუწევია მასზე. მეზობლები გვიყურებენ, ხმა გადის, სირცხვილია. ხალხი რას იტყვის. ჩუმად უყვიროდა -მოგუდული ხმით. წამომაცენა და ძალით შემეგლო ჩემს ოთახში.

გაგიჟდი? სულ გაგიჟდი? ეს როგორ გააკეთე? მთელი სოფლის დასახლად. თავში როგორ მოგივიდა? რაზე ფიქრობდი? ხვალ მამაოსთან წავიდეთ. არა, ხვალ კი არა, ჯერ აქ ეგდე. და მერე წავიდეთ. აქედან ფეხი არ გამოადგა. რა დაგაკელით? მოკვდება მამაშენი.

ხელით სამაჯურს ვაწვალეხი. ვინ დამინახა? ვფიქრობდი.

ღუბა

სკოლაში იმ ამბიდან მეტუთე დღეს მოვიდა. თავის ადგილას კი დაჯდა, მაგრამ მაგის გვერდით სკამი მაშინვე გათავისუფლდა. აღარავის მოუნდა მასთან დაჯდომა. აქ არაფერი დაიმალეხა. მე კი ვუთხარი დედამის, რაც ვნახე, მაგრამ ანეტასთვის და სხვა ენაჭარტალებისთვის არ მითქვამს და საიდან გაიგეს, არ ვიცი. ალაგ-ალაგ ფხუკუნი დაიწყეს.

გეგეს გვერდით ადგილი რატომ არის ცარიელი? ვითომ სხვათაშორის ვიკითხე.

მაგის გვერდზე რა მინდა. ჩაილაპარაკა აბესაძემ. სასტიკი ხმა ჰქონდა.

გეგე არავის უყურებდა. გაკვეთილების მერე დავეღალაპარაკები. ალბათ, ძალიან დასაჯეს. მაგრამ მოვალე ვიყავი, მეთქვა. გაკვეთილი ავხსენი. გეგე ისევ არავის უყურებდა. ზარი რომ დაირეკა, უკანა მერხიდან ორად გაკეცილი ფურცელი ესროლეს. ყველა მას მისჩერებოდა. გეგე კი არავის უყურებდა. ფურცელი არც გაუხსნია. არ უნახავს რა ეწერა. ადგა და კლასიდან გავიდა. ხომ არ შეეცდი. გავიფიქრე. ბავშვები ხორხორებდნენ. უცებ ჩემი დათვა გამახსენდა. სკოლაში რომ მიძახეს, უკანონო. უკანონო. შემინებული რომ მოვარდა და მთხოვდა ამეხსნა, რატომ ეძახდნენ ასე. მაშინ დირექტორი ჩავრე და ვინ არ და მავით დამთავრდა, მაგრამ მაინც მწარედ მახსოვს ეგ დღე. დათვა რომ გეგესნაირი ყოფილიყო? რას ვიზამდი? უარესი არ ქნა? კაცი მოკლა. გეყოფათ – უცებ ვიყვირე. აბესაძე! მომიტანე ის ფურცელი! დროზე! კარგით რა, მასწ. მერხიდან აიზღაზნა. ვერ ხედავთ, რა ქნა? უხალისოდ მომეწოდა. „ქეთინო“ – ეწერა. ხომ არ შეეცდი. ისევ გავიფიქრე.

გეგე

ქეთო მაინც იყოს ცოცხალი. ეს დამპალი ლუბა. უჩამ მითხრა, რომ ეგ იყო მოსული. წითელთმიანი ია რომ გადმოვიდა ჩვენს კლასში იმას ვერ იტანდა სამი თვე და მე როგორ ამიტანდა. სისხლს უშრობდა. სანამ იას დედა არ მოვიდა, ისიც თავისი შვილივით უღალთმიანი და მაგიდაზე მუშტი არ დაურტყა, არ გაჩერდა. მაგრამ ჩემები ეგეთები

არ არიან. მუშტს მე თუ დამარტყამენ. მაგრამ ლუბას მაგიდას არა. თითქოს მე მინდოდა. თითქოს ჩემით გადავწყვიტე რამე. აღარ მივალ სკოლაში. არც ხვალ და არც მერე. 14 წლის გავხდები სამ დღეში და საერთოდაც გავიქცევი. სად, შენ საცოდავო, სად? დედაჩემმა თქვა. წამომცდა და ვუთხარი. იცი, რომ არ გაცოცხლებენ? შენ გაქცევა კი არა, მკურნალობა გინდა! მკურნალობა არ მინდა, დედა. სიყვარული მინდა. ქეთო მინდა. მეზობლები უფრო ხშირად შემოდოდნენ. ახლა გამოელია ყველას ფქვილი და მარილი და ზოგმა წყალი აავსო და ზოგმა შესასვენებლად შემოიარა. თვალს ჩემი ფანჯრებისკენ აპარებდნენ. სოფელი ფუთფუთებდა. ყველამ რომ იცოდა, ისეთი საიდუმლოს ქონით ღელავდა. ვიცოდი, ყველას პირზე ვეკერე.

პირველად შემეშინდა ხალხის.

ბაჩია

„ის“ მომენატრა. ჯერჯერობით ერთადერთია, ვინც სინამდვილეში იცის ვინ ვარ და რა მინდა. არ გამოჩენილა. ხმა სოფელში უცებ გავარდება ხოლმე, ქვეწარმავალივით სწრაფად მიცოცავს. ალბათ, გაიგო. როცა აქედან წავალ, პირველივე დღეს თეთრეულის მალაზი-აში შევალ და სალათისფერ ბიკინებს ვიყიდი. კიდევ, ვერცხლიფერი ტოპები მომწონს. ჭიპს რომ ოდნავ ფარავს. მზეზე ისე ბრწყინავს. თმას გავიზრდი და ცალ მხარეს ავიპარსავ. და მერე ვარდისფერად შევიღებავ. არავინ გეგეს აღარ დამიძახებს და საერთოდაც, ისეთ ადგილას, წავალ, სადაც არავინ იქნება ნაცნობი. თუ დედას მოუნდება, ჩამოვალ ხოლმე და ვნახავ. მაშინვე, ალბათ, არასოდეს მოუნდება. თუ ფული მოვაგროვე, პატარა საკონდიტროს გავხსნი. მარია ერქმევა. საკონდიტრო „მარია“. კარგად უღერს მგონი.

ათამდე ადამიანი მიიწევდა გეგეს სახლისკენ. ასე პანაშვიდებზე დადიან ხოლმე სოფელში. ვილაც ერთი წინ, გვირგვინით ხელში და დანარჩენები ჯგუფ-ჯგუფად. ეს უგვირგვინო ჯგუფი იყო. რალაც საერთო გადაწყვეტილებით მოდიოდნენ. მტკიცე სახეებით. წინ მამო მოუძოდნენ. ჭიშკართან შეჩერდნენ. დაიძახეს. ჯერ ხმადაბლა. მერე ისევ. ეზოს სკამზე ყველა ვერ დაეგია. სახლიდან გამოუტანეს. მამოს სავარძელი მიართვეს. მან დაიწყო. გეგე ფარდის უკან იდგა. სიტყვები გაფანტულად ესმოდა. კი მამაო, დიახ, მამაო. ვცდილობთ, მამაო. გვინდა, მამაო. დაუძახეთ. გეგე, ძირს ჩამოდი. არ ჩამოვალო? ჩამოვართვ მე მაგის... ბოდში, მამაო. ახლავე. მე ავალო. ააცილეს. მერე მამოს ხელი გეგეს თავზე ედო და დიდხანს ბუტბუტებდა. გეგეს სიტყვები არ ესმოდა, მხოლოდ ხელს გრძნობდა და ზუზუნს ყურებში.

საკუთარი თავი გამოულოცა.

გეგე

აქედან უნდა გადავიდეთ, დედამ უთხრა. სირცხვილი და თავის მოჭრა იქნება აქ ცხოვრება. უნდა ავიყაროთ და გავვიდეთ ეს სახლიც და

გადავიდეთ. კიდევ მოვლენ, უთხრა. შემდეგზე უფრო მეტნი იქნებიან. სკოლაშიც არ დადის. იმ დღეებში არც მამაჩემი გასულა სახლიდან. არც სხვა ვინმე. პირველად ხდებოდა, როცა ქიშკარიც არ გაღებულა. ყველანი სახლში ვიყავით და ჩურჩულით ვლაპარაკობდით. უჩა თავს მარილებდა. ჩემმა დამ გახუმრება სცადა და თავისი კაბა მომადლო ტანზე, ვითომ მომზომა. უხეირო ხუმრობა იყო. არ გაგვეცინა. სუფრასთან არ დავინახო, მამაჩემმა თქვა. არავინ არაფერს მეკითხებოდა. ერთი კითხვაც არ დაუსვამთ. ბავშვია, დედაჩემმა უთხრა. გაუვლის. ბავშვია, ხომ არ უნდა მოვკლათ ამის გამო.

მოვკლავ. თქვა მამაჩემმა.

ღუბა

რამ ჩამართვევინა ის ფილმი. მაგრამ გამორთვით კი ვეღარ გამოვრთე. ანეტამ დარეკა, მოვალო. თავის ტკივილი მოვიმიზებე. ხანდახან მართო ყოფნაზე მეტად არაფერი მიყვარს. და ჩემთვის კინოს ყურება. თან, რაც დათო არ არის, მივეჩვიე კიდევ მართო. ანეტა თუ მოვიდა, დაჯდება და ლაპარაკობს, ლაპარაკობს. მე მალე ვიღლები და ეგ არასოდეს. ვიცი, ახლაც გეგებე სალაპარაკოდ უნდოდა მოსვლა. დაიწყეთ. ეს ბიჭი, გმირი, ჩვეულებრივი ბიჭი იყო, სიგარეტს ეწეოდა, ჩხუბობდა, წვერიც კი ჰქონდა. მაგრამ ღამე სხვა ადამიანად იქცეოდა ხოლმე. ღამის პეპელას ეძახდნენ. მოკლედ, მსუბუქად იქცეოდა. მაგრამ საწყალი კი იყო, ყველა მაგას სცემდა და ლანძღავდა. დედამის ამ ამბავს უმაღლავდა, გაგიჟებოდა. დედამისი კიდევ გოგოებს ურჩევს, რძალი უნდა, შვილიშვილი უნდა. ბოლოს, ერთ ღამით კლავენ. და ისე ჩაცმულს მიუყვანენ დედამის და ის იძახის, ეს ჩემი შვილი არ არისო. და სადღაც გარბის. ეგრე მთავრდება. თითქოს, არც არავინ მარხავს. თვალეები დავისიე ტირილით. ისევ ვფიქრობდი, რამე ხომ არ შემეშალა, გეგებე. ეგებ ამ დღეებში მოვიდეს სკოლაში და დაველაპარაკებო.

მართო დავისვამ და ისე.

აბესაძე!

ვარ, ლუბა მასწ.

ბათიაშვილი!

აქ ვარ.

ყველამ შეატყო, რომ ლუბა გაკვეთილზე არ იყო. მექანიკურად კითხულობდა სიას.

გეგემდე მივიდა.

ქორიძე. თქვა.

ეგ დღესაც არ არის, მასწ.

მაგან აქ ფეხი როგორღა უნდა მოადგას, მასწ.

ფზუკუნი ატყდა.

ლუბამ ჟურნალი დახურა და კლასს შეხედა. ყველას ერთად.

20 წყვილი თვალი უყურებდა მოლოდინით. გეგე უნდა დავაბრუნოთ. უცებ თქვა. საშინლად მოვიქეცი. საშინლად მოვიქეცი.

საშინლად ის მოიქცა. რატომ იცავთ, მასწ. სიჩუმეში უცებ დემნას ხმა გაისმა. ხო, ის. მამაჩემმა თქვა, რომ ყველას გაგვრყენის. ირინა აყვა. ხო, თვითონ ბიჭია და გოგოობა მოუნდა. თვითონაა ეგეთი. თქვენ, მასწ, კარგად მოიქეცი, უარესის ღირსი იყო. აქ არ შემოვუშვებთ. წათერიოს. და ალექო და ტყუპები და აბესაძე და ბათიაშვილი და ყველა ერთად აყაყანდა. ლუბა წამოხტა, თავის თამბაქოსფერ ბერეტს ხელი დასტაცა და კლასიდან გავარდა. არასოდეს, არავის უნახავს ის ასეთი. მტირალიც ერთხელ ნახეს, როცა შვილი ციხეში ჩასვეს. მიდიოდა და ლუბების მთელი ჯარი მიყვებოდა გვერდით. ყველა რაღაცას ურჩევდა. ზოგი, ისევ ძველი ლუბას აზრზე იყო, ზოგი ნანობდა, ზოგს გეგეს სურვილების ამოხსნა სურდა. ერთი ლუბა მხოლოდ იმას ამბობდა, რომ მილიარდობით ადამიანში ყველა ისეთია, როგორც არის და იმ ლუბას ამ აზრამდე მისვლაში ალაგ-ალაგ წაკითხულ-გავონილ-ნანახი ეხმარებოდა. იყვნენ ისეთი ლუბებიც, რომლებსაც, უბრალოდ, სინდისი ქენჯინდა და ძალიან უნდოდა თავის გადარჩენა, ვაითუ, გეგეს ღამის პეპელასავით მოკვდეს. ვაითუ, რამე დაუშავონ. ასე თავისი ბევრი თავით გარშემორტყმულმა გაიარა გეგეს ქეთოს დარგული ზამბახებიანი გზა. ჩაუარა, როგორც ჩვეულებრივ ყვავილებს, მათი მელნისფერი სინათლე არ შეუნიშნავს და გეგეს სახლს მიადგა.

ფარდები ჩამოშვებული იყო. ქიშკარი დაკეტილი. მაინც გადაინედა ეზოში.

ლუბა, გეგეს ეძებ? ორი დღის წინ წავიდნენ. მეზობელი აესვეტა დაბარებულივით. არაფერი უკითხავს, თავისით აგრძელებდა მოყოლას. არ იცოდი? გეგე წაიყვანეს სამკურნალოდ. საწყალი ბიჭი. რა არ უქნეს, რა არ უთხრეს, მამაო ხო მოუყვანეს. ერთი სიტყვა ვეღარ ამოათქმევინეს. მაგისტრის, ალბათ, ეგრე სჯობდა. სოფლისთვისაც, არა, ლუბა? არადა, რა კარგი ოჯახი იყო, რა კარგი და აგე. მეზობელმა ხელი გაიშვირა ქიშკრისკენ.

ლუბას არაფერი უთქვამს, მხოლოდ მზერა გააყოლა მის გაშვებულ ხელს და ქიშკარზე წითელი საღებავით მიწერილი „იყიდება“ გაარჩია.

მერე იქვე, ქვაზე ჩამოჯდა, თამბაქოსფერი ბერეტი კალთაში ჩაიდო და ატირდა.



საშსპო ანთუღები

სკოლა რომ დავამთავრე, მამაჩემმა ჩავგვს თავის ვოლგაში მე და ჩემი და და ასე გვითხრა, თბილისში მიმყავხართ, სახელმწიფო გამოცდა უნდა ჩააბაროთო, ფული თუ იქნება გადასახდელი, გადაგიხდითო, ჩემს დას ერთი წლის დამთავრებული ჰქონდა სკოლა, სახლში არ გააჩერეს, კომუნისტების დრო იყო, გაუშვეს სამუშაოდ ლეჩოვბინაში, ასე თქვეს, უსაქმოდ არავის დავტოვებთო. თბილისში ჩავედით თუ არა, მამაჩემმა გადარეკა, ჩვენი ნათესავი იყო გათხოვილი სართიქალაქში და იქ გაჩერდით ორი ღამე, მესამე დღეს გამოცდა გვექონდა, არ ვიცოდით რა უნდა გვეწერა, უნდა გვეწერა საერთოდ თუ ზეპირად უნდა ჩავგებარებინა, ძალიან ვნერვიულობდით, აღმოჩნდა რომ საწერი გვექონდა, დავსხედით მე და ნარი, თავი არ აგვიღია ფურცლიდან, რაც ვიცოდით, ყველაფერი დავწერეთ, ჩვენს სკოლაში ხუთოსნები ვიყავით, მარა იქ აღმოჩნდა რომ არაფერი ვიცოდით, სოფლიდან ჩასული გოგონები ვიყავით, რას დავწერდით. მომდევნო კვირას პასუხები გამოაცხადეს, ნარიმ ორი ქულა მიიღო, მე სამი ქულა, ჩავირიცხე ინსტიტუტში, სატყეოზე, იმ დამეს ნარიმ თავი ვერ ასწია ბალონიდან, ტიროდა მთელი ღამე, მეც ვტიროდი. რეკავდნენ და რეკავდნენ, ცინარამ მოსდო მთელს სანათესაოს, ჟუჟუ თბილისში მოეწყო, ისე მიხაროდა, ისე მიხაროდა. დიდი სუფრა დაგვახვედრეს რომ ჩამოვედით, ყველა ჩემი კლასელი დამხვდა, ნათესავი, ახლობელი, ბადრიც იმ საღამოს გამომიტყდა სიყვარულში, ჩემს კლასელ თინკოს გამოატანა წერილი, ვზივარ სუფრის თავში, მამიკოს გვერდით, და უცებ ხელეში სალფეთი ჩამიკუჭა თინომ, გაცხენი, მიყვარხარო ეწერა, მიეწაბანა ბადრის, ის იყო, იმის მერე აღარც უთქვამს არაფერი ბადრის, მარტო წაკითხული მქონდა რომ ვუყვარდი.

რაცხა ჯანდაბა და სიკვდილი ნოთუმუქები შემეიტანეს სკოლაში, პირველ კლასელებს დუურიგეს, ხანდახან გახსენით და უუხსენით

აქედანო, მერე ინტერნეტის მოდერი მომიტანეს, კედელზე ჩამოკიდეთ, ვდგავარ სკამზე, ვხლავოროთო, კვიდავ ამ მოდერს და უცებ მოყანყალდა სკამი, ჩამოვვარდი და დევეცი ერთ ბალანას, გასკდა ტირილით, ვეფერე, არ იტირო-მეთქი, გეხვეწები-მეთქი, რამე ხომ არ გეტკინა-თქვა, დუურეკე მშობელს, მევიდა და გააქანა ბავში, დირექტორთან, მიჩივლა, დირექტორმაც მეიყვანა უფლებადამცველიო თუ ჯანდაბა ვიღაცა და გიმიშვეს სამსახურიდან, ფიზიკურად ძალადობ ბავშვზეო.

უფროსი გოგო გათხოვილია, კარგი ქმარი შეხვდა, ფულიანი, არც ჩვენთვის ენანება, კვირაში ორჯერ მოვა, პროდუქტებს მოიტანენ, ფულსაც მაძლევს, გამოსვლამდე ჯიბეში ჩამიცურებს ჩემი გოგო ხელს, წავა, დავხედავ ასლარიანი. უმცროსი „ილჩინში“ მუშაობს, თურქების მალაზიაა, მენეჯერია თვითონ, კაი ხელფასი აქვს, 500 ლარი. ჩემი ქმარიც პრარაბია, სულ მუშაობს, ფულით არ გვიჭირს, ყველას ჩვენი საქმე გვაქვს, მე ბევრს ვსაქმობ სახლში და სულ მეჩხუბებიან, დედიკო, რკინის ხომ არ ხარ, დაჯექი, დაისვენე, ზვალაც მიხედავ საქმეს, მარა ჩემი დაჯდომა არ არის, ხან მეტყვიან, დაანებე სკოლას თავი, რალატომ მუშაობ, ჩვენ გარჩენითო, მარა რა ვქნა, ჩემი ფული მინდა მე, სკოლაში მივდივარ და ტვინს ვასვენებ, დავვადები და ვუყვები დავით აღმაშენებელზე, დიდგორზე, შამქორზე, ბასიანზე, მეფეების ცხოვრებაზე, ბრძოლებზე, ომებზე, სულ ისე ვაკეთებ, ვიცი რისი მოსმენა უნდათ, რა დაინტერესებთ, ზედმეტებს არ ვასწავლი.

რალა დროს ჩემი გამოცდებია, მაკალონ ერთი-ორი წელი და გამასვენებენ სკოლიდან. ყოველ წელს აპრილის თვეში დირექტორი დამიბარებს კაბინეტში, გამლანძღავს სხვების გასაგონად, დამარეგისტრირებს სასერთიპიკატო გამოცდებზე და გამაძუნძულებს,



მაფრთხილებს, ამ წელსაც თუ ვერ ჩააბარე, გაგიშვებ სკოლიდანო, მეც უკვე მეოთხე წელია მივდივარ ამ გამოცდაზე, შუა გამოცდაზე გავდივარ ტულეტში და ხმაზე ვტირი, არ შემძლია, ვერ ვხვდები, რეებიც წერია იმ ფურცლებზე, რალა დროს ჩემი ეგეთებია, მე რომ სკოლაში მივედი, არავინ მოხვდა გამოცდებს, ისე ვიმუშავე წლები, არავის უთხოვია გამოცდა, რა, ვერ ვიყავი კარგი მასწავლებელი?! რაიონში ჩემნაირი ქიმიის მცოდნე არ დადიოდა, მე შევყავარე ყველას ქიმია, ვინც ჩვენი ქალაქიდან წამოვიდა ქიმიკოსი, ყველა ჩემს ხელშია გამოვლილი, დღეს რას არ მიაღწიეს, ყველა კაბინეტში ზის, მე რა მერგო, ტულეტის გვერდით მაქვს საკლასო ოთახი და ვსუნთქავ შარდის სუნს.

მე და ომარიმ სკოლაში გავიცანით ერთმანეთი, ახალი დაწყებული მქონდა მუშაობა, ორივე საბუნებისმეტყველოს ვასწავლიდით, მე ბიოლოგიას, ომარი – ფიზიკას, ვასათხოვარი ვიყავი, 33 წლის, გოგობმა გააკეთეს საქმე, ასე მითხრეს, ომარი ისე ტკბილად გახსენებს, რამე უნდა ვქნათო, ვითომ რალაცა შეკრება მოიგონეს, რესტორანიც აარჩიეს, 23 მარტი იყო, მახსოვს, რესტორანი „პალ-მები“, მივედი გამპრანჭული, კაბა მაცვია ლამაზი, პატარა ჩანთა მიჭირავს ხელში, კოსმეტკაში ვიყავი, თმები დავისწორე, უცებ ვხედავ, ორკაციან მაგიდასთან ზის ომარი, აქ რატომ ხარ-მეთქი, აქ დამსვა მიმტანამო, მოვლენ ალბათ დანარჩენებიცო, მეც მივუჯექი, თავიდან ველოდე თანამშრომლებს, მერე საუბარი დავიწყეთ მე და ომარმა და ისე გავიდა მთელი საღამო, ვერც შევაძინეთ, არავინ რო არ მოვიდა, თან კონიაკმა ცოტა შემართო, უკანა გზაზე ომარმა გამომაცილა, სახლამდე ტაქსით მოვედით, ცოტა მოშორებით ჩამოგვსვა მძღოლმა და ფეხით გამოვიარეთ, შემცივდა ოდნავ და თავისი პიჯაკი შემომაცვა, მიმაცილა სადარბაზომდე და ლოყაზე მაკოცა.

დოდო რომ გალოთდა, არავის გაკვირვებია, ვიცოდით რომ რალაც მსგავსი დაემართებოდა, რთულია შვილის გარდაცვალება, არა, მე ჯვარი მწერია, ღმერთმა მაშოროს, მარა არ ვიცი, შეიძლება თავი მომეკლა კიდეც, გადავყვებოდი ზედ, ჩავყვებოდი ალბათ. გალოთდა და თან როგორ, მანამდეც ვყოფილვართ სუფრაზე ერთად, ოცი წელია ჩვენთან არის, ხან სად ვიკრიბებით მასწავლებლები, ხან სად. აქაოდა, ბანკეტებო, წლისთავები, ქორწილები, მაგრამ დოდოს წვეთი არ დაუღვია არასდროს, წრუპავდა თავისთვის ლიმონათს, ტარხუნა უყვარდა, მარა ორმოცის მერე ვერაფერი რომ უშველა დარდს, ერთი ქიქა გადაკრა, ერთს მეორე მოყვა, მეორეს მესამე და არ ამახსნევინოთ ახლა, როგორ ლოთდება ადამიანი, გაგვიპიანიც-და დოდო, ქალის პიანიცობა ვის გაუგიაო იტყვიო, მარა, აი, ეგრე მოხდა, გაპიანიცდა.

მოვიდა თბილისიდან ახალი მასწავლებელი, ახალგაზრდა გოგო, ნაცრისფერი კაბა ეცვა. თმა დაეგარცხნა საგულდაგულოდ, ნათია მქვიაო, კულტურული, განათლებული, შეგნებული, სამასწავლებლოში შემოვიდა გაგვეცნო, ყველას გვეითხა სახელი და დასვა ათასი კითხვა, ამას როგორ შევებით, იმას როგორო, სულ რალაცებს გვასწავლიდა, მარა თავისებურად, არ დაეზარებოდა ახსნა, რჩევის მოცემა, დარიგება, თან ტონსაც ისე შეარჩევდა, არც ვბრაზდებოდით, თქვენგანაც ბევრს ვსწავლობო, ხშირად გვეუბნებოდა, მადლობის თქმა იმას არ ეშლებოდა, არც ბოდვის მოხდა უჭირდა. შეაყვარა მთელს სკოლას თავი, ყველა ამ გაწრეტილ გოგოს ეკითხებოდა ჭკუას, ბუნებას ასწავლიდა დაწყებითებში, ისე უყვარდათ ბავშვებს, პატარები ბუნების გაცვეთილებს ელოდებოდნენ, ცეკვავდნენ, თამაშობდნენ ნათიასთან ერთად, უფროსკლასები შეყვარებულები იყვნენ ახალ მასწავლებლებზე, უგზავნიდნენ წერილებს, შოკოლა-

დებს, ესეც სიცილით და ხალისით იმორებდა აბეზარ უფროსკლასელ თაყვანისმცემლებს და იყო ერთი ამბავი, დირექტორი ძალიან კმაყოფილი იყო გოგოს მუშაობით.

სამი წელი ვისწავლე თბილისში, ნარი დაბრუნდა ლეჩკომბინატში, მესამე კურსზე გავთხოვდი და წამოვედი, ახლანდელ აეროპორტთან ცხოვრობდა ბადრი და მეც შევედი ახალ ოჯახში, დედამთილი კარგი შემხვდა, მეფერებოდა, ეამაყებოდა თბილისში ნასწავლი გოგო რომ მიუვიდა რძალად, მეც მეტყველება დავხვეწე თბილისში, კულტურულად ვლაპარაკობდი, ერთხელ ცხონებულმა დედამთილმა მითხრა, სტუმარი რომ მომდის, ერთი სული მაქვს, როდის დაიწყებ ლაპარაკსო, ისეთი სიტყვა-პასუხი გაქვსო. მაშინ ახალი გათხოვილი ვიყავი და მიხაროდა. ბათუმში გადმოვიტანე საბუთები, პედაგოგურზე ჩავაბარე, ამაზე სულ გადაირია ჩემი ოჯახი, კარგი პროფესიააო, ქალს მასწავლებლობა უხდება, მარტო მასწავლებლად თუ გაბეჭდებო და ისეც, ორი წელი ვიყავი დაუსწრებელზე, იმ პერიოდში ნუკრიც გამიჩნდა და მამიკომ სამასი მანეთი გადამიხადა, საქმი გამიკეთა და სკოლაში მომაწყო მასწავლებლად, ქართული ენის და ლიტერატურის მასწავლებელი გავხდი უცებ.

ახლა, რა არის იცი ? რო ამბობენ, მასწავლებელმა ასე და ქნას, მასწავლებელმა ისე და ქნას, მასწავლებელი ამფერი და იყოს, მასწავლებელი იმფერი და იყოს, გვაძლევენ ამ მასწავლებელს კაი ხელფასს ?! არ გვაძლევენ! გამომაქვს ბანკომატიდან ხელფასი, გევალ ხოფაზე, ჩამუშვლი ნარიკოს 50 ლარს ვაძლევ ნისიას, მარინას 90-ს, ივერ ხათუნა მიცდის, იმაზეც ვალი მაქვს, გაქრა ფარა, აღარ არის, მერე ვიტყვი, აღარ დევისინიავებ, მარა მიორე დღეს მაინც ნისიად მომაქ, ისევ იმნაირად, მეწლება მერე ნერვები, მივდივარ სკოლაში, ვყვირი, ცოფებს ვყრი, ვღრიალებ, ვუმტვენ შვისტოკში, აღარც ბურთის დანახვა მინდა, არც ფისკულტურის დარბაზის, არც ამ პირდაფრენილი ბაღნების.

სამი დღე ვიტირე, ოთახიდან ვერ გამომიყვანა, ვერც მეგიმ და ვერც მირზამ, ბოლოს მეგიმ მითხრა, დედიკო, გააკეთე ფეისმუქიო და დაწერეო, მეც გავაკეთე ფეისმუქი და მივწერე განათლების მინისტრს, მერე პრეზიდენტსაც მივწერე, ვუთხარი, სკოლიდან გამომავდეს, მამრალეებენ ფიზიკურ ძალადობას, არცერთმა არ მიპასუხა, ბოლოს დარინა მესტუმრა, ჩვენი თანამშრომელი, ნაზი, ჩემი ბაღანა ადვოკატია და გიგვიკეთებს საქმესო, ვირბინეთ ორი წელი სასამართლოებში და ბოლოს დავამტკიცე ჩემი სიმართლე, გაახარა დარინა და იმის გოგო ღმერთმა, რაც მე მაგათ ვლოცავ, დამაბრუნეს სამსახურში და რაცაა ვერ ვიპოვებ, იმ ორი წლისაც მომცენ ხელფასი.

ერთ დღესაც ნაკაშიძის გოგო შემოვიდა კლასში ტირილით, მე გიორგი ბრწყინვალეზე ვუყვებოდი ბავშვებს, ხატია, რა გატირებს-მეთქი, არაფრით არ მითხრა, დარბის სკოლაში გზაბნეული თხასავით, 15 წლისაა და უკვე ქალობს, ძუძუები გაეზარდა, მოკლე კაბებს იცვამს, უჟუჟუნებს ბიჭებს თვალებს, გული გამისკდა, ამ მოციწინარ

გოგოს, რა ეტაკა-მეთქი, ვინმემ ხომ არ აწყენინა-თქო. ჩავედი სამასწავლებლოში, ყველა ლაპარაკობდა, ვილაცას ბიჭების ტულეტში დაწერა, ნაკაშიძე ხატია ბოზიაო, გავგიჟდი, გავაფრინე, მთელი ღამე ვინერვიულე, მეორე დილას პირველი IX-ში მქონდა, ნაკაშიძე ბოლოში იჯდა, აღარ ტიროდა, მარა თავი არ აუღია მერხიდან, დავაყენე ყველა ფეხზე, გამოვართვი შურას მაგიდის ტილოები და ვახეხინე ბავშვებს ბიჭების ტულეტის კედლები, 300 მოსწავლე გვყავს, მოდი და გაარკვიე ვინ დაწერა. მაგას აზრი აღარ ქონდა. ყველა ნაწერი მოვამორეთ კედლიდან, მერე შემოვედით კლასში ნაკაშიძესთან მივუშვი ყველა ბიჭი და ბოდინი მოვახდევინე, ყველამ აიღო დანაშაული თავის თავზე, ორი დღე რომ იცინოდნენ იმ წარწერაზე, მერე ავუხსენი რომ ჩვენ ერთმანეთი უხდა დავიცვათ, ნაკაშიძემაც ძლივს გაიღიმა, სანამ კლასიდან გავიდოდა, ჩავენუტე, ვუთხარი რომ არ აყვეს მაგათ ლაპარაკებს, ახლაგზრდა გოგო ხარ და მოკლე კაბას ჩაიცვამ, აბა რას იზამ-მეთქი.

ბავშვებიც დამციწინან, ხან რას მეძახიან, ხან რას, ტელეფონზე ზარებს მიცვლიან, მუსიკას ჩართავენ გაკვეთილზე და ვერაფრით ვაჩერებ, ზუზუნებენ, არ სწავლობენ, მე კი არ მაკლებენ რამეს, თავის თავს აკლებენ, ქიშია არაა ხელწამოსაკრავი საგანი, სულ ცვდილობ, არ შევიძლო, სულ მაგას ვეუბნები ჩემს თავს, პატარები არიან, რა იციან ამათმა, გაიზრდებიან და მიხვდებიან.

სამ თვეში ვიქორწინეთ მე და ომარიმ, მთელი სკოლა დავპატიჟე, ისეთი კარგი დრო გავატარეთ, ისეთი... იმის მერე სულ ერთად დავდივართ სკოლაში, დიდ შესვენებაზე ბუფეტში ვზივართ და ვჭამთ. ყოველი წლის 23 მარტს რესტორან „პალმებში“ მივდივართ, იმავე ადგილზე ვსხდებით... ვსაუბრობთ... არაფერი შეცვლილა, ისევ ისე მიყვარს. აი, ასეთი თანამშრომლები მყავს მე, ასეთი სკოლა გვაქვს ჩვენ და ასეთი მასწავლებლები ვართ ჩვენ.

პირველად სამსახურის მერე სვამდა დოდო, სკოლაში ფხიზელი მოდიოდა, მერე ისე მიეძალა, სამსახურში მოდიოდა არყის სუნით, თავიდან ვერაფერი ვუთხარით, მერე მოსწავლეებმა დაიწყეს ჩივილი, გაკვეთილზე სიტყვები ერევა, საკონტროლოზე ეძინება, აგვიანებს, საქმეთა მმართველმა, ქსეროქსის გასაკეთებლად მოვიდა და ნასვამი იყო, სუნი ჰქონდა საშინელიო, ბოლოს იმდენი ქნა, სკოლაშიც დაიწყო ბოთლებით სიარული, ჭკუა არ მოეკითხებოდა, გაახსენდებოდა ჯაბა და იწყებდა ტირილს გაკვეთილებზე, პირდაღებული ბავშვებიც აწყნარებდნენ და ასე მიდიოდა საგაკვეთილო პროცესი.

ერთ დღესაც ბავშვები ატეხა ამ ჩვენმა ახალმა მასწავლებელმა ნათიამ, სადღაც ყური მოკრა რომ ჩვენს ქალაქში საშინელ დღემი აგდებდნენ დელოფინებს, კვება იმათ არ ჰქონდათ ნორმალური, არც შოუდან შოუმდე ასვენებდნენ, ასე თქვა, ეს არის ცხოველების უფლებების დარღვევაო, იმათ თუ არა აქვთ ენა, არ ნიშნავს, რომ არაადამიანურად უხდა მოვეპყროთო, მოგვიწოდა ყველა მასწავლებელს, წამოდით, დავიცვათ დელოფინების უფლებებიო, ჩვენ გაგვეცინა, ერთი შენი ჭირიმეო, უთხრა მანანამ, ვისი უფლებაა დაცუ-

ლი ჩვენს ქვეყანაში, დელფინები რომ გაგახსენდოდ, მეორემ, საქმე დაგლევიანათია შენო, მაგას ჯობია, ანახო იმ ბავშვებს ეგ დელფინები, სხვა ვინ წაიყვანს მაგათ დელფინების შოუზეო. ეს მაინც არ დანებდა, დახატა ბავშვებთან ერთად საპროტესტო პლაკატები, შეკრიბა ყველა ერთად და გაემართნენ დელფინარიუმისკენ, აღმართეს პლაკატები, მოუწოდებდნენ დელფინარიუმის დირექტორს, ეზრუნა დელფინებზე, ცოტა ხანი იდგნენ, ვინც კი იმ ქუჩაზე მოხვდა, ჩვენი ქალაქელები ყველა ფოტოს უღებდა და საწყალ მასწავლებელს და ბავშვებს, სიცილადა არ ჰყოფნიდათ ეს ყველაფერი.

ჩავიცვამდი ნაჭრის კაბას, თმას ზემოთ გავიცეთებდი, იმ დროინდელ მოდზე, მოვიგდებდი პატარა სუშკას და მივპლაკუნობდი ქოშებით სამსახურში, ისე მიხაროდა, ისე მიხაროდა, დედამთილი ამაცად ამბობდა, პედაგოგია ჩემი ბადრის ცოლიო. მეც გაღიმებული ვიჯექი. იმის მერე, იცი, რამდენი უბედურება ვნახე? ქმარი გარდაემცვალა, დედამთილიც მიყვა შვილის ნერვიულობას, მამაჩემს ინსულტმა დაარტყა, ჩემი და სურამში გათხოვდა, დავრჩი მარტო 14 წლის ნუკრისთან ერთად, ბიჭის გაზრდა პატარა საქმე ხომ არ არის, რამდენი უნდა მექნა ერთ ქალს, ასაკი ქონდა ისეთი, ავარდნილი. სკოლის მერე მოსწავლეებს ვღებულობდი, ვამზადებდი, ზაფხულობით ხან თხილზე მივდიოდი თურქეთში, ხან სასტუმროებს ვალაგებდი, ბევრნაირი საქმე შევითავსე, ერთი ბოზობით არ მიბოზია და არ მიქურდია, ბევრი სამარცხვინო საქმე გამიკეთებია, სხვისი ტულალები მიხეხია, მარა ყველაზე მეტად რაც მახარებდა, ჩემი სკოლა იყო, დადგებოდა სექტემბერი, ისევ გამოვიღებდი შკაფიდან ნაჭრის საროჩკებს, სარაფნებს, საპლაკუნა ტუფლებს და მივდიოდი სკოლაში, ჩემს მოსწავლეებთან. შევდივარ კლასში, წამოდგებიან, გამარჯობა, უუუუ მოსწავლეებლო. დილის ცხრა საათიდან, შუადღის სამ საათამდე პედაგოგი ვარ, უურნალს ვავსებ, ნიშნებს ვწერ, ვასწავლი ბავშვებს უკვე 25 წელია, სამი საათის მერე მათხოვარი ვარ, მუხლებზე ვდგავარ და ვხეხავ, სულ რო ვიღლები, იმ დილის საათებს ვიხსენებ და მიხარია. რთულია, რთულია.

იმის მერე დაფეთებული ვარ, ვინმემ რამე შარი არ მომდოს, არადა არც დიმიყვრია არასდროს, გაჭირვება, უშუქობა და უწყლობა რომ იყო, ვეჯექ ბაღებს და ტილებს ვუხილავდი, მეტირებოდა რომ ვუყურებდი, ხალხს საპონის ფული რომ არ ქონდა, რა დროს აი, ია და აი, თათი იყო. ვიჯექ და ვუხილავდი ტილებს, ვიყინებოდი კლასში და ვათბობდი ერთმანეთს, მერხებს ვადგამდი ახლო-ახლო, სულ მე ვაკეთებდი კონცერტებს, დადგმებს, ღონისძიებებს, გამოსვლებს, ღია გაკვეთილებს, ექსკურსიებს, გამყავდა ბაღნები მუზეუმებში, ეკლესიები ვნახე, მაგი ვის ახსოვს ახლა?! მაგი ვინ მათქმევინა?! არავინ! ძალადობდით, ამომკრეს პანჩური და გამაგდეს სკოლიდან.

უფროსი გოგო გათხოვილია, უმცროსი მუშაობს „იალჩინში“, ჩემს გოგოებს მიხედვა აღარ უნდათ, იპოვეს თავისი გზა, სკოლაში მივხედავ სხვის გოგოებს, სახლსაც ხო არ ვალაგებ სულ, მეორე დღეს მტკვრშია მაინც ყველაფერი, იმ წარწერებს მე თუ არ ჩამოვრეცხავ,

სხვა არაფერს იზამს, ასეთ დროს გვერდით უნდა გადადო შამქორი და ბასიანი.

ბოლო დროს მაგიწყდება რომელი გაკვეთილია, რამდენი გაკვეთილი ჩავატარე და რამდენი დამრჩა, ნანა მიხაილოვნამ გაიხაროს, დერეფანში გამოვალ თუ არა მომიდგება გვერდით, ისე ჩამჩურჩულელებს, სხვამ რომ ვერ გაიგოს, ფატი, მესამე გაკვეთილი დაიწყება, ფატი, ორი გაკვეთილი დავრჩა. მეტირება ხანდახან. ერთმა ბავშვმა ტელეფონში ზარის ხმა ჩაწერა და შუა გაკვეთილზე რთავს, მგონია რომ ზარი დაირეკა და მიხარია, არადა, მაიმუნობენ, მე კიდევ დებილი ვარ, ერთ დროს ჩემი ხარჯებით ვიყიდე ლაბორატორიის ინვენტარები, მოვათრიე სკოლაში, ცდები რომ ჩამეტარებინა. რას აღარ ვაკეთებდი, ქიმიისკენ გული რომ მოებრუნებინათ, რთული საგანია მაინც, უნდა წაახალისო, სწავლა რომ შეეხალისოთ. სამასწავლებლოშიც სულ მე დამცინიან, მასწავლებლებს ნერვები ეშლებათ, სკოლიდან რომ არ მივიდვარ, როდემდე უნდა იყოს აქო, ნეტა ერთი ისეთი ცდის ჩატარება შემეძლოს, სამასწავლებლოს რომ ავაფეთქებდე. კრუხები ეგენი, ნუგზარიც აყოლილია ამათ ჭკუას და ლლიცინებს. სანამ შემიძლია ვივლი, სხვა შემოსავალი მე არ მაქვს, დამინიშნონ მაღალი პენსია სახელმწიფომ და ფცხს ვერ დაინახავენ ჩემსას სკოლაში.

ბოლოს დაილაღნენ ბავშვები, აწუწუნდნენ, მოაყენა დირექტორმაც ვერცხლისფერი ჯიბი და ამანაც მაგრად იცინა, შევარდა შინით, გამოიტანა ბილეთები და ორ-ორი დაურია თითოს, გაიხარეს ბავშვებმა, ნათია გამწარდა, მარა რას გააწყობდა, მეორე დღეს შობილებთან ერთად წავიდნენ ბავშვები დელფინარიუმში. დელფინარიუმის დირექტორი გავლენიანი კაცი აღმოჩნდა, ისე მოაწყო საქმე, სკოლიდან წასვლა მოუწია ნათიას, ვინც ბოროტობდა და არ უნაროდა ახალი მასწავლებლის წარმატება, იმათმა ყველაზე მეტად გაიხარეს, ასეა, ჩვენს სკოლაში არავის უყვარს გულწრფელი და პროფესიონალი ადამიანები, მოვიდა გოგო, შეაყვარა ბავშვებს ყველაზე რთული საგანი და რათ გინდა, ისე მიაბრძანეს, მეორე დღეს არავის ახსოვდა.

რა გგონიათ, არ მივიდოდა დირექტორამდე დოდოს გაპიანიცების ამბავი? მივიდა, კი, ჯერ გაფრთხილება მიიღო დოდომ, მერე საყვედური, მერე დაყვავება, მერე მაგიდაზე ხელის დარტყმა, კატეგორიული ტონი და მუქარა სამსახურიდან გაშვების თაობაზე, ბოლოს გაუშვეს კიდევ სამსახურიდან. არ ეშველა ქალს არაფერი. მარა იცი ყველაზე სევდიანი რა არის ამ ამბავში? დაესივნენ სხვა მასწავლებლები ამ ჩემი საწყალი დოდოს საათებს, სულ დაგლიჯეს ერთმანეთი, გადაინაწილეს კლასები, ვისღა ახსოვდა საწყალი ქალი. ვიტყვი რამეს დოდოზე, ერთს შეიცხადებენ და აგრძელებენ მერე სამასწავლებლოში პირის ქნევას და მცონხას.

ეგ არაფერი, ერთი-ორი წელი მაცალონ, გამასვენებენ აქედან, მერე ვის იპოვიან ჩემზე მცოდნეს, ვნახოთ ერთი, ვინ ასწავლის ამ შტერებს ქიმიას.



კურუმ, კურუმ...

4 აზვისყო

– იყავით სულ ცოტათი ჯენტლმენი, ახალგაზრდავ, თუ შეიძლება, გამატარეთ!

– მიბრძანდით, ქალბატონო!

– ანზორ, ამომირჩიეთ, ისეთი რომ ღირდეს სახლში მიტანად, ტყუილად არ დამლალ ამ სიცხეში!

– ქალბატონო ზეინაბ, გაგიჭრათ, თაფლივით ტკბილია!

– რომ გაჭრი და არ ივარგოს, მერე იმაზე უნდა ვიდარდო ზარალში ჩავარდა კაცი-მეთქი. შენც ისეთი ამირჩიე, რომ მეორევერაც მოვიდე!

– ახლავე, ნახეთ აი, როგორ ზარივითა რეკამს, თავს დავდებ, ტკბილი იქნება!

– კარგი, ხო რაც არის არის, არაა საჭირო საზამთროს გულისთვის თავის დადება, სხვა უფრო ღირსეული საქმისათვის შემოინახე! აი, გამომართვი ფული!

– გემრიელად მიირთვით!

– ახალგაზრდავ, იმედია თქვენი საზამთრო ჩემზე უკეთესი არ იქნება?!

– აბა რა გითხრათ, რაღა საზამთრო გიყივია და რაღა ლატარეა გითამაშიათ!

– ვითომ და რატომ უნდა იყოს თქვენი უკეთესი?

– არა, ეს არ მითქვამს, უბრალოდ იცით ალბათ მჯობნის მჯობნი საზამთრო არ დაილევას?!

– კარგია ანდაზების ხასიათზე თუ ხარ ამ სიცხეში, ისე ეს ანდაზა კაცზეა და არ საზამთროზე!

– ვიფიქრე საზამთროზეც...

– ხოდა ზოგჯერ თქმითაც დაშავდების!

– ვინ იყო ეს ქალი?

– არ იცი? ზეინაბ მასწავლებელი!

25 აზვისყო

ღმერთო რა დავაშავე, რატო არ ესმის ჩემი მშობლებს, მე ხო „მამაო ჩვენო“ სულ ზეპირად ვიცი და ბოლომდე ისე ვამბობ, ერთსაც არ ჩავისუნთქავ. როგორც ვატყობ, ძალიან სიამოვნებთ ჩემი გაბრაზება! თვის ბოლოს თბილისში მივდივართ, შენც უნდა წამოხვიდე და იქ უნდა ისწავლო! მიღიხართ, ხო მაგრამ იქნებ და მე არ მოვდივარ! ახლა კიდევ ჩემი მოსყიდვა უნდათ, მეზობელს ინგლისიდან ახალი სასკოლო ზურგჩანთა ჩამოატანინეს, როგორიც

მინდოდა: სქელი, ხვლიკისფერი ნაჭრის და ოქროსფერი, მსხვილი ძაფებით შეკერილი, თან უამრავი ჯიბეებით, მოიცა დავთვალა, რვა, მეცხრეც, ჯიბეზეც ჯიბე. მაგარია. ხოდა ავიღებ ამ ჩანთას, ჩავაწყობ ქაღალდს, ყველს, ცოტა კიტრს, ვაშლს და ბათუმში გავიპარე. მსოფლიოს რუკაც არ დამავიწყდეს, სადმე რომ არ გავიბნე. ან სად უნდა გავიბნე, დედამიწა ხო მრგვალია, ვიარ, ვიარ მაინც უკან დავბრუნდები, ხოდა დავბრუნდები სამოცი წლის მერე. მგონი სამოცი ბევრია, მაშინ ბაბუა და ბებია ვერ მიცნობს! მოდი, ოც წელიწადში დავბრუნდები! მაგრამ მანამდე კი ჯერ უნდა ავითესო, მიყარონ მერე კაკალი, მამალი ინდოურივით, როგორ შემოსძახებენ, რომ დავუსტვენ: კურუმ, კურუმ...

ფრთხილად უნდა ვიყვე, თორემ ვინმე აუცილებლად დამინახავს, რომ ჩანთით ხელში სადღაც მივდივარ. მერე ესენი, მეგობრები ხო ყველა შერლოკ ჰოლმსები არიან და კონან დოილები? თუ დაგინახეს მტრისას, ყველაფერს გამოგითხავენ, ვისი ხარ? სა მიხვალ? რეიზა? სიმართლეს ეტყვი და დაიწყება ჭკუის დარიგება: მამა-შენმა რა თქვა, გიშობს? დედაშენმა ეს იცის? ბებიაშენი ჭკუიდან ეიწევა, ბაბუაშენს წნევა გლევას ან ინფარქტი გარანტირებული აქვს, აფსებ ოჯახს? ამიტომ სჯობს ლელე-ლელე და ყანა-ყანა ვიარო და ცენტრალურ გზაზე ისე გავიდე. ეს ხვირა, კიდე, ვეუბნები, არ გინდა სახლიდან წავიდე? – რატო? – უკვირს! არ მოგებზრდა ეს სკოლა და სწავლა, წავიდე თქვეყანა მოვიაროთ. რა ქვეყანა მოვიარო, ახლა უნდა წავიდე და თხებს წყალი დავალევი და გადავბა! – თხები მოიცდის! – ვეუბნები. რო გწყურია, შენ მოიცდი? – ვითომ სიტყვაში მომიგო. ხოდა იყოს სახლში და თხებს მიხედოს! მე კი მთავარია ბათუმამდე ჩავალწო. გეშე ავიპარო, სულ ერთია სატვირთო იქნება თუ სამგზავრო, მთავარია დიდი იყოს, რომ ვერავინ შემნიშნოს, აბა პატარა ნავში ყველა დამინახავს! გავყვები და წავალ სადმე უცხო ქვეყანაში, სულ ერთია სად! სადმე შორს, რომ არ დავინახო ეს ჩემი მოძალადე შშობლები, ერთიც და მეორეც. კიდე კარგი და-ძმა არ მყავს, საცოდავები, როგორ გაუძლებდნენ ამ ბარბაროსებს, თბილისში გააგრძელებს სწავლასო, მეუბნებიან. მე თუ მინდა ამ თბილისში წამოსვლა, არც კითხულობენ. რა უნდათ ამ თბილისში, რომ კითხო იხრუკება თბილისიო, სუნთქვა არ შეიძლებაო, ყველა ასე ამბობს, სოფლად რომ ჩამოდიან, ანუ მეც უნდათ, რომ დავიხრუკო. ვერ მოგართვით! ვინმეს არ ეგონოს რამის მეშინია, სხვა თუ ძლებს მეც გავძლებ, მაგრამ მიდიხარ, ჯერ უნდა მკითხო მოგყვები? შვილო, მე ხო გაგაჩინე, დედა ვარ, უშენოდ როგორ ვიყო? – დედა მეუბნება. ასე მაგელანიც გააჩინა დედამისმა, მაგრამ მერე იმან დედამიწას შემოუარა.

ეჰ, ან ორეულის შექმნა რომ შემეძლოს. ელემენტებიანის ან დენზე დასატენის, ჩავრთავდი და ეყოლებოდათ ქალაქში მეორე ლაშა, გინდაც სადილად, გინდა ვაშმად, მე თავი დამანებეთ...

– ლაშა! – აჰა, დედაჩემი მეძახის! ხმას არ ვცემ. ახლა საერთოდ გავქრები, უჩინაჩინი გავხდები, ვერ დამინახავს! კარადაში ხო არ შევძვრე? ნაბიჯების ხმა მესმის, უკვე კართანაა. როგორ მინდა ახლა გავქრე. სადაცაა კარი გაიღება. ახლა ვიტყვი: კურუმ, კურუმ

და გავქრები. ის ვიცი, თუ რაიმე ძალიან გინდა, გისრულდება: კურუმ, კურუმ...

– სადაა ეს ბოვმი? – ოთახში შემოსული დედაჩემი აქეთ იქეთ იხედება, მაგარია ანუ ვერ მხედავს. არადა და მის წინ ვზივარ ტახტზე და თვალბეჭდვით ვუყურებ, ის მაინც ვერ მამჩნევს. ნუთუ თამაშობს? მხედავს და თითქოს ვერ მხედავს? ახლავე გავარკვევ, კედელზე სარკეა, სარკეში თუ არ ვჩანვარ, ანუ ვერ მხედავს. თითის წვერებზე, უშმაურად ვუახლოვდები სარკეს. ოი საკვირველებაც, არ ვჩანვარ. დედაჩემი ოთახიდან ისევ აივანზე გადის.

– დედა, ბალანე არ იცი სად არის? – ბებიას ეძახის.

– არა, ნენა, ოდაში ამევიდა თითქოს! – მესმის ბებიას ხმა. მეც აივანზე გავდივარ, აბა ბებია თუ დამინახავს. ის ინდოურის ჭუჭულებს ძალად ატენის ჭინჭრის ფხალს. ისიც მოძალადე. ჯერ ჰკითხე უნდა ეს შენი ფქვილი არეული ფხალი, აბა შენ ქამე, თუ კაია. ბებიაც ვერ მხედავს. ვაჰ, რა მაგარია, მართლა ვერავინ მხედავს ანუ შემიძლია, ლელე-ლელე კი არა, ნორმალურად, გზაზე გავიდე, ავტობუსშიც ავიდე, გზის ფულსაც არავინ მომთხოვს და გემზეც ვერავინ ვერ შემნიშნავს. მშვიდობით მშობლიურ სოფელო, მშვიდობით საქართველო, დედა და მამა, ბებია და ბაბუა, მეგობრებო, ჩემო ძმაცაცო ხვირა, მიხედე შენს თხებს და გიტოვებ საქორიანზე გამოქვაბულს, რომლის არსებობა მხოლოდ ხუთმა ვიცი. ახლა კი ოთხნი რჩებით, ბიჭებს ეტყვი, რომ საიდუმლო მისით ვარ წასული. გიტოვებ მთელ ავლა-დიდებას, რაც იქ გვაქვს, მხოლოდ ფანარი უნდა ავილო, გზაში დამჭირდება, შენ სანამ ახლა ფანარს იშოვნი, მანამდე ლამაზით შეგიძლია ისარგებლო. წესი უნდა დაიცვა იცოდე, ქალის ფეხი არ უნდა შევიდეს იმ გამოქვაბულში, თორემ ისევ დავკარგავთ მას, როგორც ადამმა დაკარგა ერთ დროს სამოთხე.

ეზოში დედაჩემის ხმა მესმის. ხვირას ეძახის, ალბათ ჰკითხავს ჩემზე სად არისო.

– ხვირა!

– ბატონო!

– ლაშა შენთანაა?

– არა, ნუნუ ბიცოლა!

– დღეს ნახე?

– კი წელან ჩვენსას იყო და სახლში წამევიდა!

– არაა სახლში!

ახლა თუ კითხა, სადმე ხომ არ აპირებდა წასვლასო, დავილუპე, იმდენად დებილია ეს ხვირა, ტყუილს ვერ ამბობს. მეც დებილი ვარ,



ვის გავუზიხლე ჩემი გეგმები – ამ თხების ხელმწიფეს? დედაჩემი არაფერს არ ეკითხება, თორემ ახლა უკვე შეყრილი იქნება მთელი სოფელი, ბებია აუცილებლად შეიკვივლებდა: შვილო, შვილო, შვილიშვილო... მოთქმას დაიწყებს... სად ხარ შვილო! ბაბუას ალბათ ცრემლები წამოუვა, თან უხმოდ, ამა წინათ ბავშვობის ძმაკაცი გარდაცვალა და ვუყურებდი, კრანში რომ წყალი მოდის, ისე მოდიოდა ცრემლები... დედა და მამა რას იზამენ? მე რა ვიცი რას იზამენ, იმათ რომ ვუყვარდე ასე იოლად არ გამიმეტებდნენ და სოფელს არ მომაცილებდნენ! ეჰ, ისევე ბებია და ბაბუა მეცოდება. იმათ გულის ტკენას მირჩენია გამოვჩნდე. ისევე ოთახში ვბრუნდები, სარკესთან მივდივარ, კვლავ არ ვჩანვარ! ხმა თუ ისმის ჩემი... ერთი, ერთი, ერთი... ჩუმად ვამბობ... მესმის... მაგრამ სხვას ესმის? მოიცა, ჯერ უნდა გამოვჩნდე სანამ ქვეყანა შეყრილა, მაგრამ როგორ გამოვჩნდე? გავისხენო რა ვთქვი მაშინ ძალიან რომ მინდოდა უჩინმარინი გავხმდარიყავი? კეკალი, ინდაური, ხო: კურუმ, კურუმ... როგორც ვიცი პულტი თელევიზორს რა კნოპკითაც რთავ, იგივეთ თიშავ, ვამბობ: „კურუმ, კურუმ...“ უი, რა კარგია ვჩანვარ!

3 სექსუალები

როგორ მალე გავიდა ზაფხული, ეჰ, სულ ზაფხული რომ იყოს, მაგრამ ბავშვებიც რომ მომენატრა, ჩემი ონავრები, უკვე მეექვსეში არიან. დირექტორი მირეკავს, ზეინაბ მასწავლებლო, თქვენ სადამრიგებლო კლასში ახალი ბავშვი გადმოდის და იქნებ გავსაუბროთ, მამა ამბობს ცოტაჯიუტი ბავშვია, თუ მიიჩნევთ რომ საგნებს ვერ დაძლევა შეგიძ-

ლია უარი ვთქვათო. განსაკუთრებით მათემატიკის ცოდნის შემოწმება მთხოვა, ალბათ იმიტომ, რომ როცა ბავშვმა მათემატიკა კარგად იცის, მას არ უჭირს არც საბუნებისმეტყველო დარგები, არც ქართული თუ უცხო ენები. ვნახოთ... გარდა ამისა ხასიათი, ეს კი სულ პრობლემაა, თან უცხო მოსწავლე როგორ შეეგუება ახალ გარემოს, დასავლეთი-დანაო, ევროპის არა, საქართველოს...

4 სექსუალები

სკოლაში მივდივართ, ასე მგონია ტელევიზორში რომ პატრულს დამნაშავე მიჰყავს, ისე ვარ. აქეთ დედა, იქეთ მამა, ვარსკვლავები-ლა აკლიათ. ჯერ დირექტორის კაბინეტში ვიყავით. დირექტორი კაცია, დიდი უღვაშები აქვს, აი ფილმში გიორგი სააკაძეს რომ აქვს ისეთი, ოღონდ ეს არის ხმალი არ უკეთია. კაბინეტში რომ შევდიოდით, მეგონა მეტყოდა: „ლაშა, შემოდი კარავში...“ ასეთი არაფერი უთქვამს, მხოლოდ მოგვესალმა და ყველას ხელი ჩამოგვართვა, ანუ მეც – ლომის ტორივით ჰქონდა ხელი. მერე ნიშნების ფურცელი ნახა. მგონი ყველა ნიშანი წერია, რაც კლასში შეიძლება მოსწავლემ მიიღოს. ეტყობა ჩემმა ნიშნებმა დიდად არ მოხიბლა.

– გასაგებია! – თქვა, და მერე მე შემომხედა. თუმცა რა გააგებინა ჩემმა ნიშნებმა ვერ მივხვდი, ყოველ შემთხვევაში მე ვერაფერი გავიგე.

– ჩხუბისთავი ხომ არ არის? – ახლა მშობლებს მოუბრუნდა. ეტყობა გადაყვლეფილ იდაყვებს მოჰკრა თვალი.

– არა! – ამბობს დედაჩემი, აბა რას იტყვის, ერთი სული აქვს ოღონდ მიმიღონ. ლამის ყოველდღე დაბლოტილი რომ ვბრუნდები სახლში ახლა არ ახსოვს. ჩხუბი კი არა ომები გვაქვს ქვედა უბნელებთან. სოფელში ორად ვართ დაყოფილი, ქვედა უბნელები – სათხიელები და ზედა უბნელები საქორიელები. ახლა რომ დასუსტდა საქორიელთა რაზმი, ამას ვდარდობ. ისევ ხვიჩა მახსენდება და მისი თხები. ახლა ვუკვირდები, სათხიე – თხები, შპიონად ხომ არაა შემოგზავნილი ხვიჩა, არა, გამორიცხულია, ეჭვი მეგობრობის უსასტიკესი მტერია, უნდა განვაგდო... სამი დღეა რაც თბილისში ვარ და ვხვდები, უკვე როგორ მენატრება სოფელი, საქორია, თხების ხელმწიფე...

– სამწუხაროდ კონტიგენტი შეზღუდული გვაქვს. ახლა გასაუბრებ-ბას გავივლი. რომ არ ინერვიულოს, თქვენი ყოფნა გასაუბრებზე აუცილებელი არ არის! – მშობლებს ეუბნება დირექტორი.

ეს კარგია, მოვიცილე პატრული, ისე და რომ გავიშტერო თავი და არაფერი ვთქვა ხო დამაბრუნებენ სოფელში. ივრა კარგი მოვიფიქ-რე, ამას კონან დოილიც ვერ მიხვდებოდა ბავშვობაში.

– აბა წავიდეთ ლაშა, შენს დამრიგებელსაც გაგაცნობ! – მეუბნება სიმპატიური ქალი, რომელიც სასწავლო ნაწილად გაგვეცნო, მგონი ამან უკვე ჩამრიცხა სკოლაში.

სამსართულიანი შენობაა, კრიალებს ირგვლივ ყველაფერი, ერთ-ადგილიანი მერხები და კონტა სკამები, ისე ალაგია, გეგონება თარაზოთ გაუსწორებიათო. ეჰ, უსწორ-მასწორო იატაკი და დანჯ-ლრეული მერხები მირჩევნია ჩემი სოფლის. ცოტაც და საკლასო ოთახს მივადევით, რომელსაც რომაულად აწერია – მეექვსე. კლას-ში კარადასთან ქალი დგას, წიგნებს ალაგებს, ოი საკვირველებავ, ბებიაჩემი – თოვნასი ბებო, გაკვირვებული ვუყურებ, თუმცა არა, ეს უფრო მაღალი და ახალგაზრდაა. რომ დაგვინახა ჩვენსკენ წამოვიდა.

– ქალბატონო ზეინაბ, ახალი მოსწავლე მოგიყვანეთ! – ეუბნება სასწავლო ნაწილი, – აბა თქვენ იცით, მკაცრად გამოსცადეთ! – ამას კი ამბობს, მაგრამ თან ღიმილით და ასევე ღიმილით მიდის.

– ფეხზე რატომ დგებართ, დაბრძანდით გეთაყვა!

გულში მეცინება, ქალაქია, სოფელში აბა ვინ გეტყვის გეთაყვას. ის მოსწავლეების მერხთან ჯდება, ჩანთიდან დიდ რვეულს და ავტოკალამს იღებს. მე ბოლო მერხისკენ მივდივარ, ჩემს საყვარელ ადგილას და ფანჯარასთან ვჯდები.

– შე, კაცო, აგერ წინ დაჯექი, ამ სიშორეზე დეპეშა გადმოგიგზავნო და ისე გესაუბრო თუ დაგირეკო? – იცინის. გამოდის თბილისშიც იცინიან მოსწავლეებზე. არადა მომსაპობს ეს სიცილი, ყველა ისე გილიმის ან თითქოს შტერი ვარ ან თითქოს ჩემზე უკეთესი არავინ ენახოთ ჯერ, არადა სასიამოვნო კია, რომ გილიმიან. მის წინა მერხ-ზე ვჯდები.

– აბა გავიცნოთ ერთმანეთი, ზეინაბ მასწავლებელი!

– ლაშა, მოსწავლე! – ვეუბნები მე. ისევ გაიცინა, თან ისე, ვიფიქრე ახლა თუ ეს გადაფიჩინდა უყარე მერე კეკალი, ინდოურივით. ცოტა ხანში დაწყნარდა, თან სათვალე მოიხსნა და ცრემლები მოიწმინდა.

– შენ გაგახარებს ღმერთი, რა გამაცინე. მშვენიერი პროფესიაა შენ ასაკში! იქნებ გვარიც მითხრა, ლაშა!

– ქორიძე!

– ძალიან კარგი, ჩავიწეროთ! მათემატიკით დავიწყოთ, ანუ თუ ვიცით მათემატიკა, ყველაფერი ვიცით! აბა ერთი გამოსახულება ამომიხსენი, ძალიან მინდა უპასუხო, ანუ არ აჩქარდები ხო?

– კარგი, მასწ!

– სამს პლუს სამი გაყოფილი სამზე?

ამას რად უნდა დაფიქრება, სამს პლუს სამი ექვსი, გაყოფილი სამზე ორი. მაშინ რატო მითხრა არ აჩქარდო. ანუ მივხვდი ეშმაკობას: ფრჩხილში თუ იქნება სამს პლუს სამი მაშინ არის პასუხი ორი, რად-გან ფრჩხილი არ თქვა, გამოვიდა სამს ემატება სამი გაყოფილი სამზე, ანუ ერთი და ჯამი გამოვიდა ოთხი.

– ოთხი!

– შენ რა კარგი ბიჭი ყოფილხარ, აღარ გეკითხები რატო-მეთქი, თუმცა ზოგი მპასუხობს ამ კითხვაზე პასუხი ორიო და ისე როდის იქნება ორი? – არ გეკითხებიო და მაინც მკითხა!

– თუ სამ პლუს სამი ფრჩხილებში იქნება!

– მშვენიერია! წილაღებზე როგორა ვართ?

– კარგათ!

– ძალიან კარგი, ოღონდ უნდა თქვა კარგად, ეს არაფერი... წესიერი წილადი გეცოდინება, წესიერი ახალგაზრდა ჩანხარ! აბა არაწე-სიერზე რას მეტყვი?!

– უზრდელს ვეძახდით სოფელში!

– აბა, რომელია უზრდელი წილადი?

– უზრდელია მასწ, წილადი თუ მრიცხველი ტოლია ან მეტია მნიშ-ნელზე.

– კიდევ კარგი დირექტორი არ გვისმენს, გურულ სასწავლო პროგ-რამაზე როგორ გადამიყვანე, ყაზახო! – იცინის. მერე აგრძელებს.

- კარგი, აბა ერთი ორი მაგალითი ნებისმიერი უზრდელი წილადასა!
- ერთი თუ ორი?
- კარგი, ორი იყოს!
- ანუ როცა ტოლია და როცა განსხვავებულება მნიშვნელოვანი და მრავალფეროვანი, ვთქვათ სამი მესამედი ან შვიდი მეხუთედი!
- შენ რა კაი ბიჭი ყოფილხარ! მშობლებს უთქვამს ცოტა ჯიუტიაო?
- მშობლებზე სჯობს ამასთან არაფერი ვთქვა, თუ მოვალე პირი, მარა ხომ არ გავაგებინებ რა მტკივნეული მამა და დედა მყავს... აბა კარგს რა იტყოდა ჩემზე!
- ახლა უკვე ვიცი შერეულ რიცხვს რას ეძახდით, გადარეულს ალბათ ხო? – კვლავ იცინის.
- არა, აბა რა რიცხვებს!
- მიდი აბა დაფასთან და დამიწერე ერთი აბა რა რიცხვი!
- დაფასთან გავდივარ. ასე მგონია გამოცდაზე კი არ ვარ ვთამაშობთ, არადა ვაპირებდი არაფერს ვუპასუხებ-მეთქი, სულ დამავიწყდა, როგორც ამბობენ, შევტოპე, ახლა ძნელია უკან გამოტოპვა. ვწერ, თან ვამბობ:
- აბა რა რიცხვი შვიდი მთელი, სამი მეშვიდედი!
- გვიყურებდეს ახლა სასწავლო ნაწილი?! – იცინის ისევ, – გადააქციე აბა უზრდელ წილადად!
- ჯერ ტოლობის ნიშანს ვწერ და გვერდით ვუწერ, თან ვამბობ:
- ორმოცდათორმეტი მეშვიდედი!
- გადასარევი, კაი ბიჭი ხარ შენ ხო იცი!
- ვიცი!
- აუჰ, მთლად თავმდაბლობით არ გამოირჩევი, ისე, კაცმა რომ თქვას, ესეც იცი?!
- კი!
- ხო მართლა რა გყავდა მთელი რიცხვი, პრინციპში რა მნიშვნელობა აქვს რა გყავდა! აბა წიგნებს თუ კითხულობ, მხატვრული ლიტერატურა?
- კი!
- ბოლო რა წაიკითხე?
- ბასკერვილების ძალი!
- ანუ დეტექტივები მოგწონს, რა მოგეწონა ამ მოთხრობაში!
- ძალი!
- ძალი რატო?!
- ცოდოა, ჯერ იარაღად იყენებენ, რომ სხვა მოკლან და მერე თვითონ მას კლავენ!
- ამხელა მოთხრობა ერთ ხაზში ჩაატე, აბა ერთი ლექსი გვითხარი...
- ოდესმე დიდი ყოფილა საქართველო... „ჩემო მიმინო და ჩემო ფრთანათელო...“
- ეს მეხუთე კლასის მასალა რომ არაა?
- თეატრალური მონტაჟი გვექონდა სკოლაში და ეს ლექსი მე მომცეს სასწავლად...
- აბა რომელიმე არსებითი სახელი მითხარი ნათესაობით ბრუნვაში!
- ნათესავი ვინ მყავს არსებითი სახელი, მოდი ქორს ვიტყვი.
- ქორის!
- ყოჩაღ! მიფრინავს რომელ ბრუნვაშია აბა თუ მეტყვი?
- მიფრინავს არის ზმნა, ზმნა არ იბრუნება, იუღლება.
- ყოჩაღ, სკოლაში უცხო ენას რომელს გასწავლიდნენ?
- გერმანულს!
- შპრეხენ ზი ლოიჩ?
- ია, ზერ გუთ!
- ლაშა, რა კარგი კაცი ხარ! რა ვქნათ ახლა ჩვენ, მადლობა ვუთხრათ შენს მშობლებს ჩვენს სკოლაში რომ მოგიყვანეს!
- რა მაგარია! აი, შენსი, რა კარგი ქალი ჩანს, ამას ვთხოვ და დამაბრუნებენ უკან.
- შეიძლება ვთხოვოთ, მშობლებს უთხარით, არაფერი ამან არ იცის, გამოშტერებულია და საიდანაც წამოგიყვანიათ, იქ დააბრუნეთ ეს ბავშვი-თქო!

– უი, რატო ლაშა? იცი, თავიდან ვფიქრობდი ვინ არის ეს, ახლა ამის ატანა არ გინდა? მაგრამ ახლა არც მე რომ მემეტები, მინდა ჩემს სადამრიგებლოში იყო, თან როგორ გინდა ტყუილი ვთქვა?! გასაგებია, შენი ძველი სკოლა, ძველი მეგობრები არ გემეტება, მაგრამ აქ ახლებს გაიჩინე, პრინციპში უკვე ერთი გაიჩინე, ჩათვალე ზეინაბ მასწავლებელი შენი მეგობარია!

ხელს მიწვდის, მეც ვართმევ. მართლა როგორ გავს თოვნასი ბებოს, ხელიც ბებიასავით თბილი აქვს.

– აბა როგორაა საქმე? – სასწავლო ნაწილმა შემოიხედა კლასში.

– საქმე ასეა, უკვე დავმეგობრდით და მგონი ლაშას უნდა ვთხოვოთ ჩვენს კლასში გააგრძელოს სწავლა, ძველ სკოლას კი მადლოების წერილი უნდა გავუგზავნოთ!

– მართლა, ზეინაბ მასწავლებელი, ქვემოთ მშობლებიცაა, ალბათ კარგი იქნება მათაც თუ გაიცნობთ, გაუხარდებათ, თუ ასეთი კარგი შთაბეჭდილება მოუხდენია, ყოჩაღ ლაშა!

15 სექტემბერი

მეზობლები დავიმძაკაცე, ფეხბურთსაც ვთამაშობთ და წყლის დასასველებლებით ომობანაც ვითამაშეთ, იქ სადაც კორპუსებს გადაღმა ფერდობია და პატარა ლეღიცაა, ეს ლეღე მერე სკოლასთან გაივლის. ხვირა მესიჯებს მწერს, ბოლო ომი სათხილელებთან მარცხით დამთავრდა, საღამომდე ტყვედაც ვყავდით, უნდოდათ ჩვენი გამოქვაბულის ადგილი გაეგოთ, მაგრამ არც ერთი არ გავტყდით, რადგან ომის კანონების მიხედვით, ძალიან არ ვუწამებთ ვართო.

დღეს პირველი დღეა სკოლაში. დედა მეუბნება გაყვებით. გაყოლა რად მინდა, ორი გაჩერებაც არ არის ჩვენი კორპუსიდან. ეს წითური მანდატური, კაცი, რატომღაც კატას მაგონებს, ვფიქრობ, რომ გამარჯობის მაგივრად მიაუს მეტყვის, ამიტომ ვესალმები, მაინტერესებს, მართლა ასე იქნება? მაგრამ ის ჩვეულებრივ, ადამიანივით მეუბნება, – გაგიმარჯოს. კიდევ კარგი ჩემს ფიქრებს არ კითხულობს და კატა რომ მგონია არ იცის. მეორე მანდატური ქალია, ისეთი გაწვიპული დადის და ისეთი მკაცრი სახე აქვს, ზღაპრებში რომ არის გაუცინარი, ყინულის დედოფლები. ნეტა ფეხის გულზე რომ უხიციანებენ, მაშინ თუ ელიმება, ამას, რა თქმა უნდა, ვერანაირად ვერ გავიგებ. გამარჯობის თქმაც მერიდება, დანაშაულში არ ჩამითვალოს და არ ვესალმები. უცებ წარმოვიდგინე, რომ ვეუბნები: – ქალბატონო მანდატურო, შეიძლება ფეხის გულზე შეგიხიციანოთ? ნეტა რა რეაქცია ექნება! აი, მაშინ მაინტერესებს მისი სახე, მე კი, ქალაქს კი არა, მგონი სოფელსაც დამატოვინებენ. ვიცი რომ ჩემი კლასი მეორე სართულზეა, კლასში შევდივარ, რამდენიმე ბავშვია, რომლებიც ერთმანეთში ლაპარაკობენ და ყურადღებას არ მამქცევენ. ვეძებ უკანა ადგილს ფანჯარასთან, უი, რა კარგია, ცარიელია, იქ არაზინ ჩანს, მივდივარ და ჩემს ხელიკისფერ ჩანთას ვდებ.

– მანდ ზურა ზის! – მეუბნება ერთი გოგო, თხის წვერებით აქვს კიკინები. ამაზეა ზუსტად ნათქვამი, არა მკითხე მეამბეო!

– აბა, სად არის ზურა? – მე ვეკითხები, – ზურა, გამოდი ზურა! – და მერხის ქვეშ ვიხედები.

– მოვა!

– ხოდა, რომ მოვა ზურამ დამელაპარაკოს!

გოგო ცხვირს იბზუებს და გარეთ გადის, რა ეწყინა. ამიტომ ვეუბნები ხვირას, ქალის ფეხი არ ვნახო ჩვენს გამოქვაბულში-მეთქი. მე პენალი ამომექვს ჩანთიდან და მერხზე ვდებ, მოვინუნე ტერიტორია, ახლა ზურა კი არა სათხილეების მთელი ლაშქარიც ვერ დამძრავს აქედან. ხვირას მესიჯს ვუგზავნი, რომ სწავლის დაწყებასთან დაკავშირებით ღროებით ზავი გამოაცხადოს.

აი, ზეინაბ მასწავლებელიც, უი რა გამოპრანჭულა, ისე იმ დღესაც ლამაზი იყო, მაგრამ დღეს უკვე მერიდება, თოვნასი ბებოს რომ შევადარე, მაგრამ რა ვქნა – ჰვავს. ალბათ ბებია მომენატრა და მისი გამოცხვარი კეცის ხაჭაპური, აბა აქ გემოს ვერ გაუგებ, ხაჭაპურია თუ ჩალა ვერ არჩევ.

– გამარჯობათ ბავშვებო, როგორ ხართ? როგორ დაისვენეთ? ლაშა, კეთილი იყოს შენი ფეხი ჩვენს კლასში, ბავშვებო უნდა ახალი კლასელი გაგაცნოთ!

– მასწ, იქ ხო ზურა ზის!

ამ გოგომ ხო შემჭამა, რა!

– ნინი, ასე უნდა სტუმრის მიღება, ან ზურას, შენ ფიქრობ ნაყიდი აქვს ის ადგილი? – უცინის ზეინაბ მასწავლებელი.

მოვიდეს ერთი ის ზურაა, თუ ამბრაზურა, კარგა ხანია ვინმე არ მიმიტყიავას. კლასში ვილაც შემოდის, ორი ჩემხელაა, ზურაზე უზარმაზარი ჩანთით, აი ფილმი რომ არის: „შკაფი მოყავთო!“ – ზუსტად ის არის. ოლონდ ეს არ იყოს ზურა და სამ დღეს შემწვარ კარტოფილს არ შევჭამ. მე ხომ ბედი არა მაქვს, რა!

– აი, ზურაც მოვიდა... ზურას წელს, იმიტომ რომ შარშან კარგად იქცეოდა და ყურადღებით იყო გაკვეთილებზე დაესვათ წინა მერხზე, სადაც გიორგი იჯდა. ბავშვებო იცით ხო, გიორგის მშობლები გერმანიაში წავიდნენ საცხოვრებლად და გიორგიც წაიყვანეს.

– კი ვიცი მას, სკაიპით ვლაპარაკობთ!

– აბა იცნობდეთ ყველა, თქვენი ახალი მეგობარი და კლასელი, ლაშა ქორიძე!

ზურა თვალებით მზურღავს, ის, ნინი რაღაცას ეჩურჩულებს. ეჰ, სად არი ჩემი ლაშქარი, საქორიელთა...

22 სექსუალობა

06.30

სიზმარმა გამოადგინა ზეინაბ მასწავლებელი, სისხლით მორწყული წყარო ემუდარებოდა მიშველეთ, ოფლიანს გაეღვიძა. წამოდგა, სინათლე აანთო. გარდაცვლილი მეუღლის სურათს შეხედა: ეჰ, ბეჟან, ბეჟან, სიზმარში წყარო მესიზმრება, შენ მაინც განახო, კაცო!“ – თქვა და სამზარეულოში გავიდა. წყალი დალია. მერე ფანჯარაში გაიხედა, მელნისფერ ცას ვარდისფერი შერეოდა მამკოდას მთის მხრიდან, ცაზე ცისკრის ვარსკვლავი კიაფობდა, თენდებოდა თბილისში. ტელეფონი აიღო და შვილს დაურეკა. რამდენიმე ზარის შემდეგ გავიდა.

- თორნიკე, როგორ ხარ?
- კარგად, დედა, მშვიდობაა, შენ როგორ ხარ?
- მეც კარგად, რაღაც სიზმარი ვნახე და ...
- დედა, იცი რომელი საათია ახლა აქ?
- ხო კარგი, ვიცი და ისე დედაშვილობა ოცდაოთხსაათიანია!
- ხო კარგი დედა, ნუ მიბრაზდები!
- კარგი ხო, დაიძინე!

ტელეფონი გათიშა. ისევ სიზმარზე დაფიქრდა, რას უნდა ნიშნავდეს. სამკითხაო წიგნი ახსოვდა, ახლგაზარდობაში ნაყიდი, სიზმრების ახსნაც იყო იმ წიგნში, მაგრამ ახლა დაეზარა მოძებნა. უნდა მომზადებულიყო, სადამრიგებლო კლასი ექსკურსიაზე მიჰყავდა დღეს.

10.00

დღეს ექსკურსიაზე მივდივართ, დედას უნდოდა წამოსვლა, არა-მეთქი, დედა სახლშიც მეყოფა... თან ვიცოდი, რომ გოგოების მშობლები მოდიოდნენ მხოლოდ, ისიც ყველა არა. კლასს შევეჩვიე, ერთი ის ნინი მიყურებს ალმაცერად. ზურას დავუძმავაცდი, თურმე ეს ნინი მისი დედაშვილია. მარშუტკაში მე და ზურა ერთად ვზივართ. რაგბზე დავდივარო, გინდა შენც იარე, შენ სადმე დადი-ოდო, მეკითხება... მე ტყეში-მეთქი და მოვუყვები ჩვენს ლაშქრობებზე და ომებზე. ზუსტად ამ დროს მომივიდა ხვიჩას მესიჯი, მწერს სათხილეები დროებით ზავის სანაცვლოდ გვთხოვენ ვასწავლოთ გამოქვაბულის გზა, ამასთან ერთად ითხოვენ ყოველგვარი ზედმეტი პირობის გარეშე გადავცეთ გამოქვაბული. არანაირად არ დათანხმდეთ, უპასუხეთ, რომ მოვიფიქრებთ-თქო. ჯერ ორიოდ კვირა ვითომ ფიქრობთ-მეთქი. კარგო, ხვიჩა მწერს. ზურა ჩვენს მიმოწერას თვალს ადევნებს, მერე ბაში-აჩუკივით მეუბნება, მიმიღეთ თქვენს ლაშქარში. კი მეთქი, ხვიჩას ვწერ, რომ ლაშქარში მატება გვაქვს, ჩვენს რიგებს შემომმატა ზურა-ამბრაზურა. ეს ვინ არისო... მერე გაგაცნობ-მეთქი. ჩვენს წინ სავარძელზე ნინი ზის, ისევ კიკინებით, ხან გადმოგვხედავს, რას ვაკეთებთ. კიდევ კარგი თხასავით არ კიკინებს, ისე ლამაზია... მაინც უნდა ვუფრთხილდე, სათხილეთა აგენტი არ იყოს.

ჯერ ჯვარზე ვიყავით, მერე სვეტიცხოველში, საცხე იყო იქაურობა უცხოელი ტურისტებით, განსაკუთრებით ხალხმრავლობა სვეტიცხოველთან იყო. ტაძრის გზაზე პატარა სავაჭრო ფარდულები გაემართათ, რომლებიც საცხე იყო ქართული თუ უცხოური სასუსნაგებით. ერთ ადგილას თაფლი იყიდებოდა სხვადასხვა ქილებით და ჩურჩხელები, წარწერა კი სხვადასხვა ენებზე, ოლონდ არცერთი ქართული. ზეინაბ მასწავლებელმა გამყიდველს ჩხუბი დაუწყო, რატო ქართული წარწერა არ აქვსო, ახლა კონტროლის პალატიდან მოვლენ და ჯარიმას რომ დაგაკისრებენ ხუთას ლარიანს, მერე ხო ისწავლით ჭკუასო. თითქოს ქორმა ჩამოუქროლა ჭუჭულებსო, ისე დაფრთხა და აფუცხუნდა ყველა, თვითონ ზეინაბ მასწავლებელი კი ტაძრის შესასვლელისკენ წავიდა, კრუხს რომ წიწილები აედევნებინა, ისე მივსდევდით ჩვენც, წინა დღით ინსტრუქტაჟი ჩაგვიტარა, ერთ ნაბიჯზე, ჰა-ჰა, მხოლოდ ორ ნაბიჯზე შეგიძლიათ მომიკლდეთო. მერე მშობლებმა მოიტანეს ამბავი, გამყიდველები ერთმანეთს უამბობდნენ, ვილაც ალქაჯი (ეს ისე თქვეს, ზეინაბ მასწავლებელს არ გაეგონა) დაგვესხა თავს, ნეტა მეტს არ ჩამოივლიდესო, თან მთელი სავაჭრო რიგი ფლომასტერებს და პასტებს ეძებდნენ, ქართული ასოებით აწერდნენ სახელებს სხვადასხვა ნუგბარსო.

ის იყო ტაძრის ეზოში უნდა შევესულიყავით, ვხედავთ ვილაც აყლაყულა ტიპი, როგორ ანამწვავებს სიგარეტს ტაძრის შესასვლელთან მდებარე სვეტზე. ზეინაბ მასწავლებელმა ერთ მშობელს სთხოვა, ბავშვებთან იყავით. მერე იმ სტუმართან მივიდა და ახლავს სიგარეტი აიღეო, ეუბნება. ის გაკვირვებული უყურებდა, ვერ ხვდებოდა რა უნდოდა, კარგი რომ არაფერი, ისედაც მიხვდა, ეტყობა უცხოელი იყო და ქართულის ინჩი-ბინჩი არ გაეგებოდა. ვილაც ქალს, ეტყობა ამათ ვიღს ჰკითხა:

– What should this woman do?

– რა უნდა და უთხარი მაგ ვაჟბატონს, რომ აქ მოწვევა და დანამწვავება არ შეიძლება-თქო! უთხრა ზეინაბ მასწავლებელმა იმ ქალს. იმან, უხერხულია, სტუმარიო. სტუმარი რომაა, იმიტომ ვეუბნები მშვიდად, თორემ ქართველი რომ იყოს ყურებით დავითრევიდო. შემცბარმა გიღმა მაშინვე უთარგმნა. უცხოელი იძულებული გახდა ნამწვავი აეღო და ღიმილით წაეღო სანაგვე ყუთისკენ, რომელსაც ლექსად ეწერა: „დაგავე ნაგავი“.

„რად მინდა ასეთი ევროპა?“ – ჩუმად თქვა ერთმა მშობელმა. მერე ყველანი ერთად ტაძრის ეზოში შევედით.

23 სექსუალობა

16.00

სვეტიცხოველიდან, ისე რომ არსად გაჩერებულვართ, ბორჯომის ხეობაში ავედით, გრიგოლ ხანძთელის მოწაფეების მიერ აგებულ მწვანე მონასტერში სანთლები ავანთეთ. ნეტა ჩემი მოწაფეები თუ ააგებენ რაიმეს, ეჰ ნეტა კი არ დაანგრევდნენ და... საოცარი ბუნებაა ირგვლივ, თითქოს ხეებიც სულ სხვანაირად მწვანეა და მონასტრის კედლებსაც კი მწვანე ფერი დაჰკრავს. იქვე პატარა წყაროც ვნახეთ, რომელსაც მონასტრის ეზოში მთელ სიგრძეზე

სისხლისფერი ქვეები ჰქონდა ჩაცოლებული. გიჟმა ეს მტრის მიერ ნაწამები ქართველი ბერების სისხლიაო. ალბათ ეს არის ჩემი სიზმარი- მეთქი, გავიფიქრე...

თითქოს სამოთხეში ვიყავით და მონასტრიდან წამოსულებმა გზაში სახაჭაპურე „სამოთხე“ ვნახეთ და იქ გავიარეთ, სუფრა გავაწყვეთ, ბავშვებმა ლექსები და სიმღერები თქვეს. მშობლებმა ციმღერეს, ფიქრმა გამიელვა, ხომ არ ჩამოვყალიბო ანსამბლი ცალკე მშობლების ცალკე მოსწავლეების ან საერთო... ლაშა კი, გეგონება მთელი ხუთი წელი ამათთან ერთად სწავლობდაო, ისე დაუამხანაგდა ყველას... ცოტა ნინი ცდილობს დისტანცია დაიჭიროს. ლიმონათს დაგისხამო და იმან, არ მინდა გმადლობთ გეთაყვაო, გაბრაზებით უთხრა. ლაშამ კი, იმის მაგივრად წყენოდა, სიცილით სკამიდან კინალამ გადატრიალდა.

23 საქთაბანი

08.50

რა საშინელი ორშაბათი გათენდა. სკოლის უკან მოედანზე სამშენებლო მოედანი გაუმართავთ, ლობერიც შემოუღობავთ, სურათიც გაუკრავთ, ეტყობა თერთმეტსართულიანი კორპუსის წამოჭიმვა უნდათ. სანამ სკოლის ეზოში შევიდოდი ჯერ ბუდლოზერთან ხალხი შევგუფულიყო და იმათთან მივედი, რა ხდება აქ-მეთქი. კორპუსს ვაშენებთო. კი, მაგრამ ბავშვების სტადიონი, სკვერი ან წყაროს რას უშვრებით-მეთქი, წყარო გვირბაში გაივლის, სტადიონი ცოტათი შემცირდება, მაინც დარჩება, სკვერს კი სხვაგან გავაკეთებთო, ამის უფლება ვინ მოგვცათ-მეთქი და ქალბატონო, ჩვენ მუშები ვართ და რასაც გვეტყვიან, ვაკეთებთო. ამათთან საუბარს აზრი არ ჰქონდა, მივხვდი. სკოლის ეზოში შევედი. ესეც ჩემი სიზმარი.

– ბავშვებო, სკვერს გვიუქმებენ, წყაროს მარხავენ, მე ახლა გამგეობაში მივდივარ, იცოდეთ არ იხმაუროთ, შესვენებაზე წესიერად მოიქეცით!

– მას, მეც წამოვალ რა! – ლაშა მემუდარება.

– შენ კლასში დარჩები, უფლება არ მაქვს საგაკვეთილო პროცესს მოგწყვიტო!

– გთხოვთ, მასწ... ხო გვინდა წყაროს გადარჩენა, მეც მოგხმარებით რა, გთხოვთ!

– მოიცა მაშინ, დედაშენს დავურეკავ, მერე დირექტორსაც უნდა ვთხოვო, ისე უფლება არ მაქვს!

– კარგი, მასწ, თუ ასეა, მე ამასობაში მამასაც ვთხოვ, ახლავე დავურეკავ!

23 საქთაბანი

09.00

– ბატონო შალვა, გამგეობაში უნდა წავიდე, ორი გაკვეთილი ფანჯარა მაქვს და მოვალ კიდეც, შესვენებისას გოგოებს ვთხოვ და

ყურადღებით იქნებიან კლასთან.

– ზეინაზ მასწავლებლო, ღირს მაგათთან ომი?

– ომს ყოველთვის აქვს აზრი, სიზმრად გადამექცა ამ წყაროს ამბავი! ლაშას წავიყვან, არ მასვენებს, წამოგყვებიო!

– მე ვერ შეგეწინააღმდეგებით, მშობლები რას იტყვიან, სწავლის დროს ბავშვი გამგეობაში დადისო!

– დავურეკე უკვე დედას და თანახმაა!

– მამას?

– მამას თვითონ ლაშამ დაურეკა!

– კარგით, ქალბატონო ზეინაზ!

23 საქთაბანი

09.15

– ნუ გეშინიათ, მას, ვერაფერს ვერ მიზამენ, თქვენ გამგეობაში წადით მე სკვერში გადავალ და მუშებს შევჩერებ!

– შენ ხომ არ გაგიჟდი, იმ ველურებთან მარტოს მიგიშვებ!

– მას მე არაფერი არ მომივა, ნუ გეშინიათ!

– არა-მეთქი, ან ჩემთან ერთად წამოხვალ, ან კლასში დაბრუნდები!

– კარგით რა მასწ, წყარო ხო გეცოდებათ? გინდათ, რომ დამარხონ?

– არა-მეთქი!

– კარგით, მაშინ, მე კლასში ვბრუნდები!

– ხო, ასე სჯობს!

„ერთი ახლა თვალს მიეფაროს! უკვე აღარ ჩანს! ეს კატა-მანდატურიც მე მიყურებს, ახლა ამასაც უნდა დავემალო, ვითომ ზეინაზს გავყვი: ესეც ასე: კურუმ, კურუმ...“

„ასე უტებს სად გაქრა ის ბავშვი, რაღაც სიტყვები კი გავიგონე, კურუმ, კურუმო, თუ რაღაცაო...“ მოვიხედე და არსად არის, მაცალოს მოვბრუნდე უკან.

23 საქთაბანი

09.30

გამგეობა 30 სართულიან ცათამბჯენში იყო განთავსებული, გამგებლის კაბინეტი კი ბოლო ორ სართულს მოიცავდა. თვითონ

შენობის ფუძე წესიერ ექვსკუთხედს წარმოადგენდა, ხოლო ბოლო ორი სართული ექვსკუთხა პირამიდას, შესაბამისად შენობა შორიდან წვერწამახულ HB ტიპის ფანქარს ჰგავდა, რომლებიც ლამაზად წვერწამახული, ყოველთვის უხვად ელაგა შავ საფანქრეში. უცებ კაბინეტის კარი გაიღო, წინ ქალბატონი ზეინაბი მოდიოდა, უკან კი მდივანი ქალი მოსდევდა, ბატონი ქაიხოსრო ჯერ დაკავებულია და ვერ მიგიღებთო. გამგებელი ამ დროს ვილაცხას ტელეფონით უუბნებოდა, ვაშლატამას კომპოტი გამიკეთეო.

– ბატონო ქაიხოსრო, მაპატიეთ, ვუთხარი თქვენზე დაკავებულია-თქო, არ გამიგონა, მეც დაკავებული ვარო და შემოვიდა! – მდივან ქალს სახეზე წითელი ფოთლები ჰქონდა დაყრილი, უფრო იმის შიშით, გამგებელი არ გამიწყრეს და ამ თვის პრემიას არ გამომიწერსო. ქაიხოსრო ტყავის საეპარძლიდან წამოიმართა და კაბინეტში შემოსული ორი ქალბატონისკენ დაიძრა.

– არა უშავს, ქალბატონო თვალგული, მოზრძანდით ზეინაბ მასწავლებლო, როგორ მიხარია თქვენი ნახვა, როგორ ვნატრობდი თქვენი მოსწავლე ვყოფილიყავი და თუნდაც ყურიც აგეწიათ ჩემთვის, სამწუხაროდ თქვენ მაშინ მოხვედით ჩვენს სკოლაში, როცა მე ვამთავრებდი და აი ასე ავცდით ერთმანეთს!

– ყურის აწევას რაც შეეხება, ახლაც არ დაგზარდებით!

– რა დავაშავე, ვერ ვხვდები, ზეინაბ მასწავლებლო!

– ანუ ჩვენი სკოლა გახსოვს?

– როგორ არ მახსოვს, მთელი თორმეტი წელი იქ არ ვიყავი, მგონი სახლში არ ვატარებდი იმდენ დროს რამდენსაც იქ, რალაც შეწუხებული ჩანხართ, ყურადღებით გისმენთ!

– ძალიან კარგი, რომ ყურადღებით მისმენ, გავიგიათ წყაროს მარხავდნენ?

– ვერაფერი გავიგე!

– სკოლას უკან სტადიონი რომ აქვს გახსოვს ალბათ?

– როგორ არ მახსოვს! რაც მე იქ კეტები დამიხვია, ადრე ასფალტი ეგო, ახლა ხალიჩის მიწდორია, წელს მგონი ვადა ვადის, ვაპირებთ ახალი დავავოთ! ცოტათი სტადიონის ზომის შემცირება მოგვიწევს!

– გასაგებია, სტადიონს გადააქეცევთ სამშენებლო სტადიონად, მის ადგილზე წამოჭიმავთ კორპუსს, სტადიონის უკან რომ სკვერი იყო, გახსოვს?

– კი, ესეც მახსოვს!

– ახლომდებარე მოსახლეობას და სკოლის ბავშვებიც სიცხეს იქ აფარებდა თავს. დღეს დილით მოვიდნენ, დახაზეს, გამოხაზეს და თურმე აპირებენ ხეები დაჭრან, წყარო დამარხონ!

– ქალბატონო ზეინაბ, ალბათ გვირაბში გაუშვებენ წყალს, წყაროს დამარხვა ვინ გაიგონა!

– ჯერ ეს ერთი, რომ გვირაბში გაშვებული და დამარხული ერთი და იგივეა, მეორეც აუცილებლად სტადიონს უნდა მოადგან კორპუსი!

– არ ვიცი, ქალბატონო ზეინაბ, ეს მიწა და სტადიონიც ხო სკოლის ეზოს გადაღმაა. ალბათ გაყიდულია მიწა და მეპატრონეს შეუძლია თავისებურად გადაწყვიტოს, მის კუთვნილ მიწაზე რას გააკეთებს!

– გაყიდულია რას ნიშნავს? ვინ გაყიდა? ვისი ქონება გაყიდა, ბავშვებს რომ ართმევს წყაროს, თავზე უნდა წამოუშარათოს უზარმაზარი კორპუსი, ჯერ ეს ერთი, მეორეც, როგორ გინდა იმ ხმაურსა და ორომტრიალში გაკვეთილები ჩავატაროთ, ამაზე დაფიქრებულხართ?

– გავარკვევთ ქალბატონო ზეინაბ და დაგვიკავშირდებით!

– როდის დამიკავშირდებით, როცა კორპუსი აშენდება?!

– არა, მანამდე დაგვიკავშირდებით!

– იქ კორპუსის მშენებლობის უფლებას გინდაც შევეწირო არ მოგცემთ, არც წყაროს დაგამარხინებთ, პირველი მაშინ მე დამმარხეთ!

– როგორ გეკადრებათ, ზეინაბ მასწავლებლო!

– ასე მეკადრება!

– დარწმუნებული იყავით ყველაფერი კარგად იქნება!

– სწორედაც, რომ არ ვარ დარწმუნებული, იმიტომ ვარ აქ!

23 საქმეაბანი

10.00

– კაბინეტში შემომივარდა, როგორ გაბედეთ და კორპუსს აშენებთო, ან წყაროს როგორ მარხავთო. კომპრომატები არ გვაქვს რაიმე ამ ქალზე?

– რა ვიცი, რა კომპრომატი უნდა გვექონდეს, მასწავლებელია, დიდი-დიდი ჟურნალში შეიძლება ჰქონდეს მცდომა გაპარული! ქმარი გარდაცვლილი ჰყავს, ბიჭი ინგლისშია რომელიღაც უნივერსიტეტის პროფესორი, თან მთელ სკოლას და მოსახლეობას უყვარს.

– აბა რა ვქნათ, რომ მოვისყიდოთ, ან მოდი ბინა მივცეთ!

– ნუ მაცინებ, შენ ზეინაბ მასწავლებელი არ იცი, ეტყობა!

– იცინე შენ და მთელი გამგეობა დაგვლანძღა, როგორ ბედავთ და ბავშვებს სკვერს უუქმებთო, იმას კი არ ამბობს იმ კორპუსში, ამ სკოლის მოსწავლეები რომ იცხოვრებენ.

– დამელოდე, მეორე ტელეფონზე პრარაბი რეკავს!

– მეც მომასმენინე ერთი რას ამბობს, იქაც ხომ არ მიუვარდა?

– გისმენთ აქვსენტიჩი, რა ხდება ხო მშვიდობაა, დაიწყეს ექსკალატორებმა ამოთხრა?

– აქ რაღაც საოცრება ხდება, ტრაქტორს მინა ჩაეღვწა და ზეთი დაექცა და ვერ მუშაობს, მანქანას პაკრიშკები დაუსკდა, მუშებს წყარო წუწავს, სამუშაო ტანსაცმელს თითქოს ქარი აფრიალებს და სულ წყალში ჩაიყარა, არადა ნიავეც არ ქრის, მუშები გაგვექცა ყველა, გაჩერებულია სამუშაო!

– შენ ერთი ჩემი ძმა, ბევრი მოწიე? დამალაპარაკე მანდ ვინმე!

– არავინ არ არის, გაიქცა ყველა-მეთქი!

– შენ სად ხარ ?

– მე სად ვარ და ორი გაჩერების იქეთ, ფეხით თან, ჩემს მანქანას ოთხიდან სამი პაკრიშკა დაშვებული აქვს.

– რეზო სად არის?

– რეზო ეკლესიაში მივდივარ, უნდა ვილოცო, ცოდვები მოვინანიო!

– ესეც არქიტექტორი რა! მაგას ურჩევნია ეკლესიები აშენოს! კარ-გი ხო, მოიცა მერი მირეკავს! გისმენთ ბატონო გედეონ!

– რას შეგები ბიჭო შენ, იცი საერთოდ?!

– რაზე ამბობთ ბატონო გედეონ!

– რა წელია წელს ის თუ იცი ?!

– თხის მგონი!

– გაგათხავებ შენ, არჩვენების წელია, ბიჭო, რა მომიყვანე ის ქალი ამ დილით კაბინეტში!

– ქალბატონი ზეინაბი? რა, ვენა, ბატონო გედეონ, ხელმეკრულება გვაქვს სპონსორთან!

– ხოდა მაგ სპონსორს ეტყვი ერთ კვირაში სკოლასთან სკვერს კეთილმოაწყობს და სტადიონს განახლებს, თორემ იმ ხელმეკრულებას თავზე გადავახევეთ ორივეს!

– კარგით, ბატონო გედეონ და კორპუსი?

– გამონახეთ რამე ალტერნატიული ფართი, სადაც გინდათ, გინდაც ჯანდაბაში ააშენეთ, ოღონდ სკოლას ას მეტრზე ახლოს არ გააკაროთ!

23 საქთაბანი

12.00

– მასწ, თქვენ რომ წახვედით აქ რა ხდებოდა! ექსკალატორს მინა ჩაემსხვრა და ზეთი დაეღვარა და ვერ მუშაობდა, მუშების ტანსაცმელი ფრიალ-ფრიალით სულ წყაროში ჩაიცივდა, იქ ვიღაცის მანქანა დგას, მერსედესი, სამი პაკრიშკა დაემვა... მუშები ყველანი თავექუდმოგლეჯილი გარბოდნენ...

– ლაშა, შენ სად იყავი?

– მე ხო თქვენთან ერთად.. უი, ხო სახლში ვიყავი, მამაჩემს ძველ-ბური ქართული ხმალი აქვს, გიორგი სააკაძის ნაქონი, ვიფიქრე მუშებს შევაშინებ-მეთქი და რომ დავბრუნდი არავინ დამხვდა!

– სახლში იყავი ხო, აბა ხმალი სად არის?

– მუშები რომ გაქცეული დამხვდნენ, ხმალი სახლში დავაბრუნე, აბა მანდატური აქ ხმალს შემომატანინებდა?!

– რაღაც არა მგონია მისით გაქცეულიყვნენ, აკი მეგობრები ვიყოთ-მეთქი, რაღაცას მაღავ!

„კიდე კარგი, კარი გაიღო და სასწავლო ნაწილი შემოვიდა, ზეინაბ მასწავლებლო, მერია მოსული და თქვენთან საუბარი სურსო!“

7 მოყობანი

რა მაგარია, ის სამსახური სადაც მამაჩემმა მუშაობა დაიწყო, გაუქმდა. დღეს სოფელში ვბრუნდებით, ხვალ უკვე ბებიას და ბაბუას ჩავეხუტები. გუმინ კი განახლებული სტადიონი და სკვერი გაიხსნა, უამრავი ხალხი იყო. გახსნის ღონისძიებაც ჩატარდა. ზოგმა იმღერა, ზოგმა ლექსი თქვა, ზოგმა კიდე იცეკვა, ისე ატრიალებდნენ ხმლებს, სულ ნაპერწკლები ცვიოდა. ზეინაბ მასწავლებელმა ჩვენი კლასის მოსწავლეების და მშობლების ერთობლივი გუნდი ჩამოაყალიბა და გვედირიჟორობდა, მე და დედაც ვმღეროდით, ხო, სულ დამავიწყდა, წყაროც გადაარჩა და ისე რაკრავით მიედინება, გეგონება ისიც მღერისო. ხვიჩას მესიჯს ვწერ, რომ ხვალ ჩამოვიდვარ. მეორე დღესვე ვგეგმავთ დიდ შეტევას. კლასს რომ დავემშვიდობე ზურა-ამბრაზურას, ამხელა კაცს, თვალზე ცრემლები ადგა, მანამდე ჩემთან დავპატიჟე, სოფელში, დეიდაშვილიც წამოიყვანე, გამოქვაბულსაც განახებთ-მეთქი... სულ გადამავიწყდა, პრინციპი რომ... ხო აღარ ვიტყვი, ხო ვთქვი, დამავიწყდა-მეთქი... მერე კლასელები კიბეებზეც ჩამომყვდნენ, ოი, საოცრებაც, ნინი, რომელსაც ჩემი ხმის გაგონებაც კი არ უნდოდა ისე სლუკუნებდა, მეგონა მოგვკვდი, და ხელით მეორე ხელი მოვისინჯე, ცოცხალი ვარ-მეთქი... ხო, სოფელში მთელი კლასი დავპატიჟე, მაგრამ მაინც ყველაზე უფრო ზურა, ნინი და ზეინაბ მასწავლებელი მინდა ჩამოვიდეს. მაგარი იქნება, ზეინაბ მასწავლებელს ჩემს თოვანსი ბებოს გავაცნობ. ცოტა მენანება ახალი სკოლის დატოვება, მაგრამ ჩემი სოფელი, ჩემი ბაბუა და ბებია მთელ ქვეყანას მირჩევენია. ეზოში გამოვიდი და ჭიშკრისკენ მივდივარ, მინდა გადავასწრო, ამ ნინის შემხედვარე მეც არ ავტირდე. ხოდა არ მინდა უკან მივიხედო, მაინც მივიხედე. ყველანი გარეთ იყვნენ არა და ზარი დარეკილი იყო. მანდატურებიც იქვე იდგნენ, არ გაბრაზებულან. არადა მინდოდა, სკვერში გადავალ, წყაროსთანაც მივალ და დავემშვიდობები-მეთქი, მაგრამ რა ვიცი, ახლა მომერიდა – ჩემს კორპუსთან გადავალ და იქ დავემშვიდობები. ჭიშკართან რომ მივედი, კიდე მივიხედე უკან, იქნებ ზეინაბ მასწავლებელიც გამორჩენდა-მეთქი, მაგრამ არ ჩანდა. მერე ტელეფონი ატოკდა ჯიბეში. მესიჯის ხმა იყო, ხვიჩა ალბათ: უი, ზეინაბ მასწავლებელი, უკან ვიხედები ახლა ისიც კლასელებთან დგას, ხელში ტელეფონი უჭირავს, მესიჯში კი, ოი, საოცრებაც, მხოლოდ ორი სიტყვაა: კურუმ, კურუმ...



ჭავჭავაძის დღიური

თუ ის ამ მოთხრობას წაიკითხავს, დარწმუნებული ვარ არ დამეთანხმება და იტყვის, რომ ასე არ უნდა დამეწყო. ამოიღებს ჩანთიდან ფანქარს, წვერმოტეხილს, ჯერ დაიჩურჩულებს, – უი, – გათლის, გადაშლის რვეულს ბოლო ფურცელზე და დაწერს. ნამდვილად არ ვიცი, რას. ალბათ შევეკამათები. ისევ წამოცდება, – უი, – გაიცინებს და დაფიქრდება. კაი, – ჩაიქნევს ხელს, – შენ მაინც ვერ გაიგე?! – მკითხავს. გავიგე, მაგრამ ჩემებურად, – ვეტყვი.

სკოლაში არის ერთი საინტერესო ტერმინი, ფანჯარა. ეს ნიშნავს დროს, როცა მასწავლებელს გაკვეთილი არ აქვს და ისვენებს, ან, უკეთ რომ ვთქვა, ცდილობს დაიწყო დასვენება შემდეგ გაკვეთილამდე. მე არ ვიცი, ვინ მოიგონა ეს ზუსტად შესაბამისი სიტყვა დროის, როცა შეგიძლია იჯდე და ყველაფრის მიღმა იხედებოდე. თითქოს თოჯინა იყო და შენს თავს დროებით თიშავდე, რომ ელემენტებმა კიდე გაძლონ, სულ ცოტა ხანს მაინც, სახლამდე, საწოლამდე, შემდეგ დილამდე.

გარშემო მიმოდინა სახაზავებით, რვეულებით, უჟრნალებით, ქიქა ყავითა და ათასი ამბით, საუბრობენ რომელიღაც კლასის ორ-სამ მოსწავლეს, სასწავლო გეგმის შესრულებაზე, ამინდზე, ხელფასზე. მე კი ახლა უბრალოდ არ ვერთვები ამ საუბრებში. იმიტომ, რომ ფანჯარა მაქვს, რომლის იქითაც ყოველთვის იცვლება სამყარო. თითქოს ვიჯდე სკამზე და მაინც მგზავრი მერქვას. ისე, როგორც ფოლკნერი იყო თავის შტატში და იქიდან ჭვრეტდა, ან როგორც ვირჯინია ვულფი, ან ვაჟა ფშაველა, თუნდაც მე თვითონ როგორც ვარ ხოლმე ბოგვერ, როცა შეუძლებელია საუბარში ჩამოთრიონ, უკან შემომბარუნონ ჩემი სარკმლიდან. იქნებ ცხელი ჩაიც დგას მაგიდაზე, ნაშრომები გასასწორებელი მაქვს, – მე ესენი დროებით არ მახსოვს. წარმოსახვით ფანჯარაში იცვლება კადრები; საღამოა და ტყეში შევდივარ, ვწყვეტ ერთ ყვავილს, გულზე ვიმაგრებ და გზას ვაგრძელებ. ყვავილი უცბად ზრდას იწყებს, ჯერ პერანგს ჩამომახევს, შემდეგ ნიკნს მიმტვრევს და ტკივილისგან სხვა მხარეს გადამაქვს მზერა. მზიანი მინდორია, ურმით მიაქვთ თივა და გამხ-

მარი ბალახის სუნი ტრიალებს ჰაერში. ურემზე მჯდომი რალაც სიტყვებს მიძახის შორიდან, მესმის, მაგრამ მათ მნიშვნელობას ვერ ვხვდები. ისინი მშორდებიან და მაკვირდებიან, თითქოს ეს ჩემი წარმოსახვა კი არაა, მათი რეალობა იყოს. წყლის პირას ვარ, ვრცელი სანაპიროა და შორს მოთამაშე დამსვენებლები ჩანან. შევდივარ, ფეხის თითებს ვუჭერ სველ ქვიშას, ვჩერდები, წყალი ღრმაა, ლურჯი. რალაცას ვულიმი და წინ ვიხრები. ყველაფერი კარგადაა. ყველაფერი კარგად იწყება.

გურამის ოჯახი ახალქალაქის რაიონის ერთ-ერთ ქართულ სოფელში ცხოვრობს. ათწლეულების წინ, მაღალმთიანი აჭარიდან ჩამოსახლეს, ეკო მიგრანტია. ბოლო ოთხი წელია, ჯავახეთში, საზღვრისპირა სოფელში, სომხურენოვან სკოლაში გადმოვიდა და ქართულს ასწავლის. სოფლის ბოლოს მიტოვებული სახლი აქვს დაქირავებული. მარტოა. შაბათ-კვირას დაადგება გზას და თავის სოფელში ბრუნდება ორი დღით, თავის სახლში. არ მიკითხავს, ალბათ ორმოდაათ წლამდე იქნება. მაღალია, გამხდარი, ახალგაზრდობისას სპორტსმენი იქნებოდა. თვალის ჭრილი ოდნავ ვიწრო აქვს და მზერა - ენერგიული. თმა - მხოლოდ კეფაზე და ისიც ძალიან მოკლედ შეჭრილი. დიდი სამხედრო ქურთუკი აცვია ყოველთვის, ჯინსის შარვალი და სამხედრო ბათინკები, რომლებსაც წინ, ფეხის თითებთან რკინის ნაჭერი აქვს გადაკრული. თვითონ როგორც ამბობს, მანქანამ თუ გადავიარა ფეხზე, თითები დაცულად გექნებაო, თუმცა რატო და როგორ უნდა გადავიაროს, მაგას ვერ ვიგებ. სიარულისას ძალიან ფართო ნაბიჯებს დგამს, ყოველ ჯერზე



იფიქრებ, რომ რაიმე აკრობატული ილეთის გაკეთებას აპირებს. როცა წევს, დიდხანს ვერ იძინებს, თუ ჯდება, იქით-აქეთ იხედება, თითქოს რალაცას ან ვილაცას მოელის. თვითონ ამას ნევროზს და მეექვსე კლასს აბრალებს და, სახლში მისული, ცხელი წყლით სავსე ვარცლში ფეხების გაჩერებით მკურნალობს.

კიდევ ერთი ასწავლის ქართულს, ვენერა (ნანული) დოხოიანი. დიდი ხნის წინ გათხოვდა აქ და იმის მერე თითქმის სოფლიდან აღარ გასულა. სხვებიც არიან, სხვა მასწავლებლები; ბაგრატი მოსოიანი, ნაჩარიანი, სამველა, აკოფ ქეროფიანი. ქალების სახელებს ჯერ ვერ ვიმახსოვრებ, იშვიათად მესაუბრებიან, ძირითადად თავს მარიდებენ, ან ისე მილიმიან, როგორც ბავშობაში ჩემი პედიატრი მიცინოდა, სანამ დამაწვენდა, გადამატრიალებდა და ნემსს ჩამარჭობდა უკანალში. ქართული არცერთმა იცის. მხოლოდ რამდენიმე სიტყვა ესმით, ზოგჯერ რამე მარტივი წინადადებიდან აზრს თუ გამოიტანენ.

ახლა სამასწავლებლოში ვზივარ. 2012 წელია. არ ვწერ რა დღეა, რომელი თვე. შეგნებულად არ ვწერ. ყველა ერთმანეთს ჰგავს მაინც; სკოლა, სახლი, ყინვა, თოვლი, ქარბუქი, წიგნის კითხვა, ძილი, სკოლა. ჩემ გვერდით ზის გურამი. პირველ სამ გაკვეთილზე ნანული დოხოიანს გავეყვი კლასებში. მე დამხმარე მასწავლებელი ვარ. ქართული ენა უნდა ვასწავლო ეთნიკური უმცირესობებით დასახლებულ სოფელში, სკოლაში, თემში. გურამი უეჭველი მკითხავს, სად იყავიო. უკვე ვერ ისვენებს და ცოტა ხანში ალაპარაკდება, მარა

მაინც ვაგრძელებ წერას, მესაუბროს, უნდა გადავაცოლო ნერვები ახალ თამაშს. აჰა, ჩემი ყურთსასმენები აიღო და უსმენს.

– თორნიკ, რამე კლასიკა ჩიმირთე რა. – ვრთავ. უსმენს. დირექტორი გამოვიდა, რალაც უთხრა ჩემს მასპინძელს. დირექტორი ერვანდ ვარდერესიანია. ახალგაზრდაა და რალაც ნოვატორული იდეები აქვს, თან მე ახალი ჩასული ვარ და თავის გამოჩენა სურს. ჩემი მასპინძელი სერგო აპინიანია. სკოლის დარაჯი. ორი და ოცი მაინც იქნება სიმაღლეში. როცა უყურებ, ფიქრობ და ვერ იხსენებ, რომელი ზღაპრიდან გადმოსულს ჰგავს. წყლის მოსატანად აგზავნიან ბავშვებს; სტივენას და ლოვიკას. სახლში მინდა, თბილისში. თითქმის ორ თვეზე მეტია ამ სოფლიდან არ გავსულვარ.

– გამორთე, თორნე, აღარ მინდა, ჭო. – გამოვრთე, ვიწერ. ყველაფერი უნდა დავწერო. გართობა რა! გაკვეთილი არ მაქვს მაინც. მანუშაქე ყავას ადუღებს. ამ ჯერზე უარს არ ვეტყვი და სიამოვნებით დავღვევ. სიგარეტს ვუკიდებ. ვეწევი სამასწავლებლოში. ვიცი რომ

სკოლაში მოწვევა არ შეიძლება, არც სკოლის ეზოში, მაგრამ არ მენალვლება ახლა ეგ. გარეთ მინუს ათი გრადუსი მაინც იქნება. მაინც ვალებ ფანჯარას. დახურეო, ნაჩარიანი მეუბნება და ლუმელთან მიდის, რომ შეშა შეამატოს. დავხურე და ვწერ ისევ. სხვაგან ვზივარ ახლა. გურამის მოპირდაპირე მხარეს.

–რა კარგად გამეიყურებით, ქალბატონო ნანული. აქ ისე, ნანულ, კარწახში მაინც ახალგაზრდა მასწავლებლები არიან. მე რო დირექტორ ვიყავ ჩემ სოფელში, იქ მყავდა ერთი ოთხმოცდასამი წლის ქალი, კაცოოო! სკოლაში აპირებდა სიკვდილს. კარგი ქალი კი იყო, მარა...

– ვინა, გურამ, შოთა რუსთაველი?

– ...არა, ბაგრატ-ჯან, შოთა რუსთაველი არა კაცო. ჩემთან სკოლაში ქალი ასწავლიდა... ვ ძერევენე ბილა ჟენშინა, სტარუბა, ვ მაიომ ძერევენე. აბ ეტამ გავარიუ ბაგრატ-ჯან (აქ უკვე ხმას უწევს გურამი, ვითომ უკეთ გავაგებინებო).

– ვაჰ, გურამ-ჯან, იზვინი. – ბაგრატმა ქართული არ იცის, მაგრამ სულ ცდილობს რამე სიტყვა თქვას, საუბარში ჩაეროს. პატარა რვეული აქვს, გადაშლის, მკითხავს; თორნიკ-ჯან, კაკ ბუძით ასიოლ პა გრუზინსი? – ვირი, – ვეუბნები. – კაკ? ვირი? – იმეორებს. – ჰო, ბაგრატ, ვირი, – ვპასუხობ. – ა, ნა არმიანსკამ, ემ ნაზივაეტსა, – ამბობს და კმაყოფილი ილიმის, თან პირველკლასელის კალიგრაფიით ქართულად იწერს: ვ ი რ ი.

– თორნიკ, მორჩი გაკვეთილებს?

– არა, კიდე ერთი დამრჩა მეექვსე კლასში.

– მეიცა, მეექვსევე?! ჰო, შევდეთ მანდ და რაცბა ლექსი დავაწერინოთ დაფაზე და ჩიიწერენ და ეგ იქნება. ი, არმენა მაინც არაფრის მსწავლე-ლია! ჭო, ვუთხარ ბეზიამის, დასვი ეგ თავგასიებული და ამეცადინე-თქო, მარა არც იმას უჯერის, გიმიგონე? არ უჯერის. დღეს რო შევალთ, ლოვიკას დავცებ, ნიჭირია, მარა რათ გინდა და! არ სწავლობს.

– ჰო, ზუსტად ვერეა.

– თორნიკ, რას ხატავ მანდ?

– ვწერ.

– წერ? რას წერ, ჭოუ?

– რავიცი, ისე.

– ჩიიწერე ჰო, აქ კი მოგივა მუზა. მოგდის ისე მუზა აქ, თორნიკ?..

ყავა მოიტანეს. გურამიც სვამს. ჩუმადაა. კანფეტი მიაწოდეს. რატო შეწუხდიო და ასეთებს ეუბნება მანუშაქს ქართულად, არადა

მანუშაქმა ერთი სიტყვაც არ იცის ქართული. თავი მაქვს დახრილი და ჩუმად ვიცი, თან ვწერ.

– თორნიკ, რა გემრიელ ყავას აკეთებენ აქ, ჰა?... თავს ვერ ვწევ, ვსკდები სიცილით. ისევ თუ მიყურებს, ვერ ვხედავ. პასუხს რო არც ელოდება, ვიცი. ზარია. გადავრჩი. წამოიშალენ მასწავლებლები. ავიხედე. წამოხტა, უცებ დალია მთელი ჭიქა ყავა და მიაბიჯებს. ჟურნალი აილო. ახლა დამიძახებს.

– თორნიკ, არ მოდინარ?

– ყავას დავლევ და გამოვალ.

– დალიე, დალიე, გეერთე.

გავიდა. რა გართობაა ყავის სმა?! მივდივარ კლასში. დღეს თვითონ ჩაატაროს გაკვეთილი. მე დღიური უნდა ვწერო.

ათი წუთია, რაც გაკვეთილი დაიწყო. არაფერი მნიშვნელოვანი. და-ამოშმინა ბავშვები და ახლა დაფაზე ლექსი გადააქვს. უკან მდგარ მერხთან არმენა და სტეფანი ჩურჩულებენ. სტეფანამ ორი კვირის წინ მოატყუა გურამს, ხელი მაქვს მოტეხილი და სახლში გამიშვიო. მეორე დღეს გურამმა დაინახა, სწიოპა როგორ თამაშობდა ფრენ-ბურთს და იმის მერე შეავმა კატამ გაირბინა მათ შორის.

ვიღაც ქალი შემოვიდა. გურამმა დააგლო ცარცი, სწრაფად მივიდა.

– ქალბატონო, ვამ სინ ნიჩივო ნი ძელაეტ, ტოლკა ბალტაეტ, ბალ-ტაეტ. ონ აფერისტ, ვსეგდა გავარიტ: შათ ცურდე, შათ ცურდე. ნამ ტოჟე შათ ცურდე, ქალბატონო, მარა კაგდა უროკ ნაჩინაეტსა, ნე ნადა ტავ გავარიტ. ეტა ზავისიტ ატ დირექტორა. უ ნევო ესტ დრავა. უ მენია ნიჩევო ნეტ. მე მომიბრუნდა:

– გუშინ, თორნიკ, გეყინე, ი შეშა მართლა არ ათობს არაფერს, ჭო, – და ისევ აგრძელებს:

– ია სკაზალ ბაბუშკუ, ნო ანა ნავერნა ნიჩივო ნე მოჟეტ ძელაც. ია ტოჟე ბოლშე ნი მაგუ. გავარიუ, არმენჯან, ცავატანემ, სორვის ანგირ, სორვის ანგირ, ა დლია ნევო ვსიო რავნო.

მოკლედ, აღარ ვუსმენ. არ მენალვლება. მე ახლა 21 წლის ვარ და ვცხოვრობ ზღვის დონიდან ორიათას მეტრზე. ორი თვეა მიწა არ მინახავს, სულ თოვლი, ქარბუქი, მესაზღვრეების დიდი მანქანები, მარხილები, მთელ სოფელში თორმეტი-ცამეტი ხე, სულ ვრცელი, უსასრულო ტრამალები, თეთრი, თოვლიანი მინდვრები, ღამით, ყინვის დროს, მოწმენდილ ცაზე ამოსული მთვარე რომ აყვითლებთ. ვიდრე დავწვები, გარეთ გავდივარ. ცა როცა მოწმენდილია, რამდენიმე კილომეტრზე ჩანს მინდვრები. ვდგავარ, ვეწევი და ვუყურებ. უსასრულო სიჩუმეა და სივრცე. რამდენჯერმე მოვიცივი ქურთუკი და წავედი, დიდხანს ვიარე. ზღვის სანაპიროსგან განსხვავებით,

ჰორიზონტის ბოლოს, აქ არ ერთიანდება ცა და მიწა. ყველაფერი თავისთავისაა, მარტოდ, ადამიანით. გზაზე მანქანები არ დადიან, იშვიათად სასაზღვრო პოლიციის ეკიპაჟი თუ ჩაივლის. ყველას ვიცნობ. გურამის გარდა, ეგენი არიან, ვისაც შემოძლია ენობრივი ბარიერის გარეშე ვეკონტაქტო. მერე ვბრუნდები, უსიტყვოდ, ჩვეულებრივად, თითქოს რაღაც შეთანხმებამდე მივსულიყავით მე და მთელი ეს სამყარო. ვაღებ კარს და შევდივარ. სითბოა. მიწით ხურავენ და მიწაში აშენებენ სახლებს, რომ ზამთარში საჭირო ტემპერატურა შენარჩუნდეს და ზაფხულში სიგრილე იყოს. ვწვები, ვირგებ ყურსასამენებს და აუცილებლად რამე ფსიქოდელიურ მუსიკას ვუსმენ. მთვარე უკვე ჩემს თეთრ ზეწარს ანათებს, თითქოს თოვლში ვიწვე და თოვლი მეხუროს ზემოდან. მეძინება.

ოჰო, ამ ქალმაც საშინელი რუსულით დაილაპარაკა:

– იზვინიწე, ვარდერესიან სძეს ნიეტ?

– სძეს ნიეტ, ვკაბინეტე ბუძიტ, ესლი ხაწიწე, ია ტოჟე პაიდუ. თორნივე ასტანეტსა სძეს. თორნივე ნაშ ნოვი უჩიწელ. ოჩენ ხაროში პარენ, ოჩენ. კაი ბიჭი, შშვენიერი. ია ტოჟე პაიდუ ი არმენ ტოჟე. პატამუ შტო, ია ემუ სკაზალ, შტო ესლი ნე ნაუჩიტ უროკ, ტაკ ი ბუძიტ, ქალბატონო.

– იზვინიწე, ია ნე მაწ არმენა. ია როდსტვენნიცა დირეკტორა. ევო მატ უმერ პაზაგჩერა ი... სევოდნია პახარონა.

მოვასწარი გურამის სახე დამენახა და თავი ჩავხარე.

– ოპაა, იზვინიწე. ოჩენ საჟელიეუ. ზნალ აბ ეტამ, ნო ია დუმალ, ვი მაც არმენა. არმენ ბალტაეტ პროსტა, ბოლშე ნიჩივი ნი ძელაეტ, ნო ესლი ვი ნე მაც, ვამ ნავერნა ნი ინწერესნა.

კარის დახურვის ხმა მესმის. თავი მერხზე მიდევს და ზემოთ ვერ ვიხედები. ათი წუთი გავიდა ალბათ.

გურამის ქართული ფრაზა – „ჩიგიმტვრევე კბილებს, თუ არ გაჩერდები“ არცერთ მოსწავლეს ესმის, ამდენი ქართული არ იციან, ისიც ამიტოვ უბნებთ. თავისთვის ჩაილაპარაკებს და ასე ცდილობს დაღლილობა და გაბრაზება გამოხატოს. ახლაც ლოვიკას შეპირდა ჩიგიმტვრევე კბილებსო, თუმცა ლოვიკამ ეს ვერ გაიგო და ისევ გააგრძელა ქალაქის თვითმფრინავის ანთებული ღუმელისკენ დამიზნება.

ზარია. სამასწავლებლოში გამოვედი. ორი წუთიც, ჩავიცვამ და წავალ. სერგომ თუ გამაცილა, უკეთესი იქნება.

სახლში ვარ. აქ მაინც, მთაში, გადაუღებლად რომ აყრის ქარბუქი ფანჯრებზე ფიქვებს, გსიამოვნებს ასე გვეჯეროდეს მარტოობის. ცუდი იქნება, შენს თავს დააბრალებ, კარგი იქნება – მასაც. ტანსაცმელი გამოვიცვალე. ფესსაცმელი ღუმელის ქვემოთ დავაწყვე და

ხელები დავიბანე. ეზოში ხაჩიკა შემხვდა. ცხრა-ათი წლის იქნება. მეზობელია. ხაჩიკას, ჩემი აზრით, აუტისტური სპექტრის აშლილობა აქვს, თორემ ისე, ზუსტად ეს აქ არავინ იცის. სკოლაში იშვიათად უშვებენ და თუ წამოვიდა, იქაც დერეფანში ან დირექტორს მისდევს უკან და გაუჩერებლად ელაპარაკება, ან ბიბლიოთეკარს, ზოგჯერ ცარციტ ხატავს ისედაც ჩამონგრეულ კედლებზე. ძირითადად ეზოში დადის თავისთვის და გამუდმებით საუბრობს. მე ძალიან მოეწონება. აქ ჩამოსვლის პირველივე დღეს, როცა ჯერ კიდევ სხვა კონტინენტელი, ან გალაქტიკელი მგზავრივით ლურჯი ბათინკებით, ყვითელი ქუდითა და ჩალისფერი ქურთუკით გამოვეცხადე ერთნაირად ჩაცმულ თემს, ხაჩიკა იყო პირველი, ვინც მოვიდა და საუბარი დამიწყო ისე, რომ ეჭვიანი მზერით არ დამაკვირდა რამდენიმე წუთის განმავლობაში. ფოტოც კი გადავიღეთ; ვდგავართ მე, ხაჩიკა და ლუგა და ვიღიმით. ხელები გვაქვს ერთმანეთზე გადახვეული, ვითომ პირველი კლასიდან ერთად ვიბრუნებოდით და ახლად შევხვდით, წლების მერე. მოკლედ, სახლში შემომყვა და აგრძელებს საუბარს. მისი ლაპარაკის გაგება ოჯახის წევრებსაც უჭირთ, სიტყვებს არეულად ამბობს, წინადადებებს წყვეტს და სხვა აზრზე გადადის, რაღაცას აკვიტებულად გაიძახის, თან ჩემთვის უცხო ენაზე. მაინც ყველაზე ერთგული მსმენელი მე ვყავარ. სულ ჰოლდენ კოლფილდი მახსენდება, რომ ამბობს, ადამიანს უნდა აცადო, როცა რაიმეს გატაცებით ყვება, ამას არაფერი სჯობსო. ვიღაც ალებს კარს. სერგოა. და გურამი მოიყვანა ჩვენთან სტუმრად.

ყოველთვის ეუბნებოდა სერგო აპინიანი გურამს, წამოდი ჩვენთან, დავლით თითო ჭიქს, ვისაუბროთ, თორნივეც გულს გადააყოლებსო. გურამი თავს იკავებდა. სოფლის ყველა ძალი რომ ცნობდა, იმ დიდ ჯოხს ჩაბლუჯავდა ხელში, ბოდიშო, – იტყოდა, – დღეს ვერა და სხვა დროს იყოსო, – და გადაუხვევდა თავისი ვიწრო ბილიკებისკენ. ანუ დღეს გამოყვამინც, შემოვიდნენ. კიდევ ვიღაც ალებს კარს. სედა და აფო. სედა სერგოს ცოლია. ყავის მოღუღება დაიწყო და საქმელს აცხვლებს.

აფო – სერგოს და სედას შვილი. ჩემი თანატოლი. ქართული არ ვიციო, ამბობს, მაგრამ ერთხელ შევეუსწარი, ჩემს საწოლზე იჯდა, ჩემი დღიური ეჭირა და კითხულობდა, ან ცდილობდა მაინც. არადა, რომ დამინახა, გადაშალა-გადმოშალა, ვითომ ისე, ათვალეირებდა უბრალოდ. მაინც კაი ტიპია. მეორე ძმას ლუგა ჰქვია. ის ჩემზე და აფოზე ორი წლით უფროსია, მუდმივად გულჩათხრობილი. ამ ორ თვეში სამი სიტყვაც არ აქვს ალბათ ნათქვამი. დილით საქონელს წველის, ბოსელს ალაგებს, მერე ცხენს შეაბამს მარხილში და წყლის მოსატანად მიდის. მოკლედ, მთელი დღე გარეთაა. დაუძახებენ, შემოვა, ცოტას შეჭამს საქმელს, მოიცვამს ერთ ქურთუკს, მერე უფრო ძველს – მეორეს და ისევ მიდის თვის ზვინებთან, ცხვრებთან, გოჭებთან. თუ ჩვენ, მარტო ბიჭები ვართ სახლში, თავის ძმაკაცებს ურეკავენ, გადმოდიან ისინიც და ზოგი კარტს თამაშობს, ზოგი – დომინოს. მე ძირითადად თავს ვარიღებ თამაშს, ვზივარ და წიგნს ვკითხულობ. გადმოხედავენ, რაღაცას იტყვიან, გაელიმებათ. ვაგხედავ, რამეს ვკითხავ ზრდილობის გამო, ვერ იგებენ და ყველა ვიცინით. რამდენჯერმე აფოს კლასელებმა ზანკეტის ვიდეო ჩართეს, მერე ფოტოებს ათვალეირებდნენ და სათითაოდ მიხსნიდ-

ნენ ვინ ვინ იყო მათ კლასში, ახლა ვინ სად არის, რომელი გათხოვდა, რომელი ერევანში გადავიდა საცხოვრებლად. მე კიდევ ადამიანის ყველაზე მეტ სევდიან საცოდაობაში მისი ბანკეტის ვიდეოსა და ფოტოების ნახვა მარწმუნებს. ოჯახები ხშირად ნასესხები ფულით ყიდულობენ კოსტუმს, პერანგს, ფეხსაცმელს, კაბას, გამოაწყობენ სკოლადამთავრებულებს და უშვებენ ბანკეტზე. ყველა ერთნაირად ჰგვანან ჰოლივუდის ბლოკბასტერის გმირებს და მათ საყვარლებს, ან რომელიმე 90-იანი წლების რუსული ფილმიდან გადმოსულ კრიმინალებს; სათვალეებით, სმოკინგებით, გამომწვევი კაბებით, საათებით, სამკაულებით. ცდილობენ დაივიწყონ ბავშვობა, გააქრონ, სადმე გადამალონ. არადა, სულ რამდენიმე დღით ადრე, თეთრი პერანგები აცვიათ ხოლმე ბოლო ზარზე, რომლებსაც უკან სპანჯ ბობი, სპაიდერ მენი, ბობ მარლი და მარისუანა, მინიონები, ან ვინი პუჰი ახატია და დარბიან, იციანიან, ერთმანეთს ათას სისულელეს აწერენ, თამაშობენ. ასეა ყველგან, ყველა სოფელში, ქალაქში, არა მარტო ჯავახეთში, რაც მინახავს. მეც ასე ვიყავი. მეორე დღით, ამ ყველაფრიდან რაც ითხოვეს, იმას უკან აბრუნებენ, რაც იყიდეს, ინახავენ იქამდე, ვიდრე უკვე მათგან არ ითხოვებს სხვა.

აფოს ჩვენი მეზობლის შვილი უყვარს. ამასწინ გამომიტყდა. ძალღების ჩხუბს გაჩვენებთო, წამიყვანეს და მაშინ მომიყვა. მე კიდევ საშინლად მეშინია ძაღლების, ისიცაა, არც მათი გასისხლიანებული სხეულების ყურება მომწონს, მაგრამ უარს ვერ ვეტყვოდი. ჰოდა, მაშინ ის გოგოც გამოვიდა ორი წამით, ეზოში ოცდაათამდე მამაკაცი ყაყანებდა, ზოგი წითელ ნაგავს აქებებდა, ზოგი - ნაცრისფერს. ძაღლები ჯერ კიდევ დაბმულები იყვნენ და პატრონები იჭერდნენ. დაჭიმული იყო ტყავის დამჭერები. ორივე მძიმედ სუნთქავდა, პირიდან ნერწყვი სდიოდათ და ერთი სული ჰქონდათ ერთმანეთს მივარდნოდნენ. მე იქვე მდგარ ტრაქტორზე ავძვერი, ისეთ სიმაღლეზე, რომ გაცოფებული ძაღლი კი არა, ალბათ ჯოჯოხეთის მთელი დემონები ვერ მომწვდებოდნენ, დაფვექი, სიგარეტს მოვუკიდე და მაშინ იყო აფოც რომ ამოხტა, გვერდით მომიჯდა და ისე, რომ სხვებს არ შეემჩნიათ რამე, თითი იმ გოგოსკენ გაიშვირა. მე თქი, ინჩე აფო-ჯვან? – და დაიწყო ახსნა. არც რუსული იცის აფომ, როგორც თვითონ ამბობს, არც ქართული, ამიტომ სომხურად მელაპარაკებოდა. მე სომხური არ ვიცი. უბრალოდ ვუსმენდი, მარა მივხვდი რისი თქმაც უნდოდა. ეს ამ ორ თვეში პირველი ადამიანი იყო აქ, უცხო სოფელში, ვინც ისეთი რამ მითხრა; თავისი სერიოზული საიდუმლო, რომელიც, დარწმუნებული ვარ, არც ლუგამ იცოდა, არც სედამ, არც სერგომ, არც იმ გოგომ. მხოლოდ მე. მხარზე ხელი დავარტყი, გაუცინე და მეც ჩუმად ვაჩვენე ცერა თითით, მაგარი გოგოა-მეთქი და თვალი ჩაუყარა. კიდე რამდენჯერმე დავუტყაპუნეთ ერთმანეთს მხარზე ხელი და იმის მერე აფო ჩემი მეგობარია.

ტელევიზორი ჩართეს:

– სერგო-ჯვან, რა სერიალია, ჭო?

– ინჩე, გურამ?!.

– ინჩე და... ეს ინჩე სერიალი?!

– ა, ნიჩვო ასობენნი, გურამ-ჯვან.

ჩემკენ იხედება, მაკვირდება:

– თორნიკ, მგლები ჩამევედენ, გეიგე?

– სად ჩამოვიდნენ?

– სოფლად. თათოსასი ძროხა დეიგდეს გუშინ.

– დეიგდეს?! შეჭამეს ანუ?

– ვერ გეგვე, თორნიკ, დეიგდესო და...

– ვინ თქვა, რო დეიგდესო? აქ ქართული არავინ იცის და, მითუმეტეს, ერთ-ერთი დიალექტი თუ რალაც ეგ სიტყვა "დეიგდეს".

– მე ვამბობ, ჭოუ, რა დეგემართა? თორნიკ, ცხელ წყალში ჩაყარე ფეხები სალამობით, გიშველის... ნუ ხარ ჯიუტი. უთხარ სერგოს ცოლს. რა ჰქვია? სედაი. სედაის უთხარ და გიგიშაღდებს.

– რაზე მიშველის, რა მჭირს?

– რავიცი, რაცხა არ მომწონხარ.

შებრუნდა. შუა საუკუნეების კორეის, ან იაპონიის, ან ჩინეთის ისტორიაზეა სერიალი. წვრილთვალეებიანი გოგო-ბიჭები დარბიან ხმლებით, ცხენებით. ორი თვეა ამას ვუყურებ. ვზივარ და ვუყურებ, როცა წიგნის კითხვაც მოხერხებული მაქვს, ტელეფონზე საუბარიც, მაშინ. ჯერ რომ ამ ჩინეთის თუ იაპონიის თუ კორეის მაშინდელი ისტორია საერთოდ არ ვიცი; ვინ რა გვარიშვილია, ვინ რომელ დაჯგუფებაშია, ვის ებრძვიან, ან რატომ. თან ისიცაა, რო სომხურენოვანი გახმოვანებაა და მითუფრო არაფერი მესმის, რამდენიმე სიტყვის გარდა თითო სერიაში.

ვისადილეთ. ორ-ორი ჭიქა არაყი დავლიეთ. გურამმა, – ზა ნას, ზა კავკაზო, – ასე თქვა ყველა ჯერზე. სერგოს უთქმელად უყვარს, გეგონება წამალს სვამდეს კბილის ტკივილის დროს.

– გურამ-ჯვან, ცავედით.

– ჰო, წევდით, სერგო, წევდით. თორნიკ, გამოი, დამარხვენ იმ ბებიას, თუ არ დევედარებით.

ერვანდ ვარდერესიანის დედის დასაფლავებაა. სკოლის ღირექტორის დედის. რვეულს სახლში ვტოვებ. ტელეფონში გაავარძელებ წერას.

წვიმა დაიწყო. არადა იქამდე მინიმუმ ოცი წუთის გზა გვაქვს. პირველად გაწვიმდა. იქნებ დადნეს თოვლი. გურამმა ქუდი წამოიხურა. სერგო სულ სველია. ძალიან სასაცილო სახეს იღებს ყველა წვეთის დაცემისას. თითქმის გავრბივართ.

ეზოში შემოვდით. უკან ჩამორჩა და ხელი მომიკდა. რაღაც უნდა.

– თორნიკ, რო შემოუვლით იმ ქალს, მემრე სადმე იქ ცეცხლი თუ დენახო, დიმიძახე შევმრეთ ცოტა ჭოუ, შევთბეთ, თორე დავცივდებით სასწაულად.

მთელი სოფელი აქაა. ვგრძნობ, რო ძალიან ბევრი ადამიანი მიყურებს. გურამის აქ ყოფნას მიეჩვივნენ ამ ოთხი წლის განმავლობაში, მე ჯერ სულ რაღაც რამდენიმე თვეა აქ ვარ და ეჭვით მიყურებენ. თითქმის გარეთ ვსხედვართ მამაკაცები. რაღაც ჩამოხურული ფარდულია. კოჭებამდე ტალახში ფენებს ვაქნევ და ვწერ. ჩემ წინ გრძელ სკამზე მოხუცი კაცი ზის, გაზეთის ნახევრი თუთუნს ახვევს, თან მიყურებს და ელიმება. ადრე მყავს ნანახი. მაშინ მთვრალი იყო და რუსულად მეუბნებოდა, 87 წლის ვარო. გაზაფხულზე აბასთუმანში წავიდეთ, ბატკანი დავკლათ, ვიქეიფოთ და მერე ქალებში გავიაროთო. ახლაც ამიტო მიცინის, ეგ სამომავლო საიდუმლო როა ჩვენ შორის, გეგონება რამე დიდი დანაშაული, ან დიდი ფიცი გვაკავშირებდეს.

სასაფლაოზე წავედით. ვილაყის უიგულში ჩაგვსვეს მე, გურამი და კიდევ ერთი კაცი. მძლოლი აშკარად მთვრალია. სასაფლაო ზღვის დონიდან 2200 მეტრზე მაინც იქნება, მაღალი მთის ფერდზე. დიდი დაძინების ქარაფს ვეძახი, ჩემი სახლი ამ მთის პირას დგას და, ქარჩხაძის არ იყოს, „როცა ცა დღის თვალს გაახელს და ქვეყნიერებას სიბნელეს გადააქვს“, მინდება ავიდე და განა გადავეშვა იმ ქარაფში, უბრალოდ ჩავიდე მეორე მხარეს, ვნახო და ამოვბრუნდე. თითქოს საიქიო მომეველოს და, ცოცხლებში დაბრუნებული, მერე დიდხანს ვყვებოდე იქაურ ამბებს. თუმცა, როგორც ნაჩარიანი ამბობს, იმ მთის იქით მხოლოდ ახალციხისკენ მიმავალი საცალფეხო ბილიკებია. ტალახში მანქანა საშინლად მიდის. ვცდილობ რამეს ჩავეჭიდო. გურამს თავისი ფოხი აქვს წამოღებული და ველარ გაუგია როგორ დაიჭიროს ისე, რო თვალი არ ამოითხაროს, როცა მანქანა ორმოზე გადაივლის ხოლმე.

მარხავენ. საშინელი წვიმაა. არ გადავდივარ. გურამი გადახტა და მიიჭრა მესაფლავეებთან და რაღაცას უხსნის ხელებით. ზოგ ადგილას მუხლამდე თოვლია, ზოგან ტალახი. მოდის. ჩაჯდა.

– თორნიკ, რა ციცაბოა, ჭოუ! რო დაცურდეს მანქანა... იმ ქალს შევასწრებთ სამოთხეში.

– კარგი რა, გურამ. კარგზე იფიქრე.

– რას წერ თორნი, მთელი დღეა?

– რავი, ისე, ჩემთვის.

ქელების სუფრაც ისეთი იყო, ჩვეულებრივი; სადღეგრძელო, ხმაური, ცრემლი, ჩაცინება. ფოხი ავიდე და მთვრალი დავდევდი სოფლის იმ ქოფაკებს, სხვა დღეებში რომ თვითონ მომსდევდნენ. ახლა ისევ უკან შევბრუნდი. გურამი სომეხთა და ქართველთა ძმობის სადღეგრძელოს ამბობს. ყველა მთვრალია. მაგიდის ქვეშ კატები და ძაღვები ირევიან, კნავიან, იღრინებიან, ჩხუბობენ. ვდგები. ისევ გარეთ გამოვდივარ. პოლიეთილენს ვდებ სველ ფიცარზე, ვჯდები და სიგარეტს ვუკიდებ. აღარ წვიმს. ცა მოწმენდილია. ღამე ძლიერი ყინვა იქნება ალბათ.

– თორნიკ, მოდი, სურათი გიდივილო.

– არ მინდა.

– მოდი, მოდი, დაგრჩება.

– იყოს.. ხვალ გადავილოთ.

– ხვალაც გიდივილოთ, ჭოუ. რას მეიწყენ ხოლმე, სახლი მეგენატრა? მეც მემნატრა, მარა რას იზამ. მე და შენ უნდა გეგტანოთ აქ ერთმანეთი. ჰოდა, გიდივილოთ სურათი. ვეტყვი დირექტორს და... ეგერ მოდის.

– დირექტორს არ ცალია.

– რაღას აკეთებს, ჭო?

– კაცო, დედამისის ქელებია და ათასი საქმე აქვს კიდე მისახედი.

– მეიცლის დაა!.. ნასმია, დიდოვანი არყები დალია.

– მე ველარ დავლევ.

– თორნიკ, კუჭი რომ გაწუხებს და სახლი გენატრება, მაგიტო უნდა დალიო და გედიყრი ჯავრს.

– მერე სახლში ველარ მივალ გვიან, ჰო იცი, რა შორია. კილომეტრზე მეტი უნდა ვიარო და ათი ძალი მომდევდეს უკან.

– ძაღვებს მე გიგირეკავ, შენ ჯავრი არ ჩიილო. ი დიდი კომბალი ჰო წამეველე დღეს, ეგერ მაქ მიყდებული. თუ აქ დალევ არ გინდა, მაშინ ჩემთან ევდეთ, ბორში გაგაკეთე გემრიელი.

– კაი, დავლიოთ აქ.

– ფოტოც გიდივილოთ მაშინ. არმენ, არმენ—ჯან, რო გეძახი გამიგონე, ჭოუ, დაა! ამფერი უცნაური მოსწავლე გინახვენ, თორნიკ?! არმენ, გიდგვიდე და მე და თორნიკ მასწავლებელს, აბა!

– ინჩ, მასწავლებელი?!.

– ინჩ კი არა, ფოტო სნიმაი, გიდივილე.. ე, მასე. კაია. წევდეთ ახლა, დავლიოთ. ნუ ეწევი ამდენს, ჭოუ, ახალგაზრდა ბიჭი ხარ. მაგას ისევ დალევა გირჩევნოდეს.

- ამ თოვლს ველარ ვიტან, ორ თვეზე მეტია ვუყურებ.
- შედი, შედი, სითბოა დარბაზში. ე, ყავაც მეტიანა სათენიკამ. მერე, აქ რო დავლევთ, ჩემთან წამო, ბორშს გაჭმევ, სახლისკენ გზაზე თუ ძაღლების გეშინია.
- არა, სულ არ არიან ძაღლები. არც მეშინია.
- კაი, მაშინ ხვალ ბანკაში ჩავისხამ ცოტას და სკოლაში მოვიტან.

რვა თვეზე მეტია ამ დღიურში არაფერი დამიწერია. რამდენიმე დღეში ვასრულებ აქ მუშაობას და სახლში ვბრუნდები. მეორე ზამთარი გავატარე აქ. სამასწავლებლოში ვბივარ. ხვალ საშობაო არდადეგები იწყება.

გარშემო ისევ ისე, როგორც თითქმის ერთი წლის წინ, ამ ამბის დასაწყისში, მიმოდიან სახაზავებით, რვეულებით, უურნალებით, ქიქა ყავითა და ათასი ამბით, ლაპარაკობენ მოსწავლეებზე, სასწავლო გეგმის შესრულებაზე, ამინდზე, ხელფასზე. მე კი ისევ არ ვერთვები ამ საუბრებში. იმიტომ, რომ ფანჯარა მაქვს, რომლის იქითაც ყოველთვის იცვლება სამყარო. თითქოს ვიჯდე სკამზე და სარკმილიდან ვიყურებოდე. ისე, როგორც... თუნდაც მე თვითონვე როგორც ვარ ხოლმე ზოგჯერ, როცა შეუძლებელია საუბარში ჩამითრიონ, უკან შემომბრუნონ ჩემი სარკმილიდან.

წარმოსახვით ფანჯარაში იცვლება კადრები; ღამეა. ცა სასვეა ვარკვლავებით. გურამი და სერგო ჯერ კიდევ გაუყინავ გუბებში მიაბიჯებენ. უკნიდან თანდათან სუსტდება მთვრალების ხმაური, ბავშვების წამოძახილები.

გურამი ჩერდება. უკან იხედება და მაღლობას მიხდის თავისი გარდაცვლილი შვილის მოგონების გამო ქელენში. მერე ჯოხს მადლევს მეორე დღემდე, დღეს მე მაინც არ მენაღვლება ძაღლების შიში, დღეს მე უკვე დაკბენილი ვარ შვილის მოგონებით. ზუსტად ამ ფრაზას ამბობს, დასამახსოვრებელს, თითქოს წინდაწინ შეერჩიოს. სერგო სომხურ სიმღერას მილიღინებს და ჩვენი საუბარი არ ესმის, მიიფრთხობს ჭილ-ყვავებს.

ვიცი, უნდა მივიდეს გურამი ძველ, მიტოვებულ სახლში, ერევანში წასულმა ვილაც ოჯახმა რომ მიაქირავა. შეშა დაჩეხოს, ცეცხლი დაანთოს, ისე, უბრალოდ ჩართოს ის რადიო, ერთ ტალღას რომ იჭერს. დაწვეს და მერე არ ვიცი, იქნებ გაზეთი წაიკითხოს, როგორც ხშირად ჩვევია ხოლმე, ან თავის თავთან ისაუბროს, მერე დიდხანს, დიდხანს იკითხოს მოსწავლეების საშინაო დავალებები.

წარმოსახვით ფანჯარაში ვხედავ, ისევ იმ ვიწრო ბილიკებზე გადაუხვია, შემობრუნდა და მეძახის:

– თორნიკ, წამოდი, ჩემთან დარჩი დღეს. სერგოს მე ვეტყვი.

არასდროს მსიამოვნებდა იმ სახლში ყოფნა. მერე იქ მე მართოდ

ვიცხოვრე. რაღაც ისეთი აურა ჰქონდა. წამოიდგინე, მიტოვებული, ოთახების უცნაური განლაგებით, ბნელი დერეფნით და გარდაცვლილთა სურათებით საესე მიწური. ყოველთვის რაღაცას ვიმიზეზებდი, ვერ ვარ კარგად, დღეს ვერ წამოვალ, ხვალ იყოს გურამ... და კიდევ ასეთ ათასს ვამბობდი.

კადრები გრძელდება და სადღაც მიღმა ისევ ვხედავ, ვიხსენებ, რომ პირველად მინდება იქ წასვლა. ნაბიჯს ვუჭქარებ, რომ სერგოს დავეწიო. ვაფრთხილებ, ხვალ პირდაპირ სკოლაში მოვალ-მეთქი. გურამი დგას და მელოდება. ერთად მივიღვივართ.

– თორნიკ, ჩემი უიგული რო არ იქოქება, რისი ბრაღია, მატორის, თუ აკუმლატორის?

– არ ვიცი.

– ბაგრატი იმომყიდა, ჰო იცი. მძლოლის მხარეს კარი არ აქვს. უნდა ვუყილო ხელფასზე. მე მერე ამოვალ იმით და გატარებ სადაც გინდა და მეც ფეხით აღარ ვივლი და თათეოსას ძალიც აღარ მიკბენს. მგლებმა რო თათეოსას ძროხა დეიგდეს ჰო გითხარი?

– გახედე იქით, თურქული სოფლიდან შუქი როგორ ჩანს. ისინიც გვამჩნევენ ალბათ.

– ნეტა ჩემი სოფელი ჩანდეს, თორნიკ, ჩემი სახლი.

– ნეტა ჩემიც... ზოგჯერ არაფრის იმედი მაქ. რისთვის დავდივართ ამ ყინვაში, უცხო ხალხში, უცხო სკოლაში?! ბავშვებმა კარგად არ იციან ის, რასაც ვასწავლით. მაპატიე, მარა მგონია, რო მასწავლებლობის თამაშში ჩვენ ვმარცხდებით. წაგებული ჯარისკაცებივით გზადაკარგულები დავხეტილებით წინ და უკან ყოველდღე.

სახლში შევედით. საშინლად ციოდა. ღუმელი აღარ აგვინთია. თავისი საწოლი დამითმო. შუქი ჩააქრო. ჯერ ფარანს ანათებდა ჭერზე დიდხანს. მერე სულ დაბნელდა. დილით უფრო დიდი თოვლი დაგვხვდა. ბავშვები მარხილებით მიდიოდნენ სკოლაში. ვისაუბმეთ. კარი გააღო. ისევ იმ უსასრულო სითეთრეში გავაბიჯეთ. შორს, მარხილში შებმულ ცხენებს ძაღლები მისდევდნენ და უყვფდნენ. მუხალმდე თოვლში ნელა მივაბიჯებდით. ბაგრატი მოსოიანმა ჩამოიარა ტრაქტორით და იმ რამდენიმე ქართული სიტყვით, რაც წინა დღეებში ლექსიკონში ჩავაწერინე, სკოლამდე წაყვანა შემოგვთავაზა, გვეძახდა და ხელს გვიქნევდა. ვიდრე გზამდე მივიდოდით, გურამი გაჩერდა. ჩემკენ შემობრუნდა. ქუდი მოიხადა. ჯოხს ჩამოეყრდნო, ფიფქებს და ცას სახე მიუშვირა, მერე შემომხედდა და თქვა:

– თავიდან საერთოდ არ იცოდნენ. მე თუ მკითხავ, ჩვენ ვიმარჯვებთ.



კავშირი

1.

და მინდიას მერე დაიბადა, ამიტომაც დიდხანს აღარ უფიქრიათ ბავშვის სახელზე. მამამ თქვა-მთავარია, კარგი დობა გაუწიოსო და დაარქვა. დედას ცოტათი ეწოთირა, მაგრამ გათხოვდება და ქმარი სახელს მაინც გადაარქმევსო და შეეგუა, თანაც ერთმარცვლიანი სახელი დასაძახებლად მარტივია, ძროხებს რომ გარეკავს ანდა თებებს აიყვანს მთის საძოვარზეო. ასე შერჩა სახელი და სახელით დალდასმული ცხოვრება.

ძმას დობა კი კარგი გაუწია, შშობლებს-შვილობაც. ყველაფერს აერთებდა, მოჩხუბარ შშობლებს არიგებდა, რამდენჯერ გადაფარებია ძმას, რომელსაც სიყრმიდანვე რჩებოდა თვალი სხვების ნივთებსა და გოგოებზე. პატარა იყო და, მაგრამ თავის კურდღლის სოროს მსგავს ოთახში მალავდა 16 წლის ძმას, რომელსაც უკვე მერამდენე რაყიფი ქმარი ემუქრებოდა დანით ან სოფლიდან გაგდებით.

თავისი სახელი არ უყვარდა, ხშირად დასცინოდნენ ტოლები, ათასგვარ კალამბურს უგონებდნენ, ურითმავდნენ, ასე იყო მანამ, სანამ სკოლაში მისულს, ფერგადასულ მაგიდასთან ახალი მასწავლებელი არ დახვდა. ახალგაზრდა გოგო იყო, მისი სოფლის მცხოვრებთათვის უკვე ვადაგადასული, რომ აღარ გაითხოვებოდა და ამდენად, ქმრიანი ქალებისთვის კიდევ უფრო საშიში იყო. ასე ფიქრობდნენ მოხუცი ქალები სოფელში, დას დიდად არ ესმოდა მათი ნათქვამის შინაარსი, მასწავლებელი კი ერთი დანახვით მოეწონა - ციმციმა თვალები ჰქონდა და უცნაური აპლიკაციებით გაფორმებული კაბა ეცვა.

სიის ამოკითხვა დაიწყო.

– და ციაური, აქ ალბათ მარცვალი აკლია არა?

– არა მას, ციაურს და ჰქვია – წამოიყროყინა გეჯაძემ, მეორე მერხზე იჯდა და ქალაღდის ბურთულებს ისროდა.

– და? რა ლამაზი სახელია – შეჰლიმა დაბნეულ გოგოს – თან რა მნიშვნელოვანი, იცი? პირველი ქართული ნაწარმოები სწორედ ამ მარცვლით იწყება.

დასთავი არ აუწევია, ისე, ნახევრადდახუჭული თვალებით უყურებდა მასწავლებელს, ხელში რომ კალამს ნერვიულად ათამაშებდა და უცებ მოემ-ვა გულზე, მასწავლებელიც ნერვიულობს, ესე იგი ყველაფერი რიგზეა.

სახელის გამო მერეც დასცინოდნენ, მაგრამ მისთვის სულერთი იყო, სულ ახსოვდა, პირველი ქართული ნაწარმოები, კავშირი, ზმნისწინი და ა.შ. ზოგჯერ მასწავლებელია საჭირო, რომ საკუთარი სახელი გაიგო და შეიყვარო, ისე კი, სინამდვილეში, თუ რამდენჯერმე გაიმეორებ, ყველა სახელი ძალიან სასაცილო ხდება.

2.

მეგი, უკვე დიდი გოგო ხარ, არაფერია საშიში-ეუბნებოდა თავის ანარეკლს სარკეში და საყვარელი პირსახოცით ტანს იშშრალეზდა – ახლა წახვალ, საინტერესო წიგნებს წაუკითხავ, ამბებს მოუყვები, გაკვეთილებს გამოკითხავ და მერე დღეც გავა.



ფანჯრის რაფაზე შემოდებულ ყავის ქიქიდან პირდაპირ მოხვრიპა ყავა და გარდერობი გამოაღო, მწვანე კაბას დასწვდა, დაუჭურვია, მაგრამ მაინც ივარგებს, გადაიცივა და ყავის ქიქიანად გავიდა პარმალზე. ძალიან ადრე იყო და ბლანტი ნისლი პირდაპირ მის პატარა სახლს ეხვეოდა, კარშიც შედიოდა, ღია ფანჯრებშიც, ახალგაზრდა მასწავლებელმა ღრმად ჩაისუნთქა მაცოცხლებელი ჰაერი და წიგნს დასწვდა.

„წამება წმიდისა შუშანიკისი დედოფლისა“ – როგორ უნდა გაუცოცხლოს მეხუთე საუკუნის ქალის სახე მოსწავლეებს, ზოგიერთი რომ დილიდან სოფლის საქმეებს ფაცხა-ფუცხით იშორებს და სკოლაში მობრბის, ზოგი კი პირდაპირ მეორე გაკვეთილიდან მიჰყავთ უფროსებს სამწყემსურში თუ თივის მოსაგროვებლად. მერე ის გოგო გაახსენდა, უცნაური სახელით „და“, სულ ჩუმი და რაღაცნაირი, მავედრებელი თვალები რომ აქვს, ოღონდაც არაფერი მკითხვოთ, ოღონდ არ შემომხედოთ, ოღონდ ამდენ ბავშვში ფეხზე არ წამომაყენოთ.

ჩანთაში ფერადილუსტრაციებიანი წიგნი ჩადო, რვეულები არც ამოუღია, დღეს შესვენებაზე შეასწორებს, კარი გამოიხურა, უზარმაზარი ურდული მძიმედ, ზრიალით გამოსწია და სკოლისკენ გზას დაადგა. ეს სუნის, წივისა და მტვრის, ფეხსაცმელებს, ჩანთას, თმას რომ რაღაცნაირ, ღია ჩალისფერ მაქმანად ედებდა, ეუცხოება,

მაგრამ უყვარს. ისევე, როგორც ეს მიკარგული სოფელი, ბებერი, კბილებჩაცვენილი, ხის ქიანი ჩარჩოებიდან რომ იშვრება დამტვერილი მინებით, ძველი გაზეთებით თუ წებოვანქალაქადკრული თვალებით. ისევე ეს ბიჭი აედევნა, მისი მოსწავლის ძმა, გააწყალა გული, დგას და ისე უყურებს, თითქოს რაღაც იცის.

სკოლა პატარაა, ერთსართულიანი, ძველი, საბჭოთა ფერმა გადააკეთეს და რამდენიმე კლასი განათავსეს, მეტი არცაა საჭირო. კლასები თითქმის ისე განალაგეს, როგორც ფერმაში იყო, ორი პატარა კლასი, სადაც ადრე ხბობსა და გოჭებს აპურებდნენ და რამდენიმე უფრო მოზრდილი, ერთიც საერთოდ ყველაზე დიდი, სადაც ადრე თივისა და კორმის საწყობი იყო, ახლა ღირექტორის კაბინეტად ექციათ და შეთავსებით, სააქტო დარბაზიც იყო, ქალაქელი სტუმრებისთვის მოწყობილი ზემების პირველი და მეორე განყოფილებებისთვის.

მასწავლებელი კლასს მიუახლოვდა და ლაპარაკი შემოესმა, გაუკვირდა, ვინაა ასე ადრიანად:

– მიდი, ჩაწერე, ჩაწერე, აი, აქაც გადაასწორე, ესეც, „კარგად“ კი არა, „კარქათ“, „ვლაპარაკობ“ კი არა, „ვლაპარაკოვ“, ეს საერთოდ გადაშალე, ეგ სიტყვა რომ შენ გაგახსენდა, ვერ დაიჯერებს.

ჭუჭრუტანაში შეიხედა, და და ნესტანი, კლასის ყველაზე კარგი მოსწავლე, ბოლო მერხზე ისხდნენ და გამეტებით ჩაჰკირკიტებდნენ ნაწერს.

კარი შეაღო, ბავშვებმა რვეულის დამალვა სცადეს, მაგრამ ვერ მოასწერეს.

– და, ეგ შენი დავალების რვეული არ არის?

– დიახ, მას.

– რამე ვერ გაიგე? დაგეხმარო?

– არა, მას

– აბა, რას აკეთებდით?

– არაფერს, მას

– შეგიძლია მანახო?

– გადათეთრება ვერ მოვასწარი, მას.

– არაფერია, მანახე

მეგამ რვეული გადაშალა, მისი მიცემული დავალება იყო, თავიანთ თავზე უნდა დაეწერათ პატარა ამბავი. გოგონას რვეულში ერთგვრდიანი ნაწერი სულ მთლად ჩასწორებული იყო, ოღონდ პირიქით, ვილაცამ დაუნანებლად გააგსო ნაწერი შეცდომებით, სწორი ფორმები არასწორით შეცვალა.

– ეს რა არის? – გაოცებული უყურებდა მეგი მოსწავლეებს.

– მას, ეს.. მე ... – და ვერაფერს პასუხობდა.

– ეს მე ვქენი, მას – წამოხტა ნესტანი.

– რატომ? მშვენიერი ნაწერი იყო.

– წინა მასწავლებელი სულ აბრალებდა დას, უფროსები გიწერენო, ასე ვერაფრით დაწერდიო. მერე ასეთი რამე მოვიფიქრეთ.

– ვერ დაწერდიო?

– დიახ, ბევრჯერ უჩხუბია, ბავშვის ნაწერს ეტყობა, რომ ბავშვისაა, ვის ატყუებო. მშობლებიც დაიბარა.

– მართლა, და?

– დიახ, მას.

– მისმინე, შეგიძლია აღარ ჩაასწორო დავალება?

– დიახ, მას.

– ჰოდა, ძალიან კარგი, ახლა შენს ადგილას დაჯექი, მალე ბავშვები მოვლენ.

– დიახ, მას.

„წამებაი წმიდისა შუმანიკისა დედოფლისაი“ – შავყდიანი, მძიმე წიგნი მაგიდაზე დადო. მეხუთე საუკუნე, მოზარდებისთვის უცნობი და ხშირად გაუგებარი ვნებები, ძაძები და ანტიოქიის პალეოკარტი. ვილაცამ ვილაცას ჭიქა შეაღწეა და „მტკიცედ სდგაა, დედოფალო“.

მოსწავლეები თანდათან გროვდებიან. კლასის კარი წამდაუწუმ ჭრიალებს.

ეს ჯადოსნური კარია.

სანამ მის მიღმა აღმოჩნდები, ჩვეულებრივი ადამიანი ხარ, გიყვარს პორტუგალიური სიმღერები, ფერადი შარფები, შინგამომცხვარი ღვეზელები, დავით გურამიშვილი ან ნიკო სამადაშვილი, გაცვია კუბოკრული მოკლე პალტო, მოდიხარ, გაქვს სიარულის დამახასიათებელი მანერა, დაბალი ხმა...

ამ კარს მიღმა კი ოცამდე სრულიად განსაკუთრებული ბავშვის ლიტერატურის მასწავლებელი ხარ, ხან ბეწვის ხიდზე გადიხარ, ხან ნაკვერჩხლებზე ფეხშიშველი, ხანაც ვარდის ფურცლებზე, ხანაც დამსხვრეულ მინახე...

გოგონები ფანჯარასთან მიკუჭულან და გამალებით ჭორაობენ, ლუკა, ლოყებგამოტენილი, სასწრაფოდ ცდილობს ფენოვანი ხაჭაპური მერხის ქვეშ დამალოს, თაკო – კოკა-კოლის შენახვას ჩქარობს, რაც იატაკზე მუქი და ტკბილი გუბის გაჩენით მთავრდება, ბიჭები დერეფანში სირბილისას აბაგუნებული გულების და აჩქარებული სუნთქვის დამშვიდებას ცდილობენ, ძირს წიგნები,

რვეულები და კალმები ყრია. ერთი წუთიც და მთელი ეს ქაოსი ერთიან წესრიგად გარდაიქმნება და მათ ცნობისმოყვარე მზერებს გაკვეთილისკენ მივმართავ.

ერთი წუთიც, ვეუბნები ჩემს თავს, ერთი წუთიც – ეს წუთი, ყოველთვის ერთნაირად მაშინებს, იქნებ არ დამთავრდეს, იქნებ არ მოხერხდეს, იქნებ, იქნებ, იქნებ... მაგრამ, ყოველ ჯერზე ერთსა და იმავე მდინარეში მედგრად შევდივარ, აღმა მივუყვები და წყლიდან მშრალიც ამოვდივარ.

– გამარჯობა, მას – ფიქრიდან გამოაფხიზლა მოსწავლის ხმამაღლა-მა მისალმებამ.

– გამარჯობა. – ელოდება, როგორ თანდათან ივსება მერხები, როგორ ლაგდება სასკოლო ნივთები, როგორ გადაივლის ფურცლების შრიალის ტალღა.

– მოდი, სულ თავიდან დავიწყეთ, „და აწ დამტკიცებულად გითხრა თქვენ“,

იცით, რატომ იწყება ეს ნაწარმოები ასე?

3.

ან ეს კაბა რამ შემაკერინა, მას, რამ ჩამაცმევინა იმ დებილურ საღამოზე, გასსოვთ, რამდენი ეხვეწეთ ღირექტორს სხვანაირად ჯობიაო, მაგრამ მაინც ის სანთლებიანი და გრძელ ლექსებიანი ღონისძიება რომ გავაკეთეთ. ეგ ბარხატის კაბაც მაგისტვის შეკერა დედაჩემმა, დიდი მკერავი არაა, მკერდთან სხვადასხვანაირად აჭრილი იყო კაბა, მაგრამ მაინც ლამაზი გამოვიდა, მიხდებოდა, თეთრი მძივი გამოიკეთა დედამ და ბლესკი მათხოვა, საიდან ჰქონდა არ ვიცი, არასდროს მინახავს წაესვას. ლექსი მქონდა სამშობლოზე და ყაყაჩოებზე, ცოტა ხმამაღლა კი მომივიდა, მაგრამ იმათ დუეტს მაინც ჯობდა ფანდურზე რომ იმღერეს. არ უნდა ჩამეცვა ეგ კაბა.

იმ საღამოს მოვეწონე მაგ კაბაში, მეორე დღესვე მოვიდნენ.

მამა ჩუმად იჯდა. დედა? დედა არაფერს ამბობდა, თითოთ აგროვებდა ნამცეცებს მაგიდიდან, კიდევ და კიდევ. ალაგებს, სულ ალაგებს. ჩემი ძმის საქციელს ვერ ალაგებს, ვერც მამაჩემის სიმთვრალეს, ვერც თავის დაღურჯებებს და სისხლჩაქცევებს, ვერც უფულობას და ვერც უსამსახურობას, სახლს კი ალაგებს, სახლს ეტყობა მისი დალაგებული, ამიტომ სულ ალაგებს.

იმათ სახლში შემოსვლისას ფეხზე რომ არ გაახდევინა, ეგ უკვე არ მომეწონა, არც ის მომეწონა, ჩუმად რომ იჯდა და პურის ნამცეცებს ჯერ საჩვენებელი თითით აგროვებდა, მერე ხელისგულზე იყრიდა, მერე ერთად აგუნდავებდა და პლასტელინით ზელდა.

მამა ჩუმად იჯდა, ერთი მაშინ ამოხედა, როცა იმისმა დედამ სახლზე, ოჯახობაზე, საქონელზე დაიწყო ლაპარაკი. კარგად იქნებო, საქმელი არ მოაკლდება და სასამელო, ბაღლების გაზრდაშიც დავცემარებო.

ის როგორია? რავი, არ მახსოვს, სახე არ მამახსოვრდება, იმდენჯერაც არ მინახავს, რომ დავიმახსოვრო.

ისე მინდოდა, მამას ხმა ამოეღო, ეთქვა, ჩემი გოგო პატარაა, ჯერ უნდა ისწავლოს, რა დროს მაგის გათხოვება, შვილები და საქონელიაო, ნეტავი ეთქვა, მაგრამ ის ჩუმად იჯდა და ყოველ წინადადებაზე თავს უქნევდა, უქნევდა რა, თავს ჩაჰკიდებდა გულო ძალოსავით, რომ ჩათვლემს ხოლმე და მერე ისევ ამოხედავდა იმ თავისი დიდი თვალებით.

ისინი რომ წავიდნენ, ამათ ჩუმად ჯდომა გააგრძელეს.

– არ მინდა-მეთქი – მამას ვუთხარი, დედისთვის თქმას რა აზრი ჰქონდა-გამოცდები მაქვს, სპექტაკლის დადგმა დავიწყეთ-მეთქი.

– როცა იქნება, მაინც ხომ უნდა გათხოვდე და ახლა კარგად შეგვეშვილები, საპროცესოს შევიტანო – თქვა მამამ და მეორე ოთახში გავიდა.

– გავიქცევი-მეთქი, თავს მოვიკლავ-მეთქი – ხმამაღლა არ მითქვამს, ჩემთვის გავიფიქრე, მერე იმათაც ვუთხარი. აბა, შენი ძმა დავლუპოთო? ბიჭი ციხეში ჩაჯდესო? ჩვენ ვილა მოგვივლისო. ცოტა ფულს შენებს გამოვართმევთ (უკვე ჩემებს, უკვე გადაწყვიტეს), ცოტას მზითევსაც გავყიდით და შევიტანთ. არაა საჭირო ქორწილები და ამბებო. ეს არ ექნა კარგი იქნებოდა, მაგრამ ახლა ვეღარ მივატოვებთ შენს ძმასო, ახალგაზრდა ბიჭია, ვერ ჩავტოვებთ ციხეშიო. ისე, არც ეგ შენი მასწავლებელია დიდი სათნო ვინმე. მოკლედ, გადაწყვეტილია, მერე დაწყნარდები და დავგომადლებ-კიდევაცო – მამამ აქ უწამწურად გახუმრება სცადა. არ გამცინებია, არც თვითონ, არადა, სულ თვითონ იცინის თავის ხუმრობებზე.

– კაი, გავალ მე, თეთრეულს გადავულაგებო – თქვა დედამ და თავიანთ საძინებელში ავიდა. გააღებს ახლა იმ კარადას და

გამოვარდება სუნი, მე რომ ძალიან მიყვარს, ნესტის, მიტკლის და ნაფტალინის.

სულ ეს იყო.

4.

ჩემოდანს ალაგებს. წიგნები, მოსწავლეების წერილები, ჩანაწერები, ნახატები, ფერადი კაბები, რამდენიმე თბილი უაკეტი, ჩხარაჩხურა სამკაულების ყუთი, თბილი ფეხსაცმელები. საწოლზე ზის და ჩემოდანს ალაგებს. დილით სადგურზე წავა თავისი მძიმე ჩემოდნით, მატარებლის რკინის კიბეებს აივლის, თავის ადგილს იპოვის, ჩემოდანს სკამის ქვეშ შეაჯობებს, თავქვემ ზურგჩანთას ამოიდებს და დაიძინებს, დაიძინებს ღრმა და ტკბილი ძილით და დაივიწყებს ყველაფერს, რაც მოხდა, ამ მთის სოფელს და მის მოსახლეებს, სკოლას და მის მტვრიან დერეფანს, ყველაფერს.

კარზე კაკუნია.

იმ საღამოს მერე კაკუნიც აშინებს, ამ სახლსაც აღარ ენდობა, რომელმაც ასე გულთ შეიყვარა. კართან მიდის და ელოდება.

– მას, მე ვარ.

არ პასუხობს, არც ფიქრობს, უბრალოდ დაღლილია.

– მას, გამიღეთ რა.

კარს აღებს, იატაკს უყურებს და ელოდება.

ქუსლთან ჩაკეცილი ბოტასები აცვია, მუხლები დაკაწრული აქვს, ტანზე პიჟამო აცვია და თვალები ტირილისგან დასიებული აქვს.

– გამოვიქეცი მას.

ჩუმადაა,

– სხვა ვისთან წავსულიყავი

ისევ ჩუმადაა

– ძან ცუდად მოგექცათ.

ჩუმადაა

– მაგრამ ეგ ბავშვობიდან ეგეთია.

ჩუმადაა

– გუმინ სადილობისას ღვინიანი ჭიქა რომ მესროლა, მაშინ გადავწყვიტე, რომ თავისთვის უნდა მეშველა. ჩაეძინა თუ არა, გამოვიქეცი

ჩუმადაა

– სხვა ვერავისთან წავიდოდი, მას, არ გამავდო, დედას გაფიცებ, მომკლავენ, რომ გამავდო.

– დაჯექი.

მთის სოფლის სახლია, შუშაბანდიანი, მთვარე თითქოს ფანჯრის რაფაზე დევს, ისე ახლოა. სხედან მოსწავლე და მასწავლებელი, მოსწავლეს მასწავლებლის კაბა აცვია, ნაცრისფერი, თბილი. ჭიქებში პიტნის ჩაია, დაღვენ და ჭიქებს გარეცხავენ, რომ აქ ყოფნის კვალი წაშალონ. სხედან და რიჟრაჟს ელოდებიან, მატარებელი დილის 5-ზე გადის. ცოტაც და აიღებენ ერთის მძიმე ჩემოდანს და მეორის მძიმე არაფერს, რომლის თრევაც სულაც არაა ადვილი. მივლენ სადგურზე, აივლიან მატარებლის რკინის კიბეებს, იპოვიან თავიანთ ადგილებს და ტკბილი თუ არა, ღრმა ძილით დაიძინებენ. მატარებელი შეჰყვირებს და დაიძვრება, დაიძვრება და წავა, წავა და გაჩერდება, წავა და გაჩერდება. ამათ ისევ ეძინებათ, ბოლო სადგურამდე, სადაც სიზმრისგან გამოიღვიძებენ.

არავინ იმსახურებს სხვის გამო დარქმეულ სახელს, არა?



დედუკა ბაქაური

მოთხრობას საფუძვლად უდევს ნამდვილი ანბანი

გამარჯობა, თქვა კლასში შესულმა დედუკამ და ჟურნალი მაგიდაზე დადო. სკამზე მოწყვეტით დაჯდა. მეოთხე გაკვეთილს ატარებდა და დალლილობას გრძნობდა. თითქოს ფეხებიც უკანკალებდა.

ყოველ წელს პირობას აძლევდა თავს, სადამრიგებლოს აღარ ავიყვან, დღეში სამი-ოთხი გაკვეთილი, თან დამრიგებლობა და სკოლის დირექტორობა ერთად ძალიან მიჭირსო. ერმონასთან ლაპარაკშიც რამდენჯერ უთქვამს, მომავალ წელს კატეგორიულად ვიტყვი უარს დამრიგებლობაზეო, მაგრამ დადგებოდა თუ არა ახალი სასწავლო წელი, უკან მიჰქონდა თავისი სიტყვები. ერმონა დედუკას საუკეთესო მეგობარი, მისი რაიონელი და სკოლის საქმეთა მმართველი იყო და მასთან სიტყვის გატეხის არ რცხვენოდა. რა ექნა, უჭირდა ბავშვების მიტოვება. თანაც დამრიგებლობა საუკეთესო საშუალება იყო მოსწავლეებთან საურთიერთოდ და სამუშაოდ. როგორ მელოდებოდა ჩემი გონიერი ბავშვები ან რაღა ბავშვები, უკვე დაქალბუღი გოგოები და წვერულვაშიანი ბიჭები არიან. იმედა, ღირსეულად გააგრძელებენ ცხოვრებას და იპოვიან თავიანთ გზას.

პარასკევი იყო, თავისუფალი გაკვეთილის დღე. ისე მოერია დალლილობა, კინალამ გადაიფიქრა საუბარი და საწერი მისცა ბავშვებს, მაგრამ შემოუძახა თავს დედუკა ბექაურმა, რომელსაც „ვეფხისტყაოსნის“ განსაკუთრებული სიყვარულის გამო ბავშვებმა მეტასხელად ნესტან-დარეჯანი შეარქვეს. ერთხელ, შემთხვევით დერეფანში მოჰკრა ყური თავის ზედმეტსახელს და ღიმილით ჩაილაპარაკა, არც თინათინზე ვიტყვოდი უარსო. ჩანავლულ თვალებში ძალისძალად ჩადგმული სხივი მზესავით შეანათა დედუკამ მოსწავლეებს. გამოცოცხლდა კლასი, იცნობდნენ ბავშვები დედუკა მასწავლებლის ამ სხივს – მათი მეგობრობის საიდუმლო ნიშანს. ისიც იცოდნენ უკვე, რაც ამ სხივს მოჰყვებოდა – რაიმე განსაკუთ-

რებული და საინტერესო თემა, ისეთი, რომელსაც ვერც წიგნებსა და გაზეთებში ამოიკითხავდნენ, ვერც ტელევიზორში ნახავდნენ და ვერც რადიოთი მოისმენდნენ; რომელსაც, დარწმუნებულები იყვნენ, რომ ქართულის სხვა მასწავლებლები, მით უმეტეს, სკოლის დირექტორები, სხვა მოსწავლეებს, სხვა ქალაქებისა და სოფლების არცერთ სკოლაში, იქნებ სულაც არსად, მთელ ქვეყანაში, არ ასწავლიდნენ ან ასწავლიდნენ, მაგრამ დედუკა მასივით ვერა.

მხოლოდ ლალი, თავისუფალი, გულწრფელი, და ზოგჯერ აკრძალული, სამომ ზღვრამდე მისული ურთიერთობა ჰქონდა დედუკას მოსწავლეებთან, უფრო სწორად, ისეთი, როგორ მასწავლებლობაზე ოცნებობდა სტუდენტობიდან; მისმა მოსწავლეებმა არ იცოდნენ რა იყო ნიშნის, მასწავლებლის ან სკოლის დირექტორის შიში. არასოდეს შეთანხმებია მოსწავლეებს, არსად ეთქვათ, რომ ის აკრძალულ თემებსა და ავტორებზე საუბრობდა გაკვეთილზე; მხოლოდ ზოგჯერ, დედუკა არტისტულად, მოჩვენებით საიდუმლო ხმით დაიწურჩულებდა, „იმედა, სკოლის დირექტორთან არავინ დამაბეზღებს ამისთვისო“, და დასცემდა ამ დროს კლასი ყიყინას. თუმცა ისიც მშვენივრად იცოდა დედუკამ, რომ უკვე რამდენი წელი იყო, ბეწვის ხილზე დადიოდა და სასწორზე დებდა თავსაც, მასწავლებლობასაც და დირექტორობასაც. ზოგჯერ გულში შიში ჩაუდგებოდა, იქნებ მოსწავლეებსაც? – მაგრამ ამან ფიქრსაც კი არიდებდა თავს.

ერთგული მოსწავლეებიც უფასებდნენ დედუკა მასწავლებელს ამ სულზე მოსწრებულ განსხვავებულ ურთიერთობას, რომლისთვისაც სახელი ვერ დაერქმიათ. იმას კი ხვდებოდნენ, რომ ძალიან,

ძალიან გაუმართლათ და დუმილით გამოხატავდნენ მაღლიერებას უამრავი რამის ახლებურად და „არასაბჭოურად“ შეხედვის, მათი თითქმის ხელმეორედ დაბადებისა და თვალის ახელის გამო.

დედუკა მასწავლებელი რომ არა, ისინიც სხვებივით ათეული წლების დაგვიანებით გაიგებდნენ საბჭოთა ხელისუფლების სამარცხვინო საქციელს – საუკეთესო მწერლების, ხელოვანებისა და მეცნიერების უსასატიკესად დასჯის, მათი სამშობლოს მოლაპატებად და გიჟებად შერაცხვის შესახებ; მისგან შეიტყვეს სწორედ ქართველი მეცნიერისა და მკვლევრის პავლე ინგოროყვას „სულელად“ გამოცხადების ფაქტი; უნიჭიერესი, ჯერ სულ ახალგაზრდა ბიჭის, პეტრე ოცხელის, სანდრო ახმეტელისა და სხვათა დახვეწის, მხატვარ დავით კაკაბაძის სიღარიბეში სულის ამოხდომის, პაოლო იაშვილის, როგორც ვითომ „იდეოლოგიური მავნებლისა“ და „ხალხის მტრებთან“ ურთიერთობის გამო თვითმკვლელობამდე მიყვანის, ტიცან ტაბიძის, მიხეილ ჯავახიშვილის, ნიკოლო მიწიშვილისა და კიდევ ბევრი სხვა მოკვლული და გადასახლებული მოაზროვნე და საუკეთესო ქართველების ამბავი;

დედუკა მასწავლებლისგან გაიგეს ასევე პირველად არაერთი უცხოელი და რუსი მწერლის გვარ-სახელი, მათი ტრადიციული ისტორიები, მათი ნაწარმოებების ბედი; მასთან ერთად წაიკითხეს მარინა ცვეტაევა და ანა ახმატოვა ლექსები; გაიგეს მიხეილ ბულგაკოვის რომანის, „ოსტატი და მარგარიტა“ გადარჩენის ისტორია და ის, თუ საბჭოთა ხელისუფლებამ როგორ ათქმევინა უარი 1958 წელს ბორის პასტერნაკს ყველა მწერლისთვის საოცნებო ნობელის პრემიზე რომანისთვის „ექიმი ჟივაგო“; გაიგეს მარსელ პრუსტისა და სხვა უცხოელი ავტორების შესახებაც. ზოგჯერ, მართლა შეშინებული და ათრთოლებული ხმით ლაპარაკობდა მათი სათაყვანო დედუკა მასწავლებელი და სთხოვდა ახალგაზრდებს, „ნუ ჩაიწერთ, არ გინდათ, ზეპირად დაიმახსოვრეთ: ჯოჯოჯო ორუელი – „1984“; კიდევ მისივე „ცხოველების ფერმა“...

მოსწავლეებმა ისიც იცოდნენ, რომ დედუკა მასწავლებელი, თავისი თეთრი ფეტრის შლაპით, კიროვის ბაღში, აკრძალული წიგნების საყიდლადაც დადიოდა და ხშირად, ბუკინისტებისგან ნაყიდ და მერე, თავადაც პირველად გაგონილ და წაკითხულ ავტორებსა და ნაწარმოებებზე აღფრთოვანებული უყვებოდა მათ. ზოგჯერ საიდუმლო „წაკითხვებს“ მასთან სახლშიც აწყობდნენ. „თუ გინდათ რომ მოაზროვნე ადამიანებად იქცეთ, აუცილებლად წაიკითხეთ ეს ავტორები – რამდენჯერმე გაუმეორებდა გვარ-სახელებს, რომ კარგად დაემახსოვრებინათ – როცა შეძლებთ, რომელ ასაკშიც მიგიწვდებათ მათზე ხელი“. აზროვნება – აი, რა იყო მისთვის მთავარი, ეს იყო მოსწავლეებისთვის წაყენებული მისი თხოვნაც და მოთხოვნაც, და მისი სწავლება მიაჩნდა მასწავლებლის უმთავრეს მოვალეობადაც.

წინა გაკვეთილზე დავით გურამიშვილის „ქაცვია მწყემსის“ შესახებ ჩააწვეთა მოსწავლეებს და ზარიც დაირეკა. ზოგჯერ ასე განგებ

იქცეოდა ხოლმე, საინტერესო თემზე ზარის დარეკვამდე რამდენიმე წუთით ადრე წამოიწყებდა ლაპარაკს, ინტერესს უღვივებდა ბავშვებს, ორ-სამ ციტატას, ნაწარმოების ან ავტორის გვარ-სახელს ეტყოდა და, იმაზეც თანახმა იყო, რომ მხოლოდ ეს მცირედი დაემახსოვრებინათ. ნდომით კი, რა თქმა უნდა, მეტი უნდოდა: უნდოდა, ბევრი ეკითხათ, თავისით ეპოვათ და მოეძიებინათ ნამდვილი ლიტერატურა, ეფიქრათ და საჭირო დასკვნებამდე და პასუხებამდე თავად მისულიყვნენ. იმედი ჰქონდა, რომ „დავითიანის“, მაინც ყველა „იშოვიდა“ და „ქაცვია მწყემსის“ წაკითხვას თუ არა, გადახედვას მაინც შეძლებდნენ.

– „ქაცვია მწყემსზე“ არ გავაგრძელოთ, მას? წინაზე რომ დაიწყეთ... თავადვე წამოიწყეს ბავშვებმა საუბარი, სანამ თვითონ ჰკითხავდა რამეს.

– სიამოვნებით, მაგრამ თუ წაიკითხა ვინმემ პოემა? – გამომცდე-ლად გადახედა კლასს.

– როგორ არა, მას, – გამოეპასუხა დედუკას მერხზე იდაყვებით დაყრდნობილი აწოწილი ბიჭი, ერთ-ერთი გამორჩეული მოსწავლე გუჯა მოლაშვილი „მხიარული ზაფხულიდან“ ციტატით:

„ადგა, წავიდა, მუნ მალვით კაცი, / სადაც შერქმოდათ ქალ-ყმათა ქაცვი, / მან გათიბა მოლი, / მათი დასაწოლი / მუნ განამზადა...“

– გუჯას წაკითხულ ნაწყვეტს კლასელების ფხუკუნი და რეპლიკები მოჰყვა...

მერე მომცრო ტანის ნუკრი სიხარულიძე წამოხტა გურული სისხარტით, – ენაკვიმატი, ნიჭიერი და „ყველაფრისმცოდნე“, რომელიც წინა წელს გადმოვიდა დედუკას სკოლაში ოზურგეთიდან და რომელი საგანის ოლიმპიადაზეც არ უნდა წასულიყო, უმეტეს შემთხვევაში გამარჯვებული ბრუნდებოდა უკან. თან, რალაცით ახალგაზრდა მაიას აგონებდა დედუკას გურული ბიჭი.

„ის გოგო ჩემზედ გახდა ორსული, / რა დრო შეიქმნა შობად მოსული / მე ვიშვე; სახელად / მათ დასაძახელად / მარქვეს „ქაცვია“.“

– ლექსის თქმისას მხრებში საწყლად მოიხარა ნუკრი მხრებში, გლახაკისა და ყარიბის გამომეტყველება რომ მიეღო. კლასმა გადაიხარხარა. დედუკაც აჰყვა მოსწავლეებს სიცილში, თან სხვების გამოწვევასაც ცდილობდა, მაგრამ ველარავინ გახედა, გოგოები ვარდისფრად ატკრეცილ ლოყებზე ხელებს იფარებდნენ და უხერხულად იმშუშნებოდნენ. მაშინ დედუკამ, როგორც იცოდა ხოლმე, წყნარი, მშვიდი ხმით თვითონ დაიწყო ლაპარაკი და მოსწავლეებიც ნელ-ნელა ჩაწყნარდნენ:

არაფერია, ბავშვებო, აქ დასარცხენი და საუხერხულო. ეს ლიტერატურაა, ნამდვილი ლიტერატურა და „ნუკრის უესტებიც, რომლითაც მან გლახაკს მიბაძა, თითქმის ზუსტი იყო. თუმცა

მსახიობის ოსტატობა ბოლომდე ვერ გამოავლინა, ჯობდა, ბარემ კომბალიც შემოედო მხარზე, ან ზედ დაყრდნობოდა, რადგან „ქაცვია მწყემსი“ ბუკოლიკური პოეზიის ნიმუშია, პოეზიის ისეთი ჟანრისა, სადაც სოფლური, მწყემსური ცხოვრებაა გაიდელეული. მსგავსი პოეზიის ნიმუშები არაერთი მოიპოვება მსოფლიო ლიტერატურის ისტორიაში, მაგრამ ჩვენ ჩვენსაზე, და, მე ვიტყვი, გენიალურზე, ვისაუბროთ. უფრო სწორად, პოემასთან დაკავშირებით ჩემს აზრს ნაკლებად მოგახვევთ თავზე და შევეცდები, ჩემზე ბევრად კომპეტენტური რამდენიმე ფილოლოგისა და მეცნიერის აზრი მოგახსენოთ, რომელთაგან ზოგიერთი გვარ-სახელი თქვენთვის უკვე ნაცნობია.

მაგალითად, კორნელი კეკელიძე „ქაცვია მწყემსზე“ ამბობს, რომ ეს „ხალხის წილიდან წამოსული მშვენიერი იდილია და პოემა, სამწუხაროდ, არაბუნებრივი გამოვიდა; თავი იჩინა „აკეტური მორალის ზეგავლენამ“ და „მშვენიერს, ლამაზს და მოხდენილს თავს უხეში და ტლანქი ტანი“ მიეზო; მაგრამ იქვე მეცნიერი ავტორს იმის გამო აქებს, რომ ის, სამშობლოდან „ქაცვია მწყემსის“ დაწერამდე დიდი ხანით ადრე მოშორებით მყოფი, კვლავ საოცარი „უშუალოთ“ განიცდის „საყვარელი სამშობლოს სურათებს, მის პეიზაჟს, მის დამატკბობელ სურნელებას, მის ზნე-ჩვეულებას“, გეგონებათ, თვითონაც ისევე ტრიალებს „დანატულ გარემოში“ და თვითონვეა უშუალო მონაწილე აღწერილი ამბებისაო;

გიორგი ლეონიძეც ასევე ამბობს, რომ ეს პოემა „ხორცის და სიყვარულის ჰიმნი“ა, მასში ქართული ყოფა-ცხოვრებაა მოცემული და ის შეზავებულია ქართულ-ხალხური იუმორით; კიდევ ერთი მეცნიერი, გიორგი ნატროშვილი, დარწმუნებულია, რომ „მხიარულ ზაფხულში“ ასახული ყოფა და წეს-ჩვეულებები „სცილდება ქართულ სინამდვილეს და ჩვეულებებს“ მაგრამ ის მაინც პირველი საყოფაცხოვრებო პოემაა ქართულ ლიტერატურაშიო.

საერთო ჯამში, ყველა მეცნიერი და მკვლევარი მაინც ერთხმად აღიარებს იმას, რომ ეს თხზულება „სრულიად ახალი მოვლენაა როგორც დავით გურამიშვილის შემოქმედებაში, ისე ძველ ქართულ ლიტერატურაში“, რომელსაც მეც ვეთანხმები და არც თქვენ გაქვთ საფუძველი არ ენდოთ მათ, ხოლო ის, რაზეც თქვენ „ანცობთ, წითლდებით და უნერხულობთ – ვგულისხმობ ქალისა და ვაჟის სასიყვარულო ურთიერთობას – პოეტის მიერ სუფთა და ბუნებრივ გრძობად არის მიჩნეული და იმასაც დაძვენ, რომ სწორედ ბუნებრიობა განსაზღვრავს ზოგადად ადამიანის სულის სიჯანსაღეს.

რა თქმა უნდა, არ გთხოვთ, რომ ყველა ეს ზემოთ ჩამოთვლილი შეხედულება გაიზიაროთ; მე უბრალოდ, შევეცადე თქვენს დაკვალიანებას, გზის გაკავებას; მინდა ერთხელ კიდევ წაიკითხოთ პოემა, იფიქროთ მასზე, ამ კომპეტენტური ადამიანების შეხედულებებიც გაიხსენოთ და მომავალ თავისუფალ გაკვეთილზე თქვენი აზრი პოემის შესახებ, უკვე წერილობით მომაწოდოთ.

– აუ, მას, ჯერ არ დაასრულოთ რა, ჯერ ხარი არ ყოფილა, – წამოიძახა უკანა მერხიდან ხარის მალე დარეკვის შიშით წინასწარ გამწყრალმა ზაზამ მანჯავიძემ.

– იქნება ახლავე, – პირლიმილით, საათზე დაუხედავად უპასუხა დედუკამ მასწავლებლის თითქმის ათი და დირექტორის ხუთწლიანი სტაჟის წყალობით გამომუშავებული შეუმცდარი ალლოთი, და რამდენმე წაშში ხარიც დაირეკა.

ბავშვები მალევე გაიკრიფნენ კლასიდან. დედუკას კიდევ უფრო მოერია უძალობა. ფანჯარა გამოალო და ცოტა ხნით გაჰყურებდა დაახლოებით ორას მეტრში მდგარ თავის ახლადაშენებული კორპუსის რუხ კედელს. – „რატომ აშენებენ ასეთი რუხი ფერის კორპუსებს, რატომ არ ლებავენ წითლად, ყვითლად, ვარდისფრად? – კიდევ კარგი, ბინაში მაინც საჩემო სიმყუდროვე და სიმშვიდე მაქვს, – გაიფიქრა კმაყოფილმა. უცებ ძალიან მოუნდა, უკვე თავის ოროთახიან ბინაში ყოფილიყო, მწვანე დივანზე წამოწოლილი და მამია ნაკაშიძეზე ფიქრს მისცემოდა, თავის ქაცვია მწყემსზე, მასზე, ვისაც სკოლის გარდა მთელი მისი ცხოვრება ეძღვნებოდა. მოულოდნელად გულთან ისეთი ძლიერი ჩხვლეტა იგრძნო, ხმამალა შეჰყვირა. – „მერამდენე წელია ამ დღეში ვარ და თავს ყურადღებას არ ვაქცევ“. წასვლის დრო იყო. სადაცაა შესვლის ხარიც დაირეკებოდა. სამასწავლებლოში ჩასულმა ვალერიანის წვეთები დალია. მერე დიდხანს იჯდა გაუნძრევლად თავის პატარა კაბინეტში ულონო, დაღლილი, გამოცარიელებული. მამიაც კი ველარ მოიხლოვა ფიქრით. და როგორც სხვა დროს ხდებოდა ხოლმე, ახლაც თავისით ამოტივტივდა შესაბამისი სტროფი გონებაში „ვეფხისტყაოსნიდან“:

„თუ საწუთრომან დამამხოს, ყოველთა დამამხობელმან, ღარიბი მოგკვდე ღარიბად, ვერ დამიტროს მშობელმან, ველარ შემსუდრონ დაზრდილთა და ვერცა მისანდობელმან, – მუნ შემიწყალოს თქვენმანვე გულმან მოწყალე-მლმობელმან“...

იმ დღეს ერმონამ მიაცილა სალამოს სადარბაზომდე.

სკოლაში მუდამ ენერგიული და საქმიანი დირექტორი, სახლში ზანტ, ცრემლებისყლაპია უსუსურ ქალად იქცეოდა ხოლმე. არადა, ახალგაზრდა ეთქმოდა ისევე დედუკას. ლამაზიც კი. ხორბლისფერი, ჭორფლიანი კანი, ზოგჯერ გოგოს იერსაც აძლევდა. ახალგაზრდობიდან მოყოლებული ხეცსურულ ვარცხნილობას ატარებდა – ისე თავის ბუნებრივ, წითურ ფერად იღებავდა თმას, შუბლზე მოკლედ იჭრიდა და უკან შალის ნაჭრებით იკრავდა, რომელზეც ფარდაგის ორნამენტებს – შიბას, ქისტაურას, კვერას ამოაქსოვდა ხოლმე თავისი ხელით; ხან ხელთათმანებსაც ჩააყოლებდა ან თბილ კაშმის ბოლოებში, როცა ქსოვის სურვილი წამოუვლიდა და დროც ჰქონდა.



სტუდენტობისას ჯვრიან ორნამენტებს გახამებული თეთრი პერანგის მაჯებზე და გულსა და საყელოზეც იმაგრებდა. ცდილობდა, კაბებიც ხევსურულ სტილში შეეკერა. არ ადარდებდა, მოსწონდა თუ არა ვინმეს მისი ტალავარის სტილში შეკერილი სამოსი. ზაფხულში მარტო სადიაცოს მსგავსად შეკერილ თხელი ნაჭრის კაბას ატარებდა, ამოქარგული გულისპირითა და კაბის კალთებზე მიკერებული ჯვრიანი არშიებით, გაზაფხულსა და შემოდგომაზე კი გვერდებზე შესხნილ, მაღალწელიან და მოკლეხახლოიან შალის ან ნაქსოვ ქოქლოს, ან უფრო გრძელსახლოიან, ფაფანაგის მაგვარ შემოსაცმელს შემოიცვამდა, გათანამედროვებულს, შესაშურად ლამაზს. ბაჭიჭებს მარტო სახლში იცვამდა, გარეთ გასასვლელად კი დაბალქუსლიან, ტყავის შესაკრავიან ფეხსაცმელებს მშვენივრად უხამებდა ვერცხლის სამკაულებითა და მონეტებით დამშვენებულ ხან შინდისფერ, წითელ, ხანაც შავი და ფერადი ნაჭრებით გაწყობილ კაბებს. სათაურა და მანდილიც ჰქონდა და თუ სტუმრად მიყვანილი მეგობრები სთხოვდნენ, მაშინ თავსაც შეიბურავდა ხოლმე და ნამდვილ ხევსურის ქალად გადაიქცეოდა.

ასე გამოწყობილი და ყელმოღერებული ნახა ერთხელ მასთან სახლში სტუმრად მისულმა კურსელი გოგოს ბიძაშვილმა, ნატანებელმა მამია ნაკაშიძემ. დაამუნჯა გადარეული ოხუნჯი ბიჭი დედუკას უცნაურმა სილამაზემ, ენა წაართვა. იმ საღამოსვე ჩაუვარდა გულში ხევსური გოგო. დედუკას ბავშვური ხელით ვნებიანად გაწელილი გარმონი კი ბოლო წვეთი აღმოჩნდა მომავალი მათემატიკოსისთვის

და სულ რაღაც ნახევარ წელიწადში, არც ისე ბევრი პაემნისა და სახლში სტუმრობების შემდეგ, მამიამ დედუკას ცოლობა სთხოვა.

მუდამ დედის ხათრის მქონე ბიჭი სიცოცხლეში ალბათ პირველად არ დაემორჩილა მთელს ოზურგეთში სიამაყით ცნობილ პროვიზორ დედას, თავისი გაიტანა და საოცნებო გოგო ცოლად შეირთო. სტუდენტური, ღარიბი ნიშნობა-ქორწილი ერთად გადაიხადეს. მარტო დედუკასიანები იყვნენ თიანეთიდან ჩამოსულები, მამიას მხრიდან მხოლოდ მისი და, ნელი, და რამდენიმე საერთო მეგობარი მეჯვარეებთან ერთად. მამა არცერთს აღარ ჰყავდა. პრინციპულმა დედამთილმა დაიქადა და აასრულა კიდევ: არ გაივარა ახლოს „სხვა ქვეყნიდან“ მოყვანილი მომცრო ტანის, წვრილძვალა და წითურთმიანი მთიელი ქალი. ფითქინა, ჯიშინ ქალად ჰყავდა წარმოდგენილი საოცნებო სარძლო, და აუცილებლად ექიმად.

სანამ სტუდენტები იყვნენ, მამიას და დედუკას სიყვარულს არაფერი ეშუქებოდა. დახვდებოდნენ სადგურში დედუკას დედის, მზექალის გამოგზავნილ სანოვანით სავსე ჩანთას და აჰყვებოდნენ ტრამვის ახალუბანში ნაქირავებ ბინაში. თუ საჭირო მასალა ჰქონდა, დედუკა მამიას საყვარელ ვაშლის ნამცხვარსაც გამოუცხოვდა, წიწილასაც დაბრაწავდა, ყველს დაჭრიდა და მამიას მარტო თავის საყვარელ, ცხარე საწებელსლა უტოვებდა ახლიდან შესანელებელი. ასეთ სუფრას მარტო ხომ არ შემოუსხდებოდნენ, ეპატიუებოდ-

ნენ მეგობრებსაც, კარის მეზობლებსაც და მოსიყვარულე ახალგაზრდა ცოლ-ქმარს ბედნიერებისთვის ეს ყველაფერი კმაროდა.

წყვილს კიდევ ერთი საყვარელი გასართობი ჰქონდა, რომელიც სიხალისეს ჰყენდა მათ ყოფას – „ვეფხისტყაოსნის“ სტრიქონებით „გაბაასება“ თუ „შესიტყვება“, ხან ერთ სახელს ეძახდნენ და ხან მეორეს, მაგრამ მხოლოდ მარტო დარჩენილები თამაშობდნენ მას. ამასობაში კი მამია ისე გაიწაფა პოემის ცოდნაში, რომ დედუკას ზოგჯერ ჯობნიდა კიდევ. მათი ყველაზე ცნობილი და ბევრჯერ გამოყენებული შესიტყვება ასეთი იყო: როცა ფული შემოეღო-ოდათ – მიუხედავად იმისა, რომ სტიპენდია ორივეს ჰქონდა, მაინც ხშირად ხდებოდა ასეთი რამ – და მამია ნერვიულობას იწყებდა, დედუკა ეტყოდა:

„ბედითი ბნედა, სიკვდილი რა მიჯნურობა გგონია?
სჯობს, საყვარელსა უჩვენე საქმენი საგმირონია!“

მამია კი გაეპასუხებოდა:

„აჰა, მკვდარი გამაცოცხლე, ამას იქით აღარ ვბნდები,
რასაცალა სამსახურსა, ვტყუვი, თულა ვერიდები!“ ...

ასე უადვილებდნენ ერთმანეთს არსებობას.

მიუხედავად მცირე დანაზოგისა, მაინც თითქმის ყოველ შაბათ-კვირას ადიოდნენ თიანეთში. განსაკუთრებით გაზაფხულსა და შემოდგომაზე მიუწევდათ გული – უყვარდათ ჯერ უმანკო და ნაზი სილამაზით მოჩითულ, მერე კი წითელ-ყვითლად დაფერილ ტყეში საათობით ჯდომა. ყვითელ ავტობუსს მძღოლს საბადურებთან გააჩერებინებდნენ, წინა დღით დედუკას გამოცხვარ, საგზაოდ წაღებულ კარტოფილის ღვეზელებს შექამდნენ, ისეირნებდნენ და მომდევნო ავტობუსს გაჰყვებოდნენ თიანეთისკენ; ჩავიდოდნენ ხალისიანები, დედუკას ისედაც უსიტყვო დედას სიხარულისგან კიდევ უფრო დაამუხზებდნენ და კვირა საღამოს უკან წამოვიდოდნენ. ზოგჯერ, როცა დედუკას არ სცალოდა, ან მაშინ, ორსულად რომ იყო და ავტობუსით ჯაყჯაყი არ შეიძლებოდა მისთვის, მამია რამეს მოიმიზებებდა სახლიდან გასასვლელად, გაჰყვებოდა თიანეთის ავტობუსს, შუა ტყეში ჩამოსული, მგზავრების გაოცებულ მზერას გაიყოლებდა და მშობლიური ყვავილებით ხელში დაადგებოდა მერე თავზე დედუკას. ზოგიერთი კაცივით ჯიბეში ან ჩანთაში არასდროს დამალავდა ყვავილებს და თუ ვინმე ჰკითხავდა, მზად იყო ეპასუხა, რომ საყვარელი ცოლისთვის მიჰქონდა. კონებად შეკრულს ჩაუტანდა თავის ხევისურქალას იებს და ფურისულებს, თან წინა ღამით მუყაოზე მალულად დაწერილ პატარა სამიჯნურო ბარათსაც დაურთავდა „ვეფხისტყაოსნიდან“ ორივესთვის საყვარელი რომელიმე სტროფით: მაგალითად, პროლოგიდან:

მიჯნურსა თვალად სიტურფე ჰმართებს, მართ ვითა მზეობა
სიბრძნე, სიმდიდრე, სიუხვე, სიყმე და მოცალეობა,
ენა გონება, დათმობა, მძლეთა მებრძოლთა მძლეობა.
ვისცა ეს სრულად არა სჭირს, აკლია მიჯნურთ ზნეობა“.

და დედუკაც არ დააყოვნებდა თავისი ალვისტანიანი, იელისფერთმიანი მიჯნურის ქებას და ალერსს.

ერთხელ, ახალშეულლებულებმა თავი მოიგიჟიანეს. წინა დღეს თიანეთიდან ხელისგულისოდენა გვირილები და ივრისპირზე გაზრდილი მინდვრის ყვავილები ჩამოიტანეს. სიყვარულით იყვნენ სავესები და კიდევაც სწყუროდათ ალერსი. საღამოს მსუბუქად წახიემსეს, კახეთიდან მეგობრის ჩამოტანილი ღვინოც მიაყოლეს. შეეფაკათ ლოყები ორივე ცოლ-ქმარს, გათამამდნენ, თვალი თვალი გაუყარეს ერთმანეთს. მამიამ გაუბედა და სთხოვა, ღამის სანათს ნუ ჩააქრობ, შიშველს მინდა შეგხედო ხევისურის ქალოო. ვითომ იწყინა ნათქვამი დედუკამ, ვითომ გაუბრაზდა საყვარელს. მაღე მოვალე, უთხრა და გავიდა საძინებლიდან. გაიძრო სამოსი, გაშლილ თმებზე გვირილები შემოიწნა, წელზე -ხევისურული ვერცხლის ქამარი, შიშველ ტანზე ქოქლო შემოიცვა და ალივით აესევეტა საწოლთან ბედნიერ ბიჭს. თითქმის ისე იყო ყველაფერი, ან ზუსტად ისე, როგორც თინათინი დახვდა მასთან შესულ ავთანდილს:

გაძრცვილსა ტანსა ემოსნეს ყარყუმნი უსაპირონი,
ებურნეს მოშლით რიდენი, ფასისა თქმად საჭირონი,
ჰშვენოდეს შავნი წამწამნი, გულისა გასაგმირონი,
და მას თეთრსა ყელსა ეხვიენეს გრძლად თმანი არ-უხშირონი.

მერე კი...

ქალმა მისცა მარგალიტი, სრულ-ქმნა მისი საწადელი,
ღმერთმა ჰქნას და გაუსრულდეს ღმერთი ესე აწინდელი!

მეორე დღეს, ინსტიტუტში მისული ბრწყინავდა ბედნიერებისგან. სხვაც ბევრი ასეთი დღეები და ღამეები ახსოვდა დედუკას მამიასთან ერთად გატარებული.

ინსტიტუტის დამთავრების შემდეგ მამიას დედამ გავლენიანი ნათესავების დახმარებით შვილი მშობლიურ სოფელში გაანაწილებინა სამუშაოდ მათემატიკის მასწავლებლად. დედუკა კი თბილისში დარჩა და იქვე დაიწყო მუშაობა. თავიდან მამია ხშირად ჩადიოდა ქალქში და დედუკაც საკუთარი ხელით მოხვეულ, მამიას საყვარელ ხევისურულ ხინკალს ახვედრებდა თავის იელისფერთმიან მწვანეთვალე ბიჭს. ეგონათ, ეს მდგომარეობა დროებითი იყო და მალე ისევე სულ ერთად იქნებოდნენ, მაგრამ უფრო და უფრო ხშირად ცივდებოდა პატარა მაგიდაზე დიდი ხონჩით და ხონჩაზე უფრო დიდი სიყვარულით მოხვეული ხინკალი. მამია დაპირებულ

სიტყვას ვეღარ ასრულებდა, ვერ ჩამოდიოდა დათქმულ დროს. მერე კი ერთხელაც, დიდხანს აღარ ჩამოვიდა. სულ დარჩა თავის გურიანში, თავის ნატანებში, თავის დედასთან, რომელმაც სოფელში ძლივს ჩატყუებული ბიჭი უკან არაფრით აღარ გამოუშვა. ამას წინ უსწრებდა მათი უდღეური ბავშვის დაბადება, რასაც ერთ-მანეთის მიმართ საყვედურებიც დაემატა და ნელ-ნელა გაბზარა ორი მასწავლებლის სიყვარული, რომელსაც რამდენიმე წლის წინ „სილბო ჰქონდა ნაქსოვისა და სიმტკიცე – ნაჭედისა“, და რომელიც ლეგენდად დადიოდა უნივერსიტეტში.

თავიდან ვერ კიდევ იყო მათი ურთიერთობის გადარჩენის იმედი. მამია გაკვეთილების შემდეგ, თითქმის ყოველ საღამოს ერთსა და იმავე დროს მიდოდა ფოსტაში დედუკასთან დასარეკად. შეუკვეთავდა თბილისს და დედუკაც უკვე ტელეფონთან მდგარ ტუმბოზე ჩამომჯდარი ელოდა. სამი-ოთხი წუთიც რომ გადასცილდებოდა, ნერვიულობას იწყებდა. ჩამოსვლითაც თითქმის ყოველ შაბათ-კვირას ჩამოდიოდა.. მერე და მერე კი ვეღარც რეკავდა და ვერც ჩადიოდა. ნელ-ნელა ეგუებოდა მოყვარული ცოლქმარი ახალ, უჩვეულო უერთმანეთო რეალობას, რომელსაც ცხოვრება ერქვა. ერთ მშვენიერ დღეს კი დედუკამ მამიას დისგან, რომელთანაც ისევე აგრძელებდა მეგობრობას, გაიგო, რომ მამიამ სოფელში სხვა ცოლი მოიყვანა. მამიას ტყუპი ბიჭების ამბავიც ისევე ყოფილი მულისგან შეიტყო ტელეფონით. ბედნიერება და ჯანმრთელობა უსურვა მათ. მერე კი, ყურმილი რომ დადო, კომოდის უჯრის ბნელ კუთხეში შვილის ჩაუცმელი წინდა მოძებნა, გულში ჩაიხუტა და ცხარე ცრემლებით კიდევ ერთხელ გამოიტირა თავისი ყოფა:

ვა, სოფელი, რას შიგან ხარ, რას გვაბრუნებ, რა ზნე გჭირსა!
ყოფილი შენი მონღოლი ნიადამცა ჩემებრ ტირსა!
სად წაიყვან სადაურსა, სად აღუფხვრი სადათ ძირსა!
მაგრამ მერე არ გასწირავს კაცსა, შენგან განაწირსა.

ჩაიმდურა ტრილით გული დედუკა ბექაურმა, მერე ვჯრებიანი სადაცოს კალთით ამოწმინდა ცრემლები, გამაგრდი, შამშე ბექაურის ქალოო, უთხრა თავს და უსმინა კიდევ. ძალით გაიქვავა გული, თითქოს უფრო მთავარზე, სკოლასა და მოსწავლეებზე გადაერთო დედუკა, მაგრამ ვერ დაივიწყა მამია. რა ექნა, თუ მისთვის სიცოცხლეც მამიათი იწყებოდა და „ვეფხისტყაოსანიც“.

ერთ საღამოს როცა გვერდიგვერდ ისხდნენ დივანზე და ბიჭი მის ხელს ეფერებოდა, დედუკამ მამიას უთხრა: ჩემო მათემატიკოსო და იელისფერთმიანი ბიჭო, ერთხელაც, თუ დადგა ისეთი დრო, როცა ისევე ასე ვისხდებით ერთმანეთის გვერდით და შენ აღარ მოგინდება ჩემი ხელის ხელში ჩადება და მოფერება, როცა იტყვი, რომ ხელი მოფლიანდება ან დამელალა, ან მე დავიღალეო, მაშინ იცოდე, რომ ჩვენი სიყვარულიც დამთავრდება. მამიას ამის თქმა და შესენება სულაც არ სჭირდებოდა, რადგან თუ ასე მოხდებოდა, თვითონ დედუკაზე მალე მიხვდებოდა ამას. წაშში გამოითვლიდა D-პუნქტიდან M-პუნქტამდე შემცირებულ გულისცემას და ხელში

ჩადებული ხელიდან გადაცემულ სიყვარულის ძალას. მაგრამ მამია დარწმუნებული იყო, რომ ეს არასოდეს მოხდებოდა. ამიტომაც ცამდე მართალი, კრიალა ღიმილს შეანათებდა ხოლმე დედუკას და მფრთხალ და შშიშარა მიჯნურს ეძახდა.

იმ დღის მერე, სკოლიდან რომ გამოაცილა ერთმანამ, შეგებულება აილო დედუკამ და სკოლა სასწავლო ნაწილს ჩააბარა. ეგონა, რომ დაისვენებდა, ძალებს აღიდგენდა და ჯანმრთელი დაბრუნდებოდა. გულის არეში გამუდმებული წიწვნა ისევე მამიას მონატრება და იმ ტკივილების შედეგი ეგონა, რაც მისმა დაკარგვამ, მის გარეშე ცხოვრებამ, ბავშვის დაღუპვამ, და ცოლის მოყვანამ უსახსოვრა. თიანეთში წავიდა. იფიქრა, დედასაც ვნახავ და მშობლიურ სუფთა ჰაერსაც ჩავყლაპავო. რაღაც შეღავათი მაინც მისცა დასვენებამ. ორი კვირა გაძლო და ჩამოვიდა ისევე თბილისში. უარესად გახდა. საღამოობით სიცხეს აძლევდა, ოფლიანობდა. შეგვრძნებაც უსიამოვნო ჰქონდა, ყველაფერზე ღიზიანდებოდა.

ჩივილების მიხედვით ერთი ექიმიდან მეორესთან გაგზავნილ-მა, ბოლოს მამოლოგამდე მიადწია. ანალიზები დადებითი იყო მარცხენა ძუძუს სიმსივნეზე. ოპერაციამდე ერთმანამ ადგა თავზე. სახლში დაბრუნებულსაც ის უვლიდა. დედაც ვერ დაიტირა დედუკამ, საოპერაციოდ რომ დაწვა სწორედ მაშინ გარდაიცვალა მზექალი. ვერც დედამ გაიგო შვილის ტკივილი, მშვიდად წავიდა იმქვეყნად ტკბილი და ჩუმი მოხუცი. ერთმანამ მოდიოდა დილა-საღამოს, საჭმელიც მას მოჰქონდა, დაბანაშიც ეხმარებოდა. დედაქალაქში გათხოვილი ყოფილი მულიც შეეხმიანებოდა ხოლმე ხანდახან, რომელთან ურთიერთობაც, მისივე ინიციატივით გაგრძელდა. მამიას ამბებსაც მისგან იგებდა. თვითონ არაფერს ეკითხებოდა, რასაც ნელი ეტყოდა, იმით კმაყოფილდებოდა. სხვა მასწავლებლებიც აკითხავდნენ. მოსწავლეებიც მოდიოდნენ. თავისი კლასიდან თითქმის ყველამ ინახულა. გაუთავებლად მოლაპარაკე ნუკრი სიხარულიძე ახლა დადუმებული იჯდა სავარძელში და ზედ გადაფარებული ფარდაგიდან ამოჩრილ ძაფებს ნერვიულად წეწავდა. ბოლოს, გამომშვიდობებისას, მაინც შეძლო გახუმრება: „მას, „ქაცვია მწყემსი“ არ დაგვიმთავრებია და გელოდებითო.

ერთხელაც შემოუძახა თავს დედუკამ, ოღონდ ახლა აღარ ჰქონია იმის იმედი, რომ ამ შემოძახებას ძალა ან აზრი ჰქონდა. მაინც გაგრძელდა ცხოვრება დედუკასთვის, მაგრამ ახლა არა მხოლოდ მამიას გარეშე, არამედ სკოლის გარეშეც, მოჭრილი ძუძუს გარეშეც, თმის გარეშეც, და იმედის გარეშე. დაიფანტნენ მეგობრებიც. ყველაზე ხშირად ისევე ერთმანამ შემოურბენდა ხოლმე, ბოდიშს უხდიდა მეგობარს, ოჯახს და სკოლის საქმეს დიდი დრო მიაქვსო. მარტო იყო დედუკა, სულ მარტო...

მამია ერთფეროვანი ცხოვრებით ცხოვრობდა ნატანებში. დილით სკოლაში წავიდოდა, გაკვეთილებს ჩაატარებდა, მერე ეზოში დაფუსფუსებდა. ბოსტანს, ხეხილს, ახალჩაყრილ თხილებს უვლიდა. უმეტესად მარტო იყო სახლში. ცოლი ოზურგეთში რჩებოდა ხოლმე დედასთან, ბავშვებისთვის იქ კარგი პირობები მაქვსო. არ ემდუროდნენ ერთმანეთს ცოლ-ქმარი, უბრალოდ, ისე იყვნენ, როგორც იყვნენ. სასურველ რძალს დედამთილმაც ვერ უყურა დიდხანს, ასაკში ყვავილი შეხვდა და საშინელი სიკვდილით მოკლა - დამახინჯებული და სახეამოჭმული.

მოსწონდა მამიას მარტოობა. მიეჩვია და ასეც ერჩინა. ბავშვების მონატრების სურვილსაც შაბათ-კვირას იკმაყოფილებდა, ჰყოფნიდა ორი დღე, როცა ხან ცოლი მოჰყავდა სახლში, ხან კი თავითონ ჩააკითხავდა და რჩებოდა ერთი ღამით ოჯახთან. სკოლაშიც იქ შეიყვანეს ბიჭები, რაიონში უკეთესი სკოლააო. უცნაური ურთიერთობა იყო - ეს ცოლიც ჰყავდა და არ ჰყავდა. შვილები უყვარდა და ყველაფერს აკეთებდა მათთვის, მაგრამ გულგრილი გახდა მამია. უემოციო, უსიტყვო. აღარ ჰქონდა არავისთან და არაფერთან შეწინააღმდეგების არც თავი და არც სურვილი.

თავისი ხელით ირეცხავდა, იუთოვებდა, იცხოვბდა მჭადს, ყველიც ამოჰყავდა, წიწაკის მუავესაც დებდა, ლობიოც ბევრი მოჰყავდა. ხმელ ფულად კი მასწავლებლის ხელფასი ჰქონდა. ჯერჯერობით ოჯახი მშვიდი არ ჰყავდა. არც არავინ ემდუროდა. უსაქმოდ არასოდეს რჩებოდა, რომ ბევრი არ ეფიქრა. მაგრამ ხანდახან მაინც გაჰყვებოდა დედუკაზე ფიქრს, კბილებს აღჭიალებდა სიმწირისა და უძლურებისგან. ენატრებოდა თავისი წვრილმაჯგება, წითური გოგო. დედუკას ნაჩუქარ, მისივე ხელით გადაწერილ „ვეფხისტყაოსანს“ გადმოიღებდა, თუ ამინდი იყო, დაჯდებოდა ეზოში, თავის საყვარელ ადგილას, ხეჭყურის ძირში, და ალაღებდებოდა გადამლიდა რვეულს რომელიმე გვერდზე. გაიხსენებდა იმ დროს, როცა ის და დედუკა „შესიტყვებებით“ ელაპარაკებოდნენ ერთმანეთს. უმეტესად რატომღაც ნესტან-დარეჯანის წერილებზე იშლებოდა ხოლმე რვეული თავისით, და ჩაკითხავდა მამიაც:

ჰე ჩემო, ესე უსტარი, არს ჩემგან მონაღვაწები, ტანი კალმად მაქვს კალამი - ნალველსა ამონაწები მე გული შენი ქალაღდად გულსავე ჩემსა ვაწები, - გულო, შავ-გულო, დაბმულხარ, ნუ აეხსნები, აწ ები!”

მერე კი თვალი თავისით ეძებდა განწყობის შესაბამის სტროფებს, ყველაზე უფრო მდულარეს და გულ-გვამისთვის გვერდის მომგვრელს:

ჰხედავ, ჩემო ვით გაგყვარნა სოფელმან და ჟამმან კრულმან? ველარ გნახე საყვარელი მზიარული მზიარულმან, ნეტარ რა ქნას უშენომან გულმან, შენგან დალახვრულმან! გაგიცხადა დამალული, გონებამან დაფარულმან“.

...შენი სიცოცხლე მეყოფის ჩემად იმედად გულისად, გულისა ერთობ წყლულისა და ასრე დადაგულისად! მომიგონებდე გახსოვდე, მე შენგან დაკარგული სად; ვზი მზრდელად სიყვარულისა, მის ჩემგან დანერგულისად“ ...

თვალეებს რომ ცრემლები დაუბნელებდა, რვეულს დახურავდა და ახლა საკუთარი გულიდან ამოსულ სიტყვებს გაუთავისუფლებდა გზას: მიყვარხარ, ცა, ისევ მიყვარხარ ჩემო წითურთმიანო ხევსურის ქალო... ღმუოდა მიწაზე პირქვე წამბობილი მამია ნაკაშიძე და მდულარე ცრემლებით რწყავდა ხის ძირს, რომლიდანაც ერთხელაც ჩამოვარდებოდა და სასიკვდილოდ დაიმტვრეოდა.

ისევ დამძიმდა დედუკა. ისევ ერმონამ წაიყვანა ექიმთან. საოპერაციოდ აღარ გაუგზავნიათ. სახლში იწვა დაჩიავებული, სახეჩამომჭუნარი და დღითი დღე სულ უფრო მეტად დაპატარავებული შიშველი ხელებით და გაფართოებული თვალებით ებრძოდა სიკვდილს.

- ერმონა, მამია როდის ჩამოვიდა, ვერ გავიგე. შენ გაუღე კარი? - მოესმა ერთ დღით სამზარეულოში მყოფ ერმონას დედუკას მისუსტებული ხმა.

- არა დედუკა, აქ არავინ არის, მამიას აქ რა უნდა.

- როგორ არა, ამ წუთას გავიდა ოთახიდან, ჩანთიდან მსხალს ამოვალაგებო. შენი საყვარელი ხეჭყური და ჩემი ამოყვანილი ყველი მოგიტანეო. გამოუღე კარადიდან თევში, თუ ჩემი და ხარ, ემიება, ნამგზავრია. წვნიანი გაზზე დგას ქვებით, უყვარს მამიას ჩემი გაკეთებული წვნიანი, თან შეციებული იქნება და გათბება.

- არა, დედუკა, მამია აქ არ არის - ხმა აუკანკალდა ერმონას.

- ეხლა მაგას უნდა, ჩამეხუტოს და შენი ერიდება. ხომ იცი, როგორი ზრდილი გურულია. ცოტა ხანი დაგვტოვე ერმონა და კარი გაიხურე... მოდი, მამია, მოდი, მაგრამ იცოდე, ჩემს ჭრილობას არ გაჩვენებ, ისეთი მინდა გახსოვდე, როგორც ვიყავი. მატო მომეხუტე და ხელი მომეცი... სად არის შენი იელისფერი ქოჩორი? - ხელი ჰაერში აასავსავა დედუკამ...

კართან ატუზულ ერმონას უკვე მთელი ტანი-ფეხი უცხაცახებდა. დედუკასთან ახლოს მისვლა ვერ მოეფიქრებინა თუ ემინა და იქიდან უყვიროდა მეგობარს: ნუ მაშინებ, დედუკა, ეტყობა მაღალი სიციხე გაქვს, მოიცა, პირსახოცს ჩავასველებ ცივ წყალში და შუბლზე დაგადებ.

- არა, წადი შენ, ერმონა, მამია დარჩება ჩემთან... ჩემო იელისთმისფერავ, ისევ აქ ხარ, ისევ ჩემთან ხარ, ისეა ყველფერი, როგორც იყო, როგორც გვინდოდა... და მერე წყნარი, მოტირალ-მოლიდინე ხმით დაიწყო დედუკამ:

„მზე უშენოდ ვერ იქმნების, რათგან შენ ხარ მისი წილი,
განალამცა მას ეახელ მისი ეტლი, არ თუ წბილი!
მუნა გნახო, მადვე გსახო, გამინათლო გული ჩრდილი,
თუ სიცოცხლე მწარე მქონდა, სიკვდილი-მცა მქონდა ტკბილი!

მე სიკვდილი აღარ მიმიძის, შემოგვედრებ რათგან სულსა,
მაგრა შენი სიყვარული ჩავიტანე, ჩამრჩა გულსა;
მომეგონოს მოშორება, მემატების წყლული წყლულსა;
ნუცა მტირ და ნუცა მიგლოვ, ჩემო, შენთვის დაკარგულსა!“

– მარტო ხელი არ გამიშვა, ხელი არ გამიშვა, ხომ შემპირდი, არ
გავიშვებო... როდის-როდის მოიფიქრა ერმონამ და გაღიმებულ
დედუკას ხელში შერჩენილი სველი სპირსახოცი დაუხუჭა თვალებ-
ბი. შიშველი ხელით ვერ გაბედა, შეეშინდა რალაცნაირად.

დილით ადრე ადგა მამია. ხეჭეჭური უკვე ძირს ცვიოდა და ჩამოვ-
კრეფო. ხეზე სიარულის არასოდეს შინებია. ფეხი მტკიცე ჰქონდა.
ზევიდან ჩამოვყვებო, იფიქრა და სადამდეც ფეხს მოიკიდებდა,
იქამდე აძვრა. ცოტა ხანს დაისვენა. პირველი რამდენიმე მსხალი
ცალი ხელით ერთად მოწყვიტა და კალათში ჩასაყრელად წინ
გადმოიხარა, ამ დროს ჩამოუტყდა ტოტიც. გულბოყვით დაეცა
მიწაზე. გონება არ დაუკარგავს. იწვა ხუთი-ათი თუ თხუთმეტი
წუთი, არ ახსოვს ზუსტად, რამდენი წუთი. სუნთქვა უჭირდა,
ნეკნების ადგილას და მკერდში მწარე და ყრუ ტკივილს ერთად
გრძნობდა. როგორც იქნა ფორთხვით მიადწია ოდამდე. ბედად
მეზობელმა მოაკითხა. ნატანების საავადმყოფოში რემონტი იყო
და ოზურგეთში წაიყვანეს პირდაპირ მამიას მანქანივთვე. ცოლს
ფოსტიდან დაურეკეს, ასეთი ამბავია და საავადმყოფოში დაგე-
ხვდიო. წასვლის წინ დამაყურებელი გაუკეთა ვილაცამ. ცოტა
ჩაუწყნარდა ტკივილი, თითქოს რულიც მოერია. თავშეკავებუ-
ლად კვნესოდა მანქანის უკანა სალონში გვერდულად მიწოლილი,
განაცრისფრებული მამია, ცდილობდა, მეზობლები არ შეეწუხე-
ბინა.

– თენგიზა, ძამა, – მოესმა წინ მჯდარ მეზობელს უცებ მამიას ხმა.

– გისმენ, მამო, – სხარტად მოუბრუნდა მეზობლის კაცი, გიჭირს
რამე, გინდა მანქანა გავაჩეროთ?

– ვინ არის ეს ლამაზი ხევისურულსამოსიანი ქალი, მანქანას რომ მოჰ-
ყვება, რაც წამოვედით, ასე მოგვედეს. – გული გადაუქანდა თენგოს,
მგონი ცუდადაა ჩვენი საქმე, გაფითრებულმა უთხრა მძღოლს.

– არავინ არის აქ, მამია, მარტო მე და ოლეგი ვართ აგერ მანქანაში.

– როგორ არა, თენგო, გააჩერეთ, უხერხულია, მორბის ქალი, გააჩე-
რეთ, მგონი, დედუკაა, ჩემი დედუკა.

– კარგი, შენი ჭირიმე, კარგი, ლამისაა იტიროს შავ დღეში ჩავარდ-
ნილმა თენგო გიგინეიშვილმა.

– ჩემო ხევისურის ქალავ, ჩემო ცავე, ჩემო ნესტან-დარეჯანო, აქამდე
სად იყავი, რატომ დაიგვიანე, მოდი, მომეცი შენი პატარა ხელი,
ხელში ჩამიდე...

– მორჩა, წასულია ჩვენი საქმე, ოლეგი, – თავზე ხელი შემოიკრა
თენგომ, როცა მამიამ „ვეფხისტყაოსნის“ კითხვა დაიწყო:

„...შენი სიცოცხლე მეყოფის ჩემად იმედად გულისად,
გულისა ერთობ წყლულისა და ასრე დადაგულისად!
მომიგონებდე, გახსოვდე მე შენთვის დაკარგული სად;
ვბო მზრდელად სიყვარულისა, მის ჩემგან დანერგულისად“ ...

– ჩვენი ცოდვა ჩვენს მტერს, მამია, ბიჭო, აქეთ მოიხედე, მამია,
რასაა რომ აბდლობ, – გამწარებული უყვიროდა უკან შემობრუ-
ნებული თენგო მამიას, მაგრამ პასუხს ვინ გასცემდა, მამია უკვე
წასულიყო დედუკასთან.

– სიყვარულმა მოკლა ესენი, სყვარულმა, შესტიროდა დედუკას
სარეცელთან დარჩენილი ერმონა იმავე საღამოს ცხარე ცრემლით
მოტირალ ნელის, რომელსაც დედუკას სამძიმარზე მისულს შეატ-
ყობინეს ძმის სიკვდილის ამბავიც. – ასეთი სიყვარული და ამდენი
ხნის დაშორების მერე ერთად სიკვდილი, სულ რაღაც ერთი საათის
სხვაობით... განა ამათი მიჯნურობა „ვეფხისტყაოსნის“ გმირებისაზე
ნაკლებია, ნელი? მე მჯერა ნელი, მჯერა რომ ესენი ნამდვილად
შეხვდნენ ერთმანეთს. მე რომ მეგონა დედუკა ბოდავს-მეთქი,
ალბათ მართლა ელაპარაკებოდა მამიას, მართლა შეხვდა ნელი...
– ველარ წყნარდებოდა გულამომჯდარი ერმონა, რომელმაც მამინ
ჯერ კიდევ არ იცოდა მამიას და დედუკას შეხვედრის ამბავი იქ,
გურიანში, ოზურგეთისკენ მიმავალ გზაზე.

დედუკას ნელის მოტანილი მამიას სტუდენტობისდროინდელი
პერანგი გაატანეს, მამიას დედუკას ხელით გადაწერილი „ვეფხისტ-
ყაონი“, რომლის საზედაო ასოებშიც ხევისურული ორნამენტები იყო
გამოყვანილი:

„აჰა, ინიშენ ნიშანი შენეულისა რიდისა!
გარდმიკვეთია ალამი, ჩემო, ერთისა კიდისა,
ესელა დაგრჩეს სანაცვლოდ მის იმედისა დიდისა.
რისხვითი მოზრუნდა ბორბალი ჩვენ ზედა ცისა შვიდისა“.

ან რად უნდოდათ ნიშანი?!



ისროდნენ, მასწ.

ღამის თერთმეტზე აიტეხა, შუა ქუჩაში. არადა სულ სხვაგან მივდი-
ოდით, ეგეთი გამოხტომები კიდევ მარიას არ უყვარდა, – რაც მახსოვს,
სკოლიდან მოყოლებული, მხოლოდ ერთხელ გამომაშტერა თავისი
სიმაძაცით, გაცნობის პირველივე კვირას, კლასში შემოვარდნილი
ვიღაც მთვრალი მხედრონელები რო გამოლანძღა, და აქამდე არ
მითქვამს ჯერ მისთვის, სწორედ მაშინ რო შემეყვარდა, – ხოდა, ერთი
ეგ იყო და ისე კი სტაბილური და პროგნოზირებადი მასტი ჩანდა ზო-
გადად, არც ერთად ცხოვრების უამს გაუფოცებებარ მაინცდამაინც და
ახლა გამივირდა და თან გამიხარდა კიდევ, იმიტო რო ჩემი სათქმელი
თქვა, პრინციპში. სათქმელი რა – გულში მეც მიწოდდა, ჩემი იყო, კაი
ხანია ჩვენი – ორივეს გასაკეთებელი იყო ეგ ამბავი, რაც მარიამ აიტეხა
ამ თოვლიან შუალამეს... ყოველ შემთხვევაში, ხვალ სიმთვრალეს
გადავბრალე და ეგრე ვანუგეშებ, თავი იდიოტად რო არ იგრძნოს,
დილით როცა გამოფხიზლდება და გაიანზრებს, ჯერ კიდევ ერთი თვის
წინ დაგვემიღ, ძან მაგარ წვეულებზე რო არ წავედით და სამაგი-
ეროდ ვაკის სასაფლაოს ჭიმკარს მივაღეჯით, ახალი წლის ღამეს.

ჭიმკარი დაკეტილი დაგვხვდა. კედელს ცოტაზე ჩავუყევით და
სადაც დაბალი იყო, გადანგრეული, იქ გადავძვრი და მარიამაც ჯერ
ქუსლიანი ნახევარჩექმა გამარტყა კინალამ შუბლში, მერე შამპანუ-
რის ბოთლიც გადმომაწოდა და თავადაც გადმოძვრა. სასაფლაოზე
სიჩუმე იყო და კუნაპეტი ბნელი, მარტო სადღაც შორს ბუბუტავდა
ნათურა და კიდევ რაღაც შრიალი და კენესა ისმოდა, – სასაფლაოსთ-
ვის დამახასიათებელი ხმები. მე აქაურობის საერთოდ არ მეშინოდა,
მეშინოდა კი არა, პირიქით – რაც თინეიჯერობაში, საბურთალოს
სასაფლაოზე მიძინია ძელსკამზე, მამაჩემის საფლავთან, მას შემდეგ
მკვდრების საუფლოში უფრო მშვიდად და მყუდროდ ვგრძნობდი
ხოლმე თავს ყოველთვის და, მოკლედ, ჩავკიდე ხელი მარიას და

გავუყევით ნელ-ნელა ბილიკს, თან მხიარული მელოდიის სტვენა
წამოვიწყე, მარიას რომ არ შეშინებოდა. მარიამ ისევე ჩექმები ამოიცვა
და გამომყვა ქუსლების პაკაპუკით. ქარი არ ქროდა კიდევ კარგი,
ისედაც მაგრად ყინავდა. მარიას შშობლებთან რამდენიმე ჭიქა
არაყი გვქონდა ჩაკრული, მთვრალეები ვიყავით და ეგეც გვშველოდა,
გვათბობდა. ცსეირნობდით ასე, როგორც რუსთაველის პროსპექტზე.
ხანდახან გზაჯვარედინები გვხვდებოდა და ჩვენც ახლა სხვა ბილიკს
შეუყვებოდით. ძველისძველი ზიპო-სანთებელა მქონდა, ნავთ-
ზე რო მუშაობს, და დროდადრო მივანათებდი ხოლმე საფლავებს,
წარწერებს კვითხულობდით. მოშორებით მოჩანდა საბურთალოს
გაბრდღვიალებული კორპუსები და შიგადაშიგ ტკაცატკუცის ხმაც
მოისმოდა სუსტად: ალბათ, ახალი წლის დადგომამდე ბავშვები
ამოწმებდნენ თავიანთ პეტარდებს. აგერ, ესაა, – თქვა უცბე მარიამ.
ძველ, მოუვლელ საფლავთან გავაჩხაკუნე სანთებელა, მართლა ის
გამოდგა და ცოტა მეწყინა, ამან რო მიაგნო და მე – ვერა. სანთელი
უნდა წამოგველო. – მარია საფლავის ამოშენებელ, დაბალ გალავან-
ზე ჩამოვდა. გაგბრაზდი: – რაის სანთელი, გოგო, საიდან ვიცოდი, აქ
რო მოვიდოდით? – უნდა დავანთოთ რამე, – ჯიუტად თქვა მარიამ.
მეც ზიპო ავანთე და საფლავის ქვის გვერდით დავდე. მერე ქურთუკი
გავიხადე, მარიას მხრებზე მოვახურე და გვერდით მივუჯექი. – ჩამე-
ხუტე, გაიყინები, – თქვა მარიამ.

* * *

ღირექტორმა რო კლასში შემოიყვანა, კამათელს ვაგორებდით ბი-
ჭები მერხზე, ვცომარობდით, ფსონად კიდევ რუსთაველზე აკრეფილ
ტყვიებს ჩავდიოდით. ყველა კალიბრს თავისი ეკვივალენტი გააჩნდა:
წვრილი აკაეის ტყვიები ყველაზე იოლად მოსაპოვებელი ნადავლი

იყო და ხურდის ამბავში გადიოდა - ეგრე მუჭა-მუჭა ვყრიდით ხოლმე მერხზე. იყო ცოტა უფრო სოლიდური ზომის, ტყვიამფრქვევის დიდი ჰილზები და ყველაზე მსხვილი ვალუტა – ბეტერის უზარმაზარი ტყვიები, რომელიც მთელ სკოლაში მართო რამდენიმე ბავშვს თუ მოეპოვებოდა. კლასში სულ ორი-სამი მერხი იდგა, გაკვეთილებიც უმეტესად არ ტარდებოდა. არც ცხრილი იყო, არც სკოლის ზარი და ასე – როცა მოგეპრიანებოდა და სხვა საქმე არ გქონდა კაცს, მიხვიდოდი სკოლაში და რომც არ მისულიყავი, არსებობდა თავის გასამართლებელი მთავარი მიზეზი: – ისროდენე, მასწ, და მორჩა – ნებისმიერი მასწავლებელი ჩაყლაპავდა ამას, თუ შემოგყვებოდა საერთოდ მასწავლებელი: უმეტეს დროს კლასი თითქმის ცარიელი იყო, ძირითადად იმ უბნელი ბავშვები თუ დავდიოდით სკოლაში, ან აფხაზეთიდან დევნილები, მასწავლებლები კიდეც სამასწავლებლოში იყვნენ შეკეტილი და ჩაის უბერავდნენ შემის ღუმელის გარშემო. იქვე, სკოლის უკან იყო ვიღაც სამხედრო ტიპის რეზიდენცია: ფანჯარიდან მოჩანდა ეზო, სადაც სამხედროფორმიანები მოძრაობდნენ დილა-სალამოს, რომლებსაც ხანდახან სხვა სამხედროფორმიანები, ან ისე, უბრალოდ, იარაღიანი მასტები მოადგებოდნენ ხოლმე და ატყდებოდა ერთსაათიანი სროლა, ჩვენ კი, მოსწავლიან-მასწავლებლიანად იატაკზე მოვირთხამდით ფეხს და ეგრე ვატარებდით გაკვეთილს, თუ რაც ერქვა. სკოლის წინაც, ერთ ჯიხურში უგემურ ლუდს და ფიცარივით ორცხობილას რო შეიძენდი, მეორე ჯიხურში გამყიდველის მაგივრად შეიძლება ავტომატიანი ჯეილები შემოგყროდნენ: პიკეტი-შმიკეტის ხალხი, თუ ვიღაც ეგეთები. სკოლის ფანჯარიდან ვხედავდი, მოწყენილობისგან ქუჩის ფირნიშებს რო ესროდნენ კანტიკუნტად, ანდაც უცებ ტვინს წაიღებდა ხოლმე მანქანწალა ძალის შემზარავი ყმუილი, და სკოლიდან გამოსულებს ტროტუარზე დაგვხვდებოდა სისხლის ბილიკი – მოკვლის თავიც რო არ ჰქონდათ ამ ჩემის რობინ ჰუდებს... მოკლედ, ნაცეცხლარები გზაჯვარედინებზე, ნატყვიარი და ბათქაშამოფხვნილი სახლები, დამწვარი საბურავის სუნი – ეს პოსტაპოკალიფტური ელფერის ქაოსი, ქვეყნის დრამა იგი უპირველესი, სიმათლე გითხრათ, ჩვენთვის, მეშვიდე-მერვე კლასელებისთვის სულაც არ გამოიყურებოდა ტრაგიკულად, – სწორედ რომ პირიქით. ცამეტი წლის ბავშვი უკვე ზედმიწევნით კარგად ვერკვეოდი ხელყუმბარის და ავტომატის დაშლა-აწყობაში, და სკოლის ზურგჩანთაში კალმისგან გაკეთებული, ქალაღის ბურთულუბის სასროლი მილის გარდა, რუსული წარმოების დინამიტის კოჭაც მომეპოვებოდა; სკოლის უკან, სამხედრო ჩინოვნიკის რეზიდენციაში რო გაურკვეველი ეროვნების ფორმიანები იდგნენ, დროდადრო ჩაღის ფასად, ან სულაც ერთი კოლოფი სიგარეტის თუ ბოთლი არაყის სანაცვლოდ მუჭობით გვირიგებდნენ ხოლმე ტყვიებს, სავარჯიშო ხელყუმბარას და სხვა წვირლ სამხედრო ინვენტარს, უფროსკლასელებს კი უფრო სერიოზული ცეცხლსასროლი იარაღებითაც ამარაგებდნენ... გაკვეთილებზე ძირითადად პოლიტიკა და აქა-იქ მომხდარი მკვლევლობა თუ ყაჩაღობა განიხილებოდა აქტიურად, ერთ გოგოს კიდეც ხახვივით შერჩა მეცხრეში გადასასვლელი ჩაუბარებული გამოცდები, რადგან სახლიდან გამოსულს ზედ ცხვირწინ ჩაუცხრილეს ვიღაც ცნობილი კლიენტის, პოლიტიკოსი თუ პოეტი სოლიკო ხაბეიშვილი, და პედაგოგებმა დაასვენეს, მის მიერ გადატანილი ფსიქოლოგიური სტრესი დროებით ყოველგვარ სწავლა-განათლებ-



ბას რო გამორიცხავდა, არადა, მანამდე ხო ვერავინ ამჩნევდა, და ამ ამბის გამოისობით უცებ ყველაზე პოპულარული გოგო გახდა მთელ სკოლაში, თავყანისმცემელი ჯეილებიც მოუშრავლდა და დადიოდა ეგრე გაბრწყინებული; სტრესი კი არა, დავიფიცები, გულში მაღლობას ეუბნებოდა ღმერთს, კაცი რო ჩააკვდა ხელში.

ხოდა, ამან რაღა უნდა მასწავლოს, იქით ვასწავლი-მეთქი, – გავიფიქრე, დირექტორმა რო შემოიყვანა კლასში. ბუსავით თუ უცხოპლანეტელივით დიდი, ცისფერი თვალები ჰქონდა და მთელ სკოლაში მაგაზე დაბალი არავინ მახსენდება ახლაც, არც მასწი და არც ბავშვი, თან ბეჭებშიც ხომიანად იყო მოხრილი. ჩვენ თავიდან ერთი კი შევხედეთ და მერე საერთოდ აღარც ვიმჩნევდით. დირექტორი გავიდა თუ არა, ვიგომამ, ჩემმა კლასელმა, მრავალმნიშვნელოვნად ჩაილაპარაკა: – მასწავლებელს კლასში რა ესაქმება, მასწავლებელი ვიცი მე სამასწავლებლოში! – ეს კიდე უცებ გაწითლდა ბავშვივით, ამხელა, ჭალარა კაცი, და ხმაც არ გაუღია პასუხად. მერეც სულ ეგრე იჯდა დაფასთან და ლაპარაკობდა თავისთვის, გეგონება ასაკაციანი აუდიტორია უშენსო. არც ყურადღებას მოითხოვდა, არც დავალბებს გვაძლევდა, და კონკრეტულად რა საგანს ასწავლიდა, ახლაც, თხუთმეტი წლის შემდეგაც კი არ ვარ გაგებამი. ვეწეოდით არხინად სიგარეტს, სკოლის წინ ნაყიდ უგემურ ლუდ „მატილს“ ვატრიალებდით წრეში და უბანში მომხდარ ამბებს ვარჩევდით. ზოგჯერ ვინმე მოწყენილი თუ წაელლიცინებოდა უშნოდ, ან პასტისგან გაკეთებული მილით უჩუმრად ესროდა ქალაღის ბურთულას – ძირითადად ვიგომას ეგვსებოდა ეგეთი კრეტინობები, დერსკობდა მოკლედ, ეს კიდეც, არც სამასწავლებლოში უჯდა ღუმელს, ხელში ჩაის ჭიქით, სხვა მასწავლებლებივით... მოკლედ, თავისუფლად დაიგინებოდი კაცი, – რომც არ მისულიყავი საერთოდ სკოლაში, საერთოდ რომ არავინ მისულიყო და გაქანებული ზომბი-

აპოკალიფსი ყოფილიყო ქუჩებში, – რო ანდრო მასწი იჯდა გაყინულ კლასში და ატარებდა გაკვეთილს, გეგონება, რაღაც მოუშორებელი წყევლა აქვსო თუ ტივი. ორი კლასი რო შეგვერთეს და შვიდიოდე ბავშვი მოვგროვდით როგორღაც, მერე კი გაუჩნდა ერთი მსმენელი – დაუჯდებოდა ხოლმე ცხვირწინ მარია, ხელისგულზე ნიკაპს ჩამოაყრდნობდა და უსმენდა, შიგადაშიგ კი რვეულშიც ჯღაპნიდა რაღაცას... მღერებდნენ რატიომღაც ძირითადად აფხაზეთიდან დევნილები დადიოდნენ ყოველდღე და გაუცდენლად.

* * *

ვიჯექი საფლავის გალავანზე, ნაძვს მიყრდნობილი და საკუთარ, შამპანურისსუნთან თბილ ანაორთქლს ვყნოსავდი მარიას მანტოს საყელოზე. ასე, გაუნძრევლად რო ვიჯექი, სულ არ მციოდა, ოდნავ ტრაკი მიყინებოდა მარტო, მაგრამ გავინძრეოდი თუ არა, წამში ვითოშებოდი და მარიასაც შეაჟრიალებდა ხოლმე. შამპანურს ვსვამდით ბოთლიდან რიგრიგობით, და ვგრძნობდი როგორ ჩადიოდა სითბო კუჭში, და მერე ტალღებად ედებოდა მთელ სხეულს. საბურთალოს კორპუსებიდან თანდათან ხშირდებოდა სროლა, თითქოს მანათობელი – „ტრასირი“ ტყვიების ბილიკებსაც ვარჩევდი ვარსკვლავებიან ცაზე, საიდანღაც დენთის სუნიც მცემდა და ზურგით მოყრდნობილ მარიას მაგრად ვიხუტებდი გულში.

– ისროდნენ, მასწ, – თქვა უცებ მარიამ.

* * *

ნასვამები იყვნენ, ან კაიფში, კარი რო შემოგლიჯეს და ერთი, ალბათ, უფროსი ვინც იყო, შემოვიდა პირდაპირ, მიადგა ფანჯარას, გახედა საშხედრო ჩინოვნიკის რეზიდენციას და ბინოკლი გააძრო. დანარჩენებიც შემოლაგდნენ და რომელიღაცამ ავტომატი მოიხსნა და ანდროს წინ დადო, ზედ მერხზე. თვითონ იყო ავტომატისხელა და ეტყობა ემძიმა, დაილალა. – სათვალთვალო პუნქტია, სუპერი! – ჩაილაპარაკა უფროსმა. დანარჩენებიც მოუახლოდნენ ფანჯარებს. ერთმა ფანჯარაზე აკრული მუყაო ჩამოგლიჯა: – ხელს შეგვიშლის ესა. – თითქოს არც მასწავლებელი, არც ბავშვები ვყოფილიყავით კლასში, ასე, ნავლად. გიგამა ჩახხველა და გაუბედავად ეუბნება, თან ცდილობს ხმაში რიხი გაუროს, მაგრამ ეშინია და არ გამოსდის, ბაყაყით ყიყინებს: – ეგრე სიცივე შემოვა და გავიყინებით... – უფროსი ფორმიანი დაამტერდა: – შენხელა შვილიშვილი მყავს, შე ლაწირაკო, და ფერთან კი არ ზის ვირთხასავით, ავტომატი უჭირავს და სამშობლოს იცავს, რო უზრდელობ აქა! გიგამა თავი ჩაღუნა და მოიკუნტა. – აქ თუ ვინმე უზრდელობს, უზრდელობთ სწორედ თქვენ! – უცებ თქვა მარიამ, ეგრე, შარლოტა ბრონტეს ქინძი პერსონაჟით. უფროსმა ახედ-დახედა და ახვივინდა ცხენით. დანარჩენებიც აყვნენ, ერთი კიდევ, აქამდე სკამზე, მერხთან რო მიმჯდარიყო მოსწავლესავით და სავარაუდოდ, გაგუდულ კაიფში იყო – ბევრი მენახა ამ დღეში და არ შემეშლება ეგა ასი წელი, – ძან მურტალი თვალთ მიაშტერდა მარიას ტრავზე და სისხლმაც ამასხა თავში... არადა, არ მომწონდა მამინ მარია, მარტო იმას ვფიქრობდი ხოლმე ხანდახან, ნეტა სოხუმში რა და როგორ, რა მოუვიდა, რა დაენგრა და ეგრე,

სხვა მხრივ სულ არ მაინტერესებდა, მაგრამ ახლა რატიომღაც პულსი გამიხდა წუთში ორასი. ამ დროს ანდრო მასწი ამბობს ძალიან ჩუმად: – თუ შეიძლება, დატოვეთ კლასი, გაკვეთილს ვატარებ, თქვენს პუნქტებზე კიდევ მოელაპარაკეთ სკოლის დირექტორს! – სახეზე თეთრია მიტკალივით და თვალებიც ისეთი აქვს, გეგონება, გაქცევა უნდა და ვერ გარბის, ზურგსუკან უდგას და არ უშვებსო თითქოს ვილაცა. ფორმიანები გამტერდნენ. მერე ზედ მიადგნენ ანდრო მასწს სუყველა და დაჰყურებენ ეგრე ზემოდან. უცებ უფროსმა გაუშალა და სილა წყვიტა, მეორე ფორმიანი კი კბილებში ცრის: – მამაჩემის ხნისა არ იყო, ჩაგიტარებდა ახლა გაკვეთილს, შე დამპალო ზვიადისტო! ანდრომ თავი ასწია, შემოილი თვალები მოავლო ყველას და გავიგე, ხმის კანკალით, ჩუმად როგორ თქვა, ზუსტად ასე: – მოგ...ანთ ფორმა. მოგ...ანთ გაგება. მოგ...ანთ დედები. გაკვეთილს ვატარებ და გაეთრეთ ჩემი კლასიდან! ჩვენ, ბავშვები, ერთ ადგილს დავეყინეთ და ფორმიანებიც დაიხნენ. მერე კი ისა, ზვიადისტო, ანდროს რო უთხრა, ნელ-ნელა მივიდა მაგიდასთან, ავტომატი აიღო და გადატენა. უფროსმა გააჩერა: – შეეშვი, გიჟია ხო ხედავ ვილაცა... მერე ჩვენ შემოგვხედა და გაეცინა: – ამან რა უნდა გასწავლოთ, ბავშვებო? ჩვენც ვდგავართ ეგრე ატფულები, ცამეტი წლისები, დამფრთხალები და მესმის, მარია ეუბნება: – აბა, თქვენ უნდა გვასწავლოთ ხომ? თქვენ ნაბიჭვებო. თქვენ ნაბიჭვებო. ჩამოვარდა სირუმე და დამწნე, სკამის ზურგს ისე ვარ ხელებით ჩაბლაუჭებული, თითები მტკიცა. ბოლოს ხმა ამოიღო უფროსმა და მარიას ეკითხება: – ვისი ხარ გოგო შენ, საიდან ხარ? – სოხუმელი ვარ მე! – რიხიანად და საყვარლად მოახსენა მარიამ. ფორმიანები შეიშმუშნენ და გაჩუმდნენ. უცებ უფროსმა ბავშვით მოინაცვლა ფეხი, მარიას თვალი აარიდა და მოჭრით თქვა: – წავედით ბიჭებო, სხვა ადგილი ვნახოთ! – და უხმოდ გაიკრიფა ყველა, არყის სუნი დატოვეს მარტო კლასში.

და მერე ორი წელი ანდრო მასწი გვასწავლიდა ბავშვებს ყველაფერს, ყველა მასწავლებლის სასწავლებელს, ჩვენ კი ვუსხედით გარშემო იატაკზე ფეხმორთხმულები: ძირს, იატაკზე, ზაფხულში გრილოდა კლასში და ზამთრობით კი ფანჯრიდან შემოპარული სიცივე ისე ძალიან არ გვაწუხებდა, – ვიჯექით, ვუსმენდით მის წყნარ ხმას და ვიზრდებოდით, სანამ ერთ საღამოს, ძალღს რო ასეირნებდა, ისევე უაზროდ არ მოკვდა, როგორი უაზროც იყო დრო. იყო ქვეყანა. ბრმა ტყვიამ იმსხვერპლა ახალი წლის ღამეს.

* * *

დადგა თორმეტი საათი და ატყდა სროლა, ფეთქება. ვისხედით მე და მარია ანდრო მასწავლებლის საფლავთან და ვუყურებდით ცაში ფეიერვერკებს. იყო მშვიდობა და ტკაცატკუცით ფეთქებოდნენ უწყინარი პეტარდები, მაგრამ მე ავტომატის მანათობელი ტყვიებით დასერილ ცას ვხედავდი და კვლავ შევიგრძნობდი ბნელ, გაყინულ და დენთის სუნით აყროლებულ, შეჩერებულ დროებას – ბავშვობას, რომელსაც აცარიელებდნენ სახელოვანი ხაკისფერ-ფორმიანები და ჩუმი, უსახელო გმირები ავსებდნენ... ჩვენს, ჩემი და მარიას ბავშვობას ვიხსენებდი, როდესაც ერთადერთი უტყუარი მიზეზი გვექონდა სკოლის გასაცდენად:

– ისროდნენ, მასწ.



ჭართულის მასწავლებელი

მასწავლებელი საკლასო ოთახში შემოვიდა, ერთი თვალით ელექტრონულ ჟურნალს სქროლავდა, მეორით დაფას უყურებდა. დაფა ძველი იყო, გაქექილი და კუთხე მომტვრეული, ზედ ორი სიტყვა ეწერა – ჯართულის გაკვეთილი.

– დასხედით, – ჩაილაპრაკა მასწავლებელმა და მიუხედავად იმისა, რომ სასიამოვნო ხმა ჰქონდა, ყველამ გაიცინა. დაჯდომა არავის უფიქრია, ის კი არა ვინც იჯდა, ისიც ადგა და მასწავლებელს დაუჭული ქალაღის გუნდების სროლა დაუწყო. მასწავლებელმა ყველა გუნდა დაიჭირა, უზარმაზარ ბურთად აქცია და ისე რომ არც გაუხედავს, ნაგვის ურნისკენ ისროლა. ბურთი ურნაში ეფექტურად ჩავარდა, თუმცა არც ამას მოუხდნია კლასზე შთაბეჭდილება. ბავშვები ხმაურს აგრძელებდნენ და მასწავლებელი იძულებული გახდა, ოთახიდან გასულიყო.

ცოტა ხანში დირექტორთან ერთად დაბრუნდა, თუმცა ოთახში აღარავინ დახვდა.

– ჯანდაბა. პატარა მონსტრები. მერამდენე დღეა? – იკითხა დირექტორმა.

– მესუთე. ბოდიშს გიხდით. ეს აღარ განმეორდება. ხვალიდანვე შევცვლი პროგრამას. უფრო მკაცრ ვერსიას ავირჩევ, – სირცხვილისაგან ლოყებაწითლებულმა მასწავლებელმა თავი დახარა და ჩუმად დაამატა – ხვალიდან ყველაფერს გამოვასწორებ.

– ხვალ ვისვენებთ შაბათია.

– კი, მაგრამ პროგრამას ძალიან ჩამორჩებიან.

– ვიცი და მეც ძალიან მაწუხებს ეგ ამბავი, მაგრამ ეს პრობლემა რომ შშობლების ყურამდე მივიდეს, მეორე დღესვე გაგიშვებენ და სამწუხაროდ მეც ზედ მიმყოლებენ. ხომ იცი შენი აქ ჩამოსვლა არავის გახარებია. ცოტათი ეშინიათ კიდეც, სასწრაფოდ რამე უნდა მოიფიქრო. ასე კლასი არასოდეს მიგიღებს.

– რას გულისხმობთ?

– სხვა თუ არაფერი ტანსაცმელი მაინც უნდა ჩაიცვათ. მესმის რომ სირცხვილის გრძნობა არ გაქვთ, მაგრამ კარგი პიჯაკი არ გაწყენდათ.

– გასაგებია.

– და იქნებ ქუდიც გემოვათ. არ მინდა შეურაცხყოფა მოგაყენოთ, მაგრამ ძალიან უცნაური ფორმის თავი გაქვთ.

– ესეც მისაღებია. კიდეც რამეს ხომ არ დაამატებდით?

– ხმის ტემპრიც შესაცვლელია. ზედმეტად არამასწავლებლურია და ბავშვებში არანაირ დადებით ასოციაციას არ იწვევს. ხო, მართლაც, რომელიღაც სერიალის მსახიობის ხმას მაგონებს.

– მაშველები.

– რაა?



– მასველები. 90-იანი წლების სერიალია.

– გამახსენდა, დევიდ ჰესელჰოფის ხმას გაქვს.

– მართალი ბრძანდებით, ნამდვილად ეგ არის. თუმცა არამგონია საქმე ხმაში იყოს.

– შეიძლება, მაგრამ მაინც სცადეთ, რამე უფრო თანამედროვე აირჩიეთ, მაგალითად მოდიფიცირებული ენოტის ხმა გალაქტიკის მცველებიდან.

– თქვენ გინდათ რომ ბავშვებს ენოტის ხმაზე ველაპარაკო ?

– არა ასე პირდაპირ ნუ გაიგებთ. ფილმში ენოტს ბრედლი კუპერი ახმოვანებს, რომელიც ბავშვებს ძალიან მოსწონთ. თქვენ ალბათ ფიქრობთ, რომ ეს პატარა დეტალები არაფერს ნიშნავს და პრობლემა უფრო ფუნდამენტურია, მაგრამ რასაც ვერაფერს ვუშველით იმაზე წუწუნი არ ღირს. მოდით ამ ეტაპზე იმას მივხედოთ რაც შეგვიძლია მარტივად და სწრაფად გამოვასწოროთ. თუ წინააღმდეგი არ იქნებით კიდევ რამდენიმე რჩევას მოგცემთ. პრინციპში ეს ყველაფერი თქვენს ინტერესებშია.

– რა თქმა უნდა, ყველაფერს კარგად ვხვდებით.

– უპირველეს ყოვლისა, ორშაბათს ძველი მასწავლებელი მოვიყვანოთ და გაკვეთილი ერთად ჩაატარეთ. ის ბავშვებს ძალიან უყვარდათ და ერთ-ერთი მიზეზი რის გამოც თქვენი დანახვა არ სურთ სწორედ ესაა.

– კი მაგრამ ის ჩაიჭრა, ელემენტარული ტესტები ვერ ჩააბარა, განათლების სამინისტრომ სწავლებისთვის გამოუსადეგარად ცნო. სხვანაირად აქ არც ვიქნებოდი.

– ჩემთვის გასაგებია, მაგრამ ბავშვებს ფეხებზე ჰკიდიათ ტესტებიცა და განათლების სამინისტროც. მათ უბრალოდ ძალიან უყვარდათ თავიანთი მასწავლებელი. მეოთხე კლასიდან ერთად მოდიოდნენ და ათასი რალაც ისწავლეს. უცბად კი ბრახ, ეს ყველაფერი გაქრა და მის ადგილზე თქვენ მოხვედით. არ გეწყინოთ, მაგრამ თქვენ ადამიანიც კი არ ხართ.

– სამაგიეროდ ჩემში მთელი ის ცოდნა ჩაპროგრამებული, რაც ბავშვებს საშუალებას მისცემს საუკეთესო განათლება მიიღონ და უმაღლესში უპრობლემოდ ჩააბარონ. ამასთანავე მე მაქვს რვა განსხვავებული რეჟიმი, შემიძლია ვიყო მზიარული, მკაცრი, შემოქმედებითი, მეგობრული...

– საკმარისია. ეგ ყველაფერი ისედაც კარგად ვიცი. ინსტრუქცია ბოლომდე მაქვს წაკითხული. ახლა რა რეჟიმში მუშაობთ?

– მეგობრულ რეჟიმში.

– და როგორ ფიქრობთ, რატომ არ გემეგობრებიან ბავშვები?

– ჯერ არ ვიცი. დაგროვილი მასალის გადამუშავებას და გაანალიზებას 15 წუთი დასჭირდება. თუ ნებას დამრთავთ ზუსტად ამ დროით გავითიშები.

– დაგელოდოთ?

– როგორც თქვენ გნებავთ. ისე საჭირო არ არის. თქვენი რჩევების 75% გათვალისწინებული იქნება შემდეგი გაკვეთილისთვის.

– კარგი ჩემს კაბინეტში ვიქნები. თუ რამე დაგჭირდეთ არ მოგერიდოთ. ხო მართლა, ახლა რას გადინართ?

– რომანტიკოსებს. რომანტიზმი XVIII-XIX საუკუნეების მიჯნაზე წარმოიშვა და ხელოვნების ყველა სფერო მოიცვა. ქართული

რომანტიზმის ფუძემდებლად ითვლება ალექსანდრე ჭავჭავაძე... „გოგრა ტბა ვრცელი...“

– კარგით გეყოფათ. წავედი მე.

– კარგად ბრძანდებოდეთ ღირექტორო.

რობოტი , რ2დ2 საკამოდ მაღალი იყო, სადღაც 185 სანტიმეტრი და ზუსტად 155 კილოგრამს იწონია. ნაცრისფერი კვადრატული თავი ქონდა, რომლის დიდი ნაწილი ეკრანს ეკავა. ეკრანზე სახე იყო გამოსახული, კარგად თუ დააკვირდებოდით, ამ სახეში ცნობილი მსახიობის დევიდ ჰესელჰოფის შეცნობა შეიძლებოდა. სახეს მიმიკების შეცვლაც შეეძლო, მაგრამ გამომდინარე იქიდან, რომ ეს მოდელი საკმაოდ ძველი იყო, მიმიკები ცოტათი იგვიანებდნენ და პროგრამისტის რჩევით რობოტს ეს ფუნქცია გათიშული ჰქონდა. რობოტი პატარა ბორბლებით გადაადგილდებოდა, ამიტომ ყველა კლასში სადაც ის შედიოდა, სპეციალური პანდუსების დაყენება გახდა აუცილებელი. საქართველოში ჩამოტანამდე რ2დ2-ის სერიის რობოტები იაპონიის სკოლებში ინგლისურის მასწავლებლად გამოიყენებოდა, თუმცა ახალი მოდელის გამოშვების შემდეგ ჩამოწერეს და საქართველოს მთავრობას 20 ერთეული 6 ტონა აზიურად დაყენებულ საფერავში გაუცვალეს. 20 მოდელიდან 5 გადაპროგრამებული იქნა ფიზიკულტურის მასწავლებლად, 8 ქართული ლიტერატურისა და გრამატიკის, 7 კი ინგლისურის მასწავლებლად დარჩა. მიუხედავად დიდი მოლოდინისა, რ2დ2 მოდელმა ქართულ რეალობაში კრახი განიცადა. ამას ხელი ბევრმა გარე ფაქტორმა შეუწყო. მაგალითად მართლმადიდებელ მშობელთა კავშირმა, რომელმაც რობოტი ეშმაკის მანქანად მონათლა და საზოგადოების დიდი ნაწილი მის წინააღმდეგ განაწყო. საქმე ვერ შეცვალა ცალკეული ღირექტორების ინიციატივებმა, რომელთაც სკოლებში მამაოები მიიყვანეს და რობოტები აკურთხებინეს, თან კურთხევა საკმაოდ სახიფათო აღმოჩნდა და ორი მოდელი მალევე გადაიწვა. ამასთანავე რობოტები არც ბავშვებს მოეწონათ, რადგან მათი ყველა მცდელობა დაესვათ ზღარბი მასწავლებლის სკამზე უშედეგოდ მთავრდებოდა. არა ზღარბებს არაფერი მოსვლიათ, რობოტებს უბრალოდ დაჯდომა არ შეეძლოთ. ერთთვიანი ბუმის შემდეგ თბილისის ყველა სკოლამ უარი თქვა რობოტების მომსახურებაზე და განათლების სამინისტრომ მათი იმ რეგიონებში განაწილება დაიწყო, სადაც განსაკუთრებით ჭირდა ქართულენოვანი მასწავლებლები. თუმცა არც აქ მოეწონათ რკინის მასწავლებლები, მათი დიდი ნაწილი უბრალოდ დაშალეს და ჯართად თურქეთში გადაიტანეს. 1 წლის თავზე 20 რობოტიდან მხოლოდ ორი იყო დარჩენილი. ერთი მათგანი თარჯიმნად მუშაობდა სანოტარო ბიუროში იუსტიციის სახლის მიმდებარედ, მეორე კი, ქალაქ რუსთავეში კერძო სკოლა ივერიონში ლიტერატურის მასწავლებლად აიყვანეს და უფროსკლასელები ჩააბარეს. მხოლოდ ერთი პირობით, რობოტს უნდა მოეხერხებინა და ყველა უფროსკლასელს ერთიანი ეროვნული გამოცდების ბარიერი გადაეღებინა.

რობოტი ფანჯარასთან მივიდა. რაფაზე ხელი დადო და გაითიშა. უყვარდა აქ დგომა[გათიშვა]. თუკი შეიძლება, რომ რობოტს საერთოდ რამე უყვარდეს. თუმცა ის ლამაზი ხედით არ ტკბებოდა, უბრალოდ ფანჯრის რაფა საკმაოდ მყარი იყო და წონასწორობის შენარჩუნებაში ეხმარებოდა. რაფას ხელს მაგრად უჭერდა და თუ ვინმე მის გადაყირავებას მოინდომებდა ვერაფრის დიდებით ვერ მოახერხებდა. სანამ ამ ადგილს მიაგებდა დაფასთან დგებოდა და იქ ითიშებოდა ხოლმე, მაგრამ მერე ბავშვებმა გადააყირავეს და რამდენიმე გარეგნული დაზიანება მიიღო. როდესაც ანალიზს მორჩა, ღირექტორთან ავიდა. თუმცა ის ადგილზე არ დახვდა. შემდეგ სამსწავლებლოში გავიდა და იქაც არავინ იყო. ბოლოს მთელი სკოლა დაირბინა და ვერავინ ვერ იპოვა. სარდაფიდან რაღაც ხმაური მოესმა, მიუხედავად იმისა, რომ იქ ჩამავალ კიბეებზე პანდუსი არ იყო, როგორღაც მოახერხა და ჩავიდა და ჰოი საოცრებაც, იქაც არავინ დახვდა. წვალებით უკან ამობრუნდა, სკოლიდან გარეთ გავიდა და უკან არასოდეს დაბრუნებულა. თუკი აქამდე წაიკითხეთ, თქვენ ალბათ ფიქრობდით რომ მოთხრობის ბოლოს რობოტი მიაგნებდა გამოსავალს, ტანსაცმელს ჩაიცვამდა, ქუდს დაიხურავდა, ბავშვებს გოგრას ასწავლიდა და ყველას პატივისცემას მოიპოვებდა, მაგრამ ეს ასე არ მოხდა. სკოლიდან გასული რობოტი აღარავის უნახავს. ამბობენ რომ ის ქარხანაში წავიდა სამუშაოდ, იმასაც ამბობენ რომ იქ დიდხანს და ბედნიერად მუშაობდა. ქარხნის ღირექტორის მარჯვენა ხელი გახდა და ის კი არადა რუსთავეის მეტალურგის თამამებსაც ესწრებოდა ხოლმე, მაგრამ სიმართლე გითხრათ არ ვიცი. მგონი უბრალოდ ისიც ჯვართში ჩააბარეს.

– გაიგე ბიჭო რკინის კაცი გაუგდიათ.

– ვინ?

– აი ჩვენი ჯართულის მასწავლებელი.

– აუ ეგ მაგარი კვერცხი იყო.

– ხო მარა თან საწყენია.

– რატომ ვითომ ?

– სულ ვაცდენდით, ეგ კიდევ არებს არ წერდა, არც ცუდ ნიშნებს.

– ეგ საერთოდ არაფერს არ წერდა.

– ხოდა ცუდია რა.

– ეგ კი.



ჩემი საქმე წასუღია, მარუს

1.

სიმღერის მარუსამ გამაოცა. მაგისგან ხომ მარტო ლილინი ისმის ხოლმე და კისკისი. არანაირ მსჯელობა-კამათში ეგ არ ერევა. ჩუმად ზის და გაფაციცებული გვისმენს. შეიძლება არც გვისმენს, უბრალოდ ეგეთი ვიზუალის პატრონია – ყველაფერი აცქევეტილი აქვს. თან თითქოს ყველა ეს აცქევეტილი რამეები დაფარული აქვს, მაგრამ მაინც უჩანს. ამის ყურებზე ჩამოფარებულ თმასა და მკერდზე მოტმასნილ მასიურში თითქოს ლანდავს. თვალის ქრილიც კი ეგეთი აქვს - ბოლოებში საფეთქლებსკენ აწეული. უცხოც რომ იყო და მუქმინიან სათვალეში ნახო, მაინც მიხვდები, რომ აცქევეტილი თვალეები აქვს. რავი, შეიძლება ჩემი ბოლოდროინდელი გაფაქიზებული ფსიქიკის გამო მეჩვენება სხვანაირად ყველაფერი.

ნეტავ მართლა მარტო ეგ კეკლუცი „გაფაქიზებული ფსიქიკა“ ერქვას ჩემს პრობლემას და მეტი არაფერი.

აჰა, – რაზეც არ უნდა დავიწყო ფიქრი, ბოლოს მაინც ჩემს შიშთან მივდივარ, მაგრამ ბოლო დროს შიშის წაყრუება ვისწავლე.

ხოდა, მარუსაზე... რამდენჯერ, სამასწავლებლოში გოგოებს თავის ატივებამდე გვიმსჯელებია რამე თემამზე, მერე ამ გასკდომამდე მისული თავების ჩასაფუშად ციტრამონები მუჭით გვისვია, დაცარიელებული მუჭი მაგიდაზეც დაგვიბრაახუნებია, ათასი სისულელეც დაგვიბრებებია, ჯანდაბა-დოზანები გვიქნია...

მარუსა კიდე – არაა... ზის მშვიდად, ლამაზად წელგამართული და ყელმოღერებული. იმ თავის ბუმბულეებიანი საბოებით ყველა კამათიდან მშრალი ამოდის. ეგეთი – მულტფილმის გამჭვირვალეფრთიან ფერისავით თითისცერებზე აწეულს უყვარს ზედაპირზე

მსუბუქი ხტომით გადარბენა. სიღრმეებში ყვინთვა მაგის მოწოდება არაა. მეც ასე გულს გარეთ რომ გამეშვა ხოლმე საფიქრალ-სადარდებელი, მელილინა და მესვა „ჰუდრი-ჰამადა“, იქნებ ახლა ამ ფობიით ზურგზემოკიდებულს აღარ მევლო.

ამასწინათ, სამასწავლებლოში მარტო დაწყებითი და სიმღერა ვიყავით, როგორც გვეძახიან. არ ვიცი, რა მეტაკა, ეტყობა ჩემი შიშის მარტო თრევამ დაძალა. ავდექი და ამ ჩვენს სიმღერის მარუსას ვეუბნები:

– ვერ ვარ კარგად, მარუს. წასულია ჩემი საქმე.

– აჰ, სიყვარულის ამბავი გვაქვს, ანნა?

უცებ ეს თავისი ლამაზად აწყობილი სახის ნაკვეთი ლეგოს ნაწილებივით ჩამოშალა და წკაპ-წკუპ! – რალაც მრავალმნიშვნელოვან მიმკად გადააწყო. აი, ისეთად, თან აღფრთოვანებას რომ გამოხატავს და თან თითქოს საიდუმლოს შენახვას გპირდება. თვალის ჩაკვრით, ნიკაპის გვერდზე გაქაჩვით და ქვედა ტურის მოკვნეცით. ასეთი ასიმეტრიულიც ლამაზი იყო, ოხერი.

რა ვქნა, „ქარის მესმის“ და ყოველდღე ბედნიერი ქალების – არა. ან სულ მხიარულ განწყობაზე როგორაა, ან ამ გაუთავებელი ფანტლისგან ეგ მიწებებული წამწამები როგორ არ სძვრება... მე რომ სახის ეგეთი აკრობატული ნომერი ჩამეტარებინა, ჯერ ხომ ეს ჩემი ბუნებრივ-გაქუცული წამწამები ჩამომეფშვნებოდა და ეგ ეშმაკურად გვერდზე მოქცეული ყბაც (მე „ლრანჭი“ უფრო შემეფერება) დამრჩებოდა ეგრე ბუდიდან ამოგდებული.

ვეუბნები, რომ არა, სიყვარული არაფერ შუაშია. სხვა ამბავია – ჭკუიდან გადასვლის შიში მაქვს. აეგრე, ავიჩემე. ავიჩემე რა, რე-

ალურად, დიდი შანსია, გენების ამბავია. რაც დედაჩემი ჩემი დიდი ბებუის ფსიქიკური პრობლემის ამბავი წამოსცდა, საკუთარ თავს აგენტივით ვაკვირდები, გამოჭერაზე ვარ. სამწუხაროდ, რთული გამოსაჭერიც არაა. ყოველ ნაბიჯზე ვერწმუნდები, რომ ამ „დაწყებების ანას“ თავს რაღაც რიგზე ვერაა.

ვუყვები ამეებს სიმღერის მარუსას. ისე, უბრალოდ, ვინმეს რომ ვუთხრა და ცოტა მომეშვას.

უცებ მარუსამ, ჩვენმა მოლილინე, ცერებზე მოფარფატე, თვალზე-ფახულა მარუსამ ისეთები მიტხრა, ზედაპირზე იხტუნა კი არა, სიღრმეში ჩაიხედა კი არა, სულ ფსკერიდან ამოქაჩა სათქმელი.

– მისმინე, ანა, – ორი „ნ“ – თი მხოლოდ ეს და ნიკო მომმართავენ. ბავშვურობა კი და – რაღაცნაირად, მსიამოვნებს. – ნებისმიერ აკვირებულს, ნეგატიურ აზრს თუ ხელი დროზე არ აუქნი და ჩიტივით არ ააქშივ, ბუდეს იკეთებს. შიგნით, შენში. მერე კვერცხებს დებს და ჩეკავს. მრავლდება ეს შენთან შემოსახლებული შიში და მორჩა, ბოლომდე ითვისებს მთელ შენს სივრცეს. ნე-ბის-მი-ერი აკვირებულს შიში გააგაგიჟებს ადამიანს და გაგიჟების შიში – მით უმეტეს. გამოფრთხე ეგ შენი შიშის ბარტყი, გოგონა, სანამ გაზრდილა.

გაიგე შენ? – „გამოფრთხე ეგ შენი შიშის ბარტყი, გოგონაო“ – მარუსამ. აბა, არ გავოცებულყავი?

რაღაც ვერ მაქვს რიგზე, აშკარაა. მთვარეულივით დავდივარ, თითქოს ჩემს მაგივრად ვიღაც სხვა ცხოვრობს და მე ისე დავყვები, ფორმალურად. იმ „სხვის“ და ჩემი ცხოვრება მარტო მაშინ ემთხვევა ერთმანეთს, ძილის წინ დედაჩემის ნაჩუქარ ძველებურ, 100%-იანი „კოტონის“ ლამის პერანგს რომ გადავიცვამ და ბლავილს ვიწყებ. თან ისეთს კი არა, წამოიცრემლო და მორჩა – საფუძვლიანს! თავის შიგადაშიგ ატეხილი ხველებით, წველინტის ხმაურთანად მოხოცვით და ამბით.

ამასწინათ, ერთი ძალიან საყვარელი ბიჭი მეუბნება, მასწავლებელი, ბებერი რომ გახდებით, მე მოვალ ხოლმე და სუფს გაჭმევთო. ისე დავიბენი, სხვა ვერაფერი მოვიფიქრე და ვუბნები: „გიგი, „სუფი“ კი არა, – სუპი. პ.“ მერე ერთი კი ჩავეხუტე და გამოვვარდი კლასიდან. ბიჭების ტუალეტში იქცევა, მანდ შევევარდი და ვიბლავლე და ვიბლავლე. ნორმალურია, ახლა ეს? ტირილზე ვამბობ, ბიჭების ტუალეტში შესვლაზე არა.

იქით, დედაჩემის სოფელში მარტო ყოფნა, აქეთ – ეს ჩემი აუწყობელი ცხოვრება, მარტო დაძინება – გაღვიძებით, წითელი მარკერით ჩამოწერილ ეკონომსიას აყოლილი ფულის ხარჯვით და რა ვიცი. ქკუიდან შემლის პერსპექტივაზე აღარაფერს ვამბობ. იქნებ, უბრალოდ, „აკვირ-ატეხილი შიშებისა და ნევროზების“ პაციენტი ვარ, მაგრამ ფაქტია, საკუთარი თავი ჩემს ქკუაზე ვეღარ დამყავს. თითქოს სრულწლოვანი გახდა და მორჩა, აწი თავის ნებბზე, ვეღარ ვიმორჩილებ.

აი, ახლაც, ამ მესამე „ა“ – ში პირველ მშობელთა კრებას ვატარებ (ახალი კლასია ჩემთვის, დიდი ხანი არაა რაც ვასწავლი) და თითქოს სხვა ლაპარაკობს ჩემი პირით. მე კიდევ ვზივარ ჩემ შიგნით მიკუნჭული და მარუსას ნათქვამ რამეებზე ვფიქრობ. უფრო სწორად, მარუსას ვიხსენებ იმ პირველი რჩევა – დარჩების მოცემისას. მაშინ ხომ მაინც ლამაზი მეჩვენა, ამ გადასახედიდან კიდევ, თითქოს, ის თავის საფრთხე

აცქვეტილობები ჩამოეფუშა და ჩემსავით მოიფლავა. თითქოს, სანამ ჩამოლაბორანტდა და ცოტათი ჩვეულებრივ მოკვდავებს დაგვემსგავსა, ის მიწებებული წამწამებიც ჩამოუჭკნა და უცებ, როგორც კი სამასწავლებლოში ბიოლოგიის ავთო შემოვიდა, ისევ ძველებურად გამტრინდინენ. შემიძლია დავიფიცო, რომ ეგრე იყო.

აჰა – აქამდეც რომც არაფერი, ამ ჰალუცინაციის მერე მაინც დავგრძელებდი, რომ ფსიქიკაში ყველაფერი რიგზე ვერ მაქვს.

„იქნებ უბრალოდ მდიდარი ფანტაზია გაქვს?“

ეგ ფრანაც მარუსამ მიტხრა. ჩვენს დარაჯზე გაჩენილ ასოციაციებზე რომ ვუყვებდი – მაშინ. თვითონ მარუსაზე რეებიც გამიფიქრებია, მაგების მოყოლისგან თავი შევიკავე. როგორი სათქმელია: იცი, მარუს, როცა ბრძნული ლაპარაკი დაიწყე, ეგრევე წამწამები დაგიჭკნა და ძუძუები ჩამოგეფლავა.

– გეუბნები, უბრალოდ ფანტაზიის დიდი ნიჭი გაქვს. რა ჰალუცინაცია?! რაღაც ახალი ენერგია დაგიგროვდა, რომელიც არ იცი სად წაიღო. – არ ბეზრდება ჩემი დამშვიდება.

მე რა დამამშვიდება? ღამეები არ მძინავს. ვერ ვიძინებ, ვწრიალებ. ხან რა მელანდება და ხან რა. ნორმალური ადამიანები ხომ ძილის წინ ნათურებს აქრობენ. მე კიდევ, ამ ქვის ხანის პერანგის ჩაცმამდე დაფუფული ხოლმე და ყველა ოთახში სინათლეს ვანთებ. მაგიტომაა, ხელფასიდან ხელფასამდე, მხოლოდ დენის გადახდის მერე მორჩენილ ნამცეცებს რომ ვკენკავ. ფაქტობრივად, ამ ცარიელი ოთახების გაჩაჩაჩების საფასურის გადახდისთვის ვარსებობ. ეგაა ჩემი მისია. მძულს ეს ანთებული ნათურები!

მაგრამ ჩამქრალეებიც რომ მძულს?!

– ღმერთი რაღაცისთვის გამზადებს, ენერგიას გიგზავნის, – აქ მგონი გადაამლაშე, მარუს (მეც მაგარი ვარ, რაის „მგონი“), – მთავრია მიხვდე ეს ენერგია რაში უნდა დახარჯო, რისთვის გიგზავნის, რა მიზანი აქვს, რა აქვს ჩაფიქრებული, გესმის?

– ვის, ღმერთს? – მეღიმიება. – ჩემთან მიმართებაში?

მეღიმიება რაა, პირმოკუმული ვხარხარებ, უხმოდ. სულ ჩირვში კი არ ვზივარ და ვთრთი, ან ვცახცახებ, ზოგჯერ მეც მეცინება ხოლმე. ძირითადად, ნერვულად, მაგრამ მაინც. არა, მე კიდევ ენერგიის ხარჯვა მინდა ჩემი ელ. ენერგიის ხარჯვების პატრონს?

– დამცინი?! – მარუსას რას გამოაპარებ? – მოდი, სულ კარგად იყავი, რა.

კეფაზე აკეცილი კულულებიდან თმის სამაგრი ისე მოიგლოჯა, ვიფიქრე, ეგაა და ხელში სკალპი შერჩება-მეთქი. ეგეთი მომგებიანი ჩვევა აქვს, გაბრაზებისას ჩემსავით სახე, ბალანი, ნერვები ან წინადადებაში სიტყვათა წყობა კი არ ეშლება – თმას იშლის და კიდევ უფრო ლამაზდება.

2.

კრება დამთავრდა. რა იყო ეს?! თითქოს სხეული მექანიკურად ატარებდა მშობელთა კრებას და ჩემი „სრულწლოვანი და დაუმორჩილებელი მე“ კიდევ – მარუსას ამბებს იხსენებდა.

მშობლებიდან რომელიღაცის იდეა იყო, სათითაოდ მეუბნებიან თავიანთი ბავშვების გვარს და საკლასო ოთახიდან ისე გადიან. მეც ერთბაშად არ დავიმასხვოვო, მაგრამ ყველას ყურადღებით ვუსმენ, ვუღიმი და ჩემს რვეულში „აწიჩვებს“ ვუკეთებ. თეატრია, რა. ვგიჟდები ასეთ რამეებზე. კარგი ხალხი კი ჩანს. მილიმიან. რალაც მომენტში ჩემებურად ავურიე, მომეჩვენა, რომ კი ბატონო, მილიმიან, მაგრამ ეგებ – მრავალმნიშვნელოვნად? ეგრევე მარუსას რჩევა ჩაერთე – ავუქმეი.

ეს „ვგიჟდები“ რალა ჯანდაბამ მათქმევინა. ჯვარი მწერია.

გასულლებიდან სამი ქალი ისევ კლასში შემომიბრუნდა. ფანჯარასთან მიდგენ, დანარჩენების გასვლას ელოდებიან. აშკარად ერთი სული აქეთ დამელაპარაკონ, ადვილზე ცქმუტავენ. ღმერთო, ნეტა რამე სისულელე ხომ არ წამოვრომე? დილას, ავთიაქში, მართალია ჩემზე გაცილებით ლამაზმა, მაგრამ სამაგიეროდ – ჩემზე უარესად დაბნეულმა ფარმაცევტმა რომ დამამშვიდებელი შემიჩინა, არ უნდა დამეღია.

სიას ჩახვდე, კვანძის გარდა ყველას მშობელი იყო. არადა, ყველაზე მეტად ამ ბავშვის დედასთან გასაუბრება მინდოდა. თითქოს აზრიანი თვალებით გიყურებს და გისმენს, მაგრამ რომ გიყურებს და გისმენს, მაგის გარდა საერთოდ არაფერს აკეთებს. როგორც დედაჩემი იტყოდა (ჩემი მისამართით): „ცხოვრების ბაიბურში არაა.“

ის სამი ქალი ჩემკენ წამოვიდა. აი, ხომ არაფერი, მაგრამ ნერვებზე იმოქმედა: ეს ორი ერთნაირად დგამს ნაბიჯებს: მარჯვენა... მარცხენა... მესამე კიდე – პირიქით. ამათი მარჯვენის დროს – მარცხენას დგამს. რატომ უნდა მოქმედებდეს ეს ჩემს ნერვებზე? საერთოდ, რატომ უნდა გამჩნევდეს?

მოვიდნენ. პირველმა, საიდუმლოს გამბელისას რომ იცინა ხოლმე, ეგრე ჩურჩულით დაიწყო ლაპარაკი. ისე დავიძახე, ლამის საფულე-დან ჩემი კორვალოლი დავაძრე.

– იცით, კვანძი ელისაბედის დედა... – ჩურჩულებს პირველი.

რაკი ჩემზე არაფერი – ამოვისუნთქე. მგონი გავმხიარულდი კიდეც.

ეს პირველი ხომ მისტიკური იდუმალეებით ჩურჩულებს და ამ დროს მეორე მიცინის და სიტუაციიდან ამოვარდნილ რამეებს ამბობს, თან ხმამაღლა:

– ისე გვიხარია ჩვენი ახალი მასწავლებელი რომ ბრძანდებით ნიჭიერი, მშვენიერი...

პირველი მეჩურჩულება, მეორე მიცინის, მესამე დუმს.

„მშვენიერი“.

– მაინც ახალი კლასია თქვენთვის, მშობლებზე ხომ უნდა გქონდეთ წარმოდგენა... – პირვანდელი მუხტის შენარჩუნებას ცდილობს პირველი და მაქსიმალურად იდუმალი ხმით განაგრძობს ჩურჩულს.

სიტყვებს არჩევს, წვალობს. უფრო სწორად, მე ვწვალობ, თორემ ამას მგონი კვანძის გახსნის ასე გაჯანჯლება სიამოვნებს კიდეც. ზოგისთვის რა გამძლე ნერვებს იმეტებ, მე რალას მერჩოდი, ღმერთო?

– ხოდა კვანძი ელისაბედის დედა... როგორ გითხრათ, ისეთია...

თავი ძლივს შევიკავე, რომ ხმამაღლა და გულგრილი გამომეტყველებით არ მეკითხა:

„– რა იყო, ბოზია?“

პირველი დაძაბული ჩურჩულებს, მეორე აქერცლილ მანიკურს კბილით აწვალავს, მესამე არ ინძრევია. გეუბნები, რაა, სპექტაკლია!

აქტიური, არაადეკვატური და ურეაქციო. ნეტავ, რა ჯანდაბამ დაამეგობრა ესენი, რომელმასაერთო ინტერესმა? – ვფიქრობ და უცებ მასხენდება, რომ არც მე და მარუსა ვართ ნაკლები „ცა და დედაბიწა“. ცა, რათქმაუნდა, მარუსა და მეორე – მე. ოღონდ „დედას“ გარეშე. მარტომიწა. შავი.

– ისეთია... ჩამორჩენილი.

როგორც იქნა, ამოთქვა და ამოისუნთქა პირველმა. მეორემ მანიკურის ნამცეცი მსუბუქად გადმოაფურთხა მესამის მხარეს. მესამე დუმს. შესავალი და კვანძის გახსნა გვაქვს. ფინალი „არალი“.

– ჩამორჩენილი რას – მოდას?

ძალიან დებილობა კი დავაბრუნებ, ვალიარებ. არც ხუმრობად ვარგა, არც ფინალად. დებილობად – კი.

პირველმა და მეორემ ერთმანეთს ისე გადახედეს, მივხვდი, მთელი სიუჟეტი გავაფუჭე. მარუსა ამ ფრანს ცოტა სხვა სიტყვებით იტყოდა. საყვარლად გამოკვეთილი ჩ–თი და ჯ–თი.

საერთოდ, კრება მძაგს. არ აქვს მნიშვნელობა, მე ვატარებ თუ აქეთ მიტარებენ. ჰოდა, როგორც ჩანს, იმაზე მეტად ვიყავი დაძაბული, ვიდრე მეგონა და კრების მერე, ეტყობა, არა მარტო მოვეწვი, ავიშვი კიდეც.

– აქა ჩამორჩენილი!

ჩემმა მიუხვედრელობამ გააღიზიანა თუ რა იყო, მოულოდნელად, ძალიან ომახიანად თქვა მესამემ და საჩვენებელი თითი საფეთქელზე მიიკაკუნა. რატომღაც – ოთხჯერ. ბევრი არაა?

– შვილიც ეგეთია. გენები... – დაამატა პირველმა. ჩურჩულით.

– აბა... – საყვარლად შემომცინა მეორემ.

ბავშვობიდან განვიცდიდი, რომ არაფრის განსაკუთრებული, სხვებისგან გამორჩეული ნიჭი არ მქონდა და ამ წამს, ორმოცი (ნუ, ცოტა მეტი) წლის ასაკში აღმოვაჩინე, რომ ზებუნებრივი ნიჭის პატრონი ვარ: ერთ წამში სამი ადამიანის შექმნა შემიძლებია.

– დირექტორი გიბარებს, სასწრაფოდ. – მარუსამ შეღებულ კარში შეღებილი თავო შემოყო. – მე სახლში მივდივარ. ხვალ გრიშკას გასვენებაში გნახავ.

– მაპატიეთ, დირექტორი მიბარებს. – ვთქვი და ავდექი.

ევც შენი ტრაგიკომიკურ-გროტესკული სიუჟეტის აბსურდული ფინალი. ამჟანმარალა დააშავა და აჰა, ბარემ დეტექტივის ელემენტებიც:

კართან მისულ მასწავლებელს, იმედგაცრუებისგან გაფართოებული თვალის გუგის ზომის ექვსი ცალი ნახვრეტი, საფანტივით დააჯდა კეფაზე. როგორია?

არა, მინც რას ითხოვდნენ ჩემგან? შეცხადებას? დაცივნას? თუ ე(წერტილი)წ(წერტილი) „თემისადმი დაუოკებელი ინტერესის გამოვლენას?“ გაგიუდები, კაცი, რა!

„გაგიუდები“ ...

დირექტორის კაბინეტში შესვლამდე კეფა და მხრები კარგად ჩამოვიფერთხე და რაკი ახლო-მახლო არავი ჩანდა, ძირს დაფანტული საფანტი ბარემ ფეხითაც გავსრისე. აი, ახლა დაგენახე მარუს, მიხვდებოდი, რომ რალაის აქშევა, დაიჩეკნენ უკვე, შეიღინღლნენ, დაფრთიანებას აღარაფერი უკლიათ. წასულია ჩემი საქმე.

3.

– მიხმობდით ბატონო ნიკოლოზ? – შევედი.

– გაგაბატონიკოლოზებ. ყავა დავლიოთ?

– მივირთვათ.

– გადავკრათ.

– მოვწრუპოთ.

– ჩავცეცხლოთ.

– წავაგე.

– აეგრე!

მადულარას იღებს, ყავას ყრის, შაქარსაც.

მე და ნიკო დიდი ხნის მეგობრები ვართ, კურსელები. ძალიან არქაულად კი უღერს, მაგრამ ეგრეა – სტუდენტობიდან მოყოლებული მყვარობს. უფრო სწორად, მთლად მოყოლებულიც არ ეთქმის, რამეთუ, წყვეტილია ტრფობა მისი. სტუდენტობაზე ხომ ეთქვი და მერე არაფერი, წავდილი ჩვენ-ჩვენი გზით. ბოლოს ასე გამოვიდა, ისევ შევხვდით. ჩემი დირექტორია და რაკი ისევ ყოველდღე მხედავს – ისევ მყვარობს. აი, გადავალ ამ სკოლიდან და ისევ აღარ ვეხსომები. წყვეტილი სიყვარული სევედიანი რამეა, მაგრამ სულ არ არაობას სჯობს – „სევედიანი რამეც“ რამეა.

ბოლოს, ალბათ უპატრონო მოხუცთა თავშესაფარში „გავასამებთ“ შეხვედრას და დავქორწინდებით. მერე მალევე დავიხსოვებით და სიყვარულის წყვეტილობის კანონით, სანამ „ზევით“ არ შევხვდებით, ისევ აღარ ვეხსომები.

– როგორ გგონია, იმ შენი სოფლის სკოლის დირექტორი ასე თავის ხელით მოგიდუღებს ყავას? – მეკითხება.



– გამორიცხულია.

– ხოდა, რას გარბიხარ?

– ამისთვის დამიბარე? წუხელ ტელეფონით ხომ აგისხენი, გადავიღალე, სიმშვიდე მინდა, „მიწა მიხმობს“. თან სოფელში ზუსტად ჩემი სახლის წინაა სკოლა.

– მერე რა ყრია ეგრე ცხვირწინ მუშაობაში? იქ ეგრე თმაშელებილი და მუხლსზემთ კაბიანი კი არ ივლი, ანნავ ჩემო, შეიძლება ვაფშემც რუსტებით გადახვიდე ხოლმე.

– კალოშით.

– ხალათით.

– ფქვილიანი იდაყვით.

– ღამის პერანგით.

– პერანგზე გადაცმული წინსაფრით.

– ესო, მოდულებულია.

– უბრალოდ, მეტი ველარაფერი მოიფიქრე.

– მოვიფიქრე, მაგრამ თქმა შემრცხვა.

– ბატონი ნიკოლოზი მორცხვობს.

– იქნებ უზრდელობს?

– რა თქვი, უკვე მოდულებულიაო?

– ჰაჰა, მოკაკვე თითი?

ნიკოსთან სისულელებზე ლაპარაკმა დამამშვიდა. ეს სიტყვებით თამაში მარტო ერთმანეთთან გვაქვს. არის ამაშიც რაღაც ინტიმი.

წარმოვიდგინე: ერთხელაც მარუსა მეკითხება: „შემთხვევით, ჩვენს დირექტორთან ინტიმი ხომ არ გაკავშირებს?“ მე, როგორც რაიმე დიდი საიდუმლოს გამხელის წინ იციან, აქეთ- იქით თვალებს ვაცეცებ. მკლავზე ხელს ვკიდებ და გვერდზე გამყავს. მერე იმ ჩემი შშობელივით ვეჩურჩულები: „კი, გვაქვს ინტიმი – როცა ოთახში მარტო ვრჩებით, სიტყვებით ვთამაშობთ ხოლმე. ჩშშშ!“ საჩვენებელ თითს ტურზე ვიდებ და სახტად დარჩენილ მარუსას თვალს ვუკრავ.

ნიკო ძალიან ჩემიანია. მართლა. სასწაულად კარგი ადამიანი, მაგრამ საჩემოდ ზედმეტად მხიარული, საქმიანი და მოწესრიგებული.

დედაჩემს ნიკოს ეგ მინუსები რომ გადმოვუშალე, ხელები გაასავსავა და შეიცხადა, ცხადია – ჩემი უგუნურობა. მითხრა, რომ საერთოდაც, საღ ჭკუაზე ვერ უნდა ვიყო, გენებმა მიწია. დამაჯერებლობისთვის დაამატა, გენებში შენს დიდ ბეზიას ვგულისხმობ, მამაშენის (ამას ხაზი გაუსვა) მხრიდანო. თუმცა, შენ რა გიჭირს, მალე მე გავგიჟდები შენზე ფიქრით და დარდითო. მგონი საცხოვრებლად სოფელში წასვლაც ამიტომ გადაწყვიტა, „გამერიდა“.

იქნებ სულაც მოიგონა ჩემს ცხონებულ დიდ ბეზიანზე? რას გაიგებ? იქნებ, ცხელ გულზე, უნდოდა, როგორც მე გავამწარე ნიკოს დაწუნებით, ეგრე გავმწარებულიყავი თვითონაც. იქნებ მართლა მოიგონა, ჰა? მე კიდევ ავიჩემე. მარუსას უნდა ვუთხრა ერთი, რას იტყვის. ვერასდროს წარმოვიდგენდი, მარუსას თუ ფსიქოლოგად დავისვამდი. არც არავინ დამიჯერებს სკოლაში რომ ვთქვა.

ნიკოს მოდულეზული ყავის პირველ ყლუპს ვცლაპავ და ვფიქრობ ჩემთვის: ჰოდა, აი მოფახვანებული ნიკო და ასეთივე მე – დავექორწინდით. თავშესაფრის დაფხავებული (გგიჟდები „ფ“ და „ხ“-იან სიტყვებზე: დაფხავებული, მოფახვანებული, უნიფხვო) დარბაზის ცენტრში ვსხედვართ და ჩვენკენ სამი ბებერი ქალი მოცუხცუხებს. ერთი ძლივს გასაგონი ხმით ეუბნება სიძეს:

„– ეგ შენი ცოლი... ისეთია... როგორ გითხრა...“

„– როგორი, ბოზი?“ – ნიკო უკბილო პირით უცინის.

„– ლოგოლი ლამაჟი კბილის ფლოთეჟი გიკეთიათ, ფაიფულია?“ – მეკითხება აღფრთოვანებული, ღრძილებლაპლაპა მეორე.

„– გიჟია“. – ნიკოს უხსნის მესამე და საფეთქელთან თითს იკაკუნებს. ოთხჯერ.

„– მაგის დიდი ბეზიაც ეგეთი იყო. გენები...“ – ამატებს პირველი.

– არსადაც არ მიდხარ. წერტილი. – ნიკოს ხმა მაფხიზლებს.

ყავის ფინჯანს თვალი მოვაშორე და ნიკოს შევხედე. იმ თავის უკბილო მოხუცებულობის ფონზე ძალიანაც სიმპათიური მეჩვენა. ოღონდ სოფელში წასვლა მაინც არ გადამიფიქრებია.

ეს დირექტორი ბიჭი, რა თქმა უნდა, უჩემობას არ გადაყვება და რეალურად ვის ვჭირდები აქ? არავის. იქ დედაჩემს მაინც გამოვადგები რამეში. ან ჯამის გარეცხვას დამავალეხ, ან ხორცის მოქაფვას დამიწუნებს, აქეთ ჭკუას დამარიგებს, იქით – შენიშვნას მომცემს, ალექსას ცოლი რომ ორსულადაა, მეასედ შემახსენებს, ძილის წინ შეშლილ ბებიანებზე მომიყვება რამეს და ვიქნებით ასე, მხიარულად.

ისე კი, ალექსას რომ ვუყვარდი – ეგრე არავის. არც ნიკოს, რა თქმა უნდა. ალექსას მაშინაც ვუყვარდი, როცა ვერ მხედავდა. ნახვით კიდევ, მარტო ზაფხულობით მხედავდა, როცა სოფელში ჩავდიოდი. „სოფელში ცხოვრებას რა ჯობია“ – ეს იყო ალექსას საყვარელი ფრაზა. ეგდე ეხლა ჩემო მოქირქილე და კუდყავარზეგადებულო თავო შენს თბილისურ სამოთახიანში მარტო. უზრუნველყავი ამ სამი მუქთახორა ნათურის ცხოვრება და უსინდისოდ შეუსწორე ბავშვებს ისეთი სიტყვები, რომლებითაც თვითონ მშვენივრად ელაპარაკები შენს თავს.

„– ბავშვებო, „ეხლა“ კი არა – „ახლა“. „ეგეთი“ კი არა – „ასეთი“. „ხოდა“ კი არა – ჰოდა“.

იქვე, გზის გადაღმა ჩვენი სკოლა. ვიქნები სოფლის შინაბერა მასწავლებელი და ალექსისთვის გულის მოკვლის ცოდვას ასე გავაბათილებ. ნეტა ალექსას ბეზია ცოცხალია?

„წლები აწვალა ქალო, ჩემი ბიჭი, წლები! არც ჰო უთხრა, არც არა, სათესლე კიტრივით ჩამაბერა და ეხლა როგო ეუბნება არაო?! ეხლა ვილა ნახოს ამანაც?!“

ნახა, „როგო“ ვერ ნახა... ალბათ რამდენჯერაც ალექსას შვილები ჩვენს ლობეს ჩაუვლიან, გამეფიქრება, რომ შეიძლება ჩემები ყოფილიყვნენ. ოღონდ, თუ ალექსას ემგვანებია – მარტო მაშინ, თუ იმის ცოლს დავესვავს, არაფერიც არ გამეფიქრება, რატო უნდა გამეფიქროს რო?

„– ბავშვებო, „რატო“ კი არა – რატომ“.

4.

– გავარკვიე, სადაც უნდა დამარხონ გრიშკა, წამო ჩემი მანქანით, გზაში შენს ამბებს მომიყვები.

მარუსა თავის ვერცხლისფრად მოლაპლაპე მანქანისკენ მიმარბენინებს.

– რა ვიცი... – ღვედს ვიკრავ თუ არა, ვიწყებ. – ჰალუცინაციები მაქვს, რეალობა-წარმოსახვას ერთმანეთში ვურევ.

– ბოლოს როდის დაგემართა?

როგორც ალექსას ბეზია იტყოდა: „ჩაქრი შენა!“ ისე მეკითხება, თითქოს სიმღერის მასწავლებელი კი არა, სტაჟიანი ფსიქოლოგი იყოს. ესეც კიდევ ერთი სპექტაკლი. უფრო სწორად – კინო. მარუსა უფრო კინოს გოგოა, თეატრისა მე ვარ.

– ბოლოს როდის, მარუსა და სანამ აქ ჩავჯექი. მომეჩვენა, რომ შენს მანქანას ფარებზე შენსავით, პლასტმასის წამწამები ჰქონდა მიწებებული.

– ჰაჰაჰაჰაჰა – კისკისებს მარუსა.

ეგეთია, კი არ იცინის – კისკისებს. კისკისი, ლილინი, ფარფატი, ფახულია ამისი. როგორც ჩემი – ფართხა-ფურთხი. კიდევ კარგი „ფართხა“ – ც ურეგია, მაგის გარეშე რალა დავრჩებოდი?

– გოგოოო, – ვერ ჩერდება მარუსა, – კი არ მოგეჩვენა, მართლა უკეთიააა!

მანქანასაც, კაცო? ვაახ!.. ეგეც აპაჭუნებს?

ცოტა ხანს არაფერი, მერე ვუყვები, რომ ჩემი მოსწავლეების გარდა არავის დანახვა არ მინდა. განსაკუთრებით, მათი დედების. იქნებ მშურს, მარუს, ჰა? ერთი გაკნაჭულ კანჭებიანი გოგო მეც რომ მყოლოდა, იქნებ, ამათი დედებიც მყვარებოდა. უაზროდ დავ- დივარ სახლი-სკოლა, სახლი-სკოლა. გამონაკლის შემთხვევაში: სახლი-სკოლა-სასაფლაო-სახლი. ყველაფერს უნდა შევეშვა, აღარ შემიძლია. დავილაღე. სოფელში გადავდივარ. წელს დავისვენებ და მომავალ წელს სოფლის მასწავლებლობას დავიწყებ. თუ ვივარგე.

– ნუ სულელობ, ცხელ გულზე მიღებული გადაწყვეტილებაა, გაგივლის.

– არ გამივლის. ნიკოსაც ვუთხარი უკვე. არავის დანახვა არ მინდა. არანარი მიზანი და გეგმა და ოცნება არ გამაჩნია, გესმის? რეალურად, არც არავის არაფერში ვჭირდები. ეს ბავშვებიც აუცილებლობის გამო შემომციტინებენ, თორემ არავის სჭირდება არც ჩემი ცოდნა, არც დახმარება, არც სიყვარული. არაფერი. ბოლო დროს ძალიან გავუტყე, ყველა წვრილმანს შეუძლია ნერვები ამიშალოს, გული ამიჩუყოს, ამატიროს. აჰა, ხედავ? – თვალიდან ჩამოვდებოდა ტუშს თითოთ ვიწმენდ.

– ნუ უმიზნო ტირილი, საერთოდ, დეპრესიის ნიშანია, მაგრამ დღეს გრიშკას ვმარხავთ და ტირილი ბუნებრივია... მოდი, რაა, გავმხი- არულდეთ.

– და აბა, რომ ვმარხავთ?

გრიშკა – როგორც მარუსა ეძახდა, ანუ გრიშა ძია – როგორც მე ვეძახდი, ჩვენი სკოლის დარაჯია. იყო. კეთილი, კეთილი – სასწაული. დიდი ღიპით, პატარა, უთმო თავით. ამ თავზეც – პატარა შუბლით, მრგვალი თვალებით, თეთრი, ქვემოთ დაშვებული უღვაშით და განიერი ღაბებით. გულში სელაპს ეძახდი. ყოველგვარი სარკამბის გარეშე, მართლა სიყვარულით. ადრე მაგას ვუყვებოდი მარუსას, შორიდან რომ ვხედავ, მართლა მეჩვენება რომ დერეფანში სელაპი მოტყაპუნობს-მეთქი. მაშინ მითხრა მარუსამ „მდიდარი ფანტაზია გაქვს“. მეამა. პირველი სიტყვა – განსაკუთრებით. მარტო ხელფასი ხომ არაა ცხოვრება, არა? ყველა სიტყვის მორგების შანსი არსებობს.

– გამხიარულება მაინცდამაინც სიცილი კი არაა, გოგო, ისე გავერ- თოთ, უსიცილოდ. – არ მეშვება.

ხასიათის გამოკეთება მართლა მჭირდება, გრიშა ძია მაპატიებს. თუ რა თქმა უნდა, მიცვალებულის სულს ცოცხლების აზრების კითხ-

ვა არ შეუძლიათ. განსაკუთრებით – მათთვის გულში შერქმეული ზედმეტსახელების.

– ერთი თამაშია, მარუს, სიტყვებით თამაში... აი, მე ხომ ვთქვი წელან, ყველაფერს შეუძლია ამატიროს-მეთქი. „ამატიროს“ ამაზე ავაწყობ.

– მე რა უნდა გითხრა?

– მაგალითად – აგაბლავლოს. მოდი თავიდან. ამატიროს.

– აგაბლავლოს.

– ამაქვითინოს.

– ასეთი მოსაწყენი რამეებით თუ ცდილობ ხოლმე გამხიარულებას, გასაგებია, რატომაც არ გამოგდის... კარგი, ეხლა რომელი სიტყვა უნდა ვთქვა?

– კარგი, არაფერი.

– ვერ ვივარგე, ხომ? სიმღერებზე რომ იყოს, მე მოგიგებდი, არა?

– რა თქმა უნდა! – ვეუბნები და საკუთარ თვალში ვმალდები – ეგე, მარუსასაც კი დასჭირდა ჩემი გამხიანება!

გრიშა ძიას დასაფლავების დროს მარუსას დაურეკეს და სასწრა- ფოდ გავარდა, მე არ ვაყვები. ეშმაკი შემიჩნდა, ვიდექი და სისულე- ლეებს ვფიქრობდი. მაგალითად: „რა ცოლოა გრიშა ძია – სელაპი და მშრალ მიწაში?!“ არადა ძალიან მიყვარდა გრიშა ძია, მართლა.

ყველა რომ თავის გზაზე წავიდ- წამოვიდა, მე საფლავის ქვებს და- ვუარე. რა კარგია, რომ მარუსა ვერ მხედავს. სიტყვებით თამაშის მოსაწყენობა რა მოსატანია ამ ჩემს ეგზოტიკურ გასართობთან. ბავშვობიდან მიზიდავს მკვდრების ფოტოების თვალიერება. როგორც ჩანს, არც პატარა ვიყავი მთლად დავარცხნილი ფსიქიკის პატრონი.

– გამარჯობა, მასწ.

აუდიო ჰალუცინაციებიც დამეწყაო?

მოგტრიალდი და გარბის უკვე. ჩემი მოსწავლეა, კვანახე ელისაბე- დი. არ მომჩვენებია.

თვალი გავაყოლე, ერთ საფლავთან მივიდა, ქალი დგას იქ, ჩემკენ ზურგით, სავარაუდოდ, დედამისი. სირცხვილით როგორ ვალიარო და უცებ ვიფიქრე, ჩემად გავიჭურწები აქედან, იმ სამმა ხომ მითხ- რა, რომ... და უცებ ჩემი თავიც ისე შემზიზილდა, როგორც მაშინ ის სამი ქალი. როგორც ჩანს, იმ ჩემი ზებუნებრივი ნიჭის ბონუსია. თუ სამს ერთად შეიძენ ერთიც მოყვება კი არადა, თუ სამს ერთად შეიძულე, ერთხელაც თვითონაც მიყვები.

მივედი. ცოტა დაძაბული, მაგრამ მაინც მივედი. ვხედავ, ელისაბედი ნაჭრით ქვას აპრიალებს და ქვაზე რომ ქალის ფოტოა – საიდანდაც

მეცნობა. მალევე ვიხსენებ – ფოტოზე შავიდეიდაა. კი, ისაა – შავი-დეიდა. ასე ვეძახებით.

ანუ რა გამოდის, ეს ზურგი როზასია?!

5.

ზუსტად არ მახსოვს, ჩვენმა რომელმა კლასელმა შეარქვა როზას დედას მეტსახელი. შავიდეიდას ყოველთვის კოჭებამდე შავი, გრძელმკლავე-ბიანი კაბა ეცვა. მზეზე გახუნებული შავი. ნებისმიერ ამინდში. დილით, როგორც კი გაკვეთილები იწყებოდა და სკოლის ეზო მშობლებისგან ცარიელდებოდა, კარგად ჩანდა, როგორ უძრავად იდგა შავებში ჩაც-მული ქალი ეზოს ყველაზე მაღალი ხის ქვეშ. როცა ნიავე იყო, მხოლოდ ხის კენწერო ირხეოდა. ქარის დროს კი, თითქოს ვიღაც დიდი, უხილავი მტვერსასარტუტით ექაჩებოდა შეფოთლილ ტოტებსა და გახუნებულ კაბას. ფოთლები და კაბის კალთა გადარჩენისთვის იბრძოდნენ, ხე და ქალი კი უძრავად იდგნენ, თითქოს ეს ამბავი მათ არ ეხებოდათ.

სასწაული სანახაობა იყო. ქარში ეს ქალი ნამდვილს არც ჰგავდა. თითქოს მისტიკური პერსონაჟი იყო რომელიმე წიგნიდან ან ფილმი-დან. არ ვიცი ამას ფიზიკურად როგორ ახერხებდა, მაგრამ გაკვეთი-ლების ბოლომდე ასე უძრავად იდგა და იცდიდა. ერთხელ დავინახე, როგორი სიყვარულით და სიამაყით გაუბრწყინდა თვალები, როცა როზა მიუახლოვდა (თვითონ როზას გაბრწყინებული თვალები, არასდროს მინახავს), ხელი ჩაკიდა და წავიდნენ. დედა-შვილის ამ შეხვედრის სცენამ, ჩემზე, ისე იმოქმედა, დღემდე, არცერთ ფილმს რომ არ უმოქმედია. მახსოვს, მეორე დღეს როზას კანფეტები მივუ-ტანე და დავმეგობრდი, ოღონდ, ამ დამეგობრების ამბავს სხვებთან არ ვიმჩნევდი. როზას, ამის გამო, საყვედური არასდროს დასცდენია.

ახლა, უსინდისოდ, მესამე პირში უნდა ვთქვა, იმიტომ რომ პირველ პირში თქმა საკუთარ თავს აუცილებლად შემაზიზღებს: კლასელები როზას დასცინოდნენ. მისივე გასაგონად, „ჩვენი დამლაგებლის მოსახელეს“ და „შავიდეიდას გოგოს“ ეძახდნენ. ჩვენს დამრიგებელს არასდროს, არასდროს აუხსნია ჩვენთვის რომ დაცინვა ამაზრბენი საქციელია. არც უთხოვია, არც მოუთხოვია, არც მკაცრად გავუფრ-თხილებივართ, რომ როზას ასე აღარასდროს მოვეცქეოდით.

როზა საუკეთესო მოსწავლე იყო, გაკვეთილები ყოველთვის მომ-ზადებული ჰქონდა, მაგრამ ამის შესახებ ჩვენ ორის გარდა, არავინ იცოდა. იმის შიშით, რომ რაღაც შეეშლებოდა და დასცინებდნენ, დაფასთან არასდროს გამოდიოდა.

ერთხელ როზამ თავის ნახატები მაჩვენა. ჩამოყალიბებული მხატვ-რის ნახატები! ახლაც მივირს, ასეთმა მორიდებულმა, როგორ გაბედა, დამრიგებელს მიუტანა, აჩვენა და ერთი, ყველაზე ლამა-ზი – აჩუქა. მერე, ის ნახატი მასწავლებელს რომ თავის მაგიდაზე „დარჩა“, მეც დიდი გამბედაობა გამოვიჩინე, უკითხავად ავიღე და ჩანთაში ჩავიდე. ალბათ, იმიტომ გავბედე, რომ დარწმუნებული ვიყავი, არ მოიკითხავდა.

ახლა რომ ვფიქრობ, რა მოხდებოდა, იმ მასწავლებელს გაკვეთილზე ეთქვა: „ბავშვებო, ნახეთ, როზა რა კარგად ხატავს! ყოჩაღ, როზა,

ძალიან ნიჭიერი გოგონა ხარ!“ იქნებ ამ ორ ფრაზას როგორ შეეცვალა კლასელების როზასადმი დამოკიდებულება? იქნებ როზამ სწორედ ამ იმედით გაბედა მასწავლებლისთვის თავის ნამუშევრების ჩვენება? ღმერთო, როგორ შეეძლო იმ ქალს, ასეთი გულგრილი ყოფილიყო?!

– როზა! ანა ვარ! – ვეუბნები, – მიცანი?

მახსოვს, ერთხელ დედაჩემის ტელეფონზე საუბარს მოვკარი ყური, თურმე იმიტომ ყარაულობს, რომ ბავშვის მამამ არ მოინდომოს გოგოს სკოლიდან წაყვანა, ეშინია, შვილი არ წაართვასო. მაშინვე მივხვდი, ვისზეც იყო საუბარი.

კი, მიცნო როზამ. ეჭვიც არ მეპარებოდა. ერთი ეგაა, ელისაბედის მასწავლებელი ვარ-მეთქი, რომ ვუთხარი, რეაქცია არ ჰქონდა. რატომ მეგონა, რომ უნდა გახარებოდა?

– ელისაბედიც შენსავით კარგად ხატავს? – ვკითხე და ვიგრძენი, გაეწითლდი. რითი განესხვავდებოდი იმ ჩვენი გულგრილი დამრი-გებლისგან? არაფრით.

– არა, ელისაბედი ქადრავს თამაშობს.

– ქადრავს? – გულწრფელად გამივიკირდა.

– თან იცი როგორ? ძალიან სერიოზულ მოჭადრაკეებს უგებს. დიდ ქალებს და კაცებს.

– არ ვიციოდი...

– საიდან გეცოდინებოდა, ჩემზე იცოდნენ რამე მასწავლებლებმა? – რა-ღაცნაირად ელიძება, ტუჩის კუთხეებს, ზემოთ აწვეის ნაცვლად, ქვემოთ ქაჩავს. – მე შენ მაინც მყავდი გულის გადასაშლელად, ამას – არავინ.

უცებ ისე შემრცხვა მაშინ ელისაბედზე ხუმრობით გაფიქრებული დედაჩემის ფრაზის გამო, რომ ვიგრძენი – ოფლმა დამასხა.

– დედაშენი, დარწმუნებული ვარ, ბედნიერი წავიდა. შენი დაცვა შეძ-ლო. – რამე სასიამოვნოს თქმა მინდოდა და სხვა ვერაფერი მოვიფიქრე.

– პირიქით, უბედური იყო, რომ ეს „დაცვა“ გამოუვიდა. სინამდვი-ლეში, ეგონა, მამაჩემი ერთხელ მაინც მოვიდოდა ჩემს სანახავად და ამ ბედნიერი წუთის გამოტოვება არ უნდოდა.

ახლა ჩემებურად თუ არ ავლრიალდი, გავსკდები.

– იცი, ანა, ზოგჯერ ვფიქრობ, კლასელები სახელზე რომ დამცი-ნოდნენ... – ესეც მესამე პირში ამბობს, – რა მოხდებოდა, სხვა თუ არაფერი, ის მაინც ეთქვა მასწავლებელს, რომ როზა სხვა ენაზე ვარდს ნიშნავს. იქნებ მერე ისეთი დასაცინიც აღარ მოსჩვენებო-დათ, რა ვიცი. სახელი და დედაჩემის სკოლის ეზოში დგომა – მარტო ეს ვიყავი ყველასთვის, სხვა არავინ და არაფერი. ელისაბედის სკო-ლის ეზოში ფეხს არ ვაბიჯებ, დაფიცებული მაქვს. თითქოს სახელიც კარგი დავარქვი, მაგრამ საშველი არაა. ესეც ჩემს კვალზეა.

– როზა!

თვალთ ელისაბედზე ვანიშნებ, გაჩუმდი, გვისმენს-მეთქი. როზამ ისევ თავისი ამოტრიალებული ლიმილით გაიღიმა და ისეთი ფრაზა თქვა, ჩემს წვიპზე შეკავებულ ტირილს მეტი კი არ უნდოდა.

– არ იცნობ, შენ ამას, ანა. ეს ისეთი ბავშვი კი არაა, როგორც სხვები. ამის ბავშვობა დიდი ხნის დამთავრებულია. ახლა ეს უკვე ჩვენს ხელაა, გვისმინოს, არა უშავს.

6.

დილით, გაკვეთილების დაწყებამდე ნიკოსთან შევედი.

– რა იყო, ქ-ნო ანნა, სოფლის ავტობუსი ადრე გადის და დასაშვებობაზე შემოიბრბინეთ? – წამებინა.

– წასვლა გადავიფიქრე, ნიკო, ვრჩები.

მართლა გაუხარდა. ეგეთ რამეებს მაშინვე ვგრძნობ.

– ოღონდ, ერთი პირობით. – დავამატე.

– რომ აბაზანის სარკეს კბილის პასტის წვეთებს არ მივაშენებ და გამოცვლილ ტანსაცმელს დივანზე უწესრიგოდ არასდროს მივყრი?

– ნწ. – გამეცინა, – რომ ჭადრაკის სასკოლო ჩემპიონატს გამართავ.

– და გამარჯვებულს, თუკი ეს სკოლის დირექტორი გამოდგა – ცოლად გაყვები?

– ნიკო, არ ვხუმრობ, საქმიანი წინადადებით ვარ მოსული. სასკოლო ჩემპიონატი ჭადრაკში – მოსწავლეებს შორის. კარგი?

– იყავნ ნება შენი – სასკოლო ჩემპიონატი ჭადრაკში – მოსწავლეებს შორის. კარგი.

არ ვიცი, რა მოხდა, მთელი დღეა, მარუსასავით ვკისკისებ და ის ჩემი შიშების შავ-შავი შაშვები თუ რაცაა, სულ (დედა-)ბუდიანად მოვგლიჯე და ჯანდაბაში მოვისროლე. არც ეგეთი აბსურდული ყოფილა მარუსას თეორია ლმერთის გამოგზავნილ ენერგიაზე. აქამდე თითქოს ეკალ-ბარდებს მივედ-მოვედებოდი და უცებ გზა გამოჩნდა.

ალბათ, ჩემმა ქვეცნობიერმა, ჩემი და როზას ლმერთთან ერთად, მასწავლებლობა იმიტომ გადაწყვიტა, რომ როცა ცხოვრება ბორბალს დიდ წრეზე დაატრიალებდა და იმ ორმოსთან მიმიყვანდა, სადაც ჩემი ბავშვობის სცენა დროის სხვა სარტყელში ისევ მეორდებოდა, შანსი მქონოდა, რაღაც ძალიან მნიშვნელოვანი გამეკეთებინა, რომ ამ ბორბლის შემდეგ წრეზე, ჩემს მერე მომსვლელს, აქ, ამ წერტილში, კიდევ ერთი ასეთი ორმო აღარ დახვედროდა.

ძილის წინ არათუ არ მიტირია, ძნელი დასაჯერებელი კია, მაგრამ შემძლია დავიფიცო, რომ სიმართლეს ვამბობ: მთელ სახლში

ერთი, ერ-თა-დერ-თი (!), მხოლოდ საძინებლის ნათურა დავტოვე ანთებული.

დილით ადრე ავედექი. ადრე და მხნედ. ყველა ეპოქის გამოჩენილი ელისაბედი დავგუგლე, გადმოვწერე, ცუდი რამეები წავშალე, კარგები – დავტოვე და ფლეშკით სკოლაში მიმაქვს, ამოსაბეჭდად.

სკოლაში ფეხი შევედგი თუ არა, ტრადიციულად, გულში ვთქვი: „გრიშა ძიას გაუმავჯოს!“ და არ ვიცი რა ეტაკა, მარუსამ ჩამავლო ხელი, ჩემს კლასში შემარბენინა, სკამი დამიდგა, თვითონ მერხზე ჩამოჯდა და მეუბნება:

– მიდი აბა, მოყევი შენი ამბები, სანამ არავინაა.

ფიქრებით სხვაგან ვიყავი და უცებ კარგად ვერც გავიხსენე, რა უნდოდა. მალევე გავაცნობიერე, რომ ჩემი წუწუნის მოსმენა, რჩევის მოცემა, ჩემი დაშვებობა – მარუსას ცხოვრების ნაწილი გამხდარიყო. მარუსას ახალი ფუნქცია. დასტური იმისა, რომ ვილაცისთვის მისი არსებობა უმნიშვნელოვანესი ამბავია. იქნებ, უფროსკლასელი მარუსა, სულაც ფსიქოლოგობაზე ოცნებობდა და არა სიმღერის მასწავლებლობაზე. რას გაიგებ?

– ჰა, მოყევი, როგორ ხარ? – ისე მომჩერებია, თითქოს ერთი სული აქვს, როდის დაიწყება რაღაც, სასიცოცხლოდ მნიშვნელოვანი რიტუალი.

მარუსა, ჩემი თვალეზახულა, კეთილი მარუსა.

ამ წამს მივხვდი, რომ ცალმხრივი დახმარება არ არსებობს. რამდენიმე დღის წინ ვერაფრით დავუშვებდი, რომ ჩემი გაუთავებელი წუწუნის მოსმენა და რჩევის მოცემა, შეიძლება მარუსასთვისაც რამის მიმცემი ყოფილიყო. აბა, რა იცის ელისაბედმა, მისი დახმარების გადაწყვეტილების მიღება, საკუთარი პრობლემის გადაჭრაში როგორ დამეხმარა. რას წარმოიდგენს, მისი პრობლემის მოგვარებით, თავიც რომ უნდა გადავირჩინო. ადამიანები ვძლიერდებით, როცა ვგრძნობთ, რომ ვილაცას ძალიან ვჭირდებით.

ვუყურებ მარუსას, ჩემს მეგობარ მარუსას, იმის დახმარების სურვილით აციმციმებულ თვალებს ვუყურებ და ვგრძნობ, ახლა ჩემი „კარგად ვარ“ მისთვის „აღარ მჭირდების“ ტოლფასი იქნება.

თავს ფანჯრისკენ ვატრიალებ (რა ლამაზი ხედი ყოფილა, აქამდე როგორ ვერ შევამჩნიე?).

– ეჰ, ჩემი საქმე წასულია, მარუს...

ვეუბნები და ზურგსუკან, ჩემი პატარა მოსწავლეებივით, „ნიჩურიტას“ ვაკეთებ.



დიდაზანსი

„ჰაუა უხმარ ანს ბნიყვთათვის, ჰჰვა სოღნით მოიხმარაიხის“.

კალიუბა

1980 წელს ჟურნალი „თბილისის ფაუნა“ თბილისის ზოოპარკის შინაურულ ამბებზე ეგეთებს წერდა: „ვეფხვმა როზამ ტიხარი გაანგ-რია, ლომის გალიაში შეიჭრა და მათ შორის სამკვდრო-სასიცოცხლო ბრძოლა გაიმართა... აქამდე მეტად მშვიდმა და თვინიერმა ხარ-ირემმა „კობტამ“ მეზობელ ვოლიერში პატარა ლამა რქებით დაჭრა. მსგავსადვე მოეპყრო შფოთვაშეყრილი ხარ-ირემი ზოოპარკის მომვლელ ქალს – მრავალშვილიან მაცვალა სრისანიძეს...“

„თბილისის ფაუნაში“ წერდნენ იმაზეც, თუ როგორ დაჭრა ბეჭემოთმა „ტანიამ“ თავისი მეწყვილე „შალუნი“ – „შალუნისა და ტანიას მოცქერალმა ლომმა „კალიგულამ“ გალიის იატაკზე მცირე ხვრელი იპოვა, ლონიერი ბრჭყალებით იატაკს ერთი ფიცარი ააგლიჯა, შემდეგ მეორის აგლიჯვას ცდილობდა, რაც სრულებით საკმარისია იმისთვის, რომ გარეთ გავიდეს...“ მეოცე საუკუნის „ტკბილოთხმოცდაათიანებში“ თბილისის ზოოპარკის მდგომარეობა ბევრმაგად დაძძიმდა. ყოვლად უღალი სამოქალაქო ომის გადაძვიდე, დედაქალაქის ზოოპარკს ყურადღებას აღარავინ აქცევდა. სწორედ იმ პერიოდში შიმშილისგან ბევრმა ცხოველმა გაფშვკა იქ ფეხი. ამურის ვეფხვები, თეთრი დათვი, აზიური ჯიქის ოჯახი, ბენგალური ვეფხვები, ზებრების ოჯახი, აფრიკული კამეჩის წყვილი, ოცელოტის წყვილი – ყველას ამ ავბედიტმა პერიოდმა მოუღო ბოლო. ეგ კი არა, ზოოპარკის თანამშრომლები, უსახსრობის გამო, იძულებული იყვნენ, ერთი მკვდარი ცხოველით მეორე (ჯერ კიდევ ცოცხალი) გამოეკვებათ და ეს ყველაფერი თავისი თვალთ ენახათ.

დედისერთა შოთიკოს ფაუნასადმი უსაზღვრო სიყვარულის ნიჭი პაპის, ცნობილი სოციალისტური შრომის გმირის, ზოოლოგ როსტევეან ლომიძისგან დაჰყვა – ასე ვარაუდობდნენ მისი, საბჭოთა ცალგანზო-

მილებიან, მატერიალისტურ გაგებაში ღრმად ჩარჩენილი, მწვავედ დანევროზებული პედაგოგი მშობლები ავთო და თინანო. ბალის ასაკიდან მოყოლებული რას აღარ მოათრევდა ხოლმე შოთიკო სახლში ოჯახის გულისსახეთქად: კუ, ზღარბი, ზაზუნა, წყლის გველი, მერცხალი, ძაღლის ლეკვი, კნუტი, ციყვი, ბუ, ზღვის გოჭი, გომბემო – ყოველ მათგანს შოთიკოს ბინაში მონაცვლეობით, ზოგსაც კი, სულაც ერთად ჰქონდა რაღაც პერიოდი გატარებული. თავნება და ცხვირაწეული შოთიკოს გაბრაზებას ბავშვობიდან ყველა ერიდებოდა (ისტერიკული გადაფიჩინება და გულყრა იცოდა სასტიკი), შოთიკოსთან პედაგოგიკურ მიდგომებში ავთოც და თინანოც საკმაოზე მეტად მოიკოჭლებდნენ, შესაბამისად ამ ცხოველ-ფრინველის მასობრივი ექსპანსიის საპროტესტოდ ოჯახში კრინტს ვერავინ ძრავდა.

ერთ გრილ საღამოს, შოთიკომ საიდანღაც საერთოდაც უზარმაზარი, თვალეზადმოკარკლული ხვლიკივით არსებაც კი მიიყვანა სახლში და კივილით აყარა სკამებზე მთელი ოჯახობა. მერე ეს მოზრდილი ხვლიკის ბიძაშვილი, მას და ცნობილ როსტევეან პაპას კაი ხანს წყლით სავსე სააბაზანოში ჰყავდათ გამოკეტილი, მშობლები კი, ამ არსების შიშით, მეზობლებში იბანდნენ ტან-პირს. ყველაფერი მას შემდეგ დალაგდა, როდესაც გაირკვა, რომ ეს ხვლიკი კი არა, პაწაწინა ნიანგი იყო, რომელიც შოთიკოს ზოოპარკის ტბორიდან ოსტატურად აეცინცლა. ავთოს და თინანოს დიდი ხვეწნა-მუღარის შემდეგ, შოთიკომ და როსტევეან პაპამ აბაზანაში გამოკეტილი ხვლიკისხელა ნიანგი ზოოპარკს ერთად, საზეიმოდ ჩააბარეს და ფეთქებადი ოჯახური ატმოსფეროც მაშინვე განიმუხტა.

სახლში დედ-მამისა და პაპის, ხოლო სკოლაში, პედაგოგთა მთელი დასის ზერეულე მცდელობების მიუხედავად, სკოლაში სწავლითაც არ ივლავდა თავს შოთიკო. მთელი თერთმეტი წლის განმავლობაში ერთი

ისეთი მასწავლებელიც კი არ შეხვდა, რომელიც მის მწირ თვალსა-
წიერს სხვანაირ წყალს დაუსხამდა, გააფართოებდა და უფრო გო-
ნივრულ კალაპოტში მოაქცევდა. ამის გამო იყო, რომ სასწავლებლის
დამთავრებისას დიდად ვერც კი განარჩევდა ერთმანეთისგან შ-ს და
წ-ს, და ძ-ს და ხ-ს. ზოგადსაკაცობრიო ამბებისა და გარე დარგების ხომ
საერთოდ არაფერი გაეგებოდა – მთელი მისი გულისყური მხოლოდ
ცხოველ-ფრინველისკენ იყო მიპყრობილი პრიმიტიულად. ამ მხრივ
სახლის მდებარეობაშიც გაუმართლა შოთიკოს:

ის ხილიანის ხევის პირას მდგარ კორპუსში ცხოვრობდა, საკუთრივ
ხევიში კი, ცხოველთა ვოლიერებით გადაქცევილი ზოოპარკი იყო
გაშლილი. შოთიკომაც ზებირად იცოდა ყველა იქაური ბინადრის
ავან-ჩავანი. ის ლამის ყოველ საღამოს სცემდა ბოლთას ზოოპარკში
კლასელ ძმბიჭებთან ერთად და სასაცილო პაპიროსებს აგემოფ-
ნებდა. ეს იქამდე, ვიდრე ზემო კორპუსის ფანჯრიდან დედა-თინა-
ნოს პირმეხი კივილი არ გაჰკვეთდა ფიჭვის სურნელით გაჯერებულ
ზოოპარკის ჰაერს და შოთიკოსაც ახსენდებოდა, რომ სახლშიც
პატარა ზოოპარკი ელოდა ცისფერი თუთიყუშების, კატის ზოლ-
ბიანი კნუტის, დაყრუბული ტერიერის, ქალარა ბუს, ოთხი პატარა
კუს, უზარმაზარი ზღარბის, დედა-მამისა და როსტეგან პაპის სახით.

ცხოვრებაში პირველად რომ გააბოლა პაპიროსი, შოთიკომ მეტად
უხერხულად იგრძნო თავი. ბიჭები ერთხმად ახვინებდნენ და
მისკენ იწყეს თითის შვერა – შოთიკო სერიოზული სახით იდგა
და ყოველ მათგანს ატყობდა უცნაურ ცვლილებას, რასაც თავად
ვერაფრით გრძნობდა საკუთარ თავში. ასე განმეორდა კიდევ რამ-
დენჯერმე. შოთიკო მუდამ მონუმენტივით სერიოზული იყო. მერე,
ერთხელაც ისე მოხდა, რომ შოთიკო ტკივილამდე ფეხებგაპარსულ-
მა უცხოელმა ცოლ-ქმარმა ტურისტმა დააბოლა ზოოპარკში. სულ
ორი ნაპასი შეხვდა გადმოწოდებული პაპიროსიდან, თუმცა ესეც
სრულიად საკმარისი აღმოჩნდა, შოთიკოს ერთი მხარგრძელად
გაეღიმა და თვალეხი ნებიერად მოეხუჭა.

დახუჭულ თვალეხში ნამდვილი ჯუნგლისპირეთი ნახა შოთიკომ
იქვე დუნედ მოლივლივ, ნიანგებიანი მდინართურთ. გახევებულ
იდგა მდინარის პირას. ჭრიჭინების ლალი ჭრიჭინი კეთილთვისე-
ბიანი ჭვავივით დაუდიოდა სხეულში. სადღაც ბაყაყების გუნდი
გამოდოდა. მეტზე ვერ წავიდა წინ შოთიკო იმ ჯერზე. ის იმავე
უცხოელებმა მოაფხიზლეს - რა გჭირსო. შოთიკოს მაღლობის
თქმაც კი დაავიწყდა, იმდენად მოხიბლული იყო ამ აღმოჩენით.
უთქმელად გატრიალებული ამყად გაუყვა ზოოპარკის ხეივანს
მდინარე ვერესკენ. ბუჩქებში გამძვრალი ქვაზე ჩამოჯდა და მდინა-
რეს ჩააცქერდა. აქაც დახუჭა თვალი შოთიკომ და ისევ ჯუნგლის-
პირა მდინარესთან აღმოჩნდა. სურათი არ შეცვლილიყო. შოთიკო
ვერაფრით მიხვდა მაშინ, რომ უზარალოდ ნაბიჯი უნდა გადაედგა
და ყველაფერი ისე წაეწყობოდა, როგორც თავად მოისურვებდა.
თუმცა კი, ადგილზე მდგომმა მაინც დავკვირვებით მოათვალეირა
იქაურობა. ერთი, რაც კარგად დაიმახსოვრა, მდინარის ნაპირზე
უპატრონოდ მოტივტივე, ბამბუკისგან შეკრული ტივი იყო. იქვე,
სველ ლამში ბამბუკის ჯოხიც იყო დარჭობილი. შოთიკომ თვალი
გაახილა და პროექციის გაგრძელება შემდეგი მოწვევისთვის გადა-
დო. ამის მერე ყველაფერი კალაპოტში ჩადგა.

უმაღლესში ჩაბარების დრო რომ მოახლოვდა, შოთიკოს მშობლე-
ბი და როსტეგან პაპა მიხვდნენ, რეპეტიტორებში ფულის ხარჯვა
იმავე ფულის მდინარე ვერეში გადაყრის ტოლფასი იქნებოდა.
ანდა, სად იყო ასეთი, არაფერში გადასაყრელი ფული. გზაც უცებ
მოინახა: ყველაფერი ისევ შოთიკოს ცხოველების მიმართ სიყვ-
რულმა გადაწონა. ზოოვეტი უმაღლეს სასწავლებელთაგან საუკე-
თესო ვარიანტი აღმოჩნდა ვაჟის გასასტუმრებლად, მაგრამ იქ
ჩასაბარებლადაც მომზადება იყო საჭირო, რაც ისევ ართულებდა
საქმეს. ენერგიულმა დედა-თინანომ ტელეფონზე აქეთ-იქით რეკ-
ვით საჩვენებელ თითზე კოჟური გაიჩინა, მაგრამ იმდენი კი გაიგო,
რომ დარგობრივად მიხლოვებულ ადგილას ერთწლიანი მუშა-
ობის „სტაჟ-გამოცდილება“ შოთიკოს უგამოცდოდ ჩარიცხავდა
ზოოვეტში და სტუმრებდა აქცევდა. დიდი დავი-დარაბა ამას უკვე
აღარ დასჭირვებია – ყველაფერი თბილის-ქალაქურად მოგვარდა:
სოციალისტური შრომის გმირის, დამსახურებული ზოოლოგის
როსტეგან ლომიძის სახელმა ყველაფერი გადაწონა და მისი მხრი-
დან პროტეჟეობაც იოლად გაიწია – შოთიკო ზოოპარკის ცხოვე-
ლების მომვლელ მუშაკთა შტატში უპრობლემოდ ჩაირიცხა. მალე
ამ ამბავს როსტეგან პაპაც პირზე მრავლისმეტყველი ლიმილით
გადაჰყვა და გაცილებით უკეთეს სამყაროში დაიდო ბინა.

ამის შემდგომ, შოთიკო სახელოვანი როსტეგან ლომიძის საქმის
„ღირსეულ“ გამგრძელებლად იქცა, რაზეც მოწმობდა ის შავ-თეთ-
რი ფოტო, რომელიც პიანინოს თავზე ეკიდა. იქიდან, რაც უნდა
გასაკვირი ყოფილიყო, როსტეგან პაპა, რომელსაც შოთიკო ძალიან
ჰგავდა, ყოველდღე სულ უფრო ფართოდ უდიმოდა ყველას და თან
მქრქალდებოდა. ამას ყველანი ამჩნევდნენ. მამა-ავთანდილი ამ
ფაქტს ფოტო-ქალღმის დაძველებას მიაწერდა, დედა-თინათინი
ფოტოგრაფიის მომგონს და თანამედროვე ფოტოგრაფებს წყევ-
ლიდა, შოთიკო არაფერს ამბობდა – უზარალოდ როსტეგან პაპის
გალიმებულ ფოტოს ხანგამოშვებით, შეთქმულის ლიმილით უკრავ-
და ხოლმე თვალს, თითქოს მსოფლიოში ყველაზე მეტი ესმოდა და
საერთოდ რამე გაეგებოდა.

სამსახურში სიარული შოთიკოს ყოველდღე უწევდა. სამუშაო
მარტივი იყო: ზოოპარკში ადრიანად მისულს სწრაფად უნდა გა-
მოეცვალა სამოსი, გადაეცვა სპეციალური უნიფორმა და წინასწარ
შემუშავებული გრაფიკის მიხედვით დაენაწილებინა საკვები არც-
თუ დიდი ხნის ნაცნობ-მეგობრებისთვის ვოლიერებში.

თავიდანვე გაუიოლდა ამ საქმის შესრულება შოთიკოს. ცხოველ-
ფრინველებმა მაშინვე როგორც აშკარად შინაური, ისე მიიღეს ის.
შესაბამისად, შოთიკოს ზოოპარკის თითქმის ყველა ცხოველთან
ახლო ურთიერთობა ჩამოუყალიბდა: სულ მალე ის უკვე ყველას-
თან თავისუფლად, თამამად შედიოდა ვოლიერში, უნაწილებდა და
უყრიდა ბაგაში კუთვნილ პორციას. გალიაში ცხოვრებისგან და-
ნევროზებულეები ცხოველები ფეხის ხმაზეც კი ცნობდნენ თავიანთ
ახალ, კეთილ დამპყრებელს და მის დანახვებზე, როგორც წესი, უმაღ
უთვინიერეს არსებებზე იქცეოდნენ ხოლმე.



განსაკუთრებული ურთიერთობა შოთიკოს ზოოპარკის ერთადერთ ლომთან აეწყო. მუდამ ამყად და მედიდურად მიმოსიარულე ცხოველთა მეფე ყოვლად დამცირებული იყო მის ხელში. გალიაში არხინად შესული შოთიკო მარჯვენა ფეხს ძირს რომ დააბაკუნებდა, ცხოველთა მეფე მაშინვე გალიის კუთხეში იყუჩებოდა და მორჩილად ელოდა, თუ როდის დაუტოვებდა შოთიკო დიდ ჯამში კუთვნილ ულუფას და გავიდოდა გალიიდან. ლომი გრძნობდა, რომ შოთიკო აქ უკვე მასზე უფრო ლომი იყო.

ამავე ლომთან ურთიერთობაში შოთიკო სულ მალე ისე გათავებდა, რომ მისი გალიის უკანა, ანუ ლომის ხრიოკ სასეირნო ეზოს ზუსტად შუაცენტრში, სადაც ცხოველთა მეფე არცთუ იშვიათად გადიოდა და დარბაისლური ბრდღვინვით დასეირნობდა ხოლმე, მოსაწევი ბალახი დარგო. ლომის ეზოში შესვლას მხოლოდ შოთიკო ბედავდა და მისი ყოველი კუთხე-კუნჭული დაწვრილებით ჰქონდა შესწავლილი. მისი დარგული დედალ-მამალი ძირები მალევე ამოიწვერნენ და შოთიკოც წამით არ აკლებდა არცერთს მოვლა-პატრონობას. მცენარეებმა უცებ აიყარეს ტანი. მამალ ძირს სადაც შუა გზაში თავისი დაემართა: დამტვერვითი ფუნქცია პატიოსნად შეასრულა, ყვაილები გამოიღო და შოთიკომაც ის მაშინვე ძირში მოსხიბა.

ეულად დარჩენილი, განაყოფიერებული დედალი ძირი კი, იმ სიმაღლის განდა, რომ გაუსადღის თბილისურ პაპანაქებაში ლომი ხშირად მის ჩრდილში იწვა ხოლმე და ასე ემალებოდა თავარა მზეს. ლამის მოშინაურებული ცხოველთა მეფის ხათრით შოთიკომ მცენარეს „მეფის და“ დაარქვა. მიუხედავად იმისა, რომ მცენარე ყველა მზრიდან ჩანდა, ლომის სახით მას საპატიოზე საპატიო ყარაული ჰყავდა. შესაბამისად, აბა რომელი ამ მცენარის მოტრფიალე გაბედავდა ცხოველთა მეფის შიშით შიგნით შესვლას, ლომის დობილის გაპუტვას, ან სულაც მთლიანად მოთხრა-მოპარვას. „მეფის და“ სწრაფად იზრდებოდა და შემოდგომის პირზე კაი წებოვანი თავთავებითაც დაიჩუნჩხლა.

ქეშურ პროექტებში ტივით მდინარის მეორე ნაპირზე კაი ხნის წინ გადასულ შოთიკოს „მეფის დის“ გაბოლებადა მერე ამ წარმოსახვებში ნებივრობა ზოოპარკის ემშაკის ცარიელ ბორბალზე უყვარდა. ასეთად რომ

დაიგულებდა ბორბალს (რაც საკმაოდ ხშირი იყო), ერთ-ერთ ცარიელ კალათაში მოკალათებული, მექანიკოს შერმადინს თხოვდა, კალათის უმაღლეს კენწეროში ასვლისას დენი გაეთიშა და ბორბალი საერთოდ გაჩერებინა. სულ ზემოთა ზღვარზე გაჩერებულ, ოდნავ მოქანავე კალათაში მჯდომი შოთიკო თუთუნგამოყრილ სიგარეტში შეხუჭუჭებულ თავთავის წებოვან ნაგლეფს ხუთ-ექვს ნაფაში კლავდა. მერე ერთს გალიებდა, ცხვირს მოიქავებდა და ხელისგულებს იფშენებდა.

აქედან და ასეთ მდგომარეობაში თბილისის სულ სხვანაირი, გაცილებით ფერადი, საინტერესო, თავისუფლად მსუნთქავი და თავის ნებზე მიშვებული ჩანდა. ქალაქის ერთ მხარეს რომ მოინელებდა, მზერა ქვემოთ გადაჰქონდა. იქ წერტილისოდენა ცხოველები იყვნენ გამოკეტილი. მეორე მხარეს, ხევისთავზე, შოთიკოს კორპუსოვანი უბანი იყო გაშლილი. აქედან ყოველი კორპუსის ყველა სართული იოლად იკითხებოდა. ასეთ ურბანულ რეალობასაც რომ მოიხებრებდა, ფეხებს შეიკეცავდა და თავისი მოკლე ჭკუით – აღმოსავლურ ყაიდაზე ჯდებოდა შოთიკო ცარიელი კალათის სკამზე. თან თვალებს ხუჭავდა და ვიზუალურად ხედავდა სასურველ ამბებს გონებაში.

ამბები შოთიკოსავით ისევე სწორხაზოვანი იყო... იქ შოთიკო საკუთარი თავისთვის სწორედ რომ დიდ მშვიდობაში ნეტარებდა – თავს მუდამ აუცილებლად იმ შორეულ, წარმოსახვითი ჯუნგლების პირას დინჯად მობორილედ წარმოიდგენდა ხოლმე... მეტს მისი ფანტაზია ვერაფრით წვდებოდა, თუმცა ის ამითაც კმაყოფილი იყო. შოთიკოს ეს ტყიური პროექციები რალაცნაირი, მარტივი ზოო-სიყვარულით იყო გაჟღენთილი. ნაცნობი და უცნობი ცხოველები ტყიდან კულის ქიკინით გამოდიოდნენ და შოთიკოც ყველას, როგორც კაი ძველ ნაცნობებს, ისე ექცეოდა. თან მზრებსა და თავზე ჭრელა-ჭრულა ფრინველები ასხდებოდნენ. მათაც შინაურულად ეაღერსებოდა შოთიკო და საერთოდ ვერ ხვდებოდა, რომ ეს ჯუნგლებიც, ეს ცხოველ-ფრინველიც და ყველაფერი, რასაც კი გონებაში ხედავდა, მისი შექმნილი იყო და შეეძლო, საკუთარ ნებზე მოპყრობოდა. წარმოსახვებს რომ მოილევდა, შოთიკო ფეხზე დგებოდა და მექანიკოსის გასაგონად ყვიროდა:

– დამიშვა, შერმადინ! – და მექანიკოსიც ნაცნობი ყვირილის გაგონებზე ლილაკზე კოჟრიანი თითის დაჭერით ისევ ამოდრავებდა გაჩერებულ ემშაკის ბორბალს.

იმ დღეს ისეთი წინათგრძობით გაეღვიძა შოთიკოს, თითქოს რაღაც ძალიან მნიშვნელოვანი უნდა მომხდარიყო მის ცხოვრებაში. ტრადიციულად აბუზღუნებულ დედ-მამას გულგრილად აუარა გვერდი. აბაზანიდან გამოსული, უჭმელად აპირებდა სამსახურისკენ წასვლას, რომ პიანინოს თავზე ჩამოკიდებულ როსტეგან პაპის ფოტოსკენ გაექცა თვალი და ადგილზე გახევდა – ფოტო ცარიელი, ხოლო როსტეგან პაპა კი აორთქლებული დახვდა ჩარჩოდან.

– კაპუტ, თქვენი ვეფხისტყაოსანი! – მიუთითა ფოტოზე დიდიდან საჩხუბარი მიზნის ძებნაში მოზოდილად ამრეზილ მშობლებს შოთიკომ და მათ რეპლიკებსა და ემოციებს აღარ დალოდებია, ისე გაჰყო თავი ქუჩაში.

სანამ სამსახურამდე მივიდოდა, კიდევ ერთმა უცნაურმა შეგრძნებამ დაუარა – მან აშკარად იგრძნო, რომ როსტეგან პაპა ფოტოდან არათუ აორთქლდა, არამედ იმ თავისი ყარაჩოხლურ-დარდიმანდული ღიმილით, შვილიშვილში, ანუ მასში გადმოინაცვლა. ამ შეგრძნებაში რომ გამოიჭირა თავი, შოთიკომ ნაბიჯი შეანელა და უცებ მიხვდა, რომ როსტეგან პაპასავით ილიჩებოდა და მართლაც მასავით მიაბიჯებდა.

ეს შეგრძნება არავისთვის გაუზიარებია შოთიკოს. იმ დღით ჩვეულებრივად დაფიქსირდა ზოოპარკის მუშაკთა უფროსში, გადაიცვა სამუშაო ხალათი, გამოაგორა ცხოველთა საკვების საწყობიდან პროვინით დატვირთული ურიკა და ვითომ-არხეინად დაუყვა გალიებს. რაღაც დიდი გაუგებრობა რომ ხდებოდა მის თავს, კი ხვდებოდა, მაგრამ გაუნათლებლობა და მწირი თვალსაწიერი არ აძლევდა საშუალებას, რამეს იოტისოდენათი მიანიჭ მიხვდარიყო. „მგონი გავრეკე, ამის დედაც...“ – მხოლოდ ეს სიტყვები უტრიალებდა თავში გამუდმებით და ის როსტეგან პაპის ღიმილი და საბრუნის მანერაც არ ეშვებოდა.

საჭმლის პირველ ჩამოტარებას უცებ მორჩა შოთიკო. გალიათა მეორე რიგში რომ გადაინაცვლა, ცხოველთა მეფე, უფრო სწორად კი, მის ეზოში მდგარი უხვთავთავიანი „მეფის და“ გაახსენდა და ინსტიქტურად იგრძნო, რომ ამ უცნაურობაზე პასუხი იქ და წარმოსახვებში უნდა ეძია. ამიტომ, საკვების მეორე ჩამოტარებაც ცინცხლად შეასრულა. პარალელურად, ლომის ეზოდან ხეს ერთი ზემო თავთავი წააწყვიტა, ძმობილ ლომს ყურისძირი მოფხანა და იქიდან გამოსული სასწრაფოდ ზოოპარკის ემშაკის ბორბლისკენ გაეშურა.

მექანიკოს შერმადინს, რომელსაც გაპობილ მთვრალს ეძინა ჯისურში, შოთიკომ ვერაფერი გააგებინა. ამიტომ, თავადვე ჩართო ცარიელი ემშაკის ბორბალი და პირველივე კალათას შეახტა. თავთავი იქვე ჩაიფშენა ხელისგულში და ცარიელ პაპიროსში უცებ შეაბზრილა. მერე ზუსტად ოთხ გულისგამაწვრილებელ ნაფაზში მოკლა პაპიროსი და ნაშევი წკაპურტით მოიშორა.

ქალაქი ისევ ფერებად იყო აჭრილ-აჩეხილი. დასავლეთ ჰორი-ზონტზე დიდი შავი ღრუბლები ელაგა. შოთიკომ ქვემოთ ჩაიხედა და ცხოველების ვოლიერებს მოავლო მზერა. მიხვდა, რომ დილის უცნაურმა შეგრძნებამ კი არ გაუარა – უფრო მეტიც, უფრო ღრმად გაიდგა მასში ფეხი. შოთიკო საკუთარი პრიმიტიული გუმანით ხვდებოდა, რომ რაღაც ჯერაუსხნელი ხდებოდა. იქვე ისიც გაახსენდა, რომ სიგარეტსაც როსტეგან პაპის მანერით ეწეოდა ბავშვობიდან მოყოლებული, ანუ მოწვევისას ფილტრს კბილებით ღეჭავდა.

მისდა ბედად, ქვემოთ მიბიჟინებულ შერმადინს ზუსტად მაშინ გაეღვიძა, შოთას კალათა ემშაკის ბორბლის კენწეროში რომ მოექცა.

თვალმოწირპლულმა შერმადინმა ბორბალი ღილაკზე თითის დაჭერით გააჩერა და ისევ ძილის ღვთაებას ჩაბარდა. შოთიკომ კი, ამ დროს ძველებურ მეთოდს მიმართა და ყურებამდე გალიმებული, სკამზე ისევ ვითომ-აღმოსავლურად მოკალათდა. მერე თვალი დახუჭა და წარმოსახვაში უმაღლესებურად ჯუნგლების პირას აღმოჩნდა.

ნაცნობმა და უცნობმა ცხოველებმაც ტრადიციულად იწყეს ტყიდან გამოსვლა და შოთიკოზე შინაურულად აგლესვა. ტყის ფრინველმაც იხუვლა და ცისარტყლისფრად დაიხუნძლა მისი გამართული მხრები.

შოთიკო არხეინად, საზეიმო განწყობით მიაბიჯებდა ტყისკენ, როდესაც უცნაური ხმა მოესმა და შორიხლოს მდგარ ხეს შეუშინებულად ამოეფარა. ხმა მეორედებოდა და სმენას უსიამოვნოდ ჭრიდა.

ფრთხილად გაიხედა შოთიკომ სამალავიდან და მოშორებით ვიღაც მაცხენიანი კაცი დაინახა. კაცს ხის განივ ტოტზე უკანა ფეხებით დედალი ვეფხე ჰყავდა ჩამოკიდებული. ვეფხეს ისარი ჰქონდა გულში გარჭობილი და სიკვდილს ებრძოდა. კაცი თავის ხმაღს ლესავდა და სწორედ ეს ხმა იყო, შოთიკოს მთელ ტანზე ნაოიან ობობებად რომ აყრიდა.

– რა ხდება, ე? – გადაუჩურჩულა შოთიკომ იქვე მდგარ ჯავშნოსან მარტორქა რინოს.

– ტყავს გააძრობს და შემოიცვამს. – თვალებით უთხრა რინომ და იქვე ატუზულ ჟირაფ ჟირინას ახედა.

– ათავისუფლე მონები... – აუუუუუნდა ცრემლისგან მზერა ჟირინას.

– ის მასტი ვინაა? – ისევ ჩურჩულით იკითხა დაზაფრულმა შოთიკომ.

– ფსიქოპათია ვიღაცაა!.. – გაეპასუხა შოთიკოს მხარზე მჯდომი ბარის არწივი თემო და შოთიკოს თმაზე ნისკარტი შეიწმინდა. – ტირის სულ, და ხოცავს ყველას და ყველაფერს... სახელ-გვარსაც არ ეკითხება, ისე...

– ფსიქოპათია რას ნიშნავს? – ჩურჩულით იკითხა შოთიკომ.

– გიჟს, რომლის თავისუფლებაც – ჩიხია... – უპასუხა დიდმა ჭალარა ზღარბმა ზაზამ.

„ჩიხი რაღაა?“ – უნდოდა ეკითხა შოთიკოს, მაგრამ მოერიდა.

– შენია ეს ყველაფერი! ნურაფრის გემინოდეს! ათავისუფლე მონები, მიდი, მართე და გაიმარჯვე! – მოესმა ამ დროს სადღაც შიგნიდან პაპა როსტეგანის ხმა შოთიკოს და ისე დაფრთხა, რომ იგრძნო – ცოტაც და ჩაისვრიდა.

წარმოსახვიდან უცებ გამოერკვა შოთიკო, მიმოიხედა და თავი გაჩერებულ ემშაკის ბორბალზე აღმოაჩინა. უკვე საღამოვდებოდა. სამხრეთ-დასავლეთის ცა ქალაქისკენ უმუშურ ღრუბლებს მოაფრიალებდა.

„ეს რა იყო, ჩემი კაი?“ – შოთიკო კიდევ უფრო უცნაურმა და უცნობმა შფოთმა შეიპყრო. შფოთს გამწოვი ხვრელის ფორმა ჰქონდა და თითქოს სასიცოცხლო ენერგიას ბოლომდე განიწოვდა. ამ დროს, თავისდაუნებურად, ბავშვობისდროინდელმა ისტერიკულმა გადაფრინებამაც წამოუარა შოთიკოს, როგორც თავდაცვითმა ინსტიქტმა – ცრემლებმა შადრევანივით იხუვლეს თვალებიდან და უშეუი ცხოველური წკუშუტუნ-ყბილიც კი დასცდა ლამის კრიჭამეკრული პირიდან.

„დაბრუნდი უკან და ათავისუფლე მონები! შენია ის ყველაფერი! ნუ გეშინია, ბაბუ!“ – თხოვდა შოთიკოს პაპა როსტევენი შიგნიდან, მაგრამ შოთიკოს უკვე აღარავის ყურისგდების თავი არ ჰქონდა.

„ათავისუფლე მონები, ათავისუფლე მონები...“ – ამ იოლი აზრით ეცვებოდა შოთიკოს მთელი სხეული: სისხლი, ძვლები, ხორცი – ყველაფერი ამ იდებით იყო გაჟღერებული. მაგრამ ვისთვის, როგორ და რატომ უნდა ეშველა, ეს კი უკვე ზუსტად აღარ იცოდა და არც პაპა როსტევენის ხმის ჯეროდა.

კვლავ თვალების დახუჭვა და ძველებურად ტყისპირა წარმოსახვაში დაბრუნება აღარ უცდია შოთიკოს. ეგ რომ ექნა, იქნებ გამოსავალიც ეპოვა და ყველაფერი სხვანაირადაც გაგრძელებულიყო. ერთი კი იყო, მას უკვე უფრო შიში მართავდა, ვიდრე ცოდნა, ინტუიცია, წინათგრძობა ან ბრძნული ლოგიკა, და როგორც შემდეგში მოიქცა, ეს მისი ყველაზე მარტივი, მიწიერი არჩევანი იყო. საზარელი შიშით აღვსილი ჯერ კალათიდან გადმოიხარა და პარანოიდულ ისტერიკაში ჩავარდნილივით „შერმადინის“ კივილს მოჰყვა, თუმცა მის ძახილს, ისევ შორიდან მოვარდნილი ელ-ჭექისა და გრუხუნის ხმა ფარავდა.

შოთიკო მალევე მიხვდა, რომ ასე ვერავის ვერაფერს გააგონებდა და გაჩერებულ ეშმაკის ბორბლის ლითონის კონსტრუქციას აცახცახებულნი დააკვირდა. „ათავისუფლე მონები...“ – ისევ ამ იდებით გაჯერებული, ფრთხილად, ნაბიჯ-ნაბიჯ შეუდგა ბორბლიდან ქვემოთ დაშვებას. ერთი-ორჯერ ფეხიც აუსხლტა, მაგრამ ძლიერმა ხელემა გადაარჩინეს, და აი ასე – ხან სად და ხან როგორ ჩამოკონწიალებული, კაი ნახევარი საათის შემდეგ მაინც დაემუშა ზოოპარკის ასფალტოვან მიწამდე და ზედ საჯდომით ზღართან გააღინა. ძირს ჩამობრავანებული შოთიკოს დანახვებზე ზოოპარკის ცხოველებს სიხარულის ტალღამ დაუარათ და ყველანი ერთბაშად გააქტიურდნენ:

მოუსვენარმა ჰამადრილებმა და სხვა მაიმუნებმა თავიანთ საქანელებზე იწყეს კონწიალი. სხვებმა ხეებზე ტომას უხშირეს. ძირს მყოფი ბებერი მწვანე ანთარი მიწაზე აკოტრიალდა. მურა დათვები ორ ფეხზე დადგნენ და ადგილზე აბუქნავდნენ. სირაქლემამ ეშუმ თავის ეზოში ფრთების ფათქუნით იწყო წრებზე სირბილი და ყივილისმაგვარი ხმის გამოცემა. უზარმაზარმა აზავერებმა ერთმანეთთან სიყვარულობანას თამაში შეწყვიტეს. პრეფექტის ცხენი, ანტილოპები ელანდი და კუდუ, კამერუნის თხები და აღმოსავლურ-კავკასიური ჯიხვები ადგილზე აკუნტრუშდნენ და ტლინკების ჰაერში სროლა დაიწყეს. ბენგალური ვეფხვი მასკა და ლეოპარდი ლეო თავიანთ გალიებში ნერვიულად აწრიალდნენ. ახმაურდნენ ზოლებიანი აფთრები, გიბონები, აფრიკული ველური ძაღლები, მარტორქები, ზებრები და რუხი მგლები. ზოოპარკში დიდი აურზაური იწყებოდა.

ადრე, მის ჩასაცხრობად საკმარისი იყო, შოთიკო ცხოველთა საკვების საწყობში შესულიყო და იქიდან დიდი შავი ყუთით ცხოველებისთვის სადამოს საჭმელი დოზა გამოეგორებინა. ამჯერად კი, სულ სხვა ზრახვებით იყო შეპყრობილი და მას მხოლოდ ინტუიცია და მარტივი ველური ინსტიქტები მართავდა.

მექანიკოს შერმადინის ჯიხური დაკეტილი და ცარიელი დახვდა. შავლრუბლიანი ცის გუგუნე ჯერ კიდევ შორიდან ისმოდა, თუმცა ამკარად ეტყობოდა, რომ მალე სამინელი ლვარცოფი დაიწყებოდა.

„...ათავისუფლე მონები...!“ – გაახსენდა ისევ წარმოსახვის შავცხენიანი ჯეელი. ეს განზრახვა მყარად ჩაიდულაბა გონებაში შოთიკომ

და ცარიელ, ბინდუნდიან ზოოპარკში მარტოდ დარჩენილი, გალიების გაღებასა და იქიდან ცხოველ-ფრინველთა გარეთ გამოშვებას, ანუ მათ გაათავისუფლებას შეუდგა.

ყველაზე ბოლოს, ცხოველთა მეფე გამოუშვა შოთიკომ ვოლიერი-დან. „მეფის და“ საერთოდ არ გახსენებია. კანაფის ხისკენ არც გაუხედავს. უკვე მუხლებამდე წყალში მდგომი, ხილიანის აღმართის ერთ-ერთ სველ ბილიკს ფართხა-ფურთხით აუყვა. მდინარე ვერე შავად და სახიფათოდ იწყებდა ადიდებას.

ამ ამბიდან ოთხი დღის შემდეგ, ბახტრიონის ქედის მიყრუებულ წვერზე იჯდა შოთიკო, ცხოვრებაში პირველად ილიაში სქელი წიგნი ამოეჩარა და უკვე დაწყნარებულ მდინარე ვერეს ხეობას თვალუბამოწითლებული გასცქეროდა.

რალაც ძალიან დიდი და მიუტევებელი რომ მოხდა, ამას უკვე მთელი არსებით გრძნობდა. ამ დღეებში თითქოსდა უცებ დაკაცებულიყო შოთიკო. ტრაგედიაში, რომელიც მთელმა მსოფლიომ გულთან მიიტანა და მხოლოდ მდინარე ვერეს კალაპოტიდან გადმოსვლას დაბრალდა, მხოლოდ მან იცოდა, რომ მისი გაუნათლებლობის და უფიცობის გამო, მისივე დიდი წილიც ერია და დამნაშავედ გრძნობდა თავს. მას ხომ სრულიად სხვა რამ ჰქონდა განზრახული. რამდენიმე დღის წინ ის ფიქრობდა, რომ ცხოველების გაათავისუფლებით წარმოსახვის ღმერთის დავალებას ასრულებდა.

ქვემოთ ტრაქტორები და ექსკავატორები მუშაობდნენ და მუყაითად წმენდნენ მდინარის ხეობის დაღამულ ნაპირებს. დედაქალაქი ჩუმად გლოვობდა მცირე წარღვნის დროს დაღუპულებს. სადღაც იქით, ვეფხვს კაციც კი შეეჭამა ამ გაგანია „ვეფხისტყაოსნის“ ქვეყანაში. არ ჩანდა სხვა ცხოველ-ფრინველიც – ნაწილი წყალდიდობას შესწირვოდა, ზოგს კი, უბრალოდ თავისთვის ეშველა და ქალაქის შემოგარენის ტყეებისთვის შეეფარებინა თავი. სამაშველო რაზმები ყველა მიმართულებით ეძებდნენ სხვადასხვა გარეულ და სახიფათო ცხოველს. ნაწილი უკვე ეპოვათ და ისევ უკან, გალიებში დაებინავებინათ. საინფორმაციო გამოშვებები ენას არ აჩერებდნენ და გამუდმებით გადმოსცემდნენ ახალ ამბებს, რომელიმე გარეუბანში აღმოჩენილი და დაჭერილი ცხოველის-ფრინველის შესახებ.

შოთიკო ხვდებოდა, რომ ამის შემდეგ, თავად უნდა ეპოვნა საკუთარი უმეტრების წამალი. ფეხზე წამომდგარმა ჯერ წიგნს დახედა. მერე მონიშნულ გვერდზე გადაშალა და ტურების ცმაცუნით წაიკითხა:

„მიეც გლახაკთა საჭურჭლე, ათავისუფლე მონები...“

მერე წიგნი ისევ ილიაში ამოიღო, ყურსაცვამი მოირგო და ვიდრე ცნობილი პაპის, სოციალისტური შრომის გმირის, ზოოლოგ როსტევენი ლომიძის ბიჯით დაუყვებოდა გზას სახლისაკენ, ყურში შემდეგი სიმღერის ნაფლეთი ჩაესმა:

Emancipate yourselves from mental slavery;
None but ourselves can free our mind.
Wo! Have no fear for atomic energy,
‘Cause none of them—a can—a stop—a the time.

Bob Marley/ Redemption song



სხენების გაშვება

I გაკვეთილი: ჩვენ შეიძლება ილაპარაკოთ ხელოვნებაზე

არსებობს აუცილებელი ცოდნა და უნარები იმისთვის, რომ ხელოვნებაზე ილაპარაკო. პირველ რიგში ესაა ცოდნა სამყაროს აღსასრულზე და შეკუმშულ დროზე, მის სიმცირეზე, რომელიც უაზროს ხდის ყველა სხვა პროფესიას. დანარჩენ ხელოვნებს სჭირდებათ გარკვეული დრო და სტაბილურობა. შეკუმშული დრო აცარიელებს ყველა ჩვენს ქმედებას. აქცევს მას ნულოვან ნიშნებად, რომლებიც მხოლოდ მოახლოებული აღსასრულის მანიშნებლები არიან. ჩვენი ყველა ნაბიჯი იმ დროის არარსებობას გვიჩვენებს, რომელიც მთავარის დასაანახად შეიძლება გვექონოდა. შესაძლოა, თანამედროვეობაში ხელოვნებას აღარ შეუძლია თქვას რამე ჭეშმარიტი სამყაროს შესახებ, მაგრამ მას აქვს რაღაც სათქმელი თანამედროვე სამყაროზე: მას შეუძლია, აჩვენოს სამყაროს გარდამავალი ხასიათი, მასში დროის უკმარისობა და ასევე იცის, თუ როგორ უნდა გადაილახოს ეს დროის უკმარისობა სუსტი მინიმალური შესტების მეშვეობით, რომელსაც ძალიან ცოტა დრო სჭირდება ან სულაც არ სჭირდება დრო. "რატომ არ მისმენ?" გავიგონე ბრაზიანის ხმა და თავი ავწიე. ნაშთი პირდაპირ თვალეში მიყურებდა. შიშისაგან ბოლო თეთრებით ნაყიდი კევი ჩავყლაპე, რომელიც ერთი წამის წინ დავიდე ენაზე. წესიერად გემოც ვერ გავუგე, მგონი მარწყვის იყო.

II გაკვეთილი: სადაც იწყება ნაშთის სწავლიანი ანაბავი, მანამ მოთხრობა სხვა რამეზეა

ცხენები ბრძოლით მოვიპოვეთ, მაგრამ ჯერ ნაშთის ისტორიაა მოსაყოლი. იმ დროსაც კი, როცა უკვე თითქმის ხმამაღლა ვაგინებდით, ნაშთის დანახვაზე ზურგზე ისევ იმ ცივ კედელს ვგრძნობდი, რომელსაც ადრე ვეკვროდი მისი გამოჩენისას. ასეთი წესი იყო და მასწავლებლებმა დაგვავალეს შესრულება. დირექტორი როცა დერეფანში მოდის დაჭერობანას თამაში უნდა შეწყვიტო და კედელთან დადგე.

ნაშთი გიმნაზიის დირექტორი იყო მაშინ, როცა მამა სწავლობდა სკოლაში, შეიძლება ბაბუას დროსაც. ქართულ ლიტერატურას და ხელოვნებას ასწავლიდა. მის გაკვეთილზე სასტიკად გვეკრძალებოდა თავის ხელზე ჩამოყრდნობა. მერხზე დადებაც, რა თქმა უნდა. წარმოსადგენად დიდი არაფერი სირთულეა, მაგრამ როცა იცი, რომ თავის ჩამოდება აკრძალული გაქვს საშინლად გიმძიმდება, ფიქრობ, რომ სადაცაა კისერი მოგტყდება. უფრო კისრის მომგრები იყო ნაშთის იგავები, რომელსაც ყველა გაკვეთილზე გვიყვებოდა.

ერთ წელსაც ჩვენს სკოლაში რეფორმები დაიწყო. მოიტანეს ფერადი პუფები დერეფანში დასაწყობად და შეცვალეს დირექტორი. ჩავთვალეთ, რომ ნაშთს საბოლოოდ დავემშვიდობეთ, მაგრამ ორი თვის შემდეგ მთავარ კართან დაგვხვდა. მეათე კლასელებს

ტუქსავდა და გარეთ არ უშვებდა. ისინი ჯიუტად უმეორებდნენ, რომ მასწავლებელმა გაგვიშვა, გვიცდებოდა ქიმიო. ნაშთი კი არ უჯერებდა.

ცხენების ამბავი სულ რომ არ დამავიწყდეს მოკლედ გეტყვით: დირექტორობიდან გადაყენებული ნაშთი სკოლაში სამეურნეო ნაწილის გამგედ დარჩა, არც არაფერი ევალებოდა იჯდა კართან, მოსწავლეები რომ არ გააპარულიყვნენ.

– კარის კაცი არ მიშვებს – უთხრა მეათე კლასელმა „ქიმიას“. შოთა მასწავლებელი – შეუსწორა მასწავლებელმა. კარის კაცია ეგ – და-აზუსტა მეათე კლასელმა.

– წადი რა, რით ვეღარ მოგიშორეთ – უყვირა ჩემმა კლასელმა.

– მოსაფსმელად მაინც არ გინდება გასვლა? – მეთორმეტე კლასელებმა კითხეს.

ამ სკოლაზე როგორ ვილაპარაკო, მმ...მ... – თქვა ნაშთმა მეთორმეტე კლასელების გამოსამშვიდობებელ საღამოზე, სადაც თვითონ მოითხოვა სიტყვა, მაგრამ ვერაფერს მოაბა თავი.

– პენსიაზე უნდა გასულიყო – ქიმიის მასწავლებელი.

– ამდენი წელი ამ სკოლის დირექტორი იყო და ორი სიტყვა არ უნდა ეთქვა? ბოლძიანი კაცი ყოფილა – ქართულის მასწავლებელი.

– თვითონაც თავს იტანჯავს და ჩვენც, აქ ყოფნით – ახალი დირექტორი.

– კვერცხები ხო არ დაგეჭყეჭყა? – ჩემი კლასელი ზაზა.

ზაზას კითხვა ნაშთმა გაიგონა, მაგრამ არ შეუმჩნევია, სხვა ფრაზები მის ზურგსუკან ითქვა და ისინი მით უმეტეს არაფრად ჩაუგდია.

ნაშთს რომ პატივს აღარავინ სცემდა შეიძლება მხოლოდ დაქვეითების ბრალი არ იყო. ისედაც უსიამოვნო შესახედი გახდა. ადრე ძალიან ცოტას ლაპარაკობდა ან ისეთ თემებზე, რომელიც გვაბნევდა. ჩუმად და მოკლედ გასცემდა მითითებებს და მთელი დღე ოთახში მუშაობდა, წერდა და კითხულობდა. დაქვეითების შემდეგ უფრო მეტი ლაპარაკი უწევდა და ისეთი შთაბეჭდილება მრჩებოდა, რომ არ იცოდა როგორ. ხმას აუწია და სკოლის თეატრის, ახალბედა მსახიობივით ხელოვნურად ლაპარაკობდა, შესამჩნევად ყალბი უესტებით. რაც არ უნდა ეთქვა, იფიქრებდი ან გატყუებს ან სისულელეს ამბობსო.

იჯდა კართან გაკვეთილების დამთავრებამდე და მუდმივად ხან მასწავლებლებს ელაპარაკებოდა, ხან მოსწავლეებს. თავიდან მეჩვენებოდა, რომ არ სწყინდა მწარე სიტყვები, მეგონა, რომ ის

უბრალოდ მიეჩვია სკოლას, მის ადგილს და არ შეეძლო წასვლა, მაგრამ მალე აფეთქების დრო მოვიდა.

ქართულის მასწავლებელი სულ უბრალო რაღაცაზე გაუბრაზდა კართან მდგარ ნაშთს, რომელიც ხმის გაცემასაც არ აპირებდა, მაგრამ ქართულის მასწავლებელმა უფრო სხვების გასაგონად ხმამაღლა იყვირა, ისე რომ კითხვითი ინტონაციის მიცემაც ვერ მოახერხა: ეს გადმონაშთი როდემდე უნდა იდგეს აქ!

გაბრაზებული ნაშთი სამასწავლებლოში შევიდა, ყველა მასწავლებელი და დირექტორიც ერთად შეკრიბა და გრძელი სიტყვა წარმოთქვა, იმაზე რისიც სჯეროდა. ვერავინ გაიგო. სამაგიეროდ იმდენჯერ ახსენა სიტყვა ნაშთი, რომელსაც შენახვის საპირისპიროდ და მასთან ერთიანობაში განიხილავდა, რომ ამ გამოსვლიდან ორი რამ მიიღო. იმ დღის მერე დაცინვით ყველა უკვე ნაშთას ეძახდა და მეორე დირექტორმა ცალკე გაიყვანა და რაღაც ახალ პოზიციაზე გადაყვანას დაჰპირდა.

ნაშთი ძალიან ნერვიულობდა და ახალი დირექტორის სიტყვებმა ცოტა გაახარა, მოეჩვენა რომ ის უფრო ცოცხალი თვალებით უსმენდა. სხვების უაზრო თვალების ზემოთ აპყრობას ჯობდა მაინც. გამოსვლამდე ორი სიტყვა კიდევ თქვა: განვითარება ძველის უარყოფის გარეშე შეუძლებელია, მაგრამ რაიმეს მოხსნა არ ნიშნავს რაიმეს უნაშთოდ მოსპობას უკვალოდ გაქრობას. აბსოლუტური მოხსნა არაფერია თუ არა მოხსნილის გადასვლა არარაობაში, რაც თავისთავად შეუძლებელია და ბუნების კანონებს ეწინააღმდეგება. ეს რომც შესაძლებელი იყოს, მაშინ ეს ფაქტი მაინც რეგრესული იქნებოდა. შეწყვეტდა განვითარებას, პროგრესს, ძველის უარყოფა, მოხსნა გულისხმობს მისი დადებითი შინაარსის შენარჩუნებას. მოხსნა შენარჩუნებაში გადადის.

ნაშთი ანთებული თვალებით ლაპარაკობდა, ერთი წამით იფიქრა რომ ახალი დირექტორი მიხვდა მის სათქმელს, მაგრამ უცებ სირცხვილისგან მთელი სახე დაეწვა, გაიაზრა, რომ როცა სიტყვა მოხსნას ახსენებდა დირექტორი ამას იგებდა, როგორც თანამდებობიდან მოხსნას, კიდევ დააკვირდა და საბოლოოდ დარწმუნდა, რომ ახალი დირექტორი სულელად მიიჩნევდა, რომელიც თანამდებობიდან მოხსნაზე მისსავე შემცვლელს ეწუწუნებოდა. ერჩინა იქვე მომკვდარიყო, ჩქარი ნაბიჯით კარისკენ გაიქცა.

იმას რაც წლების მანძილზე შევქმენით ნაშთად ნუ გადააქცევ, დამახსოვრე, შეინახე. ბოლოს ამის თქმა მაინც მოახერხა, პასუხს აღარ დალოდებია. კიბეებზე კი თავისი ყალბი პათეტიკით ჩაილაპარაკა: რაც შეეძლება მე, მართლაც ნაშთად ვიქცეი.

III ბაკვეთილი: საღაოს ნათება მოგვიყვას აბაჰვი, როგორც ავანგარდული ხელოვნების გამოყენება შუამთხვა

სად წავიდა ის ხალხი, რომელიც “შავი კვადრატის” დანახვისას გულწრფელად იკითხავდა: ჯანდაბა, ამას ხომ ბავშვიც დახატავდა? წარსულში ასეთი ადამიანები ჯერ კიდევ არსებობდნენ.

მაშინ, როცა საბჭოთა კავშირის მოქალაქეები ვიყავით, სხვადასხვა რესპუბლიკის წარმომადგენელი მასწავლებლები გამოფენაზე წავედით. ჩემს ჯგუფში სულ ექვსნი ვიყავით. ერთ-ერთი რესპუბლიკის წარმომადგენელმა, ალბათ შუა აზიიდან იყო, სწორედ ეს გულწრფელი კითხვა დასვა. რამაც ჩემი პანიკა გამოიწვია. უკრაინელმა მასწავლებელმა მაშინვე თვალის ცეცება დაიწყო და რუსი იპოვა და შეთქმულივით გაუღიმა, მერე კი ისე შვებით ამოისუნთქა ლამის სული ამოაყოლა. ბელორუსმაც დაიწყო თვალის ცეცება და მე გამიღიმა. სამივემ კი ერთმანეთს. სომეხს გაუჭირდა შეთქმულის თვალის პოვნა და როცა დანარჩენებს შემოგვხვდა უკვე იმდენად დაზაფრული იყო ძლივს გაიღიმა. მანაც ამოისუნთქა. ეს ყველაფერი სულ რამდენიმე წამი გაგრძელდა და ერთ-ერთმა მასწავლებელმა ვერავისთვის გაღიმა ვერ მოასწრო.

საღამოს კი ჩემთან მოვიდა ნომერში. მელაპარაკა რუსთაველებზე, ქართულ ლვინოზე, ფიროსმანზეც და წასვლის წინ სევდიანად ჩამწურჩულა: ის შუაზიელი როგორი ბრიყვია, არა?

ახლა ასეთ კითხვას არავინ არ სვამს. მას შემდეგ რაც ეს ხელოვნება ელიტარული გახდა.

არადა, ეს შეკითხვა ყველაზე მნიშვნელოვანია და თუ ოდესმე ჩუმიად მაინც არ დაუსვი საკუთარ თავს, ე.ი არც არაფერი გინახავს. ჩვენ გაგების ნაცვლად, შეთქმულება დავგვამეთ. კითხვების ნაცვლად დათქმები მოვიმარჯვეთ.

სწორედ ამ კითხვით შეიძლება “შავი კვადრატის” ავტორის, თვით-გაქრობის გაგება. თუ კი ვერ აფასებ ბავშვის ნახატებს, შეუძლებელია ამ ნაწარმოების გაგება.

მათ ვინც ცცადეს, რომ ყველა ადამიანი ყოფილიყო ხელოვანი და შეექმნათ ყველაზე დემოკრატიული ხელოვნება, ნაწარმოები ყველასთვის, საბოლოოდ საპირისპირო შედეგი მიიღეს. მათი შემოქმედება დღეს არსებობს მხოლოდ ელიტებისთვის.

IV ბაკვეთილი: კანაგა

რაგბი უნდა გვეთამაშა და გამარჯვებულები ცხენებს მივიღებდით. სასწაული იყო, წარმოიდგინე, მერვე კლასში ხარ და შენი ცხენი გეყოლება, რამდენსაც გინდა აქტენებ. პირობები ნაშთმა გაგვაცნო ფიზიკულტურის მასწავლებელთან ერთად.



ხუთი ვიყავით და რაგბის თამაშის თითქმის არაფერი გავგეგებოდა, მაგრამ არც ბევრი წესი იყო ჩვენთვის. ფიზიკულტურის მასწავლებელმა აგვისხნა, რომ წინ პასი არ შეიძლებოდა. დანარჩენი კი მოხერხების ამბავი იყო. ბურთს ჩაბლუჯავდი და წინ ვინც შეგხვდებოდა უნდა მორეოდი. ჯერ ჩვენი პარალელ კლასელები დავნაყეთ, მერე ჩვენი კლასის მეორე გუნდი და ფინალში მეცხრე კლასელებიც ზემოდან მივაცოლეთ. მეორე დღეს ნაშთმა ავტობუსში ჩავსვა ხუთივე და ქალაქგარეთ იპოდრომზე წავიყვანა. ავტობუსის გაჩერებიდან ცოტა ფეხით ვიარეთ და ცხენები გავაცანეს.

ჩემი წინწკლებიანი იყო და კარამელი ერქვა. ოლონდ ცხენების ამბავი მთლად ისე გამოვიდა, როგორც ჩვენ გვინდოდა. მხოლოდ ინსტრუქტორის თანდასწრებით შეიძლებოდა. ერთმა ჩემმა კლასელმა საღამოს სერიოზული სახით კითხა ნაშთს. სახლში რა ვაჭამოო. ნაშთმა და ინსტრუქტორმა აგვისხნეს, რომ ჯერ ცხენებს შინ ვერ წავიყვანდით, რადგან პატარები ვიყავით, მაგრამ ოდესმე აუცილებლად შეგვეძლებოდა მათი წაყვანა. ცხენები თქვენია, სადაც გინდა წაიყვანო როცა ამის დრო მოვა. მე კარამელს მაგრად ჩავებუტე. ჩემია და როცა დრო მოვა, სადაც მინდა წაიყვან, ვუთხარი და ერთხელ კიდევ გავაჭენე.

საღამოს მეგინიებებთან ერთად ცხენებს ვაჭამეთ თან კრიტიკული შეკითხვებიც დავსვით იმის შესამოწმებლად რამდენად კარგად უვლიდნენ ცხენებს.

იმ დღის მერე ყოველ შაბათ-კვირას მთელი მათი იპოდრომზე მივდიოდით ცხენებთან. მათთან ერთად გადავიღეთ ფოტოები და საკლასო ოთახში გამოვაკარით. კარამელზე ვლაპარაკობდი მაშინ როცა გაკვეთილზე ვიჯექი, სკოლის ეზოში, სახლში. მარტო როცა ვრჩებოდი კარამელს ვხატავდი. ორ კვირაში ჩხუბი მოგვივიდა სხვა სკოლელებთან. საქმე ისე წავიდა, რომ უქვეყლად ერთმანეთი უნდა

მიგენაყა და სკოლიდან შორს ქალაქგარეთ, ტყისკენ წავედით. ზაზას ცხვირიდან სისხლი წამოუვიდა, მე თვალი მქონდა ჩალურჯებული ისინიც რა თქმა უნდა უფრო ცუდ დღეში იყვნენ. ჩხუბს რომ მოვრჩით ტყიდან ისევ ქალაქისკენ დაუყევით. თავიდან ჯგუფებად ვიყავით გაყოფილი ისინი გზის მარჯვენა მხარზე ჩვენ მარცხნივ. ქალაქის შემოსასვლელისკენ გზა დავიწროვდა და იმათ წამოვწეით. ცხენი გყოლია? – ვკითხე ერთ–ერთს. იმან ეგრევე მუშტი შეკრა და კბილებში მომაღო. კიდევ ვიჩხუბეთ. ამჯერად ვეღარ გავარკვიეთ ვინ მოერია.

მაისის ბოლოს დათქმულ დროს ნაშთმა ისევ წაგვიყვანა იპოდრომზე. მაგ დროისთვის უკვე დამოუკიდებლად ვაჭენებდით, ინსტრუქტორი მომწოდებდა იდგა და ყურადღებას ალაც გვაქცევდა. როცა მოსალამოვდა ნაშთმა ყველას დაგვიძახა და უცნაური ლაპარაკი დაიწყო.

– ასე გადაწყდა, რომ ცხენები დედაქალაქის მთავარ იპოდრომზე უნდა გადაიყვანონ – გვითხრა და გამომცდელი სახით შემოგვხედა ყველას.

თავიდან ვერ გავიგეთ და ცოტახანი ჩუმად ვიყავით, მერე ყველამ ერთად ვკითხეთ: რამდენი ხნით?

– ცხენები უკვე წამოიზარდნენ და როგორც წესია, ახლა მთავარ იპოდრომზე იცხოვრებენ.

– მოიცა ჩვენი ცხენები რატომ უნდა წაიყვანონ? – ვკითხე მე

– აკი, თქვენია და... – ჩაერთო ზაზა

– კარამელი ძალიან მიყვარს, ვერ წაიყვანთ–შევეცადე ძალიან მკაცრი ხმით მეთქვა, მაგრამ ისე საწყყლად გამომივიდა შემრცხვა.

– თუ კარამელი შენი აღარ იქნება, აღარ გეყვარება? – მკითხა ნაშთმა.

ეგ კისრის მოსაგრები კითხვა არ იკმარა და იქვე ბალახზე ჩამოჯდა და ჩვენთვის ძალიან უსიამოვნო ლაპარაკი დაიწყო. ისეთი ტონი ჰქონდა, თავიდანვე მივხვდი, რომ ცხენებს წაგვართმევდნენ, მაგრამ სხვა რა გზა იყო და როგორც შემეძლო მშვიდად ვუსმენდი.

ძვირფასი ქვებით მოვაჭრე – დაიწყო ნაშთმა – მხოლოდ ამ ქვის ღირებულებას ხედავს, მართალია მას შეუძლია მისი ფასი ან მნიშვნელობა სხვა ათას ქვაში გამოიცნოს, მაგრამ მას არ შეუძლია ამ ქვის სილამაზე დაინახოს. საგნებისადმი ასეთმა დამოკიდებულებამ ისეთ სულელებად გვაქცია, რომ რაიმე მხოლოდ მაშინ არის ჩვენი, როცა მას ვეუფლებით, როცა ის მხოლოდ ჩვენთვის არსებობს. ნივთებს ვიყენებთ სხვადასხვა აუცილებლობისთვის ან გართობისთვის, ვჭამთ, ვსვამთ, ვატარებთ სხეულზე, ვცხოვრობთ მასში. ერთი სიტყვით, როცა მას მოვიხმართ. ასე ჩვენ ვკარგავთ ყველა გრძნობას და მათ ადგილს მხოლოდ ფლობის სურვილი იკავებს.

გვეგონა ნაშთის ამბავი კიდევ გავრძელებოდა. ის ქვებით მოვაჭრე, რაღაც ხათაბალაში გაეხვეოდა და მერე რაღაცას აღმოაჩენდა,

მოკლედ რაიმე იგავის მსგავს ველოდით, როგორც სწევოდა ხოლმე, მაგრამ ამით დაამთავრა.

– კარამელი ნივთი არაა! თითქმის ვუყვირე.

– მაშინ რატომაა აუცილებელი, რომ შენ გეკუთვნოდეს, იმისთვის რომ გიყვარდეს?

ნაშთის ნათქვამზე აღარ ვფიქრობდით, ერთმანეთს ვუყურებდით და ვცდილობდით რამე მოგვეფიქრებინა. ისეთი სულელური ვერსიები მომდიოდა თავში, რომ ჩემ უტვინობაზე ვბრაზდებოდი. ფაქტი ერთი იყო – ამ ბრძნული ლაპარაკით ცხენებს ვერ დაგვათმობინებდნენ.

ნაშთმა ამჯერად უკვე ყველას გვკითხა: როცა ცხენებს წაიყვანენ აღარ გეყვარებათ?

ჩვენი ცხენებია და არსად გავუშვებთ – ვთქვით და მე კარამელთან მივედი და ჩავხუტე.

ზაზა უფრო გაბრაზებული იყო და მკაცრად თქვა: მამას ვეტყვი, რომ ცხენებს გვართმევთ. სხვებმაც მხარი აუბეს. მოლაპარაკების გაგრძელებას აღარ ვაპირებდით. მშობლებს ვეტყოდით, რომ ჩვენ ცხენებს უსამართლოდ გვართმევდნენ და ისინი რამეს მოიფიქრებდნენ.

იპოდრომიდან ისე წამოვედით, რომ ნაშთისთვის ხმა არ გავციცია. არც ავტობუსში ავსულვართ და სირბილით დაუყევით ქალაქისკენ. ნაშთმა ერთი შემოგვძახა, მაგრამ მეორედ აღარ უცდია. უკვე ქალაქში ვიყავით თითქმის ავტობუსი რომ წამოგვეწია. ფანჯრებში ვეძებდი, მაგრამ თვალი აღარ მომიკრავს. სახლში მოსულბებს მშობლებმა აგვისხნეს, რომ ცხენები რა თქმა უნდა, ჩვენი არც არასოდეს ყოფილა. ნაშთმა მთელი თვეების ხელფასი დაახარჯა მის მეზობელ ინსტრუქტორს ამ წარმოდგენის მოწყობაში. მე ხმა ჩამივარდა, რა ჯანდაბაში დაჭირდა ჩვენი მოტყუება ვერ ვიგებდი და მის დასჯაზე ვფიქრობდი. მერე მამაჩემმა დამცინა, მე მეგონა, ხვდებოდი რაშიც იყო საქმე, უკვე დიდი ხარო. მაშინ შემრცხვა და დასჯა გადავიფიქრე, თუმცა იმის შემდეგ ნაშთი სკოლაში აღარც გამოჩენილა.

მეორე დღეს ბიჭებს ვუთხარი, რომ ვხვდებოდი რომ რაგბში გამარჯვებისთვის ცხენებს არავინ გვარჩუქებდა. ეგ ჩვენც კარგად ვიცოდით–მიპასუხეს და იმის მერე ცხენებზე აღარ გვილაპარაკია. იმ ღამით არ დამეძინა და ვნატრობდი იმ დღეს იპოდრომზე სხვა ბიჭები არ ყოფილიყვნენ, მაშინ იქნებ თავს მოვრეოდი და კარამელი გამეშვა. ასე ვერასოდეს გავიგებდი, რომ ის სინამდვილეში ჩემი ცხენი არასოდეს ყოფილა.

